

1
SANDWICH ISLANDS

2nd ed. 1827

12
3 Q
31

NAZIONALE
BIBLIOTECA
VITT. EMANUELE
55
2E
26
ROMA

73.7.2.

15
P
9

12
16
6
1





ANTONII PORTI
FIRMANI,
SIXTI QVINT
PONT. MAX.

MEDICI A CVRA SECRETA,
De Peste Libri tres.

DE MORBILLIS LIBER VNVS.
recenter recogniti & copiosius aucti.



Ex Libris



Mani Gualdi



R O M A E,
Apud Dominicum Basam. M. D. LXXXIX.

IT

ILLVSTR.^{MO} ET REVER.^{MO} D.
ALEXANDRO PERETTO
S.R.E. Cardinali amplissimo.



ANTONIUS PORTVS. S. P. D.



AMPRIDEM ea cupiditate exarsti, Cardinalis Amplissime, ut aliquid scilicet agerem, unde mea erga amplitudinem tuam obseruantia clarius appareret. Hocq. indies ardentius concupiui, quo me crebrioribus eiusmodi beneficys ornaſti, ut licet liberos, fortunasq. meas omnes voueam, nondum tamen officio meo ſatisfacere videor. Dum vero hoc animo cogitabam, liber, quem de Peſte & Variolis ſcriptum edideram, occurrit. Quare ex inſtituto meo facturum exiſtimaui, ſi recepta iam conſuetudine cum amplissimo nomini tuo dicarem. Tibi, inquam, dicarem, qui eſſi etate etiam repugnante grauiffimarum rerum curis, quod mirum profeſto eſt, adeo diſtentus es, ut arduis diſciplinis, uti ex animo eſſet,

commodus vacandi locus non datur . Ita tamen in illis , quas surripis negocijs profecisse videris , ut nemo sit , qui curis non ita obrutum , longe maioribus , difficilioribusq. aptissimum tuum non putet ingenium , in illisq. maxime profecturum speret . Ad excudendum vero rursus lucubrationes meas me impulit , quòd fructuosiores nunc , quàm antea fore existimaui . Adeo enim elucubratae sunt , ut nouum opus videantur ; diligentius enim emendatae , & capitibus duodecim aucta prodibunt . Ea vero quae in his legentur ad multarum rerum cognitionem assequendam , & veritatis , quae hactenus latebat , adiutum indicabunt . Non enim hac in re eos probaui , qui aliorum opinionibus adeo addicti sunt ipsis , ac si ab aliquo oraculo eas acceperissent , adherent , ut rerum causas ulterius indagare , atque inquirere negligant . Ego vero dedi operam quantum in me fuit , ut rerum ferme omnium quas adieci causas , illasq. proprias inquirerem , & declararem . Et quoniam hic multa noua tractantur , quae nisi magno aliquo defendantur patrocinio , vix ab inuidorum lacerantium caninis , ut aiunt , dentibus vindicaturum me sperem . Propterea ut hoc opus amplissimum nomen tuum praeserret , decreui , quo velut clypeo , illoq. forti munitum , omnium inuidorum tela despiceret , atque repelleret . In quo eo
usus

usus fui dicendi genere , quod necessarium existimaui . Oratio enim ita perspicua est , ut neminem sua difficultate torqueat . Ita opinor pura , ut neminem , nisi paulo delictiorem offendat . Ita ordinata , ut a via auertere difficillimum sit . Reliquum est , Cardinalis Amplissime , ut hoc de Peste , & Variolis munusculum hilari fronte suscipias , quod & meam erga te summam obseruantiam , & publica utilitatis ardentissimam cupiditatem perpetuo testabitur . Quod etiam in posterum mei , & familia de Portis erga te obsequij pignus manifestissimum erit . Interea vero Deum Optimum Maximum deprecabor , ut te , & SIXTVM QVINTVM magnum Auunculum tuum , quem optimum in charitate patrem , & summum Dominum perpetuo expertus sum , prospere , & quàm diutissime conseruet . Vale .

AD LECTOREM.

TENEBAR equidem desiderio ardentissimo, benigne Lector, vt hic de Peste, & Variolis liber diurno confectus studio, nocturnaq. elaboratus vigilia, typis tradendus curaretur. Non tamen erat mihi in animo, vt quem bene recognitum cupiebam, mendosus, & adulteratus videretur. Cum igitur de huius libri proba editione cogitarem: Bernardus Iunta typographus, Romam petens, vbi mala nescio qua valetudine oppressus, a me sanari cupiens, me adiuit, factusq. voti compos, cum labor hic meus hac data occasione sanitatis restitutæ ei non esset absconditus: summopere efflagitauit, vt suis eum typis mandandum permitterem. Mihiq. recusanti, cum nondum eum esse recognitum responderem, pollicitus est, se, excellentis cuiusdam viri, cuius opera quotidiana pari occasione Venetijs utebatur, facturum, vt eius diligentia liber hic probe correctus, emendatusq. prodiret. Cum vero Venetias delatus præcipuum typographiæ socium obijisse cognosceret, typographiæ, vt solet, occupatione dispartiendæ detentus, & cum minime recognoscendum curauit, & mendosum alijs excudendum concessit: Itaque, quem typis dari maximopere cupiebam, ille idem legenti mihi molestiam, & nauseam tulit non mediocrem. Quamobrem, Lector optime, te monendum existimaui, si quæ in hac postrema editione immutata reperies, ne mireris: Quandoquidem eam diligentiam, qua Iunta ipse se vsurum promiserat, longe superare, nedum æquare conatus sum, & duodecim præterea capitula adieci, quæ antea desiderabantur. Te igitur rogatum velim, vt ea omnia, quæ in hoc opere legentur, æquo animo æstimes: si autem quidquam erit, in quo tibi satisfecisse videar, soli Deo bonorum omnium auctori habenda est gratia: sin vero secus acciderit, ea saltem de causa laborem meum probatum iri confido, quòd alijs ad veritatem penitius inuestigandam innuerim

innuerim aditum, atque amplius quàm ego processerim pro-
 grediendi ardorem iniecerim. Vale, & si nucleum, vt est in
 Adagijs, hac in re tibi non attigisse videar, hoc tibi negotium
 suscipe, & quæ a me in hanc sententiam dicta sunt, pro ratio-
 nis, ac veritatis tutela, & experientiæ assiduitate tueri ne gra-
 ueris. Iterum Vale.



[Faint, illegible text in two columns, likely bleed-through from the reverse side of the page.]

INDEX

CAPITVM TOTIVS OPERIS,

ET PRIMO LIBRI PRIMI.



RAEFATIO.

De pestis nominib. cap. j.
 Quot sunt genera mor-
 borum. cap. ij.
 Pestis genus dilucida-
 tur, dum an sine febre
 sit interdum quæritur. cap. iij.
 Pestis definitio proponitur. cap. iiij.
 Contagium quid sit, a quibus causis
 fiat, & quoruplex sit explicatur.
 cap. v.
 De contagio per contactum. cap. vj.
 De cōtagio, quod fomite afficit. cap. vij.
 De contagio ad distans. cap. viij.
 Quo modo febris pestilens ab alijs pu-
 tridis differat. cap. ix.
 Quæ pestilentem febrem, a diarijs dif-
 ferre faciant. cap. x.
 Quo modo pestilens bestica dicatur.
 cap. xj.
 Quo modo cor per essentiã ægrotat, &
 quo modo putrescat, & quòd ab eius
 putrefactione ita cita mors non oria-
 tur. cap. xij.
 Quot sint calores, quo modo inter se
 differant, quòd eorum subiectum
 sit, & primum Aristotelis senten-
 tia proponitur. cap. xiiij.
 Ex Averroë de calore. cap. xiiij.
 Quid senseris de calore Hippocrates.
 cap. xv.
 De calore ex Galeno. cap. xvj.
 Quid senseris de calore Conciliator.
 cap. xvij.

Quòd calor celestis, elementaris, in-
 natus, vel naturalis, influens, com-
 plexionalis, & præternaturalis ra-
 tione tantum, & non specie diffe-
 rût, ut multi putauerût. cap. xvij.
 Examinatur dictum Galeni: Si putri-
 dus calor magis ad humores, quos
 continent cordis sinus, quàm ad cor-
 pus visceris deflexerit, ægrorum
 plurimi euadere potuerunt. In quo
 tam caloris naturalis, quàm præter-
 naturalis latitudo detegitur. c. xix.
 Quot sint pestis causæ, & primo de ex-
 trinsecis, & de his, qui in Deum
 omnem causam reiecerunt, inter
 quos quid senserint gentes expla-
 natur. cap. xx.
 Quòd in lege veteri, & in noua, e sub-
 limi, & a Deo glorioso gladius, fa-
 mes, & pestis in homines ut fla-
 gellum irruerint. cap. xxj.
 De pestis causis secundum Astrolo-
 gos. cap. xxij.
 An accidentium, quæ in sublunari
 mundo sunt, & præcipue pestis
 corpora celestia causa existant: &
 quare magis vnus, quàm alter lo-
 cus, similiter magis homines, quàm
 bruta, vel e contra magis bruta,
 quàm homines peste corripiantur.
 cap. xxiiij.
 Quo modo quæ in sublimi, igneaq. re-
 gione sunt, pestis causa existant.
 cap. xxiiij.

Quo modo

Quo modo aer secundum philosophos pestem causet. cap.xxv.

Pestis causa extrinseca secundum medicos explanatur. cap.xxvj.

Utrum aer putredine concipiat. c.xxvij.

Cause interna pestis examinantur. cap.xxviij.

Signa pestem precedentia exarantur. cap.xxix.

De signis pestem presentem ostendentibus. cap.xxx.

Quo tempore pestis magis mortales inuadat. cap.xxxj.

Qua corpora, & quæ aetates pestem magis timere debeant. cap.xxxij.

Capita secundi libri.

Prefatio.

Quo modo pestis per causarum amputationem euitari possit, & quid pro earum remotione Principes, & Ciuitatum Rectores agere teneantur. cap.j.

De corporum aduersus pestem cultura, & de sex rerum non naturalium usu, & primo de aere. cap.ij.

Qui cibi eligendi sint, ut a peste cauere valeamus, & primo panis elicitur. cap.iiij.

Carnes longo usu comprobatae. cap.iiij.

Oua prestantiora, & parandi modus. cap.v.

De lacte, & his, quæ e lacte fiunt. cap.vj.

Qui pisces concedi possint. cap.vij.

De oleribus. cap.vij.

Legumina. cap.ix.

Acetaria. cap.x.

Sapores, & condimenta. cap.xj.

Liquores, & succi, qui in mensam veniunt. cap.xij.

De serculis. cap.xij.

Pulcres, & aromata. cap.xiiij.

De pulmento testaceo, vulgo torta appellato. cap.xv.

De alliorum, & caparum usu contra pestem. cap.xvj.

De fructibus. cap.xvij.

De vino, & alijs potionibus, ad vitandam pestem idoneis. cap.xvij.

De aqua. cap.xix.

De aceto. cap.xx.

De potibus medicatis. cap.xxj.

Canones, & regulæ circa cibum, & potum seruandæ. cap.xxij.

De somno, & vigilia. cap.xxiiij.

De motu, & quiete. cap.xxiiij.

De animæ perturbationibus, & accidentibus. cap.xxv.

De venere. cap.xxvj.

De inanitione, & repletione. c. xxvij.

De venæ sectione. cap.xxviij.

De purgatione. cap.xxix.

De pharmacis bilem tum purgantibus, tum præparantibus. cap. xxx.

De præparanda, & minuenda pituita. cap. xxxj.

De his, quæ melancoliam præparant, & educunt. cap. xxxij.

De his quæ salsam pituitam minuunt, præparant, & educunt. cap. xxxiiij.

De his, quæ clysteribus insunduntur. cap. xxxiiij.

De glandibus. cap. xxxv.

De vomitu. cap. xxxvj.

De canterijs ex Albucasi. cap. xxxviij.

De bezabardicis medicamentis, & alexipharmacis simplicibus ore sumendis. cap. xxxviij.

De antidotis. Antidotus de ovo. Antidotus æstate salutaris. Antidotus hieme utilis. Antidotus vere, & autumno exhibenda, quæ longo est usu comprobata. Antidotus alia contra pestem, cuius descriptio ducantis quingentis consistit. Antidotus mi-

ra pote-

re potestatis aduersus omnia venena, & pestem, quæ antidotus antidotorum vocatur. cap. xxxix.
 Vtrum lapides pretiosi efficiendi vim habeant: quo modo agant, & an virtus illorū aliquando deficiat. cap. xl.
 Syrupus contra pestem, & longo vsu comprobatus. cap. xli.
 De liquoribus chymicis, qui in peste salutares habentur. cap. xlii.
 De pilulis contra pestem. cap. xliii.
 De pulueribus, & aliis quibusdam pro cauenda peste salutaribus. cap. xliii.
 De conditis. cap. xlv.
 De oleis. cap. xlvj.
 Cordiales pulueres, ex quibus sacculi ad cordis tutelam conficiuntur. cap. xlvij.
 De offellis ex arsenico, quæ cordi impostæ gestantur. cap. xlviii.
 Quo modo sacculi, vel offellæ ex puluere buffonis, vel risagalli, & arsenici, cum venena sint, cordi impostæ, a peste tueri possint: & quo modo virulente bestiolæ, quæ morsu eneant, morsibus impostæ sanare valeant. cap. xlix.
 Pilæ manibus gestatæ. cap. l.
 Olea, quibus cor, & pulsus inunguntur contra pestem. cap. li.
 Quomodo ceteræ corporis partes muniendæ. cap. lij.

Capita tertij Libri.

Prefatio.
 De signis prognosticis. cap. j.
 De Principum, & Magistratuum, in curatione pestilentie partibus, & officio, deq. ministrorum delectu. cap. ij.
 De electione locorum. cap. iij.
 De rerum prouisione. cap. iiii.

Qui egros curant, vt sint contra pestem muniendi. cap. v.
 De hectica, & diarea curatione. cap. vi.
 A quibus sumendæ sunt vniuersales indicationes curandi febres pestilentes simpliciter putridas. cap. vii.
 De scopis priuatim habendis in curatione febris pestilentis simpliciter putridæ, deq. sectione venæ. cap. viii.
 Venæ sectionis administratio. cap. ix.
 De purgandiratione in febribus pestilentibus. cap. x.
 De his, quæ sudorem, lotium, & vomitum pronocant. cap. xj.
 De bezahardicis medicamentis. cap. xij.
 Quomodo bezahardica in venenum agant, & vtrum a non venenatis sumpta, veneni accidentia incutiāt. rursus in quibus proprietates repariantur, & quid sit proprietas exponitur. cap. xiii.
 Vtrum aliquis veneno nutriri possit: quod si nutritur, vtrum eius corpus venenosum efficiatur, sic vt morsu, aut salina, aut coitione alios interficiat. cap. xiiii.
 Probatum nullo modo hominem veneno nutriri posse. cap. xv.
 Fit satis auctoritatibus, quæ probare videntur veneno hominem nutriri posse. cap. xvj.
 De cibi offerendi ratione. cap. xvij.
 De potu. cap. xviii.
 De symptomatum curatione, quæ pestem comitari solent, & primo symptocis curatur. cap. xix.
 De dolore capitis. cap. xx.
 De capitis gravitate. cap. xxj.
 De phrenesi. cap. xxii.
 De vigiliis. cap. xxiii.
 Somni profunditas tollitur. cap. xxiiii.
 De sitis extinctione. cap. xxv.
 De scabritie linguae. cap. xxvj.

De

De nigredine lingua. cap.xxvij.
 De deiectione appetitus. cap.xxviij.
 De vomitu. cap.xxix.
 De fluxu ventris. cap.xxx.
 De singultu. cap.xxxj.
 De extremarum partium frigore.
 cap.xxxij.
 De carbunculis. cap.xxxiij.
 De bubone. cap.xxxiiij.

Capita de variolis, & morbillis
 Libri quarti.

Prefatio.

Nomina presentis morbi explican-
 tur, & vtrum morbus hic nouus sit
 disputatur. cap.j.

De natura variolarum, & morbillo-
 rum, & eorum differentia. cap.ij.

Morbillos absque febre non erumpere:
 rursus quæ nam febris sit explica-
 tur. cap. iij.

De rigoris natura, & differentiis.
 cap. iij.

Cur in variolis, & morbillis rigor non
 sentiatur. cap.v.

De causis variolarum, & morbillorum
 ex Auicenna. cap.vj.

De morbillorum, & variolarum causis
 ex Rase. cap.vij.

Opiniones ante dictæ examinantur, &
 obiter queritur, an morbilli neces-
 sario cunctos inuadant. cap.viij.

Quo modo sanguis, quo fetus in vtero
 nutritur, morbillorum causa esse pos-
 sit, quare ad senectam multoties
 protrahatur, vtrum sapius hi morbi
 redeant. cap.ix.

Excrementum sanguinis, quo fetus in
 vtero nutritur, morbillorum & va-
 riolarum causam esse non posse plu-
 ribus rationibus probatur. cap.x.

Fit satis rationibus adductis contra

auctoris sententiam, eaq; confir-
 matur. cap.xj.

De causis extrinsecis morbillorum.
 cap. xij.

Signa variolarum, & morbillorum ex
 Auicenna, & Rase. cap.xiij.

De signis prognosticis. cap.xiiij.

Quo tempore morbilli grassari soleant.
 cap.xv.

Quæ corpora, & ætates variolis, &
 morbillis magis tententur. cap.xvj.

Vtrum morbilli arte vitari possint, &
 quo modo. cap.xvij.

An materia ad aliquam partem a na-
 tura propulsa, & præcipue in mor-
 billis, retrocedere possit. cap.xviij.

Hippocratis loca conciliantur, & quo
 modo materia ab inflammata parte
 discutiatur, & quo modo in morbil-
 lis retrocedere possit, dilucidatur.
 cap. xix.

De ære morbillorum tum generationi,
 tum curationi congruo. cap.xx.

De victus ratione. cap.xxj.

De materia pharmaco minuenda.
 cap.xxij.

De minuenda materia per missionem
 sanguinis, & apparentibus morbil-
 lis, vtrum mittere sanguinem ex-
 pediat. cap.xxiiij.

Quæ ebullitionem comescunt, & fre-
 nant, & quo tempore frigida com-
 petant. cap.xxiiij.

Vtrum fotibus, & aliis topicis vocatis
 præfidiis, in exitu morbillorum vti
 expediat. cap.xxv.

Quæ morbillorum materiam, pro eo-
 rum generatione ad cutim detru-
 dant. cap.xxvj.

Ante morbillorum apparitionem quæ
 potissimum partes defendi debeant,
 & quibus symptomatibus succur-
 rendum. cap.xxviij.

Quo modo

*Quo modo conuulsionibus, & epilepsia
 occurrendum sit. cap. xxxviiij.*
De oculis custodiendis. cap. xxix.
De gula custodienda. cap. xxx.
*De naribus, & auribus custodiendis.
 cap. xxxj.*
De pulmonis tutela. cap. xxxij.
*De articulorum, & plantarum pe-
 dum tutela. cap. xxxiiij.*
*De morbillorum maturatione adiuuan-
 da. cap. xxxiiij.*
*Que morbillorum prurigini aduersan-
 tur. cap. xxxv.*
*Quo tempore morbillorum disrptionem
 moliri expediat. cap. xxxvj.*
De instrumento, & modo, quo mor-

billi rumpendi sunt. cap. xxxvij.
De morbillorum exsiccatione. cap. xxxvij.
*An in declinatione morbillorum agri
 sint expurgandi. cap. xxxix.*
*Quomodo fluxus ventris morbillos co-
 mitans curari debeat. cap. xl.*
*In morbillorum declinatione, vtrum
 agros mori contingat. cap. xlij.*
*De crustis, & squamis amouendis.
 cap. xlij.*
*De cicatricibus oculorum tollendis.
 cap. xliij.*
Cicatrices a toto demoliuntur. c. xliij.
*Quibus ortus pilorum acceleretur.
 cap. xlv.*



1

ANTONII PORTI
FIRMANI
SIXTI V. PONT. MAX.
MEDICI A CVRA SECRETA
DE PESTE LIBER PRIMVS
Quo de Pestis natura differitur.

P R A E F A T I O.



MINVM immanium, perniciosorumq. morborum, qui humana corpora inuadere, & exercere solent, cuiuscūque generis sint immanissima, perniciosissimaq. pestis existit. In ipsa enim horrendissima quęque cōtingunt, vt ex Ruffi decreto Aetius affirmavit, quam nostris calamitosis temporibus, pręter alias innumeras molestias, plurimę Ciuitates & loca experiūtur: A quarū rumore impulsus, tractatum de peste in lucem edere decreui. Quod eo libentius feci, vt loca, quę a peste correpta non sunt, ab ea se cauere; quę vero ab ea detinentur, ipsam fugare, & vincere sciant: Etsi multos etiā viros grauissimos fuisse non ignorem, qui de peste prolixa commentaria scripsere, difficileq. mihi esse ea adinuenire, quę alij non dixerint: Superfluum rursus, quę ab alijs sunt pertractata, repetere. Non propterea ab instituto destiti, sed calamo manum admoui: Enitarq. si non rerum nouitate, & inuentis facilitare, tamen & ordine has meas lucubrationes consummare: Nonnulla recitans, quę a grauissimis viris sunt pertractata, & rursus noua aliqua addens, quę tam pro dicti morbi cognitione, quā pro eius absoluta curatione vtilia valde, & salutaria comprehenduntur. Vt igitur distincto, & ordinato sermone incedamus; in quatuor partes opus totum diuidemus. In prima, quę ad pestis essentię, & ad eius caufarum, & signorum spectant cognitionem, pertractabimus. In secunda quibus ingenijs quisq. se ab ea tueri possit: Vti in tertia curandi modum perstringemus. Postremo de Variolis, & Morbillis, prout magis poterimus accurate agemus; a quid nominis pestis sumpto exordio.

DE PESTIS NOMINIBVS

CAP. I.



VARIA nomina morbus hic apud varios Scriptores sortitus est, dum hi causarum a quibus producit; hi vero effectuum ab eo manantium varietatem contemplantur. Isidorus enim 3, Etymologiarum, Contagium vocauit a contangendo, quia quem tangit, polluit, cum ab vnus contactu facillime alij inficiantur. Qui Met. 4. eiusdem cap. 6. de acutis morbis loquens, pestilentiam quasi pestilentiam appellauit, quod veluti incendium depascit. Dicitur & inguinia, ab inguinum percussione: Eadem lues a labe vocatur, vel luctu, vt plurimum enim mortales perdit, cum obfessos repente rapiat. Dicitur rursus Græco vocabulo *ἑπιδημία*, Sub quo nomine Marsilius Ficinus, & cum eo celebres viri non pauci pertractarunt; quod nomen Latine sonat: in populo. Nam etsi morbi omnes sint in populo, hic præ ceteris, quia publice grassatur a cælo, & diuinitus quasi Dei vlticis iræ minister in populum demissus, populi sibi nomen vindicauit. Dicitur tandem pestis, propria quadam denominatione, a pascio pascis; quoniam familias deuorat, ciuitates depascit, regna destruit, & deuastat; & cœu fera quædam venenata, vt dixit Galenus libro de Theriaca ad Pisonem cap. 16. non solum aliquot paucos misere perdit, sed totas ciuitates depopulatur. Hinc turbatis omnibus, confusis Magistratibus, sublatisq. ciuibus, Dei viuientis cultu ob angustias derelicto, tamquam Cadauera conspiciuntur. Cæterum quia morbi diuersorum generum sunt, antequam vltius progrediamur, eos prius diuidere operpretium duximus, vt appareat sub quo dictorum generum pestis contineatur.

Quot sunt genera Morborum.

Cap. II.

HIS de nomine pestis breuiter expositis, cum morbi multorum generum sint, eos prius partiri, & in proprias species referendos esse putauimus; vt essentia, & natura pestis clarius innotesceret. Diuiduntur itaque morbi in communes, & particulares; vt primo acut. Tex. com. 9. & primo de morb. vulg. in argumento libri, docuit Galenus: Quos morbos communes, & populares græce, *ἑπιδημία κοινά* vti particulares *ἰσχυρά* vocat, qui sparsim, priuatimq. homines apprehendunt; ij enim priuatam causam habent, prout cibis, & potibus ad eorum procreatione magis idoneis vtuntur mortales, vt in libro de Flatib. num. 7. placuit Hippocrati; quod Galenus 2. de nat. hum. com. 4. confirmauit: Quo loco non tantum a cibo, & potu fieri asserit; sed a lauaeris, exercitationibus, ocio, vigilijs, ira, mærore, refrigeratione, atq. æstu: Dicunturq. priuatim apprehendere, quia eodem

eodem tempore in eadem ciuitate morbi natura diuerſi priuato modo homines inuadunt: Cum hic lippitudine, ille podagra, tertius fluxu ventris, quartus tertiana labore; & hæc eſt morborum, qui ſparſi dicuntur, natura: Præter quos datur alterum genus, communium videlicet morborum, quorum forma duplex eſt. Nam aut vnā ciuitatem priuata ratione occupat, & *ἰσθμίου* id eſt, patrij, vernaculiq. appellantur, vt citato loco primi acut. docuit Galenus: Suntq. quos vulgus Tuderti, & Tridēti Botios gula dicere conſueuerunt: Bronco cele. Aetij tetrabili 4. lib. 3. teſtimonio, de quibus abunde ſatis in libro de aere, aquis, & locis pertractauit Hippocrates: Qui illius loci incolæ perpetuo exercent: cauſam enim vniuerſalem, & perennem habent, vt aquam, & ſolum: etſi ſemen quoq; concurrat. Eſt igitur hæc vnā morbi communis forma. Altera vero eorum eſt, qui quandoque vnā ciuitatem detinent, aliquando vero plures, & modo exercent, & aliquando non: prout cauſa effeatrix, quæ communis etiam eſt, viget, aut frangitur, & remittitur; atq; hi proprie *ἰσθμίου* a Græcis dicuntur, qui diuiſionem patiuntur: Nam vel, vt plurimum, ſaluis ægris terminantur, vel eos interimunt; prior *ἰσθμίου* tantum, poſterior peſtis nuncupatur; vt 2. aphor. 13. habetur: Quæ aliud non eſt, vt primo acut. citato loco, & primo de morb. vulg. ſect. 3. com. 1. docuit Galenus; quā pernicioſa epidemia. Sed animaduertendum eſt, morbos ſparſos, & diuerſorum generum, aliquando populares fieri poſſe. Nam videre licet apud Hippocratem, & Galenum diſcis locis, diarrheas, diſſenterias, deſtillationes, lippitudines, præter ceteros fieri interdum communes, & vniuerſales, populariterq. vagari: Qui morbi tunc contagio etiam nocent, & vltra cibum, & potum, & alias ſupradictas cauſas, aer quoque concurrit, contagiū fouens, vt 2. de nat. hum. docuit Hippocrates: etſi malo quodam modo, a corporibus cæleſtibus infectus aer, per ſe gignere contagium poſſit. Ceterū quia dictum eſt, peſtem eſſe pernicioſam epidemiam: An pernicioſa epidemia febris ſit, vel abſque ea detur, inueſtigemus.

Peſtis genus dilucidatur, dum an ſine febre interdum ſit, quaritur. Cap. 111.

CVM ex dictis habeamus, peſtem morbum popularem eſſe, & pernicioſum; quoniam apud veteres, quodnam ſit eius genus, non adeo coſtat, non iniuria hic quaerimus: vtrum ſine febre interdum peſtis exiſtat; hoc enim explorato, proprium eius genus facillime innotefcet. Peſtem igitur ſine febre dari, videtur Hippocrates indicare 3. de morb. vulg. ſect. 3. ſub his verbis: Erat autem & fluxio collecta non puri ſimilis, ſed alia quædam putredo, & fluxio multa ac varia. Quibus igitur circa caput horum quid fieri contigit his glabrics totius capitis, ac menti fiebat & oſium denudationes, ac elaplus & multæ fluxiones, & hæc in febribus, & ſine febribus. Quam ſententiam Galenus 9. de ſimpl. Medicina, dum de terræ

Armenia viribus contra pestem, & de modo ipsam exhibendi, verba fecit; visus est sequenti locutione confirmasse: Caterum bibitur ex vino albo, consistentia tenui, modice diluto si plane febre careat, aut leuiter ea teneatur; sin grauius febriat, admodum diluto, non tamen calore vehementes sunt febres pestilentes. quibus videtur dicere in illa pestilentia aliquos febre caruisse, quibus scilicet ex vino albo, consistentia tenui, modice diluto terra illa dabatur. Quam opinionem nonnulli celebres viri sustinere conati sunt. Mihi vero & contra persuasum est, pestem nempe non solum non posse absque febre dari, sed ipsam febrem speciem esse, a nimia & excellētiore putredine factam, quæ ut plurimum ægrotantes perdit; hoc autem dum eius essentiam artius rimabimur, clarius innotescet. Quam veritatem in lib. de Flatibus num. 7. ijs verbis Hippocrates docuit: Primum autem a communissimo morbo febrili exordium sumam, & qui omnium morborum coines est; præcipue tamē ex inflammatione, & tensione abscessuum, quod satis indicant sequentia offendicula, statim enim cum inflammatione abscessus, & febris consequitur. deinde subdit: Sunt autem febrium genera duo, ut hoc quoque nunc attingam, quorum alterum commune omnibus pestis appellatur: alterum propter malam dietam priuatim his contingit, qui ea vtuntur. quibus verbis satis manifestum putamus pestis nomen vniuersalibus febribus Hippocrate imposuisse: Quo dicēdi modo est vsus, ut significaret pestem non esse aliud, quàm febris communis genus, ut febres communis genus pestem esse. Quod si aliam pestem, quæ sine febre esset, agnouisset; communes dictas febres pestilentes potius vocasset, quàm pestem. Verum non omnes communes febres, pestem appellandas esse, docet Galenus, sed quæ ut plurimum perniciem afferunt: propterea r. acut. 9. epidemiam perniciosam pestem nominauit. Hæc autem de peste proprie sumpta dicenda putamus, nam lata quadam nominis significatione, alios quoque morbos communes & interimentes; pestem dicere poterimus, qui tamen magis proprie pestilentes dicerentur, magis enim naturam pestis sapiunt, quàm ut vera pestis existant, quos morosos & malignos quâdoque grauissimi viri vocauere, qui & febres comites habent, ut supra ex Hippocrate in lib. de Flatibus notatum est. Non enim consonum rationi videtur morbum aliquem, qui interimere ut plurimum potest, cum cor ipsum vel contenta in corde, etsi non primo, in putredinem redigat commune in, & valde acutum exiltere, & absque febre inueniri. Concludendum igitur cum Hippocrate putamus, pestem proprie sumptam febrem communem, & ut plurimum interimentem esse. Improprie tamen sparsos etiam morbos communes, & contagiosos factos si ut plurimum interficiunt, pestem dici posse, eos tamen absque febre fieri nullo pacto credendum esse; ut demum quocūque modo pestis accipiatur, eam absque febre minime dari statuentum sit. Cui opinioni Paulus lib. 4. cap. 22. de Bubone loquens, sic inquires astipulatur: Atqui febribus superueniunt sicut præcipue in lue pestilentia. li incidere consueuerunt, pessimi sunt; in qua locutione notandum Paulum dixisse

dixisse Bubones febribus superuenire, & fermonem coartans in quibus febribus pefsimi reperirētur: fubdit ficut præcipue in lue peftilentiali: Quid clarius vt cognofcamus luem peftilentialem febris speciē eſſe? Quod Galenus 6. de morbis vulg. ſect. prima Com. 29. dum de febribus cum tuberculis verba fecit, maniſeſtiſſime demonſtrauit. Relinquo modo quòd authores qui de peſte monumenta dederunt, omnes ſub titulo febris peſtilentis de ipſa ſcripſerunt; ita vt ſub alia tractatione de ea apud celebriores viros nulla mentio reperiatur. Modo iam tempus eſt vt contrarijs authoritatibus ſatisfaciamus. Quare dicimus primum Hippocratem non tantum peſtem 3. Epidimiorum, ſed vniuerſam conſtitutionem peſtilentem deſcripſiſſe: Vnde omnes morbos, & eorum ſymptomata, etſi peſtilentia nō eſſent, accuratiſſime deſcribens, inter cetera hæc retulit: Quorum ergo caput horum quid tentaret, his caput totum glabreſcebat, & mentum & reliqua; quo loco multa, quæ peſtilentia non erant, legere licet; etſi nō ſolum humorum, ſed membrorum putredinem ſignificarent, cuius putredinis, vt humiditas maxima & diuturna cauſa fuit, ita varia corruptionis ſymptomata, & illa quidem immania gignere potuit, quorum aliqua ſine febre cōſpicebantur, vt capitis & menti glabrics, & multæ aliæ fluxiones, vt Hippocrates inquit, quas præſertim fluxiones innuere videtur cū febribus, & ſine febribus, factas fuiſſe præter id, quod in progreſſu multos alios recitat morbos, qui abſque febre contingere potuerunt, vt ſunt lienteria, lippitudines, & diuerſorum generum catarrhi. At oſium denudationes ipſorumq. elapſus, rursus & non paucos alios effectus, quos reſert non potuiſſe abſque febre fieri, non eſt vt longa verborum ſerie demonſtrem. Verum cum non ſolam peſtem, ſed morbos omnes quoque, qui eodem tempore euenere, deſcripſiſſet, hinc factum credimus, vt aliquos cū febribus, & alios ſine febribus eueniſſe dixerit. Ceterum quòd alios a peſte morbos præter antea dictos, nec non & illos, qui longa ſerie recitantur; Hippocrates deſcripſerit, ſequentia verba oſtendunt: Multa præterea alia febrium genera populariter graſſata ſunt tertianarum, quartanarum, nocturnarum, continuarum, longarum, erronearum, anxiarum, & inconstantium &c. Quarum maiorem partem nihil cum peſte habere adeo clarum eſt, vt probatione non egeat. Nec mirum alicui eſſe debet, alios a peſte morbos Hippocratem deſcripſiſſe; tempeſtas enim illa non tantum meſes, ſed annum, & vltra perdurauit, vt in ipſa præcipue, antequam peſtis inuaderet, non peſtilentes morbos potuiſſe contingere certiſſimum fit, quos omnes accurate, vt ſui moris eſt, Hippocrates deſcripſit, & hæc fit vna interpretatio. Addo & alterā ab eodemmet Hippocrate deſumptā; quando enim dicit: Hæc cum febribus & ſine febribus eueniſſe; intelligere poterimus aliquando cum febribus orta eſſe, interdū vero ipſis febres ſucceſſiſſe, cum prius apparuiſſent, quàm febris inuaderet, nō quòd dicta ſymptomata omnino abſque febre fierēt; quod verū eſſe Hippocratis verba declarant, nam de igne ſacro loquens ait: Multis ante febrē, nonnullis vero in febribus, vt ex febribus alijs, acci-
dere

adæquent, vt Galenus 6. de loc. affect. cap. 5. & 5. eiusdem cap. 7. doctissime declarauit; quas Fernelius non pestis, sed febris simpliciter malignæ, quam a pestilenti distinxit, causas posuit: propterea in libro de abditis rerum causis, dixit febrem pestilentem totius substantię morbum esse, & cęlitus tantum demitti. Verum secus videtur dicendum, siue Galenum, siue veritatem ipsam tueri velimus: Pestis enim, quæ anno M D Lxxvii. & M D Lxxviii. in varijs Italię locis grassata est, & nunc etiam grassatur, non ex inquinato aere, sed ex simplici puroq. contagio diuulgata est, & contagio viget, & perdurat. Ceterum aliquis dicere posset, quod sicut aer coinquinatus pestilentium ægritudinum causa existit, ita pestilentes ægritudines aeris infecti causę esse possunt: attamen non ita rem se habere experientia ipsa nos docet. Cum nonnulla peste affectis regionibus finitima loca peste intacta penitus remanserint, quod alio modo contigisset, si aer aliqua corruptionis labe laborasset. Fracastorius multiplicis doctrinę vir, & qui de morbis contagiosis primus exactissime pertractauit libro 2. cap. 3. pestem sic definiuit esse scilicet febrem sordidæ profundæq. putrefactionis, seminaria acutissimæ contagionis includentem per se, propter quod & letalis est, & ad alium contagiosa. Quæ definitio omnino reiicienda non fuisset, nisi, per se, in definitione posuisset, Galeniq. & Auicennæ sententiam explosisset, dicentis febrem pestilentem fieri quando vel contenta a corde, vel eius corpus putrescit, prout 3. de præfieri ex pulsibus cap. 3. & Auicenna prima 4. tract. 4. scriptum reliquere. Et vt melius veritas ista elucescat; petam a Fracastorio, si febris pestilens dicitur quia letalis contagionis seminaria in se retinet, a quo letalis contagionis seminaria scateant? ab ingenti putredine (opinor) respondebit, Tunc iterum petam, in quo illa ingens putredo reperiatur? dicet in humoribus, vel in spiritibus, vt eodem 2. cap. 4. asserit. Modo remanet inquirendum in qua parte corporis humores, & spiritus illi putres febrem pestilentem generantes contineantur, quod certe Fracastorius tenebatur exponere, & nullo pacto Galeni sententiam (iudicio meo) veriolem respicere, dicentis, non ratione excellentis putredinis tantum, sed quia dicta putredo quandoque contenta a corde, & interdum corpus visceris occupans causa est febris pestilentis. Melius itaque de Hippocratis, & Galeni sententiā dicimus. Pestē esse febrem contagiosam vni ciuitati, vel pluribus communem, a nutrimentorum, vel aeris corruptela prouenientem, quę putredinem excellentem in contentis a corde, vel in ipsius corpore inducit; ac vt plurimum mortales perdit. Nec ita dicitur putredo in contentis a corde, humoribus scilicet & spiritibus, & in eius corpore esse; quin alibi etiam esse possit, sed quia primario, & per se in illis est, & vt Auicennę placuit, in eo quod circumdat cor ipsum de humiditate: propter quod & propter alias supradictas causas febris hæc pestis dicitur. Cæterum quia dictum est pestem esse febrem contagiosam; primo quid sit contagium, & quotuplex sit compendio pertractabimus: Quod reliquum est propositę definitionis postea perpendemus.

rans transfundere contagium possunt, contagiosa dicuntur & existunt. Ab his itaque quę contactu inficiunt exordiamur.

De Contagio per contactum. Cap. V I.

QUAE putrescunt & marcida sunt solo contactu inquinant: omnis enim contagio, vt capite superiori visum est, in quadam putrefactione tanquam in proprio subiecto fundatur. Vnde marcidum pomum in aliud marcorem transmittere valet, vt recte Satiricus:

*Dedit hanc contagio labem,
Et dabit in plures, sicut grex totus in agris.
Vnius scabie cadit, & porriginē porci,
Vnaq. contacta liuorem ducit ab vna.*

Quod maxime in his, quę cumulatim & acruatim reposita sunt pōma, spectare licet: putrefactio enim nihil aliud est vt 4. Methæzororum Aristoteles docuit, quā corruptio eius quę in vnoquoque humido proprie, & secundum naturam caliditatis, ab aliena caliditate. Quod enim putrefactionis causa est, illud idem supradictis conditionibus infectum causa contagionis existit: sed diuersimode, quia putrefactio in vno, contagio vero ad minus in duobus fieri necesse est. Quapropter animo reuoluere debemus calidas humidasq. particulas, quę a primo corpore euaporant, principium esse & seminarium putredinis, quę in secundo reperitur: Vnde contagio in fructibus existens eisdem principijs nititur. Particulę enim illę insensibiles, quę a putrido pomo euaporāt calidę & acres; humidę tamen commixtione in altero receptę, prius intermedium aerem alterantes, etsi concurrentibus passim dispositionibus ab eo antea fuerint genitę in adiacente pomo, aut corpore: potissimum similis putredinis causę existunt. Et hæc de contagio per contactum.

De contagio quod fomite afficit. Cap. V II.

FOMITE afficiunt, quę morbificam affectionem intra poros, & meatus latentem habent, a marcido corpore acquisitam, alteriq. communicatam. Qui fomes, vt aliqui putauerunt, arthomi & corpuscula quędam insensibilia sunt, quę in meatibus rerum visum fugientibus latent, & eandem potestatem seruant, quā corpora habent, a quibus fomitem contraxere. Alij vero, putridos vapores, eodem modo a corporibus eleuatos, a quibus contagium recepere, huius contagij causam esse statuerunt, qui in foraminibus rerum latentes, alijs communicare contagium possunt. Quasi omnia, quę poros habent, fomitem in seipsis includere, & seruare queant; vt lectuli, vestes lanę, pelliceęq. & vt vnico verbo multa complectar, foraminulęta omnia, quę calida, vel parum frigida sunt, vti odorem diutius seruare possunt, ita & contagionis seminaria retinebunt:

*Finibus in Cecropis funestos reddidit agros,
 Vastavitq. vias, exhaust cinibus urbem:
 Nam penitus veniens Aegypti finibus orcus
 Aera permensus multum, camposq; natantes:
 Incubuit tandem populo Pandionis omnes.*

Quę scđitas si tanta daretur, quę non tantum vnam, sed plures regiones inficere posset, in pluribus regionibus pestis esset, vti si totam aeris inferiore regionem occuparet, pestis esset vniuersalis. In peste autem contagij differentias omnes reperiri manifestum est, cum & contactu, & fomite, & vaporacione ad distans peste quis corripī possit. Iam quomodo pestis ab alijs putridis, necnon diarijs atque hecťicis febribus differat videamus: a putridis differentijs exordientes.

*Quomodo febris pestilens ab alijs putridis
 differat. Cap. IX.*

SV PRA sancitum a nobis est febrem pestilentem, quęcumque sit illa, putridam esse, vt primo de diff. febr. cap. 5. conscriptis verbis docuit Galenus: Si quidem de febribus pestilentibus facta est mentio, quę omnes a putredine ortum habent: Differt tamē ab alijs putridis in tribus. Primū, modo & gradu putredinis: Loco deinde, in quo putredo excitatur & oritur: Tercio & vltimo accidentibus. De primo primū dicamus: si quę enim ingens putredo reperitur, eam in hac febre modo quodā excellentiori reperiri certissimum est, vt 6. de morb. vulg. sect. prima Com. 29. docuit Galenus: ita vt materia istius febris summe & absolute putris existimanda sit, formamq. veneni acquirat, & eiusdem vires ac qualitates adæquet. Neque hoc sufficit, sed oportet vt modus putredinis addatur: Multę namque sunt febres putridę, & a non vulgari putredine ortę, quę malignę tantum, non autem pestilentes dicuntur; & si cito, & cum sc̄uissimis accidentibus enecent, quę quoniam contagiosę non sunt, appellari pestilentes non poterunt. Putredo igitur contagiosa esse debet, vel intrinsecus vel extrinsecus oriatur; vt in cap. de contagio dictū est. Vnde putredo pestilentē febrē constituens vulgaris esse non debet: non erit autem vulgaris si larga, profunda, sordida, conclusa, ad minima elaborata, lentaq. extiterit, a qua seminaria contagionis tamquam a proprio fonte emanent. Larga appellatur vel ob loci, quem occupat amplitudinem, vel quia late potestas ipsius diffunditur: quamobrem extensine, vt dicunt, & intensue larga dicetur: hoc autem accidit ob seminariorum copiam, & robur a quibus in proximas partes, & inde in remotas putredo fieri commode potest. Profunda vocatur putredo, quia in intimioribus partibus latet. Sordida, quia in munditijs plena est, & sc̄etens. Conclusa, quia contagionis seminaria retinet, nec illa dimittit, aut exhalare sinit, donec ad minima sint elaborata; eiusdemq. naturę putredinem conceperint, cuius illa est, a qua prima seminaria eua-

porarunt. Demum dicitur lenta, quia putredo, & eius seminaria tenacia sunt, & adherentia; adeo ut facile difeuti, & dissipari minime possint: Ex quibus omnibus fit, ut putredo excellentiam acquirat, ut Galenus citato loco 6. de morb. vulg. docto sermone declarauit. Quam excellentis potentie esse id profecto ostendit, quia inficere, & venenare mortales potest, quamuis in ipsis aut obstructio, aut humorum multitudo, aut ipsorum prauitas, non inueniatur: Etsi consonum rationi sit magis, & citius illos infici, in quibus vel obstructio, vel humiditas superflua, vel humorum copia, vel corruptela reperitur, vincente precipue calore aduentitio naturalem & innatum: putandum tamen est qui in sublernari hoc mundo vitam degunt, hos scilicet inculpatę temperaturę ut plurimum non esse, quin malus aliquis affectus aliquam corporis partem occupet, licet latentem & quę nostram cognitionem fugiat. Hinc aliquando spiritus, aliquando humores, qui in corde continentur, interdum corpus ipsum cordis putredinem concipient, prout magis aut minus proni, idoneiq. ad patiendum reperiuntur. Diximus de gradu putredinis, quo pestilens a putridis febribus differt: Consequens est ut de loco, in quo dicta putredo gignitur, verba faciamus: Non enim sufficit ingens putredo, qualis dicta est, ut febris pestilens fiat, nisi etiam spiritus, vel humores in cordis sinibus existentes, vel corpus ipsum visceris, aut, ut Auicennę placuit, quod circumdat ipsum de humiditate occupauerit. Vnde signa varia, accidentia diuersa, citior tardiorue interitus, & interdum salus prouenire consuevit, ut 3. de p̄sag. ex pulsibus clare intelligitur, dū ait: Nam quibus calor ille putridus ad humores, quos continent cordis sinus, magis deflexit, quā ad corpus ipsum visceris, multorum superstites euasere. Quanto itaque facilius & melius euadent hi, qui in alijs partibus corporis, remotioribus a corde, putrefactionem patientur, quamuis pars humorum putresceret, & mali humoris esset putredo, dummodo contenta a corde, & corpūs visceris non detineret, sed dumtaxat sensim exhalans, dictas partes calefaceret. Quare cum hæc putredo in partibus a corde remotioribus posita, ut plurimum, letalis non sit, pestis dici nequaquam potest, cuius proprium est, ut plurimum, mortales perdere, ut primo acut. com. 9. docuit Galenus. Itaque licet putredo gradum summum obtineat, in contentis tamen a corde, vel in cordis corpore, aut in eo, quod circumdat ipsum, de humiditate non extiterit, contagiosa forsā erit, vel maligna; pestilens autem nequaquam: quoniam ex his, qui ab ea correpti sunt plurimi, ut dictum est, euadere possunt, & tunc Fracastorij seminaria letalia non erunt. Quę veritas ratione & auctoritate firmatur: Nam febris pestilens fit, vel a principio intrinseco, vel ab extrinseco. Dicemus cum Galeno primo de different. febrium cap. 4. a principio extrinseco potissimum fieri, dum ait in pestilenti autem aeris statū inspiratio plurimum causa est; verum cum inspiratio cordis gratia facta sit, sicut a puro aere & moderato temperatoq. cor refrigeratur, & viuificatur, ita a vitiato venenatoq. & in qualitatibus im-

moderato

moderato primo cor inficitur, & venenatur, vel sint contenta ab eo, vel eius corpus. Quod Galenus loco citato primo de diff. febr. sub his verbis demonstrat: Calidiores autem ambientis aeris status, quales maxime circa Canis ortum contingunt per inspirationem quidē manifeste cor calefaciunt, corporis autem extrinsecus circumfusi totum ipsum calidius efficiunt, & præsertim arterias, ut quæ substantiæ ipsius aeris ambientis aliquid trahant, ex quibus omnibus simul cor affici est necessarium, & tunc cum supra modum incaluerit ipsum primum, atque potissimum, febrilem calorem suscipere atque ad vniuersum corpus transmittere. Ex quibus verbis colligi potest, quod quemadmodum a supercalefacto aere cor incalcescit, & febre corripitur animal; ita etiam ut ab inquinato, & venenato cor inquinatur, & peste corpus afficitur. Quod Auicennas prima 4. tract. 4. cap. primo, confirmavit: Nam post factam mentionem de corruptentibus aerem, subdit: Et quandoque aer secundum hunc modum venit ad cor, quare corrumpit complexionem spiritus, qui est in ipso, aut putrescit quod circumdat ipsum de humiditate, & accedit caliditas egressa a natura & spargitur in corpore, tunc per causam suam erit febris pestilentialis. Ex quibus luce clarius patet putredinem a principio extrinseco profectam, habere ortum in corde, vel sit in eius corpore, vel in contentis ab eo, aut in eo quod circumdat ipsum de humiditate; prout magis vnum, quàm alterum ad venenatam qualitatem putredinemque suscipiendum paratum erit. Ceterum si ab intrinseco principio putredo originem traxerit, in eisdem putredinem fundari, & consistere necessarium erit, cum tam cito, & ut plurimum enecet. Nam si alibi dicta putredo reperiretur, dictæ vero partes putredine carerent, pestem inducere nullo modo posset, ut 3. de præfag. ex puls. cap. 3. probatum est. Quare concludendum videtur, febrem pestilentem non tantum dici, & esse pestilentem, quia in putredine sordida, profunda, larga, conclusa, ad minima elaborata, & in lentore constituta fundatur, sed magis, & melius quia dicta putredo quandoque spiritus, aliquando humores in sinibus cordis contentos, interdum quod circumdat ipsum de humiditate, quandoque corpus ipsum visceris occupauit. Quod igitur pestis ab alijs putridis excellentia putredinis, & loco differat, iam explicatum est. Remanet ut de tertio partitionis membro, accidentibus scilicet, nunc disseramus. Quæ accidentia sæuiora in hac, quàm in alijs putridis, reperiuntur, & similia magis existunt, & si ob materiæ diuersitatem, locorum & naturarum discrimina variari quoque posse accidentia non negamus. Sed ut plurimum in omnibus eadem visuntur, ut sitis inexhausta, appetitus deiectio, bubones, carbunculi, & reliqua varia, de quibus opportune magis, dum de signis agemus, disputabimus. Iam quomodo pestilens a diarijs, & ab hæticis differat, explicemus.

*Qua pestilentem febrem a Diarijs differre
faciant. Cap. X.*

PESTILENTEM febrem omnem putridam esse antea statuimus: Hinc iure optimo concludi posse videretur, nullam febrem pestilentem diariam dici debere. Cum in ephemera spiritus non putrescant, sed incalescant solum, vt primo de diff. febr. cap. 7. & 8. Meth. cap. primo docuit Galenus. Nihilominus tamen diariam pestilentem putridam esse cum eodem Galeno affirmamus: licet Herculanus vir numquam satis laudatus ab eo dissentire videatur. Nam in explanatione verborum Auicennæ dum ait: Et quandoque aer secundum istum modum venit ad cor; quare corrumpit complexionem spiritus, qui sunt in ipso, & putrefit quod circumdat ipsum de humiditate. Inquit Herculanus: Aut ergo putrefacit ipsum, aut inflamat absque putredine. Ex qua expositione sequitur omnem febrem pestilentem putridam non esse, cum a calefactis tantum spiritibus ex Herculani sententia fieri possit. Nec recipienda est, iudicio meo, eius interpretatio verborum Galeni, vocem scilicet omnis, vt in pluribus, debere intelligi. Ita enim exponendum non fuisse Galenum ipsemet 3. de præfag. ex puls. cap. 3. declarauit, vbi mentionem faciens febris pestilentis, dixit putredinem quandoque contenta in cordis sinibus occupare, & hi sunt spiritus, & humores, cum in dextro humores, in sinistro vero ventriculo spiritus contineantur, interdum vero corpus ipsum visceris detinere. Ex quorum varietate modo fit febris pestilens putrida, aliquando putrida diaria, quandoque putrida hætica, vt infra melius patebit. Quare concludendum videtur nullo modo dari febrem pestilentem simpliciter ephemeram, per calefactionem tantum spirituum, vt dixit Herculanus: Nec verba Auicennæ hoc sonant, dum dixit aerem corrumpere complexionem spirituum; illa enim corruptio in complexione non est, vt scilicet alterentur spiritus ad maiorem caliditatem tantum; sed magis vt a corrupto aere corrumpantur & putrescant: quod enim tangitur a putrido putridum fit: vnde quia aer est corruptus aliquando ipsos corrumpit spiritus, aliquando vero, vt verbis Auicennæ utar, quod circumdat cor de humiditate inficit, atque venenat. Quare cū Galeno tenendum censemus, omnes febres pestilentes putridas esse: cum vt dictū est, aut circa putridos spiritus, aut circa humores in cordis sinibus contentos, vel circa corporis cordis corruptam substantiam versentur. Tales etiam esse constat eas ephemeram pestilentes, quæ in Britannia vagari solent: Eadem enim die, qua febre corripuntur patientes, vel pereunt, vel luem superantes liberantur. Hinc non immerito Fracastorius lib. 2. contagionum cap. 5. ephemeram appellat: Vitales enim spiritus pro subiecto habent, & vnus diei terminos non excedunt, sicut & ephemerum animal apud Aristotelem 5. de histor. animal. cap. 19. quod ultra diem naturalem vitam non producit. Et si hoc potius vocis etimon, quàm rei essentiam declarat:

declarat : Ephemere namque simplicis ea natura est, vt spiritus vitales calidiori intemperie afficiat, quos ephamera pestilens corrumpit atque venenat. Vnde commune ambobus nomen est, & subiectum : at putredine maximopere distant. Concludendum igitur cum Galeno putamus pestilentem febrem iam dictam ad hunc sensum ephemeram dici posse, quia pro subiecto spiritus habet non esse autem vere ephemeram ex hoc manifestum est, quia proprie ephamera circa calefactos tantum spiritus, & totius securitatis morbus est ; pestilens vero ephamera circa eosdem corruptos & putridos versatur, & vt plurimum ægrotantes perdit. Sed tempus est vt quomodo ab hæcticis differat videamus.

Quomodo pestilens Hæctica dicatur. Cap. XI.

HECTICAM febrem ex solidarum partium calidiori intemperie oriri docuit Galenus primo de diff. febr. capite 8. nono Method. capite primo, & sex centis alijs in locis. pestilentem vero febrem hæcticam ex putredine corporis, cordis interdum, fieri 3. de præfag. ex puls. capite 3. & 4. clare habetur. Ex quibus pestilentem febrem nullo pacto hæcticam appellari posse videretur dicendum ; cum immodicam fixamq. cordis caliditatem ; hæc autem substantiæ corporis cordis putredinem sequatur, vt citato loco 3. de præfag. ex puls. sic inquit Galenus demonstrauit : Febres pestilentes ab initio quandoque hæctice fiunt, differuntq. ab alijs omnibus, quæ ex magna putredine oriuntur. Quæ verba, vt paulo digrediar, penes subiecti putridi diuersitatem differentiam ostendunt : putredo enim in humoribus existens magis dilatur, amplioremq. habet campum, quam illa, quæ in cordis corpore reperitur. Vnde, etsi putredo in humoribus existens cum putredine corporis cordis easdem in ceteris sortita fuerit conditiones, in eo tamen differt, quod illa extensius sit maior putredine corporis cordis, quod certe magnam putredinem non admittit. Differt etiam, quia ad putredinem humorum non sequitur necessario interitus, vt ad putredinem, quæ cor occupauit, vt 3. de præfag. ex puls. loco citato sub his verbis docuit Galenus : Nam quibus calor ille putridus magis ad humores, quos continent cordis sinus, quam ad corpus ipsum visceris deflexerit, plurimi eorum potuerunt euadere. Distis adde quod fræuora accidentia putredinem corporis cordis, quam ipsorum humorum putredinem, sequuntur. Sed redeat modo, vnde digressa est nostra oratio : quandoquidem institutum nostrum erat discrimen, & conuenientiam ponere inter hæcticam simplicem, & pestilentem. Non enim desunt, qui putant propter eorum similitudinem & conuenientiam, pestilentem febrem hæcticam simplicem ; non autem putridam hæcticam esse. Conueniunt enim simul in multis : Nam pestilens hæctica vt plurimum tepida, & fere insensibilis apparet, vt simplex. Rursus in intimioribus, & occultis, vt pote in cordis substantia, vt hæctica fundatur : Rasis quoque dixit quod sicut hæctica curatur,

Ex quibus

Ex quibus omnibus dicendum videretur, febrem pestilentem hecticam simplicem appellari debere: Secus autem res se habet: etenim febris pestilens purgationem requirit: Crisi finitur: Multa, & ne dum diuersa, sed contraria etiam conspiciuntur: Aliquādo enim in exterioribus partibus tepor sentitur, interdum frigida eadem tanguntur, etli ægri intus vrantur, vomitus contingunt, bubones erumpunt, quorum nihil in simplici hectica reperitur: sed ita eodem statu permanent patientes, vt insensibiliter consumantur, & intereant: Dicimus igitur febrem pestilentem adeo hecticam appellari posse, quia in membro solido fundatur. Non esse autem vere hecticam: quoniam in simplici hectica calefactum dumtaxat, sed immodice cor est: In illa vero cor putrescit, & corrumpitur. Ceterum cum non parum substat in difficultatem, quod diximus, cor scilicet putrescere: An hoc verum sit, diligentius inquiramus.

*Quomodo cor per essentiam agrotat, & quomodo putrescat,
& quod ab eius putrefactione ita cita mors non
oriatur. Cap. XI I.*

DVBIUM non vulgare est: An corpus ipsum cordis putrescat, quod in opinantium varietate, & quia res a sensibus est remota maximo pere fundatur. Cor itaque non pati affirmavit Aristoteles 3. de part. animal. cap. 4. sub his verbis. Cor solum viscerum, atque omnino partium corporis nullum vitium patitur graue, idq. certa ratione: Cum enim principium corrumpitur, nihil est, quod ceteris quæ inde pendent præbere auxilium possit. Quarto quoque de partibus animalium sic scriptum reliquit: Cordi enim nullus huiusmodi humor appropinquare potest, quoniam illud nullum affectum patitur violentum. Quæ sententia ex Hippocrate 4. de morbis Tex. 10. desumpta videtur, dum ait. Est enim cor ipsum res densa & solida, & propterea dolore non afficitur. & eodem lib. Tex. 13. sic habet: Et simul cor solidum est & densum, vt ab humore non agrotet, & propterea in eo nullus morbus oboritur. His præcipue auctoritatibus probant cor non agrotare. Contra vero idemet Aristoteles libr. supra citato 3. de part. Animal. cap. 4. sic habet: Indicium est, quod nullum affectum cor patitur, quia in nulla bestia, vel victima, cor ita affectum visum est, vt in ceteris visceribus cernitur. Renes enim sæpenumero calculis, & pannis, & papulis referti videntur, atque etiam iecur & pulmo, & potissimum lien. At vero quæ morbo aut vitijs pereunt animalia, his dissectis affectus morborum in corde conspiciuntur. Ex quibus verbis, dictarum auctoritatum solutio patet. Quando enim dixit Aristoteles, cor nullum vitium graue pati, hoc intelligere debemus non ita pati, vt cum eo animal viuat: potest itaque graui vitio cor laborare, sed ab eo animal interimitur. Quod manifestauit dum ait: At vero quæ morbo & vitijs eiusmodi pereunt animalia, his dissectis, affectus morborum in corde videlicet calculi

tuli panni, & papulæ conspiciuntur, & per eadem verba alia ipsius auctoritas soluta est, dum dixit. Quod nullum affectum patitur violentum, & cum eo scilicet animal viuere possit. Quod declarauit 8. de natura animalium cap. 24. dum loquens de equo inquit: Irremediabile malum si cordis dolore vexatur equus, cuius inditium vt latera subsident, & illia perstringantur. Cor itaque, vt ex dictis constat, dolorem patitur, sed animal moritur: hæc ad Aristotelem. Sed ad Hippocratem accedamus, qui lib. de morbo sacro tex. 7. sic scriptum reliquit: Si porro ad cor progressum fecerit defluxio, palpitatio apprehendit, & anhelationes, & pectora corrumpuntur, & curui fiunt. Septimo etiam de morbis popularibus tex. 13. de Ctesifonte loquens inquit: Ad noctem cordis, ac oris ventriculi dolor, & non longe post vocis interceptio, strangulatio cum stertore, & mortuus est. Libro præterea de coacis prænotionibus num. 3. de peripneumonicis loquens, sic habet: Quibus vero totus pulmo inflammatus fuerit vna cum corde, vt ad latus allabatur, hi toti resoluuntur: & iacet æger frigidus, sensus exors, moriturq. secunda aut tertia die. Ex quibus manifestissime cernitur cor morbos pati, & inter ceteros morbos, dolorem & inflammationem; sed, vt dictum est, animal moritur. Simili etiam modo possumus interpretari auctoritatem quarto de morbis dum dixit cor solidum esse, & densum, & propterea dolore non affici, idest, non afficitur dolore, cum quo animal viuat: possumus etiam dicere dolore cor frequenter non corripì, & interpretari auctoritatem Hippocratis docentis: Cor membrum solidum ab humore non ægrotare, quoniam non ægrotat frequenter, nec sic ægrotat, vt morbus in eo confirmetur, & animal viuat. Quod Rasis in lib. diuisionum cap. 88. his verbis confirmauit: Cordis ægritudines, quas curare est possibile, sunt, alteratio complexionis, tremor, syncopis dolor, & debilitas; sed oportet, vt dicti morbi non sint confirmati; & subdit: Apostema vero disruptio, aut corruptio complexionis confirmata, non sunt facili curationis. Idem dixit Conciliator differ. 97. vbi tenet. Cor magnos morbos sustinere non posse, vt cum ipsis vita seruetur: sustinet tamen morbos aliquos paucos, qui ante eorum confirmationem curari possunt. Fernellius quoque lib. 5. cap. 12. sic scriptum reliquit. Cor omne morbi genus obsidet, maxime vero simplex intemperies, phlegmon, erisypelas, omnis præter naturam tumor, vlcus etiam, ac vulnus sed hæc rarius: crebrius autem atque præcipue venenatus humor, qui tota substantia insensus sit vitali robori. Vbi recitat historiam cuiusdam sensim contabescentis, eo tandem e medio sublato, ad apertum thorax tria vlcera in corde, non parum caua sordidaq. & multo iam tempore contracta reperta sunt, a quibus tabes, & denique mors sequutæ fuere. Hæc Fernellius. Modo Galenum audiamus qui 7. de anatomica administratione c. 13. historiam pueri recitans, in palæstra percussus, cui os pectoris post iteratum apostema computruit, & deinde pericardium, & euasit. Quam historiam primo de placitis Hippoc.

& Platonis ad principium recenset: vbi videre licet, quid loco pericardij, & quo modo fuerit genitum, quo fuerit cor velatum. Quinto quoque de loc. affect. cap. 2. postquam de affectu simiæ & galli verba fecit, de vulnere cordis loquens, sic habet: Inflammato manifeste corde gladiatoris, vidimus, haud aliter quàm qui cardiaca syncope pereunt, perijsse; hisq. addit: Igitur si ad cordis ventrem vulnus aliquando penetraverit, protinus cum magno sanguinis fluore hominem mori necesse est: idq. præcipue, si sinistræ partis venter fuerit vulneratus: si vero ad ventrem vsque non pertingat, sed in cordis substantia consistat vulnus, ex ita affectis, alioquin nò solum ea die, qua vulnerati fuerunt, sed sequenti quoque nocte, viuere poterunt, qui, oborta deinde inflammatione, extincti sunt. Ex quibus, summo opere patere credo, cor multa, & varia genera morborum pati, inter quæ dolor, inflammatio, erisypelas, apostema, vlcus, necnon & venenatus humor connumerantur. Quid itaque prohibet, cordis portionem putrescere posse, vel interiorem, vel exteriorem, nec propterea repentina morte mori ægrotantes? Nec dicerem ego quæ vir ille doctissimus Trincavella in tractatu de febre pestilenti affirmare non dubitauit: Cor scilicet in dicta febre nullatenus putrescere, sed tantum prauam venenatamq. qualitatem, a putredine suscipere, exemplum dolij afferens, quod cum a corrupto vino prauam suscipit qualitatem: & si dolium non corrumpitur, vinum tamen, quod in eo sincerum, & nullo modo infectum reponitur, inficitur, & corrumpitur. Iuxta illud Horatij.

Quo semel est imbuta recens seruiabit odorem

Testa diu:

Vbi notandũ, disparẽ esse dolij, & cordis rationem: etenim a vino dolium corrumpi non potest, vt cor ab aeris corruptela, vel ab humorum excellẽti putredine corrumpi, & putrescere valet: maximeq. si aliqua intẽperie cor prius laborauerit, propter quam debile effectũ, causis putredinis facile obnoxium reddetur. Vnde cita, & tuta mors animanti succedet. Quam enim excogites medicinã ad putredinem, quæ cor occupauit? vt 3. de præfag. ex pulsibus docuit Galen. Ex quibus demũ colligimus cor putrescere, eiusq. putredinẽ nò ita citam mortẽ parere: cum vulnerato corde, si ad eius sinus vulnus nò penetrauerit, per diẽ naturalẽ viuere potuerit animal, vt supra 5. de loc. affect. ostensum fuit. Et vlceratus tribus vlceribus in eodem viscere, illisq. cauis, & sordidis diu vixerit, vt Fernelius refert. Quare cum Galeno dicendum censemus quandoque spiritus, & humores, interdum corpus ipsum visceris putrescere, quod adhuc clarius eodem 3. de præfagijs ex pulsibus demonstrauit, inquit: Vbi aer, quem inspirando attrahimus, infectus putredine sit, putredoq. ad corpus cordis attigerit, illi pulsus fiunt &c. & rursus: Nam quibus calor ille putridus ad humores, quos continent cordis sinus, magis deflexit, quàm ad corpus ipsum visceris multi eorum fuerunt superstites. Quid igitur clarius dicere potuit Galenus, vt doceret cor secundum propriam substantiam luem putridam aliquando

contra-

contrahere? Nec sunt audiendi, qui putant spiritus confestim genitos in corde ad omnes corporis partes transmitti, & propterea nullam in corde moram contrahere, vt a venenata causa corrumpi, & venenari possint. Etenim non tam cito spiritus transmitti putandum est: egent enim tempore, vt perficiantur, & ab ipsis cor viuificetur. Nam, cum respiratio pro caloris in corde existentis refrigeratione, nutritioneq. animanti a natura tributa sit, vt in libro de vtilitate respirationis habetur; nisi in corde spiritus morarentur, innatus calor refrigerari non valeret. Accidit autem cordi perinde, ac fonti alicui contingere in dies cernimus, qui licet semper aquam fundat, quia tamen semper plenus reperitur, illam statim cum suscepta est, non emittere, quinimo in eo moram trahere necessarium est. Cum igitur spiritus, & insitus calor vnum sint, quòd ex 5. de simpl. medicina, cap. 9. apprime sciri potest; non posset profecto calor innatus refrigerari, & nutriri ab inspirato aere, nisi in corde spiritus morarentur: vt enim actio fiat inter ceteras conditiones, mora requiritur. Quare consonum rationi fit, vt quo modo a bono aere refrigerari, & nutriri spiritus possint, ita a corrupto & venenato inquinari, & veneno infici valeant, quod Auicenna prima 4. tract. 4. cap. 1. confirmauit, dum dixit, a corrupto aere corrumpi complexionem spiritus, qui in corde reperitur, & secunda secundæ cap. 9. docuit aerem non tantum spiritus, sed humores a corde circúdatos sub his verbis corrúpere: Cú enim putrescit aer, facit putrescere humores, & incipit putrefacere humorem, qui a corde circumdatus est. Reddensq. rationem subdit, quia propinquius ad ipsum accedit. Statuendum igitur videtur, in febre pestilenti, quandoque spiritus, aliquando humores, & interdum corpus ipsum visceris putrescere. Ceterum non erit ab re memorare, vidisse me cor gallinæ, quæ alioquin sana erat, & oua & si pauca in vtero gestabat, quinque pannis, vel steatomatibus refertum, quibus similia quædam in iecore reperimus. Hæc vna mecum vidit dominus Ventura Venturinus Pisanus, egregius Physicus, & Anatomicus. Verum, quia supra dictum est, si calor ille putridus ad humores, qui in cordis sinu continentur, magis deflexit, quàm ad corpus ipsum visceris, plurimos eorum euadere posse. Cum non parum dubitetur, quo modo viuere possit animal, si loco innati caloris putridus & igneus in cordis humoribus resideat: propterea opere pretium erit dictam dubitationem enodare. Quod vt facilius assequamur, quot sint calores, quo modo inter se dissentiant, antea accurate erit videndum. In quo primum, diuersas auctorum sententias percurram, deinde opinionem propriam explicabo.

*Quot sint calores. Quo modo inter se differant: quod eorum
subiectum sit, & primum Aristotelis sententia
proponitur. Cap. XIII.*

ARISTOTELES secundo de generat. animal. cap. 3. tres posuit calores, cælestem, innatum, & elementarem. De innato inquit: Inest in semine omnium, quod facit, vt secunda sint semina, quod calor vocatur, elementoq. stellarum respondet. De cælesti autem sic: At vero solis calor, & animalium non modo, qui in semine continetur, sed etiam si quid excrementi sit, quamquam diuersum a natura, tamen id quoque principium habet vitale. Quibus postremis verbis ea, quæ ex putri sunt, significauit. In quibus solis calor, hic enim cælestis calor est loco caloris, qui in semine continetur, vires suas exercet, & generationem explet. Elementarem tandem innuit, & si priuatiue, quando dixit, calorem in animalibus contentum, nec ignem esse, nec ab eo originem ducere: secundo tamen de anima tex. 41. ab igne in corpore nostro coctiones fieri asseruit, in quo loco reddens rationem, quare non comburit in infinitum, dixit, quia ab anima regitur. Quare si ab igne coctiones fiunt, ergo & generatio. Eiusdem enim potentie est nutrire, augere, & generare: quam potentiam, animam vegetalem Aristoteles nuncupauit. Vnde si igne, moderato tamen, anima concoquit; quid prohibet, vt cum eodem generare commode possit? Quamobrem cum secundo de generatione animalium, dixit Aristoteles calorem in animalibus contentum, non esse ignem, nec ab igne originem ducere. Intelligere debemus ignem, simpliciter non esse, nec ab eo originem ducere. Verum ignem esse, & ab eo originem ducere, prout ex omnium elementorum permixtione, temperatus euadit, qui nedum dictas operationes, sed alias quasque cum rectrice anima, in corpore nostro complet & perficit. Qui sic temperatus, quia generatiuus efficitur, elemento stellarum dicetur respondere. Ab eo enim, vel nimio, vel moderato, aut exiguo, omnia generari & corrumpi, certissimum est: propterea in lib. de causis longitudinis & breuit. vitæ, sic Aristoteles scriptum reliquit: Omne, quod attribuitur animali, de generatione & corruptione, cremento, & diminutione, somno, & vigilia, & vniuersaliter, de omni transmutatione, non attribuitur, nisi quatuor qualitatibus: caliditati, frigiditati, humiditati, & siccitati: ex quibus longitudo, & breuitas vitæ causatur. Complexio enim naturalis est in proportionem naturali, inter virtutes actiuas, & passiuas: quando igitur virtus calida actiua fuerit maior quam debet, comburentur humores: vti si fuerit minor, accidet indigestio, & cruditas. Hæc Aristoteles de calore complexionali præter innatum, cælestem, & elementarem superius descriptos, Modo quid de eo sentiat Auerroes videamus.

Ex Auerroe de calore. Cap. XLIII.

AVERROES secundo colliget, cap. 7. tres posuit calores, innatum, complexionalem, & influentem: 3. vero colliget, cap. 3. vbi loquitur de febre, tres item alios posuit calores, naturalem, extraneum, & influentem. Similiter 4. Metheor. comm. primo naturali addidit extraneum, quem corruptionis originem esse affirmavit, vt naturalem generationis auctorem appellauit, ibiq. calorem extraneum, duplicem in se habere causam dixit. Vnam scilicet per se, quando calor extraneus non est conueniens calori naturali; dissoluit enim ipsum, & ideo putrefactio multiplicatur in ætate. Altera causa per accidens est, frigiditas nempe, & congelatio caloris naturalis, qui superare materiam non potest, vnde putrefit, vt in corporibus senum, & mortuorum spectare licet. Posuit præterea elementarem 4. cap. de subst. orbis 2. de generatione 3. cæli & 2. de anima, quem ab alijs tribus corporibus contemperatum, & a motu corporum cælestium adiutum omnium entium productricem causam assignauit; propterea dixit: Si motus cæli destrueretur, motus entium inferiorum destrueretur, & consequenter Mundus. Ex hoc verificatur, quodd dator continuationis motus, est dator esse omnibus alijs entibus, quorum permanentia ab ipsa oritur natura, ac ordinata transmutatione quatuor corporum, ex quibus constat. Hunc calorem, quia instrumentum est, quo corpora cælestia eorum incessabili motu omnia generant, & omnia producant; cælestem appellare iure merito valemus, hæc Auerroes: sed Hippocratem audiamus.

Quid senserit de calore Hippocrates. Cap. XV.

HIPPOCRATES quatuor visus est calores ponere, æthereum vnum, innatum alterum, tertium non naturalem, vltimum vero igneum, vel febrilem. De æthereo, habuit sermonem in lib. de carnibus, numero primo, sic inquires: Et videtur sane mihi id, quod calidum vocamus, immortale esse, & cuncta intelligere, & videre, & audire, & scire omnia, tum præsentia, tum futura. Quæ verba etsi multa indigent contemplatione, & explanatione, dicimus tamen intelligentiam, orbem, & spheram ignis, simul aggregatas Hippocratem intellexisse. Calidum enim elementare in inferiora agere minime posset, nisi corporum cælestium motus impartiretur. Nec corpora cælestia suo lumine, & motu, media sphaera ignis, calorem in inferioribus producerent, nisi ab intelligentia moti essent, illaue successiue, a prima moueretur. Qui calor reflexu præsertim producit, vt motu in prima aeris regione, media remanente frigidissima; quæ nec motu, nec reflexione calefit. Quam primam intelligentiam, quis ambigit, immortalem esse, cuncta intelligere, futura præsentiaq. scire, & per allegoriam audire, & videre, etiam quod oculos,

& aures



& aures, cum incorporea & simplicissima sit, non habeat? Ignis enim quod nesciat presentia & futura, quod non audiat, non videat, nec intelligat, adeo clarum est, ut probatione non indigeat. Nec dicerem calidum Hippocratis, ad animam referendum esse. Tum quia, futura contingentia anima ignorat, tum etiam quia si calidum anima foret, immortalis non esset. Quare ad primam intelligentiam, cuncta referenda esse putamus, & hæc de æthereo. De innato legere est in lib. de corde num. 5. sub his verbis: Nam insitus a natura ignis non est in dextro ventriculo cordis, sed in sinistro: prima quoque aphor. 14. ita scriptum reliquit: Qui crescunt, plurimum habent calidi innati, & reliqua. Rursus in lib. de carnibus num. 7. plurimum calidum in corde & venis inesse affirmavit, & propterea cor spiritus habere, ut pote quod vnum intra hominem membrum calidissimum existat. Quo loco studiosi animadvertant frigidum calido alimentum esse: ceterum calor non naturalis a sex rebus non naturalibus desumitur: & alias utilis, alias vero noxius est. De nocumentis eius locutus est Hippocrates, ut aliqui interpretati sunt, 5. aphor. 16. calida frequenter ea ventibus, has noxas inducit, carnum scilicet effeminationem, nervorum incontinentiam, mentis torporem, sanguinis eruptiones, animi defectum, & tandem mortem. Commoda vero recenset eadem 5. particula aphor. 22. sic inquit: Calidum suppurationem non in omni ulcere, magnum ad securitatem indicium cutem mollit, extenuat, dolores sedat, rigores, convulsiones, & distensiones mitigat, & ex his, quæ ad caput attinent, gravitatem eius solvit: plurimum autem confert ossium fracturis, sed nudis præcipue, multo magis si in capite: his etiam prodest quæ moriuntur, aut ulcerantur a frigore: herpetibus denique exhedentibus sedi pudendo utro vesicæ his omnibus frigidum inimicum, & interimens calidum decretorium & amicum. Hic igitur calor non naturalis est, qui si modum superet, corpus ita calefacit, ut exsiccatæ venæ acres biliosæque humores attrahant, febremque ardentem accendant: ut 4. acut. primo docuit Hippocrates: & hæc demum de igneo, & febrili calore quarto loco numerato. Sed quid sentiat de calore Galenus videamus.

De calore ex Galeno. Cap. XV I.

GALENVS 6. de morb. vulg. sect. 4. comm. 25. in libro aduersus Lycum cap. 7. primi aphor. com. 14. & alijs locis quamplurimis, duos posuit calores, ingenitum vnum, & igneum alterum, quem aliquando non naturalem, quandoque a natura alienum vocare consuevit. Ingenitum in sanguine, sanguineisque visceribus locavit, in quibus quasi fontem ignis habet ut 8. de placitis Hippocr. & Platon. cap. 7. spectare licet. Et si in primordijs generationis in femine, & sanguine mēstruo ab eodem reponatur, cuius substantia aerea, & aquea in pueris existit, & proinde vaporis instar blanda, mitisq. sentitur. At mutatione substantiæ dum
etas ad

ætas ad vigorem vergit acer mordaxq. efficitur: tunc enim in substantia terrestriori fundatur. At puerorum calor, qui in plurimo humido radicali consistit, blandus, mitis, & tactu suavis esse solet; quoquo enim modo ab humiditate nimia opprimitur, & fere suffocatur. Vnde non actu, sed potentia magis in ipsis esse dicemus. Cōtra adultorū, vt qui in terrestriori substantia reperitur, acer, mordax tactui ingratus sentitur; qui quia naturalis adhuc, & infra latitudinis sanitatis terminos persistit, respectu febrilis, qui multum dictos terminos egredi potuit, mitis ipse quoque dicitur: quem naturalem calorem ex quatuor elementorum moderata permixtione fieri, & primo aphor. & libro aduersus Lycum locis supracitatis manifestissime demonstrauit. Ait enim puerilia corpora multum acree & aquee substantiæ habere, terrestri vero minimum: contra autem qui in ætatis vigore consistunt, a terrestriori magis siccitate vincuntur. Quorum elementorum qualitates in animali reperiri in summo putandum non est, vt primo de temper. cap. 1. docuit Galenus, sed remissas, refractasue primo de elementis cap. 8. & 9. nec non 2. eorundem cap. 1. confirmauit, dum duo principia generationis exposuit; vniuersale vnum, commune appellatum; & particulare, vel proprium alterum. Commune quatuor simplicia corpora decreuit: vt proprium quatuor humores, sanguinem videlicet, pituitam, & vtramq. bilem, qui omnes in sanguine potestate reperiuntur. In quo vt dictum est, naturalis calor maxime viget, & non tantum in sanguine, sed etiam in spirituoso sanguine, quæ ambo natiui caloris sunt adequatum, & genuinum subiectum: qui calor cibo, & potui restituitur; in dies enim dissoluitur, & dissipatur. Cibus vero ex eisdemmet quatuor corporibus fieri, & constare, nemo sanæ mentis dubitat: ex quibus enim constamus, ex eisdem nutrimur. Hinc fames appetitus est calidi & sicci: sitis vero frigidi, & humidi, vt 2. de anima docuit Aristoteles, a quorum commensurato vsu temperies moderata reficitur, & feruatur: At si calor adauctus vltra limites fuerit, infra quos sanitas consistit, febrem facit, quod 8. Metho. cap. primo & 2. de natura facult. cap. 8. Galenus demonstrauit, dum actiones ex commoda oriri temperie docuit: vt ex eadem corrupta easdem lædi, & aboleri, & febrem fieri ostendit. Idem quoque primo de diff. febr. conscriptis verbis explicauit. Sunt igitur suppositiones hæ: calidum, frigidum, humidum, & siccum, esse corporum, elementa, primasq. ex eorum intemperaturis oriri ægitudines: ex quarum numero febris est vna, quando scilicet in corde quædam præter naturam caliditas generatur. Generabit autem caliditatem in corpore præter naturam angustatio, & putredo, similiter & ex vicinia alterius corporis calidioris calor, a quibus omnibus naturalis calor tantum incrementum suscipere potest, vt eius intemperies frangatur, & febris inde generetur, vt citato libro de causis morborum cap. primo docuit Galenus: febris enim per ipsum nihil aliud est, nisi mutatio caloris natiui in igneum, vt 1. Meth. capite primo, primo acut. com. 18. & primo aphor. com. 16. alijsq. locis innumeris clare habetur: Tres itaque de Gale-

ni sen-

ni sententia ponemus calores: Innatum vnum, in substantia aquea, & aerea, pingui tamen fundatum : non naturalem alterum , a rebus non naturalibus in corpore genitum : tertium, præter naturam . Cum innatus ab alio calore non naturali ita adauctus fuerit , vt eius temperatura frangatur , & intra sanitatis terminos non contineatur . Sed Cóciliatorem, vt qui ex omnibus plura colligere potuit, perpendamus.

Quid senserit de calore Conciliator. Cap. XVII.

CONCILIATOR differentia quinquagesima nona partitus est calores in simplicem, & permixtum: & rursus simplicem, in cælestem , & elementarem : dixitq. elementarem esse propriam qualitatem ignis , qui ita ipsum concomitatur , vt plures , eius formam esse dixerint . Qui calor minime generatius existit; confert tamen ad materiæ præparationem pro introductione formæ. Cælestis vero est simplex viuificans, & in esse omnium viuentium germina conseruans , numquam peremptionem aut consumptionem inducens : qui in omnium spermate inexistit; cui innixe fulcitur anima in esse, & operari. Permixtus autem calor est ex elementari, & cælesti compositus, qui est calor animalium, & vegetabilium vtrumque . Nam vt dictum est vnus est præparatiuus materiæ, alter vero datiuus est formæ. Primus est elementaris, secundus cælestis : qui calor in omnium solidarum partium humido inhærescens, potissimû in corde innatus complantatusq; appellatur . A cuius caloris in corde existentis virtute, calor alius generatur , qui quia fluit, & a corde ad omnia membra mittitur, influens dicitur . Ex quibus caloribus influente scilicet, & innato, complexio in membris oritur, cuius ope, & virtute reëctricis animæ omnes actiones in corpore explentur . Hæ sunt aliorum de calore sententiæ, quorum commemoratio huic loco congruere visa est . Nunc ad propriam opinionem accedamus.

Quod calor cælestis, elementaris, innatus, vel naturalis, influens, complexionalis, & præternaturalis ratione tantum, & non specie differunt, vt multi putauerunt. Cap. XVIII.

HVCVSQVE aliorum opiniones de calore examinauimus, qui cum diuersis nominibus nominetur, & ab eo diuersi effectus non tantum ratione sed specie differentes oriantur . Rursus quia in subiectis specie differentibus reperitur non ratione solum , sed specie dictos calores inter se distare grauissimi viri putauerunt . Propterea ipsum in simplicem , & permixtum cælestem , & elementarem diuiserunt : alij in innatum , influentem, & acquisititium : tertij demum in cõplexionalem , & præternaturalem: vt

lem: vt non facile fit rei veritatem colligere: quæ vnica cum sit, & in puncto, vt dicebat Aristoteles, consistat, a tanta opinantium varietate adeo adumbratur, vt vix quis nam sit dictus calor intelligi possit. Verum enimvero & si dicti calores tantum inter se videantur differre, quantum distant cælestia a naturalibus, & elementaribus, non tamen re, sed tantum ratione, & operandi modo materiæq. diuersitate, & quia diuersarum virtutum, & principiorum instrumenta sunt distingui affirmamus. Nam si recte oculi in rerum omnium procreationem intenderimus ex quatuor elementis eas constare intelligemus. Et ab animantibus tamquam a perfectioribus exordientes, hæc ab instrumentalibus, & organicis membris composita esse: organica vero a similaribus, similia ab humoribus, humores ab elementis, elementa, denique a primis quatuor qualitatibus fieri recte dicemus. Quæ primæ quatuor qualitates accidentia cum sint, sine subiecto stare nequeunt; subiectum autem supradicta omnia esse possunt, sed primo quatuor dicta corpora, ex quorum moderata permixtione calor naturalis originem trahit, cuius opera, & auxilio anima omnes actiones, & passionis in corpore exercet, & veluti instrumento ad mixti generationem utitur: calor enim, qui est in spiritu gignituo, per quem secunda fiunt semina idē specie est cum calore ignis; & si simpliciter ignis non sit, vt in expositione textus secundi de generatione animalium supra dictum est: quoniam caliditatis gradum igniparem non possidet, sed quia agit directus a virtute formatiua seminis parentis, & in primordijs generationis in ipso semine, & sanguine menstruō reperitur: idcirco ingenitus complantatusq. appellatur, cuius fundamentum cor est, & membra similia: idemq. calor, quia fluit, & ad diuersa membra a corde per arterias transmittitur, influēs dicitur, vt in argumento primi in primum de morb. vulg. docuit Galenus. Idem quoque mutatione substantiæ acrior, & mordax indices efficitur, & acquisitius a Galeno prima aphor. 14. & in libro aduersus Licum nominatur: quoniam in sicciori, & magis terrestri substantia fundatur, hoc autē quia deperditur, & consumitur humidum illud vocatum radicale a calido naturali, quia eo vescitur. Idem quoque calor concoquit, & generat, vt 2. de anima probatum est. Dicitur elementaris, & igneus, quia ab igne manat, ab alijs tamen elementis moderatus in gradu complexionalis euadit, & commodum animæ vegetalis in coctione, & generatione instrumentum efficitur. Quia calor in animalium semine inhaerescens elemento stellarum dicitur correspondere: qui quia corporum cælestium continuo motu fouetur, illustratur, & perficitur, vt primo Metheor. 4. habetur, cælestis dici iure merito poterit; perfectio enim cuiuslibet viuentis quatenus viuit, est motus, vt bene dixit Auerroes in disputatione 14. in solutione primi dubij, quem motum in spiritu existente in semine, quod potentia viuit, cæli motu impartitur, vt viuendi actus introducatur. Hic autem spiritus quia calidē, humidæq. est naturæ Ioui dicitur; appellatur etiam solaris: quoniam ingentem solis in se temperat potestatem, dum Iuppiter ipsum in-

D

fundit.

fundit. Lucidus enim, subtilisq., & a corde admodum feruens oritur: licet. vt a sanguine nascitur vapor quidam sanguineus merito vocari possit. Nam post tot coctiones, totq. destillationes sanguis aereus æthereusq. efficitur, & qui in spiritum facile conuerti potest: qui Veneris quoque virtute in se continet, motu enim venereo prorsus exundat, profluit, transfertur, prolemq. propagat, ad voluptatem cuiuslibet sensus se dilatat, doloremq. refugit. Et in summa, vt spiritus ad vitam motum propagationemq. inducit Iouius, Venerius, solarisq. existimatur. Quatenus vero animum ad sensum imaginationemq. ministrat, solaris, Mercurialisue censetur: semper enim Mercurium sequitur, cum ad mouendum, transmutandum, formandumq. facillimus existat. Ceterum Saturni, Martis, ex Lunæ sanus spiritus non multum habet: nam a Saturno stupidus, a Marte furiosus, a luna obtusus quandoque foret; ex dictorum tamen corporum commensurato concurfu accedentibus aliorum mutuis, blandisq. complexibus, commensuratam fortiri naturam commode potest. Elementaris vero calor est propria qualitas ignis, quam plures eius formam esse dixerunt: sed omnium vnus est calor, qui graduum, & potentia diuersitate modo vrit, aliquando concoquit, non raro generat, & interdum corrumpit, vti pro subiectæ materię varietate modo mitis, & blandus, aliquando vero acris, mordax, & destructiuus experitur. Si enim aqua, ligna, caro, ab eodem igneo calore calefient, & in clibano, a commensurato clibani calore ab ouo pullus generatur, cum hoc, quod vnus calor sit vrens, alterius concoquens, tertij generans, quoniam diuersi, immo contrarij sunt effectus, & non tantum specie, sed genere distantes, non dicemus propterea dictorum diuersorum effectuum causam diuersam esse. Cum hoc, quod vnus calor blandus, & mitis sit, vt aquæ: vltius alterius, vt accenforum lignorum: acris & mordax, vt lapidum: generatiuus, vt pullorum in clibano: sed omnia ab eodem calore, etsi diuerso in gradu, diuersiq. subiecti ratione fieri affirmabimus, in quibus artifex moderator est & rector, vt in naturalibus operationibus moderatrix & regulatrix est anima. Quæ vti artifex secundum materię dispositionem, & ignis graduum varietatem modo vrit, modo concoquit, & interdum generat. Quamobrem certissimum est, quod quando calor ignis de potentia ad actum medio motu, & transmutatione ex ouo in clibano pullum generat, igneum calorem tunc elemento stellarum proportionem respondere: sicuti quando comburit, suas vires ignem tunc summe exerce-re, vt 3. Cæli 6. 7. Com. docuit Auerroes. Concludere igitur rationabiliter poterimus, ab eodem igne modo moderato, modo excellenti, & in summo omnes dictas actiones prouenire: etsi inter se maxime diuersæ, & contrariæ conspiciantur. Nisi velimus dicere, quod vt ignis calor ad diuersas formas specie differentes terminatur: ita pro huiusmodi formarum varietate ipsum etiam specie differre, vt substantias calor sequatur, quibus terminatur, etsi per se, & in radice vnus sit calor. Et vtinam Chimici ignis gradus perfecte scirent, eis namque corporum transmi-

transmigrationem facere, difficile non esset. Sed tempus est, ut quæsito pro viribus satisfaciamus; in cuius explanatione quid sit calor præternaturalis, & in quo a naturali differat, innotescet.

Examinatur dictum Galeni si putridus calor magis ad humores, quos continent cordis sinus, quàm ad corpus visceris deflexerit, eorum plurimi euadere potuerunt. In quo tam caloris naturalis quàm præternaturalis latitudo desegitur. Cap. XIX.

SATIS superq. per lucidissimos caloris campos ipsum multo studio inquirèdo vagati sumus, a cuius varietate, & splendore allecti hucusque digredi, & quæsito in 12. capite factò respòdere distulimus: An scilicet viuere animal possit, si cordis humores putredinem conceperint, corpore cordis seruato. cui quæstioni satisfacturi, quinque spectanda erunt. Anima rectrix primo: caloris latitudo: materiæ conditio: gradus putredinis: vltimo locus, in quo putredo ipsa reperitur. Et a primo tamquam a nobiliori exordientes, animam non esse complexionem, neque temperiem, sed a temperie, & a complexione vegetalem, & sensibilem animam, a penetralibus, & potentia materiæ per verum motum, & veram alterationem deduci dicimus. Secus autè de intellectuam tenemus, quam nec temperiæ esse, nec a temperie ortum habere, sed de foris venire credimus; propterea mortales primas; intellectuam vero separari ab alijs tamquam incorruptibile a corruptibili certo affirmamus, vt 3. de anima Tex. 20. & 2. de Gener. animal. 3. docuit Aristoteles. Si enim vna ab altera seiungi, separariq. non posset, plantæ vegetali, & animalia sensibili non viuerent: sed in vno omnes, & in omnibus vna reperiretur. Quæ est actus corporis vt 2. de anima, & non solum est actus, quia constituit corpus in actu, vitam ei tribuens: sed etiam quia actiones omnes, & passionem cum moderato calore naturali appellato in corpore nostro agit, & perficit. Spiritum enim, caloremque innatum essentiam animæ non esse, sed primum eius instrumentum ex 2. de simplicibus Med. cap. 9. clare habetur. Qui naturalis calor latitudinem suscipit, vt decreuit Galenus 8. Method. cap. primo, sic inquit: Sane unusquisque morborum est, qui per intemperiem fit, & febris; nam cum immodice adauctus est calor, ut & hominem lædat & actiones offendant, febris erit: quando si neutrum adhuc efficiat quantumvis sit homo nunc quàm antea calidior, non tamen eum febricitare monstrauimus. hæc ille. Ex quibus luce clarius patet, quòd si ex caloris adauctione homo non offenditur, aut actio læditur, febris non erit. Quam caloris latitudinem, & augmentum non tantum in calore naturali, sed in eo etiam, qui præter naturam est, ponere debemus: qui nil aliud est, quàm naturalis ipse adauctus, ut in libro de causis morborum cap. 2. primo acut,

com. 18. prima aphor. com. 16. & 8. Meth. tex. primo notatum fuit. Vnde uti calor naturalis adauctus, rectus ab anima hominem non lædit, nec actiones offendit cum adhuc sub eo sanitas seruetur. Similiter & de præternaturali dicendum est. Nam in febre cum dictus calor igneus, id est, ad naturam ignis propinquior fuerit factus, infra certos tamen latitudinis confines persistens cum eo anima, etsi diminute, vel corrupte, tales tamen exercere actiones in corpore poterit; ut cum eis animal viuere valebit. Ultra quos terminos expansus, & igneus magis effectus, cum eius natura sit consumere, vrere, & destruere sub reëctricis animæ imperio non subsistens, actiones ita destruet, ut cum eis viuere animal non possit. His accedit gradus putredinis, quæ si omnibus numeris absoluta erit ita ut sit lata, profunda, sordida, conclusa, ad minima elaborata, & in lentore constituta, ut ab ipsa seminaria contagionis gigni, & eleuari possint propter putredinis potentiam, cum vulgaris putredinis superet conditiones, venenatæ materiæ anima dominari non poterit. Sed locum putredinis spectemus. Quare si in partibus cordi vicinis, vel in contentis ab eo, aut in corde ipso putredo reperietur, grauior erit affectio, & adhuc grauior, si materia, in qua putredo fundatur, mali moris erit, videlicet si fuerit cholera praxina, vel æruginosa, nec non phlegma salsum, a quibus omnibus calor præter naturam vires naturæ adeo superabit, ut cum eo animal viuere minime valebit: uti e contra, si putredo ita valida non erit, & in partibus, a corde remotioribus persistet, similiter in benigniori materia reperietur. Rursus calor, qui est præter naturam, non ita excreuerit, ut ab anima superari non possit, etsi cum magno labore, morbus tamen debellabitur. Remanet modo, ut his iactis fundamentis, quæstioni satisfaciamus. Dicimus itaque quòd quando putredo erit in humoribus, qui in sinibus cordis continentur, ægros plurimos euadere posse, si putredo scilicet omnibus numeris absoluta non erit: si in benigniori materia fundabitur: calor latitudinis terminos non exceßerit; ultra quos expansus, & igneus magis effectus amplius seruari animal non potest. Hoc vel maxime si ceteræ corporis partes ante morbi inuasionem propriam temperiem retinebunt. Tunc enim anima cum calore, qui non tantum corpus cordis integrum obtinet, sed etiam alia membra, aliosq. humores, qui ab ambitu totius corporis continentur, & non corrupti calefiunt solum, non autem calefacti sunt, actiones in corpore diminutas quidem exercebit: eiusmodi tamen, ut calorem putridum humorum in cordis sinibus existentium superare, materiam consumere, vel expellere valebit, & eo facilius, si ab arte congrue fuerit adiuta. Nam sicut omnium natura constantium terminus est, & ratio magnitudinis, & augmenti, ut 2. de anima 41. docuit Aristoteles. Qui auctoris terminus in calore naturali etiam, a reëctrice anima seruat, ut illius auxilio actiones in corpore expleat: propterea dixit Aristoteles, quòd appposito combustibili calori naturali, non comburit in infinitum: quia ab anima regitur. Eodem profecto modo de calore præternaturali dicendum

dīcendū est, qui ab anima gubernabitur, quoad vires animæ non superabit: vt cū eo functionum munera, & si diminute, ita tamen in corpore explere poterit, vt calorē præter naturam ad benignam, naturalemq. temperiem reducere queat: & eo maxime, quia naturalia præter naturam effecta, vi propria ad ipsarum naturam naturaliter redeunt; Quod in aqua feruescēta in dies cernimus, quæ vi naturæ obstaculo amoto ad naturalem frigiditatem reducit. Non secus anima humores in sinibus cordis contentos auxilio caloris præter naturam, qui adhuc sub eius dominio continetur cū calefaciat tantum, & non integre, ipsam præcipue substantiam cordis calefecerit; superare, destruere, & vt dictum est, expellere poterit. Galenus namque 3. de præſag. ex pulsibus cap. 3. variationem notatu dignam in pulsibus apparere docuit, si temperamentum contrarium in corpore cordis aderit temperamento eorum, quæ in corde continentur. Quanto itaque maior sequetur variatio; si contenta erunt corrupta, corpore cordis a corruptione seruato, cuius caloris ope, & membrorum similarium, nec non humorum in ambitu corporis existentium, & adhuc non corruptorū corrupta contenta in corde consumendo tollere, vel per insensibilem transpirationem, vel per aliquam corporis partem sibi commodiorem educere anima poterit, & ita plurimos seruare. Secus autem læso cordis corpore euenit: quam enim excogitare possumus medicinam aduersus putredinē, quæ cor occupauit? Ceterum qui caloris multiplicitem tenent, scio dicturos calorem præter naturam in calore influente, vel complexionalij fundari, calore innato permanente illæso, quo anima suis fungi muneribus in corde poterit. Verum prima expositio & declaratio menti Galeni magis accommodatur. Sed in his tantum immorandum non est, vt pestis causas relinquamus.

Quot sint pestis causa: & primo de extrinsecis, & de his, qui in Deum omnem causam reiecerunt, inter quos quid senserint Gentes explanatur.

Cap. X X.

IN pestis definitione causas eius attigimus, quas hoc loco fusius prosequi intendimus. Hæ autem in vniuersum duæ sunt, interior vna, exterior altera. Ab exterioribus, vt a communioribus, & numero etiam pluribus, exordiemur. Quæ etsi medicam facultatem transcendere quoquo modo videntur, quia tamen claris quibusdam viris, e sublimi causis veræ pestis assignare libuit, quas Christiani præcipue amplecti debent, qui omnium moderatorem, & rectorem Deum ipsum gloriosum agnoscunt: propterea eas prosequi, nec incongruum, nec inutile censendum est. Dicemus autem primo quo modo Gentes pestis causas in Deos retulerunt. Anno enim ante Christi natale 735. pestis inter Romanos, & Laurentios populos

pulos viguit, quam Deorum ira contigisse Plutarchus in vita Romuli, & Dionysius Alicarnassæus libro 2. dixere. Nuncij enim Laurentij, & Tattius Sabinorum Rex præter Gentium expectationem interfecti fuere. Quorum Deorum iram vt pacaram redderent, nonnulla sacrificia iuxta eorum ritum celebrâre. Anno quoque 638. valida Urbem pestis inuasit, cuius timore deterrita tota fuit, religione, etsi vana repleta: hæc Liuius libro primo. Anno etiam 381. strages validissima Romanos inuasit, cuius causam in Deos Capitolinos retulerunt, quos indignatos arbitrati sunt, quia a dicto loco Manlium præcipitarunt, cum prius Capitolium ipse seruasset: hæc Liuius lib. 6. Addam & quartam, quæ anno 174. ante mundum redemptum Romam detinuit, quo tempore ab Epidauro Romam Aesculapium maximo cum honore traduxere, cuius præsentia pestis euauit: hæc Liuius in epitome lib. 2. Non deessent varia, & fere innumera exempla, quæ breuitati indulgentes, consulto dimittimus, in quibus lætisternia, preces, feriæ supplicationesq. celebratæ fuere. Quibus Galenus in proœmio primi in primum de morbis vulg. sic inquit, astipulatur: At pestes appellant omnes homines, sciuntq. exitiales morbos esse. & subdit: Et vero etiam ad Deos sæpe refugiant de curatione earum consulentes. Ceterum quo modo hæc prodesse potuerint, cum eorum vana esset religio, iure merito erit inquirendum. Quod ad duo referendum censemus, quorum alterum est, quia princeps mundi huius non erat eiectus foras, propterea in Ioannē cap. 16. Redemptor generis humani ait: Nunc princeps mundi huius eiicietur foras, suæ passionis efficaciam innuens. Qui princeps, diabolus est, qui non ideo dicitur princeps, vt Manichæi male intellexerunt, quia creauerit mundum: nec quod duo sint dii, vnus bonus, & alter malus: ille inuisibilium, & hic visibilium creator. Sed princeps dicitur, quia eorum, qui plus equo mundum diligunt, caput diabolus est, & princeps, cuius potentia maxima erat, & quæ terrestres potestates omnes exsuperabat, vt ex Iob. cap. 11. habetur: Qui a Salvatore mundi debellatus fuit. Verum illarum Gentium tempore adhuc Christus passus non erat, principem diabolum foras non eiecerat, qui Gentilitatem decipiens, vt dicta sacrificia, vota, lætisternia, supplicationesq. eis prodesse, ne verum Deum agnoscerent operabatur. Præter id, quod Deum etsi verum non agnoscerent, colebant: propterea aras ignoto Deo extollebant, vt in actis Apostolorum cap. 17. habetur: hinc Paulus ait: Quod ergo ignorantēs colitis, hoc ego annuncio vobis. Qui affectus verum Deū colendi, etsi verum non colerent, eis prodesse poterat. Secunda causa in suscipientium fortem imaginationem, & fidem referenda est, vt in libro de adiuratione, incantatione, & suspensione aperta oratione sub his verbis habetur: Quando mens humana aliquid amat, licet naturaliter inutile, sibi tamen prodesse existimat: ex sola mentis intentione res illa iuuat. & subdit: Verbi gratia si quis incantationem sibi prodesse confidat, qualiscumque sit, cū nihilominus iuuat: propterea Socrates ait: Incantationes, verba sunt

sunt decipientia, rationales animas secundum sp̄ei inceptionem, & secundum timoris incisionem. hęc ille. Ex quibus manifestum est, non conferentia natura, ex suscipientium forti imaginatione, nihilominus conferre. Modo quo modo pestis in veteri, & in noua lege vltoris Dei ministra fuerit videamus.

*Quòd in lege veteri, & in noua, e sublimi, & a Deo glorioso
gladius, fames, & pestis in homines vt flagellum irruerint. Cap. XXXI.*

VETERIS, & sacrę legis Patres Deum pestilentię auctorem habuisse, & predicasse, Deuteronomij testimonio firmatur, vbi Moyses ita ait ad populum: Si audire nolueris vocem Domini Dei tui, & eius cęrimonias, & mandata, quę pręcepi tibi, non seruaueris, super te omnes maledictiones venient: adiungam quoque pestilentiam, donec de terra consumer te. hęc ibi. Et paulo inferius: Percutiet te Dominus egestate, febre, frigore, ardore, etu, aere corrupto, & rubigine, donec pereas. Idem lege 2. Regum cap. 24. & primo Paralipomenon cap. 21. cum inani gloria ductus Daud in populi numeratione peccasset, per Gad Dominus Daud nunciare fecit, se eum velle percutere: propterea quid horum trium mallet, eligeret: aut per septem annos famem, aut per tres menses pręlium, aut tribus diebus peste conficiari. Cui Daud: Coarctor nimis! Malo tamen in Dei, quàm in hominum manus incidere. Quare tribus tantum diebus ad septuaginta millia de populo percussi iacere potuerunt, donec Angelo diceret Dominus: Sufficit, contine manum tuam. Hieremias etiam cap. 14. cum ad Deum pro populi peccatis oraret, dixit ei Dominus: Noli orare pro populo isto in bonum. Nam si ieiunauerint, preces eorum non exaudiam: etsi obtulerint holocausta & victimas, non suscipiam ea: quoniam & gladio, & peste, & fame ego consumam eos. Et rursus per Hieremiam cap. 38. post eius captiuitatem locutus est Dominus, dicens: Qui manserint in ciuitate hac, gladio, fame, & peste peribunt. Qui vero aufugerint ad Chaldęos, viuent. Et per Ezechielem cap. 5. ait Dominus omnipotens: Quia sanctum meum violasti, & in omnibus offensionibus tuis, & in cunctis abominationibus tuis: Ego quoque confringam te, & non parceat oculus meus, & non miserebor. Quare tertia tui pars peste, & fame, & gladio in medio tui morietur, & consumetur, & in circuitu tuo cadet. hęc ex lege veteri dicta sint satis. Ceterum seruatoris nostri pręfagia referamus, qui Lucę 21. capite ait: Insurget gens contra gentem, & regnum aduersus regnum, & terrę motus erunt per loca, & pestilentię, & fames, terroresq. de cęlo, & signa magna erunt, & reliqua. Anno quoque a Christo nato 590. validissima fuit pestis, quę pręter ceteros, Pelagium occidit, quę inguinaria dicta fuit Cuius tanta vis extitit, vt si quis oscitasset, vel sterneret, statim moreretur, hinc signo Crucis os signari, & sternutantibus dici, aue,

ci, aut, initium habuit, pro qua peste fuganda cum ad Deum preces, rogationesq. diuus Gregorius Magnus funderet, iuxta Adriani molem vidit Angelum, sanguine conpersum ensē, mundare, & abstergere, & in vaginam recondere, vocemq. sic dicentem audiuit: Regina celi lætare halleluia: Quia quem meruisti portare, halleluia: Resurrexit sicut dixit, halleluia: quibus diuus Gregorius statim subdit: Ora pro nobis Deum, halleluia. hæc Platina in vita Pelagij secundi, & Gregorij primi, & Blondus libro 4. suarum historiarum, & Paulus Diaconus lib. 3. & Petrus Messia in vita Mauritij Imperatoris. Fuit etiam Romæ pestis a partu Virginis 533. quæ non tantum Romam, sed alia Italiæ loca occupauit, quo tempore multis bonus, & malus apparuit Angelus veru manibus gestans, quo quoties aliquis ianuam percutiebat, tor e domo illa mortui efferebantur. Eo tempore cuidam reuelatum fuit; pestem extinctum iri, cum in ecclesia diui Petri ad Vincula, diuo Sebastiano altare erigeretur. ibiq. supplex populus ad Deum preces effunderet: quo perfectō opere, pestis euanuit. Auctor est Paulus Diaconus libro 6. Quod altare hodie quoque in dicta ecclesia cernitur, & colitur. Hęc igitur, & huiusmodi alia nobis demonstrant pestem a Deo altissimo in inferiora interdum mitti, vt mortalium peccata puniantur, & corrigantur; eiusq. irę vlttricem, & ministram esse. Studeant itaque mortales seruare legem Domini exercituum, ne peccatorum multitudinem, & peruicacia Dei iram in se prouocent, pesteq. puniantur, & intendant.

De pestis causis secundum Astrologos. Cap. XXXI.

QUO modo secundum Patres veteris, & nouę legis pestis causę in Deum relatę fuerint, enarrauimus. Nunc vero quid de eisdem Astrologi senserint, inquiramus. Qui tunc fieri pestem asserunt, cum aer malo quodam modo, a corporum cęlestium varijs aspectibus humanę naturę inimicis vitiatur. Quando scilicet fit coniunctio Saturni cum Marte, in Geminis, aut Virgine a Ioue & Venere non impedita, nec non & coniunctio Iouis & Martis. Quę non tantum pestem, sed & alia plurima generalia mundi accidentia, vt famem, terrę motus, inundationes, aerisq. maximas perturbationes ex sideribus, præcipue ex lunarium eclipsibus interdum mortalibus ingruere, peritissimi Astrologi obseruant. Quę eclipses non omnes, sed certis affectę modis hæc præstare possunt: hoc vel maxime, quando solis & lunę defectus in partibus signorum contingunt: ex quibus hoc, vel illud significatur: Vt quando eclipsis in vltimis decem gradibus fit, pestem, famemq. inducit: idem quoque luna deficiens in medio denario Arietis efficit. Et in vniuersum alterutrius labor in signis Geminorum, Librę, & Aquarij, famem, & squissimas egritudines, atque pestíferas inferunt, præsertim cum infausta e Saturni radiatio, vel Martis eclipsium significatis attestatur. Dummodo a fausta Iouis, & Veneris radiatione mitiora omnia non reddantur. Omitto iam, quod lucis defectus

defectus in supernis magnis luminaribus manca, & imperfecta, hæc inferiora reddunt, & efficiunt. Si quidem ab eorum lumine inferiora cuncta producuntur, & viuunt. Quod Galenus 2. de diebus decretorijs cap. 2. de luna loquens, in verbis demonstrauit: Omnia siquidem, quæ facere nata est, vbi falcis figuram repræsentat, languida fiunt. Inualescunt omnia, cum plena fuerit. Hæc de luna. Nunc de defectu luminis solis dicamus, a cuius eclipsi pestis a Partenopeo partu 538. originem traxit, auctore Paulo Diacono libro 6. Anno quoque 703. a partu Virginis, a solis, & lunæ eclipsibus, immo ab eorum insolita obscuratione die tertia Maij valida pestis Italiam inuasit, a qua Agaton Pontifex interfectus fuit, auctore Platina in vita dicti Pontificis, & Blondo libro 9. & Tarcagnotta eodem libro. Anno rursus 1260. a Christo nato, præter cetera prodigia, sol per plures dies lumen amisit, quo tempore tam saua, & rabida pestis Romam occupauit, vt vna die ad quinque millia extincti iacuerint, auctore Petro Messia in vita Galieni Imperatoris. Verum quia multi negant a corporibus celestibus malum aliquod ad hæc inferiora pertingere posse, quid de hac re sentiendum sit, paucis disseremus.

An accidentium, quæ in sublunari Mundo fiunt, & præcipue pestis corpora celestia causa existant. Et quare magis unus, quam alius locus similiter magis homines, quam bruta, uel contra magis bruta, quam homines peste corripiantur. Caput XXXIII.

CORPORA celestia vario aspectu, nec non maiorum luminarium eclipses, non tantum pestis, sed diuerforum etiam accidentium in istis inferioribus causam esse capite superiori monstrauimus. Verum quia non desunt, qui vires has deleterias celestibus corporibus inesse non probant, hæc de re an dictas vires, habeant accurate inquirendum duximus. Plato enim in epinomide a celo inferiora non infici his verbis asseruit. Hæc celestia existimamus animalia esse diuinum astrorum genus, corpore quidem pulcherrimo, anima vero tum beatissima, tum optima constitutum. His itaque animalibus e duabus sortibus, alteram tribuendam putamus. Nam aut absque perniciæ immortalia, atque diuina necessario singula sunt, aut vitam longæuam agunt, singulis adeo sufficientem, vt longiore non indigeat, hæc ibi, & paulo inferius. Hanc astrorum naturam esse visu quidem pulcherrimam, progressu, & chorea optima utentem, omniumq. chorearum decentissima, & magnificentissima, quæ cunctis animalibus commoda præbet. Chalcidius quoque dictorum interpres, sic ait: Aut omnes stellæ diuinæ sunt, & bonæ, nec quidquam faciunt mali, aut quædam maleficæ: sed maleficas esse in illo sancto, & pleno benedictis loco quatenus conuenit. Cumq. omnia sidera plena sint celestis

E sapientiæ,

sapientiæ, malitiãq. sciamus ex dementiã nasci: quatenus conueni-
maleficas stellas dicere? nisi, id quod sis non est; interdum easdem bonas,
interdum vero malignas esse existimemus: propterea q. promiscue bene-
fica, & malefica præbere. Sed hoc absurdum est putare. Cælestem sub-
stantiam vna eademq. natura præditam non in omnibus stellis eadem ef-
se, sed plerasque tamquam a propria degenerare natura; & hoc si malici-
eæ essent: cum natura propria quidquam non faciant mali, sed salutes
& benefice censeantur. Modo Aristotelem audiamus qui 9. Metaph.
Tex. 19. facta prius inquisitione de actu, & potentia, sic subdit: Ergo
in rebus, quæ sunt in principio, & quæ sunt æternæ, non est aliquod malum
omnino, neque error, neque corruptio. Corruptio enim est ex rebus
malis. Quæ verba Auerroes sic exposuit: Manifestum est igitur, quod in
rebus, quæ non sunt post potentiam, & sunt illa quæ sunt æterna; sed esse
eorum est principium, non est malum omnino, neque error, neque
corruptio. Corruptio enim est ex rebus malis, & subdit: In hoc cogno-
scitur quoddam hoc quod dicunt Astrologi, quod quedam stellæ sunt fortuna-
tæ, & quedam infortunatæ, impossibile est scire. Sed tantum quoddam
sint meliores quibusdam sciri potest. Ex quibus auctoritatibus irritam
esse aliorum scientiam, manifestum est: sed si irrita & vana esset, quor-
sum prædictio ortus, & occasus siderum, necnon solis & lunæ eclipsium?
a quibus tempora nonnumquam æstuosa, interdum frigidiora, quandoque
sicciora, & aliquando humidiora redduntur? Quæ mutationes, non tantum
congruis sunt temporibus, sed sæpius intempestiue contingunt, vt in æsta-
te frigus, in hieme verò calor multoties sentiat. Taceo turbulencias, &
alias varias mutationes, quæ a dicto ortu, & occasu siderum provenire con-
sueuerunt, vt docte Hippocrates in libro de aere, aquis, & locis demonstrat,
uit: quem Aetius sermone 3. primi totabilis cap. 164. secutus est. Ad-
de quod tot viri celebres; qui de peste tractarunt; & pestis causam in
astra retulerunt, vana, & irrita docuissent. Inter quos Ficinus cap. 2. suæ
epidemiæ ita scriptum reliquit: Concreatur huiusmodi vapor in aere vni-
uersalisioris tempore pestis ex malignis quibusdam constellationibus præ-
sertim ex Martis cū Saturno in signis humanis coniunctione, & ex lumi-
narium eclipsibus. Avicēnas quoque 4. primi cap. proprio sic habet: Cause
pestis sunt forme ex formis cælestibus facientes esse necessarium illud, cu-
ius aduentus ignoratur. Quod Galēnus in libro de Theriaca ad Pisonem
sic inquit, confirmavit: Immutat enim aerem malo quodam modo, vt
homines interficiat, quæ mutatio ad cælestia corpora referenda erit. Quod
Hippocrates quoque primo progn. visus fuit innere, dum diuinum in
morbis reperiri asseruit. Nec Aristoteles primo Meteor. 4. dixisset ne-
cessariam fore lationibus superioribus inferiorum continuationem, vt inde
tota eius virtus gubernaretur: nisi astra rebus, quæ extra mortalium volun-
tatem, & decretum conueniunt, moderarentur, easdemq. disponderent, &
producerent. Quare cum chorea optima siderum, & chorearum omnium
decentis-

decentissima, magnificentissima, & pulcherrima, a primò Motore diu-
 turnitate immensa, & incessabili conseruata per se malefica, a Platone,
 Aristotele, Chalcidio, & Auerroë non habeantur, per accidens inimicam
 & inferioribus infensam; existere existimandum censemus. Quod tribus
 modis fieri posse, Pauli Veneti etiam in libro de celo cap. 14. testimo-
 nio confirmatur; dùm ait: Necessitatem pluralitatis motuum celi osten-
 dit Philosophus 2. celi ex necessitate motuum inferiorum; postea subdit:
 Ad quod inuestigandum, est primò notandum, quòd cælum tripliciter
 in hæc inferiora agit, motu scilicet, lumine, & influentia. Motu, tra-
 hendo secum spheram ignis vna cum aere existente vltra montes altissi-
 mos, sicut patet primo Metheor. Vnde de motu loquens Aristoteles 9.
 Metaph. 17. dixit: Non est timendum, quòd cælum quiescat, Ab eius
 enim cessatione omnia corrumperentur & interirent. Hinc causas gene-
 rationis, & corruptionis 2. de gener. & corrupt. Tex. Com. 56. docens,
 sic scriptum reliquit: Quocirca si accedendo, & prope esse, corpus cæ-
 leste generat: in recedendo, & in longe fieri, id ipsum corrumpit. Quæ
 verba Auerroës in commento ita exposuit: Manifestum est, quòd gene-
 ratio & corruptio sunt continuæ vt sint motus secundum dispositiones
 contrarias in respectu generatorum, & corruptorum. Iste igitur motus nō est
 primus, sed motus solum in orbe declinā. Qui orbis, sicut docuit Aristo-
 teles, habet continue motus duos, propinquum scilicet, & remotum, ne
 ex eo vna procedat operatio. Propterea idem dixit, quòd accessus & re-
 cessus solis in circulo obliquo est causa generationis, & corruptionis om-
 nium rerum: ex cuiusmet accessu & recessu, ratione varietatis siderum,
 per quæ sol in Zodiaco peragatur, modo ver, aliquando æstatem, inter-
 dum autumnum, & tandem hiemem parere solet. Et hæc de motu. Lu-
 mine quoque agunt corpora cælestia, vt experientia docet, quo calorem
 in hæc inferiora inducendo agunt. Influentia denique, quia in profundo
 terræ vbi motus, & lumen non attingunt eius opera metalla, & alia in vi-
 sceribus terræ abscondita generantur. Quæ influentia dixit Paulus loco
 supra citato, est qualitas spiritalis sensu non perceptibilis, sicut lumen &
 motus. Et hæc est illa, quam viri peritissimi venenatam, abditam, &
 eæcam qualitatē appellarunt. Et forsā idem voluit innuere, quando in
 libro de celo cap. 14. dixit quòd in diuersis punctis celi sunt diuersæ vir-
 tutes, a quibus secundum æquiualentiam numquam recedunt, ita quòd
 in oriente sunt aliquæ virtutes, quæ non possunt esse in occidente, & e con-
 trā. Quæ quidem virtutes número, vel specie numquam sunt in parti-
 bus existentibus in seibus secundum æquiualentiam. hæc Paulus. Quare
 sicuti cælestia corpora temporum varias constitutiones lumine & motu
 constituunt, & aeris plurimas, & varias mutationes pariunt: ita ab in-
 fluentia in terræ visceribus metalla, & multa alia diuersa gignuntur. Quid
 prohibet contrarios aspectus motus, & loca siderum malo quodam modo
 inficere, & venenare aerem, et perniciosus mortalibus euadat. Ceterum

sciendum quod a dictis corporibus in varijs signis varijsq. cæli locis existantibus propter quæ varij aspectus contingunt necnon ratione Zenithi siderum magis vnum, quàm alterum locum respicientium, & dominantium ob graduum numerum, & latitudinem magis vnus, quàm alter locus inficietur, & peste corripietur, etiâ quod non multum inter se distantia reperiantur: hoc vel maxime si dicta loca meridionalibus ventis sint exposita, & earum cultores intemperantes sint, & præuo victu viuant, vel aliquam ex inferioribus, qua facile infici possint, coniunctam causam habeant. Hinc etiâ continget magis bruta, quàm homines, & interdum magis homines, quàm bruta peste corripì & detineri. Præter illud, quod dixit Hippocrates, differre scilicet corpus a corpore, naturam a natura, nutrimentum, a nutrimento. Etsi probabiliter etiâ dicere possimus: tunc bruta peste magis correptum iri, quando a terra originem pestis habuerit, cum semper prona terram respiciunt, a qua, vt nutrimentum carpunt, ita venenum cum nutrimento carpere possunt. Hæc de calo.

Quo modo quæ in sublimi igneaq. regione fiunt, pestis causa existant. Cap. XXXI I I I.

AT non solum corpora cælestia vario eorum motu lumine, & influentia pestem efficere valent: sed & ignitæ apparitiones, quæ in sublimi fiunt *metopa*. Græci vocant vi corporum cælestium clata pestem parere possunt. Huiusmodi sunt stellæ cadentes, cometa, facès, soles plures, & similia. Verum non omnia hæc præstant, sed quæ potentiorẽ causam habent, vt cometa, plures soles, & similia: quibus valida exhalatio vi corporum superiorum sursum lata inest, quæ præter id, quod aërem sicciorẽ reddit, malo etiâ modo ipsum immutat, vt ceteris concurrentibus pestem causet, atque producat, vt anno 462. ante Christi aduentum contigit. Quo tempore visum fuit calum ardere, & multi ignes in aere præter cetera tremenda, timendaq. apparuisse, auctore Liviõ libro 2. Dionysio Halicarnasseo libro 9. & Tarcagnotta libro 2. primi voluminis suæ historiæ. Anno quoque 174. ante Christum natum præter alia prodigia, tres soles visi fuere, multaq. ignitæ facès, e cælo ceciderunt, auctore Liviõ libro 5. primæ Decadis. Et anno 985. a partu Virginis stella comata apparuit auctore Platina in vita Clementis V. & Petrarcha in vita Pontificum. Anno rursus 1340. comata stella apparuit auctore Leonardo Aretino libro 6. & Ioanne Villano lib. 11. secundæ partis, & Petro Marcello in vita Ducum Venetiarum, in quibus supradictis temporibus validissimæ pestes fuere: quæ aliquando vnum, quandoque alium, & vt plurimum varia loca, vt suis locis videre licet, occuparunt: præcipue tamen loca, supra quæ dictorum accidentium Zenith visum fuit. Sed animaduertere oportet dictas apparitiones virtutes corporum cælestium sequi, quæ maiorem, minoremq. potestatem celeriorẽ, tardiorẽq.

tardioremq. effectum producunt pro cæli locorum varietate, in quibus reperiuntur, & pro maiori & minori exhalationis copia, in qua fundantur: nec non pro maiori, minorive eorum duratione. Etsi arbitrio Dei altissimi, vt cetera omnia regantur, & gubernatur: cuius hæc omnia, & cælum ipsū instrumentum est.

Quo modo aer secundum Philosophos pestem causat.

Caput. X X V.

DE igne diximus, iam locus postulat, vt de aere dicamus, qui putrefactus pestem producere consuevit. Putrescit autem potissimum a caliditate extranea, & ab humiditate superflua, etsi a ceteris qualitatibus id præstari etiam possit. Vnde Auerroes 4. Colliget capite 14. postquā dixit aeris intemperiem in vna qualitatū ægri tudines sibi similes generare, subdit deinde: Aer vero pestilentiālis non ratione intemperiei in vna qualitatū, sed a suæ substantiæ corruptione pestilens efficitur. Hoc autem propter multam pluuiam contingit: & præcipue in æstate. Quam sententiam 6. Colliget cap. 12. confirmauit dicens: A caliditate extranea, & ab humiditate superflua putrefactionem generari. Quam veritatem Princeps prima 4. Tract. 4. cap. primo non tacuit, dum febres pestilentes ab aere turbido, & humido fieri dixit: Auenzoar quoque libro 3: Teisir Tract. 3. cap. primo a calidiori humidioriq. aere pestem ortum habere asseruit. Hinc dixit deteriorem esse calidum, & humidum aerem; vt potē aptiorem ad recipiendum corruptiones, & putredines, quā si alias possideret qualitates. Dictis Hippocrates quoque astipulatur 2. de morb. vulg. circa principium dum de morbis, qui in Cranone contingere, verba fecit, inter quos carbunculos a nimia humiditate ortos recenset. Tertio eiusdem sectione 3. parum ab initio Austrinum statum describens inquit: Annus Austrinus, pluuius, venti perpetuo quiescentes, cum squallores fuissent superioribus temporibus ad annum in Austrinis circa Arcturum, vmbrosus, nubilus, aquarum copia, hiems austrina, humida, mollis post solstitium longe postea prope æquinoctium seræ hiems, & iam circa æquinoctium aquilonares venti, niuosi, non multo tempore. Ver rursus Austrinum sine ventis, aquæ multæ perpetuo vsque ad Canem, æstas serena, calida, æstus magni, et ceteræ parum dispersum spirarunt. Rursus circa arcturum in aquilonaribus aquæ multæ. Cum autem esset annus Austrinus, humidus, mollis, pestem sæuissimam peperit. Quam Hippocrates accurate describit: quæ adeo sæua fuit, vt sæuior in posterum visa non fuerit, nec immerito cum tam longo tempore humiditas perdurauerit. Hanc veritatem Galenus primo de diff. febr. cap. 4. sic inquires comprobauit: Cum aeris temperatura a naturali habitu ad caliditatem, & humiditatem immodice conuersa fuerit pestilentes quidem oriri morbos necessarium erit. Eodem modo inundationes pestem causare credimus, quæ largam, longamq.

gamq. pluuiam supponunt. Non enim omnis humiditas causa pestis esse potest, sed quæ diuturnitate ceteris concurrentibus aerem corrumpere valet: ut anno ante Domini aduentum 363. a Tyberis excessu contigit, L. Iulio & Valerio Maximo auctoribus. Anno quoque 27. ante Natale Redemptoris a Tyberis Romæ excessu valida pestis originem habuit, auctore Dione libro 45. Anno præterea 611. a partu Virginis ob immensas, & diuturnas pluuias maximum fuit diluuium, a quo totam Italiam pestis occupauit, auctore Platina in vita Bonifacii. IIII. Frigiditas vero, & siccitas per se pestis causa non sunt, cum per se putredinis causa non existant. Potest tamen per accidens ne dum putredinis, sed & pestis causa fieri: quarto enim Metheor. Com. primo dum Auerroes corruptionem a calore extraneo potissimum fieri asseruit; caloris eiusmodi duplicem causam asseruit. Vnam, inquit, per se: quando scilicet calor extraneus non est conueniens calori naturali: dissoluit enim ipsum, & propterea putrefactiones multiplicantis in æstate. Alteram per accidens, & est frigiditas, & congelatio caloris naturalis non potentis supra materiam dominari: propterea putrefit, ut in corporibus mortuorum, & senum spectare licet. Valesius vero de Taranta libro 7. cap. primo frigiditatem causam esse putredinis, & pestis dixit, conculcando humores: malorum enim humorum resolutiones debite minime fiunt, quinimmo maxime retinentur, & eo maxime, si præcesserit annus fertilis, in quo plurimi fructus reperiantur. Siccitas vero potest esse causa pestis, sterilitatem inducens: ut anno 363. a Christo nato euenit, quo tempore cum multis mensibus non pluisset, sterilitas maxima successit: propter quam cum conuenientia cibaria mortales non habuissent, ferarum cibos comedere coacti sunt. Vnde humores in ipsis geniti, quia putredini erant obnoxij pestis causa esse potuerunt, auctore Sozomeno libro 6. Ceterum in vniuersum sciendum est, quod sicut temperatæ temporum temperaturæ sanitatem: ita intemperatæ ægrotudines, & illas varias pro varietate intemperaturarum parere consueverunt: ut prima problematum Aristoteles & 3. Aphorismorum Hippocrates multis problematibus, & aphorismis docuere: ad quæ loca breuitatis gratia lectorem remittimus. Modo quo modo aer secundum Medicos inficiatur inquiramus.

Pestis causa extrinseca secundum Medicos explanatur.
Cap. XXVI.

CAUSARVM externarum propinquior pestis causa aer ipso censendus est, a quo ut plurimum pestis originem trahit, ut perspicua oratione primo de diff. febr. cap. proprio sub his verbis Galenus demonstrauit: In pestilenti aeris statu inspiratio plurimum causa est, & paulo post: Magna autem ex parte ex inspiratione incipit aeris circumstantis a putrescibili euaporatione infecti. Qui aer vel manifeste vitiatu est, vel occulte, ita

tē, ita vt a tōta substantia humanæ naturæ insensus factus sit, & inimicus. De occulto vitio superioribus capitibus satis superq. disseruimus. In præ-
senti capitulo de eius manifesta scdatione dicemus. Quæ quandoque a
terra, aliquando ab aqua; interdum ab animalibus: & hoc vel a mortuis,
& cadaueribus, vel aliquādo ab ipsis viuētibus contingit: quandoque etiam
a baratro, vel ab aere diu in aliquo loco concluso fieri potest. Vitiatur
rursus a terra, vt Auicennas prima sen. 4. libri Tract. 4. cap. primo his
verbis asseruit: Et quandoque accidunt putredines in interioribus terræ
propter causas, quarum euentus ignoratur, & nocere faciunt aquam,
& aerem. Quæ sint autem dictæ putredines in interioribus terræ, non do-
cet. Nos præter aerem conclusum, vt infra patebit, venenatas mine-
ras, & stagnantes aquas lumine, motu, & sole destitutas, & propterea
putrescentes causam putamus. Neapoli enim in agro, de Agnano appel-
lato; quædam parua canerna lucida satis reperitur, in qua nec aer-corru-
ptus, nec res aliqua corrupta cernitur, & tamen si vltra eius medium ho-
mo, aut aliud animal ponatur momento fere moritur. Quod non nisi
ab exhalatione, a minera venenata eleuata fieri credimus. Si quis enim
attente locum respiciat, tenuem quandam auram per interualla, a dextra
parte cauernæ eleuari conspiciat, quæ alium aerem citra cauernæ medium
non inquinat; quoniam exhalatio non continua, sed adeo intermissa, &
subtilis est, vt a bono aere vitiatus dissipari, & corrigi magis valeat, quàm
vt a vitiato bonus inficiatur, & venenatur. Secus autem contingeret, si
euaporationes essent cōtinuæ, & crassæ: nam sic propter earum multipli-
cationem, & crassitiem nedum vltra cauernæ medium; sed extra etiam
inficere, & venenare aerem possent, vt ab eo pestis facile oriretur. Inqui-
natur etiam aer ab aqua, quando a lacubus & stagnis æstatis tempore vi
solis, & aliorum astrorum euaporationes corruptæ eleuantur, Galeno &
Auicenna locis citatis auctoribus; necnon & Auenzoar libro 3. Tract.
3. cap. 2. & eo maxime si in dictis aquis linum, aut cannabis macerentur,
aut oriza feratur. A cadaueribus rursus coinquinatur aer, vt sequenti-
bus verbis citato loco asserit Galenus: Putredinis autem principium ex
cadauerum multitudine non crematorium prouenit. Quod princeps eo-
dem citato loco sic iniquiens confirmauit: Vitiatur autem aer ex vaporibus
a corporibus in prælio interfectis non tumulatis; vel exsiccatis per
ventos ad proximiores regiones demandatis, vel in proprijs commoranti-
bus locis. Quare dixit: Et fortasse est causa propinqua in loco vnde ve-
nit. Quæ infectio a mortuis locustis fieri etiam potest: vt Africæ contigit
Pauli Orosij testimonio libro 4. In Gallia quoque ex eadem causa anno
864. pestis accidit, vt Gregorius Turonensis libro 6. cap. 44. suarum hi-
storiarum recenset. Anno similiter, a Christi natali 900. ex vermibus a
pulvere ortis, pestis originem traxit, auctore Berardino Corio in prima
sua parte. Ab animalibus quoque plurimo veneno scatentibus pestis ali-
quando originem habuit, vt de draconibus prauo hilitu aerem inficienti-
bus iuxta

bus iuxta Athenas Guainerius in tractatu proprio, Aristotelis testimonio in libro de causis proprietatum elementorum cap. primo in fine accidisse testatur. Anno quoque circiter 590. cum adeo Tyberis excreuisset, vt Urbis mœnia superasset extra flumen Draco cum alijs paruis Draconibus relictus fuit, a quibus tantum vitiatu est aer, vt inde pestis inguinaria appellata initium habuerit, auctore Platina in vita Pelagij secundi, & Gregorij primi, & Blondo octauo libro suarum historiarum, & Paulo Diacono libro 2. & Petro Messia in vita Mauritij Imperatoris, & in historia dicti sancti. Interdum a baratro prauam, venenatamq. euaporationem iaculante pestis originem trahit, vt Aetio placuit primo sermone secundi tetra-bilis cap. 94. Idem quoque a latrinis, & cimiterijs euenire potest, & vt vno verbo multa complectar, ab omnibus rebus putridis, etsi magis ab vna, quàm ab altera, prout maiorem in se putredinem retinet, oriri pestem certissimum est: praesertim si putredo omnibus numeris fuerit absoluta. Ab ea enim putris manans vapor aerem inquinare valet, quem cum attrahere coacti sumus, tamquam presentaneum venenum illum carpi-mus, vt in libro de Theriaca ad Pisonem docuit Galenus. Fit praeterea pestis ab aere diu in aliquo loco incluso, vt tempore Antonini Pij post Christi aduentum 162. euenit: quo tempore validissima fuit pestis, cuius ab Asia fluxere contagia. In Asia vero a diu clausa vrna originem habuit, quam Imperatoris milites, vt inde aurum raperent cum aperuissent, auri loco, pestem rapuerunt. Aer enim tam prauus, & corruptus inde exijt, vt purum sincerum scedarit, & corruperit. Quæ corruptio a paucos aere fieri potuit: quoniam in crassa, lenta, sordida, ad minima elaborata, & in lentore constituta putredine fundata erat, vt ab integro, puroq. aere corrigi, & emendari prauus ille non potuerit: sed e contra ob veneni magnitudinem, & potestatem paucus aer bonum scedere, & corrumpere valuit. Quæ a ventis in Italiam vecta tertiam hominum partem enecauit: hæc Tarcagnotta in prima parte libri 3. & Cardanus libro 2. subtili-tatum. Eodem modo terræmotus pestis causa esse possunt diro in pro-fundo latente vapore, qui pigritia longo situ, & æterna nocte torpescit, ad cuius exitum purus aer vitiatu: sicuti non solum Romæ, sed toti Italiæ an-no 434. euenit: quo tempore a terræmotu multa ædificia in Romano Co-mitatu diruta fuere, & tribus annis squissima dicta loca pestis detinuit. Hæc Lilius libro 4. Dionysius Halicarnasæus libro 10. & Tarcagnotta in parte secunda libro 13. eiusdem voluminis affirmarunt. Anno similiter 760. a Virginis partu adeo validi fuerunt terræmotus, vt plurima ædificia diruta iacuerint, quæ millia hominum multa necauere. In Asia itidem plures euerit ciuitates, & ab apertione terræ adeo magna copia aquæ salis scaturijt, vt inde lacus nasceretur. Mare vero sic pertransijt fines suos, vt multas summerserit ciuitates. Quo tempore tam valida Romæ fuit pestis, vt vna tantum die quinque millia virorum extincti iacuerint, auctore Petro Messia in vita Galieni Imperatoris. Idem quoque ex apertione putei in

Putei in Campania contigit, in quodā castro Nicolini de Beccaria a cuius apertione ob diuturnā clausurā adeo infecta venenataq. euaporatio exijt, vt inde purus inquinatus aer pestis causa esse potuerit. Fuit adhuc validissima pestis, a terræmotibus orta anno Domini 1232. quæ e decem viris vnum dumtaxat incolumem reliquit: in quā a Diuo Roccho Montis Pessulani in infirmis curandis charitas eximia effulsit, & forsan, vt diui nomen acquireret, & super pestem potestatem habere putaretur, occasio fuit, auctore Platina in vita Gregorij Noni, & Blondo libro 27. in lectione dicti sancti. Verum quia dictum est aerem putrescere, quomodo putrescat, accurate videamus.

Vtrum aer putredinem concipiat. Cap. XXVII.

CVM autem aer corpus simplex sit, non posse putrescere videretur dicendum: præcipue cum dicat Aristoteles vigesima quinta problematum problemate 20. aerem, & ignem minime putrescere. Quod Auicennas quoque prima 4. tract. 4. capite primo confirmauit. His adde quod quæ putrescunt superflua humiditatē, & ascititiam habent, vt libro 4. Meteororum notatum est. At aer humiditatem summam possidet vt 2. de Generatione tex. 23. in primarum qualitatum partitione docuit Aristoteles. Maiorem itaque humiditatem, quā habet, habere non potest: alioquin in summo ipsam non possideret; ergo putredini obnoxius nullo pacto esset dicendus. Verum ex dictis in capite superiori contrarium sancire oportet. Quare dum putrescit aer a propria simplicitate degenerare, & a vaporum permixtione infici, coinquinariue putandum est. Quod Auicennas prima 4. tract. 4. capite primo sequentibus verbis declarauit: Quandoque accidit aeri, sicut accidit aquæ de alteratione in qualitibus suis ad calorem, & frigus, subditq. Et de alteratione in natura sua ad profunditatem, & putredinem, sicut profundatur aqua, & foetet, & putrescit & sicut aqua non putrescit propter suam simplicitatem, immo propter illud, quod admiscetur ei, & accidit toti qualitas mala. Et paulo inferius: Et quandoque faciunt virtutes agentes cælestes, & virtutes patientes terrestres humectationem vehementem fieri in aere. Expelluntur enim vapores ad ipsum, & sparguntur in ipso, & putrefaciunt eum cum caliditate debili. Et hæc ad primam dubitationem, quæ aeris simplicitatem respicit. Ad secundam vero dicimus, quod etsi humiditas sit summa in aere, & adaugeri minime possit, hoc intelligendum esse de humiditate elaborata, & subtili, ex qua aerem cum caliditate sibi competenti constare Aristoteles docuit. Non esse propterea, quin cum eo admisceri possit humiditas vaporosa, turbida, quæ ipsum perturbat, inficit, atque venenat. Quam Auicennas loco supra citato explicauit, dum dixit: Pestilentiales vero febres fiunt ex aere turbido, & humido. Quæ humiditas turbida, a causis superius notatis gigni potest. Hæc humiditas aeri duobus

modis superflua dicitur, & quia ei non competit, cum non sit elaborata, & subtilis, idest, in materia pura, simpliciq. fundata, vt ex ipsa purum, simplexq. elementum fieri possit. Quare dato quòd non addat aliquid in gradu humiditatis: addit tamen in gradu corporeitatis, quia densius corpus efficitur, quod aeri nullo pacto conuenit. Alio modo superflua dicitur, quia per putredinem acquisitam maiorem gradum humiditatis retinet. Humiditas enim, quæ dicitur summa, in aere est humiditas naturalis. Altera vero, quæ dicta est, præter naturam appellatur. Quamobrem humiditate non naturali excedere naturalem dicemus: & hoc, quia corpus iam mixtum, & non amplius simplex tunc temporis aer existit: vapor enim ille non est aer, neque aqua, sed quid ex aere & aqua compositum, vt docuit Alexander primo Metheor. quando dixit, quòd ex aqua aer, & ex aere aqua simboloitatis gratia commode efficitur. Dictusq. addit vaporem esse medium inter aerem & aquam, quod medium per participationem intelligendum est. Et si dicere etiam possimus, dictum vaporem corporis densioris ratione maiorem caliditatem puriori aere retinere, quæ cum humiditate superflua, sed acquisititia immediata causa putredinis efficitur, a qua pestis ortum habere perbelle potest. Præter id, quòd a putridis vaporibus, qui eius simplicitatem, & puritatem frangunt, a quacumque re putri eleuatis aer inficitur, & venenatur: similiter & abdito, cæcoq. quodam modo vi superum ita quandoque inquinatur, vt veneni vires acquirat. Ex quibus colligere est aerem putrescere, quando simplicitatem puritatemq. suam non retinet; sed aliud corpus vaporosum, turbidum, necnon & putridum ipsi admiscetur. Itaque aliquando tota eius substantia propter dictam vaporum mixtionem, aliquando vero qualitates immutantur, vt de mente Auicennæ notatum fuit. Quæ mutatio in qualitatibus duplex est, vt duplices sunt qualitates. Aliæ enim sunt manifestæ, materiales appellatæ, vt calidum, frigidum, humidum, & siccum. Aliæ vero occultæ, & hæ spirituales appellantur, quæ vi superum in aera delapsa in ipso necis seminaria imprimunt. Quod Galenus primo de diff. febr. cap. 4. sic inquit significauit: Supponatur igitur in ambiente quidem aere nonnulla pestilentie seminaria contineri. Quæ dubio procul nihil aliud sunt, quàm contagium ipsum. Nam sicut semen sibi simile generandi facultatem habet, ita & contagium, quod vel per simplicem contactum, vel per fomitem, aut ad distans alterum inficere valet, infectione in particulis clam facta, quam ipsum a corpore putri, vel vi corporum celestium prius acquisiuit. Ceterum quispiam petere posset, an dicta rerum seminaria, & contagium, similes tantum inficiant, an ad alios etiam se transferant. Respondendum putamus simile primum, & facilius si occurrerit, sin minus ob exquisitam eorum potentiam quoquo modo dissimilia etiam lædere. Dixi autem quoquo modo dissimilia, quia aliqua similitudo numquam deerit: hinc promiscue senes, iuuenes, & infantes inficiunt, & e contra, vt nec varietas sexuum, naturarum, vi-

ctus, &

Ætus, & exercitij, vel quarumcumque aliarum rerum tutos mortales, quin alter ab altero inficiatur, reddere possit. Et si consonum rationi sit, quòd magis, & facilius inter similes, quàm inter omnino dissimiles, aut minimam inter se similitudinem habentes contagio communicetur. Est tamen inter homines similitudo, cum propter formæ, ac materiæ participationem, tum quia vnitate speciei omnes homines sunt vnus homo. Non fidat itaque aliquis, quia diuersi sexus naturæ, aut exercitij est, cum inquinato versari: quia seminarium illud tantæ est potentix, ob conditiones in capite de contagio enumeratas, vt ab vno in alterum facillime transfundatur. Hoc autem, quia non modo corpus inficiens, sed in epidemia prius aer venenatus, & homicida concurrit. Quam veritatem docuit Hippocrates 2. de nat. humana num. 18. sic inquires: Quando ab vno morbo multi homines eodem tempore corripuntur, causam ad id, quod communissimum est, & quo maxime omnes vtimur, referre oportet. Est autem hoc spiritus, & aer, quem inspirando trahimus. Nunc de vnguentis pestiferis agere, tanquam de extrinsecis pestis causis locus esset: cum ab ipsis non solum priuatim aliqui homines, sed ciuitates etiam, & regna infici possint. Cum verissimum sit, vt a fide dignis habuimus, dicto modo pestem feri posse, cuius rei nos plane ignari non sumus, sed ne scelestis hominibus ad facinora aditus aperiatur, silentio præterire decreuimus. Reliquum nunc est vt de causis interioribus agamus,

Causa interna pestis examinantur.

Cap. XXVIII.

QUOD supra de causarum partitione egimus, modo memoria repetere oportet, pestis nempe causas duorum generum esse, extrinsecum vnum, intrinsecum alterum. De extrinsecis tanquam de vniuersalibus hucusque pertractauimus: in præsentiarum remanet, vt de intrinsecis agamus. Sunt itaque pestis causæ interiores humores, vel spiritus in cordis sinibus contenti, aut corpus ipsum visceris excedenti putredine infecti, aut, vt Auicennæ placuit, quod circumdat ipsum de humiditate, a quibus omnibus febris pestilens generatur. Hæc autem antecedentes, & extrinsecas causas supponunt, vt prauos cibos, & potus, quemadmodum 2. de nat. humana, tex. 3. docuit Hippocrates. Quod confirmauit Galenus in argumento primi in primum de morb. vulg. fere in principio: quo in loco tres posuit causas communium morborum. Primam in his, quæ offeruntur: secundam in operibus: tertiam in ambiente nos aere, etsi in textu mox citato 2. de nat. humana posuerit humores vehementer putridos fieri ab edulij, & potibus prauis, sub exemplo semiputridi tritici, & aquæ vitiatæ. Verum non tantum ab his, sed a lauariis exercitationibus, otio, vigilijs, mæroré, ira, perfrigeratione, atque exustione generari posse asseruit: ex quibus omnibus præter modum ad-

hibitis humores in corpore nostro existentes tantam possunt acquirere putredinem, ut veneni cum vires, tum qualitates æquent, ut ab eodem Galeno 6. de loc. affect. cap. 5. clare habetur: exemplo canis rabidi, cuius spuma alioquin salutaris, ab acquisita tamen venenata qualitate contagionis seminaria in se includens, hominem necare potest, a quo & alij infici poterunt. Quandoque etiam ab ingenti penuria pestis producitur: uti anno 363. euenit. Propter nimiam enim siccitatem quæ illis temporibus extitit cum multis mensibus non pluisset, valida penuria, & inde pestis rabida exorta fuit, auctore Sozomeno libro 6. Neque hoc mirum, nam cum cibos idoneos non haberent mortales, prauis, & ferinis nutrirî coacti fuere, a quibus humores geniti præter id, quod facillime corrumpebantur, tantam potuerunt acquirere putredinem, ipsamque in contentis a corde, vel in ipsius corpore residere: ut inde pestis oriri commode potuerit, ut primo de succorum bonitate & vitio, in principio: necnon primo de different. febr. capite 3. & 4. docuit Galenus. Vfus quoque rerum, quæ acres & acutos generant humores, necnon feruori & ebullitioni obnoxios: ut sunt capræ, allia, ascaloniæ, pulticulæ, carnes pingues, præsertim porcinæ, butirosa omnia, vîna dulcia, fructus, qui natura ad putredinem proni sunt, cum humiditate plurima scateant, pestem procreare possunt, ut Rasis libro 4. capite 25. clare ostendit. Quam opinionem Auenzoar 3. Theysir, tract. 3. capite 4. confirmavit. In omnibus autem concurrit aer: Qui etsi putridus non sit, putredinem tamen, & feruorem excitare potest, ut primo de diff. febr. capite 4. his verbis docuit Galenus: Fit enim, & aliquando pestis ob eos, qui sunt in corpore humores, ad putrescendum paratos, cum aliquam breuem occasionem ad febris originem ab ambiente acceperit animal. Vnde notandum, quod falluntur cum Antonio ab Altomari, pace tanti viri dictum sit, omnes, qui putant febrem pestilentem ab aere putrido semper fieri. Nam sic tantum una daretur causa febris pestilentis, cuius contrarium docet Galenus primo de differ. febr. capite proprio. Nec dixisset: Cum breuem aliquam occasionem ad febris originem ab ambiente acceperit animal. Non enim brevis quædam esset occasio, sed vniuersa, & sola esset occasio & vis aeris, si tantum ab eo putrido, vel coinquinato originem pestis haberet. Sed potius voluit significare humores ad putredinem paratos indigere impulsore aere, ut in eis feruor excitetur, & febris fiat: quamuis aer putridus, & venenata aliqua qualitate inquinatus non sit. Sed aliquam excedentem qualitatem in se retineat. Rursus loco citato non dixisset: In pestilenti aeris statu inspiratio plurimum causa est. Nam sic semper, & non plurimum causa esset, si tantum ab inquinato aere pestis fieret. Quod paulo inferius ex dictis Tucididis confirmavit, dum ait: Contingit autem quandoque præcedere aeris ambientis caliditatem immodicam, quemadmodum in eâ pestilentia, quæ Athenienses inuasit, ut Tucidides inquit. Sed in tugurijs suffocantibus, æstatis tempore habitantium corpora corruptione laborant,

rabant, & quia humores corporum ex viciis prauitate putredini erant obnoxij, hinc febribus pestilentibus origo data est. Quibus omnibus auctoritatibus Antonius ab Altomari conatur satisfacere. Vtrum vero eis integre satisfaciatur, accurate legentes ex ipsius verbis facillime intelligent. Ex dictis igitur colligitur ab humoribus putredini paratis calidiori concurrente aere, etsi non corrupto, aut venenata aliqua qualitate præditi pestem aliquando fieri posse: vt in pestilentia, quæ anno 68. a Christo nato Romæ contigit, quæ ab aere corrupto minime facta fuit, auctore Cornelio Tacito libro 16. suæ historiæ, & Tarcagnotta in secunda parte: vti quæ anno 1576. & 1577. in varijs Italiæ partibus grassata est, & adhuc grassatur, spectare licet. Quæ per simplex contagium, præter id, quod aer aliqua putrida, aut venenata qualitate concurrerit, principium habuit, & incrementum. Sed ex dictis non parua oritur dubitatio. An scilicet morbi, & maligni, & vt plurimum interimentes, qui ab humoribus non vulgaris corruptelæ proueniunt, epidemij appellari possint, & debeant. Non enim defuerunt viri peritissimi, qui non epidemiam; sed pandemiam perniciosam dixerunt. Nos autem pro varietate causarum pestis nomina inquirere superfluum existimamus: hoc vel maxime, quia quæcumque causa fit absque ambiente nos aere agere, & vniuersalis officii nullo modo potest, vt Galenus in præmio primi in primum de morbis vulgaribus in partitione morborum declarauit, sic inquit: Horum perniciosissimi quique pestilentes vocantur, qui perinde ac totum vulgare morborum genus ex cæli statu proficiunt. Quo concurrente, vel coinquinato, vel non epidemia effici, & iure merito vocari debet: absque eo quod cælum suo influxu concurrat, vt in exemplo. Quid habet cælum cum pestilentia, quæ a baratro ab inhumatis corporibus, a lacubus, ab aere diu in aliquo loco conclusa, & tandem a draconibus; has enim causas antea recensuimus, ortum ducit? Nisi dicere velimus, quod quia cælum omnia amplectitur, & suo incessabili, & vario motu omnia generat; & omnia corrumpit, vt omnium sublunarium, ita epidemix tam perniciosæ, quàm non perniciosæ causam saltem remotam, & communissimam admittamus. Verum nos causas proprias, & proximas querimus, vt ipsas amputare valeamus. Ex quarum variatione ex horum sententia. varia nomina imponere necessarium esset. Quare non pandemiam, sed perniciosam epidemiam, & inde pestem illam, quæ a non vulgari humorum putredine oritur, appellamus. Cuius etsi varix assignantur causæ, illud tamen memorabile, & tremendum non dimittam. Quod Auenzoar 3. Theisr tract. 3. capite 4. recitat illis verbis: Et vidi similiter in quadam ciuitate, quæ Mazarus nominatur, homines, qui propter intensam famem, querebant, & frangebant ossa antiqua, & vetusta cadauerum, comedebant medullas ipsorum, & subito moriebantur. Ceterum a reliquis cibis, qui venenatam naturam non possident, sine impulso aere, vt supra ex Galeni decreto probatum est, dicti humores putredinem vulgarem non acquirunt, & morbus pluribus

pluribus fieri cōmunis nequaquā potest. A quibus humoribus pestis genita non pandemiam perniciosam, sed perniciosam epidemiam, vt dictum est, procul dubio dicere debemus: & quia popularis morbus est, cum aer impulsor concurrat, & supra populum, tamquam fera venenata, grassetur. Quod Galenus 3. epidemiorum sectione 1. comm. 20. sic inquires confirmavit: Neque enim certi est morbi nomen vulgare, vel pestilens. Ceterum quæcumque vno loco multos simul inuaserit, vulgaris morbus vocatur. Quæ simul si hoc habeat, vt multos perimat, pestis fit. Ad hæc eadem curatio huic, & illi, quæ in fluxu siderum inuadit, debetur. Nam etsi pestilentia causam calī influxum putamus, dictum influxum tamen sine humorum putredine, & temperiei solutione agere dicendum non est; Itaque tam pro cautione, quàm pro curatione dictos putridos humores, vel putrescendos remouere necessarium erit: hoc autem venæ sectione, pharmacis, ceterisq. vt 2. & 3. libro explicabitur ex decreto Galeni & Auicennæ potissimum expletur. Cum itaque a quacumque causa pestis proueniat, eadem aut parum variata curatio conueniat, de nominibus disputare vanum, & incongruum putamus. Quæ epidemia ab alterato, & immutato, sed non inquinato aere proueniens nullo pacto endimia dici potest, cum quandoque sit, & aliquando non, & non tantum in vna regione, sed in pluribus morbus consimilis grassetur. Endemius vero vernaculus & familiaris appellatus, in vna tantum regione, & ab eadem causa semper oritur. Quæ itaque ab humorum corruptela concurrente alterato, & in qualitatibus mutato, sed non inquinato aere, pestis fit, non pandemia, non endimia, sed perniciofa epidemia, & pestis omnino dicenda est. Hæc de causis: nunc de signis dicamus.

Signa pestem præcedentia exarantur. Cap. XXIX.

SIGNA pestis inter se valde differunt. Nonnulla enim ipsam præcedunt: alia vero comitantur, ipsamq. præsentem ostendunt: primo de his, quæ ipsam præcedunt disseramus. Quæ maxime varia inter se existunt, cum aliqua sint e superioribus mundi partibus: altera vero ex inferioribus. E sublimi sunt ignitæ apparitiones, vt capræ saltantes, faeces, cometa, soles plures, infueta stellæ, quandoque solæ, aliquando vero cum alijs coniunctæ, de quibus Lucanus cecinit:

*Ignota obscura viderunt sidera noctes,
Ardentemq. polum flammis: celoq. volantes
Obliquas per inane faces, crinemq. timendi
Sideris, & terris mutantem regna cometen.*

Huiusmodi etiam sunt siderum quædam coniunctiones, & aspectus: vt i solis & lunæ eclipses, quæ præter id, quod signa sunt, causæ quoque iure merito appellantur, vt in enumeratione causarum satis superq. monstrauimus. Inferiora vero signa varia, & ipsa numerantur. Nonnulla namque

que sunt ab aere, alia ab aqua, tertia a terra, quarta a corporibus. Ab aere signa erunt, si proprias temperaturas pro diuersis temporibus, & anni constitutionibus non seruat: hoc vel maxime si caliginosus, nebulosusq. cum pauca pluuia fuerit, vel si pluuia erunt diurnæ, austerq. & subfolanus anni constitutionibus dominentur. Similiter si æstas æstuosa fuerit, vt de peste ex Tucidide loco citato primo de diff. febr. docuit Galenus. Insuper si nocte frigus, die vero validus calor sentiatur: vt si eadem die modo calor, & modo frigus mortales exerceat, tunc autumnales morbos portendit, qui morbi in vniuersum acutissimi, & perniciosissimi existunt, vt 3. aphor. 9. habetur. Qui & pestilentes fient, si humores ad putredinem concipiendam erunt valde parati, vt supra ex Tucidide notatum fuit. Signum præterea aeris corrupti erit, si aues derelinqentes oua in nidis ad alias regiones confugerint. Ab aqua vero signa erunt, si animalia, quæ in aqua ex putredine ortum habent, præter modum, & naturæ ordinem in maiori copia generabuntur. Rursus si animalia, quæ promiscue in aqua, & in terra vitam degunt, ab aqua exeuntes in eam amplius non reuertuntur, & eo maxime, si in ea permanere consueuerint; vt anates, anseres, & similia. Insuper si pisces dum ab aqua remouentur, statim putrescunt, vel in ea commorantes intereunt, quod in lacustribus locis maximopere euenire consuevit. A terra signa erunt Actij testimonio libro primo 2. tetrabilis cap. 95. si quadrupedum corruptio continget: similiter si quæ ex putredine gignuntur, quibus terra impura est mater, pater vero est sol, præter modum in maiori copia producentur, vt ranæ, locustæ, muscæ variorum generum, mures, & reptilia, vt capite supra citato Princeps docuit. Quæ animalia a facie terræ aufugient, & loca propria, & forsitan oua derelinquent. Terræ motus quoque pestem prænunciant. Fructus etiam si maridi sunt, & facile putrescunt, copiaue exigua reperiantur, idem significant: & si non minus aerem vitium demonstrant; tunc quod a Propheta psalmo 58. dictum est, continget: Et dedit ærugini fructus eorum, & reliqua. A corporibus pestis nunciatur per ea, quæ dictis corporibus accidunt, vt si a variolis, & morbillis corripiantur, & eo maxime si non tantum paruulos, sed adultiores, & senes detinuerint, præsertim si maligni, & perniciosi fuerint, vt ab eis plurimi interimantur. Similiter si antraces, & carbunculi ijs accesserint: si mulieres vtero gerentes leui occasione abortierint: Si animalia, quæ ex putredine fiunt, statim a pluuia generabuntur, vt ranæ, mures, vermes, & similia. Animaduertentes quod dicta signa tam ex superioribus, quam ex inferioribus sumpta, dum apparent, futuram pestem illico non semper significant. Euenit enim sæpe, vt signa, quæ in vere contingunt, autumnii pestem interdum prænuncient: & quæ in autumno æstatis pestem præmonstrant. Quæ citius, aut tardius succedet pro causarum firmitate, & robore. Hæc futuræ pestis signa erunt. Iam de his, quæ præsentem perniciem ostendunt, disseramus.

*De signis pestem præsentem ostendentibus.**Cap. XXX.*

SIGNA pestem præcedentia capite superiori descripsimus. Nunc quæ præsentem perniciem ostendunt, de his disseramus: varia enim, & in non paucis numero reperiuntur. Quare diligentissime notanda erunt, quæ ex Auicenna, & Galeno, & Hippocrate colligemus. Hæc autem duorum generum sunt. Altera ex definitione pestis contingunt: altera vero ex symphomatibus oriuntur. Ex pestis definitione hoc præcipuum habetur, ut non solum aliquos paucos perdat, sed ciuitates totas depascat, & depopuletur. Cum igitur in vna, vel pluribus ciuitatibus huiusmodi oritur constitutio, præsentis pestis tunc signum certissimum erit, ut 3. epidemiorum 21. textu his verbis docuit Hippocrates: Morborum dictorum specie complures ægrotabant, & moriebantur. Quæ verba sic Galenus exposuit: Complures ægrotabant, & moriebantur. Pestilentes fuisse morbos, qui populariter grassabantur, demonstrauit. Quod 2. de nat. humana 3. & 4. confirmauit. His adde quod Princeps prima 4. tract. 4. capite proprio dixit, febrem hanc esse quietam exterius, conturbantem interius, ex qua percipitur caliditas intensa, & inflammatio fortis. Quod antea Galenus 6. vulgarium sect. prima capite 29. scripsit, dum febrium differentias, a calore venenatus fuit. Hanc enim mitem exterius, & vrentem interius nominauit. Quam rem 9. de simpl. medicina capite de bolo Armena, & Lucretius his carminibus confirmauit:

Hæc nimio cuiquam posses ardore tueri,

Corporis in summo summam seruescere partem:

Sed potius tepidum manibus præponere tactum.

Et paulo inferius subdit:

Intima pars homini vero flagrabat ad ossa.

Flagrabat stomacho flamma, ut fornicibus intus.

Sed hoc ut plurimum, quia potest nihilominus fieri, ut & intus, & extra æstuerint patientes pro materiæ diuersitate, & pro maiori, aut minori loco, quem occupat putredo. Verum non tantum dicta signa, sed alios etiam tremendos casus libro 2. non pauca cum diligentia Tucidides explicauit. Sed instant signa ex symphomatibus desumenda, ut antea in partitione docuimus. Quare præter febrem intus vrentem adest capitis dolor, interdum grauitas: modo vigilæ molestæ patientes exercent, non raro somnolentiæ, & sopores: interdum memoriæ abolitio, aliquando lippitudines, quas flammanes oculi præcedunt: aurium tinnitus, auditusque grauitates, horrores, spasmi, stillæ sanguinis e naribus, lingua arida, nigra, sitis in exhausta, ut aliquando in puteos se immerferint ægrotantes. Vnde Lucretius,

*In fluuios partim gelidos ardentia morbo
Membra dabant: nudumiacientes corpus in vndas
Multi præcipites limphis putealibus alte
Inciderant ipso venientes ore patente:
Insedabiliter suis arida corpora mersans
Aequabat multum paruis humoribus imbrem.*

Pustulæ quoque in ore nascuntur, vocis vitium, tussis præcipue, sicæ anhelitus magnitudo, frequentia, scætor, Pulsus vt plurimum frequentes, parui, nocte vehementes, inæquales, celeres, languidi, & interdum deficientes: inappetentiæ validæ, vomitus varij: singultus quoque eos fatigat. Vnde Lucretius:

*Singultusq. frequens noctem persæpe, diemq.
Corripere assidue nervos, & membra coarctans
Dissoluebat eos defessus ante fatigans.*

Præcordiorum, & præsertim sinistri tensiones vehementes, & quandoque ad aquam intercutem declinatio, fluxus omnium generum cum doloribus, & malignis intestinorum voluulis ex egestionibus acribus, crudis, tenuibus, scætidis, liuidis, sanguineis, nigris, multis, liquationem præferentibus, & vt plurimum male iudicantibus, vt apud Hippocratem 3. epidimiorum sectione 3. ad principium, & procedendo spectare licet. Tumores præterea maligni modo post aures, modo sub alis, & interdum in inguinibus contingunt, prout cerebrum, cor, aut hepar laborant. Vesicæ insuper vlcera aliquando succedunt, necnon & mingendi difficultates, & vrinæ interdum rubæ, interdum confusæ, liuidæ, nigre, turbidæ, & non raro multæ, crudæ, acres, graueolentes, liquationem multoties ostendentes, nihil boni deponentes, loco hypostasis fursura cea habentes: sudores præterea non vniuersales, sed potissimum circa caput, collum, & pectus, & hi frigidi, scætidi, morbum non alleuantes, nec die iudicatorio erumpentes. Aliquando etiam dicti diaforetici, & ad interitum desinentes. Efflorescentiæ similiter diuersæ, quas papulas vocant, non solum colore, sed figura, & magnitudine distantes: phagedenæ, carbunculi, herpes magni, modo in pudendis, modo in alijs partibus. Extrema quoque frigida, quæ omnia tam diuersa contingunt propter materiæ diuersitatem, virtutis robur, & debilitatem: necnon membrorum maiorem, aut minorem vim ad resistendum. Materia enim, vel subtilior est, vel crassior. Rursus, aut est acrior, aut benignior: hoc autem, vel a natura, vel quia maiorem possidet adustionem. Hinc quoque varius eius impetus ad varias partes, vt ad caput, ad oculos, ad aures, ad os, ad nervos, ad pulmonem, ad stomachum, ad hypochondria, ad intestina, ad vesicam, ad cutim, & per vniuersum corpus. Quandoque vero ex his aliquando vnum, aliquando apparent plura, prout materia magis ad vnum, quàm ad alterum locum trudi contigerit. Vel eodem loco permanens malo modo a quacumque causa sit, fuerit agitata. Propterea loco

rea loco citato dixit Hippocrates, ægritudines eiusmodi, vel non iudicare, vel ægre: Crises enim in pestilentibus vt plurimum sunt malæ. Hinc peste laborantes vt plurimum intereunt vt 2. aphor. 13. comm. affirmavit Galenus: & hæc in febre pestilenti, quæ ex humorum putredine fit, signa videntur. At in pestilenti hectica, putrida tamen, ex Galeni decreto 3. de præfag. ex pulsibus cap. 3. & 4. signa sunt hæc, quod scilicet ab ægro febres non percipiuntur, pulsus quoque sanis similes existunt, hoc autem ob vim frigoris alicuius, a quo calor ipsius cordis moderatur, non autem vt aliqui dicunt, nempe in hac febre plus veneni reperiri, quàm putredinis, in ea enim venenum a putredine oritur. Quod potest etiam provenire ob materiæ torporem, & segnitiam quandam: quare difficulter accenditur, vel quia corpus quod accenditur, durum est & densum, & ab extimis partibus remotum, vt cor: vrina vero in hac febre aquosa, & tenuis cernitur, etsi interdum colore, & sedimento similis sit sanorum urinis. Quod euenit, quia nocumentum alibi reperitur, quàm in hepate, & venis. Quapropter naturalibus bene se habentibus vehementer corporati potest, etsi dicta membra tractu temporis in consortium trahantur. Sitiunt isti, & supra modum frigida postulant, luctuosa quoque habent suspiria. Cor enim laborat, tandem faciem, quæ Hippocratica dicitur, præferunt, resupiniq. iacent. Quæ Lucretius sequentibus carminibus delineauit:

Item ad supremum denique tempus.
*Compressæ nares, nasi primoris acumen
 Tenue, cauati oculi, caua tempora, frigida pellis,
 Duroq. in ore iacens reclusum frons tenta meabat:
 Nec nimio rigida prostrati morte iacebant.*

Sunt autem inter signa, quæ diximus quattuor potissimum propria appellanda: primum, quod sit contagiosa febris: secundum, quod vt plurimum ægrotantes perdat: tertium, quod bubones, & carbunculi in ea appareant: quartum & vltimum, quod omnia accidentia præter id quod sunt conformia, & consimilia excellentiori quodam modo in hac febre quàm in alijs, reperiuntur, cum omnibus, vel plerisque par exitus sit ad interitum. Modo dicendum est de tempore, quo pestis mortales inuadere maxime solet.

*Quo tempore pestis magis mortales inuadat.
 Cap. XXXI.*

QUOD tempus ad pestem suscipiendam magis congruum sit, vt ab ea commodius cauere possimus, inquirendum duximus. Illud enim Valescus de Taranta finem ætatis, & autumnii principium, esse dixit. Quam sententiam Princeps secunda primi doct. 2. capite 9. sequentibus verbis confirmavit: Pestilentia autem, & aeris putrefactio

træfactio secundum plurimum in postremo ætatis, & in autumno euenit. Idem comprobauit Rasis 4. ad Almanforem capite 25. sic inquit: Pestilentia plerumque in fine ætatis, & autumno accidere solet, ubi futura pestis in dicto tempore signa, sic subdens, recenset: Quapropter si in ætate multæ venerint pluuiæ, nubes quoque & pluuiarum multitudo nocte dieq. permanferint, & meridionales venti multi perflauerint, & aer ita quietus sit, vt non moueatur, & cum hoc meridionalis ventus turbidus existat, tunc suspicandam credimus pestem. Hippocrates quoque hanc veritatem 3. aphor. 9. conscripta oratione declarauit: Autumno in vniuersum morbi acutissimi, & perniciosissimi: ver autem saluberrimum, & minime exitiale. Quæ verba ita Galenus explanauit: Cum anni tempora singula suam & conuenientem seruant temperaturam, inter ea ver est saluberrimum. Et reddens dicti rationem subdit: Vt pote quod eucratum, & moderatum existat; morbos autem acutissimos & perniciosissimos autumnus affert: siquidem ver magnam cæli temperiem apportat. Autumno vero hoc imprimis mali inest, quod eadem die modo calor, & modo frigus dominatur, vt 3. aphor. 4. habetur: præter id quod in ætate humores adusti plurimi generantur, propter quam aduersionem malefici euadunt. His adde, quod mortalium vires propter efflationes, & insensibiles resolutiones sensum contingentes debiles redduntur. Insuper humores, qui ad cutim mouebantur, eiusdemq. perspiratu, vt dictum est, digerebantur, in autumno ab ambientis frigore quasi per antiperistasis, intro, & in profundum pelluntur, atque coguntur.

Fructus præterea, quia eo tempore in maiori copia reperiuntur: vnde eodem loco dixit Galenus, quod auctarij loco poma accedunt, quibus abunde repleti, & his præcipue, qui corruptibiliores natura existunt, facile malorum, & putrescibilium humorum copia colligitur, vt inde ceteris concurrentibus, pestis commodum possit habere initium. Notandum tamen est, quod etsi morbi alij alijs temporibus facilius, difficiliusue generantur, & soluuntur, vt 3. aphor. 3. habetur, dictusq. morbus magis autumno, propter relatas causas fieri possit; non est propterea quin alijs temporibus mortales inuadat. Hinc 3. aphor. 19. dixit Hippocrates: In omnibus temporibus omnes morbi fiunt. Etsi magis in vno, quam in alio tempore, vt dictum est, commodius procreentur, vt 3. aphor. a vigesimo vsque ad vigesimum tertium aphorismum inclusiue idem docuit Hippocrates. At pestis propter temporum inconstantiam, propter adustos humores ætate genitos, propter corporum imbecillitatem, quæ æstiuas resolutiones sequuntur: item propter eorundem corporum constrictionem, materiæq. ad intima recessum, necnon ob superfluitatum prohibitam resolutionem, similiter & ob fructuum largiorem usum febribus pestilentibus dicta corpora in autumno obnoxia facile redduntur. Vnde Virgilius in Georgicis:

*Hic quidem morbo celi miseranda coorta est
Tempestas, totoq. autumnu incanduit aestu,
Et genus omne neci pecudum dedit omne ferarum,
Corruptiq. lacus infecit pabula tabo.*

Ceterum ex dictis oritur dubitatio. Nam supra cap. 26. ex Aristotelis, Hippocratis, Galeni, & aliorum etiam decreto, caliditatem, & humiditatem putredinis causas decreuimus, & in medicina axioma est: Contrariorum scilicet contraria remedia esse. Quare cum autumnus frigidus & siccus 3. aphor. com. 10. a Galeno & primo de nat. humana 35. ab Hippocrate constituitur, remanet dicendum, autumnum maxime omnium anni temporum saluberrimum esse: eas enim habet qualitates, quæ omnium consensu putredini obsistere summopere valent. Cui obiectioni sic satisfactum volumus: rationem nempe veram fore, si autumnus frigiditate, & siccitate tantum constitueretur. At loco citato 3. aphor. Galenus non solum dixit autumnum frigidum & siccum esse, sed inæqualem adiecit, quod etiâ primo de temperat. c. 4. sub his verbis docuit: Non recte autumnus frigidus, & siccus dicitur, nam si per se spectetur, non est frigidus ut hiems, ac æstate frigidior existit, uti ab eadem in siccitate superatur, nec ut ver est temperatum, sed intemperantia valida adeo pollet, ut per ipsam morbificus reddatur. Meridie enim multo est calidior quàm mane, & vesperi cuius prauitatem augent pororum angustia, & mortalium imbecillitas, necnon & cetera, quæ superius recensita fuere. Iure igitur merito ad pestem producendam dictum est, autumnum aptissimū esse. Remanet modo ut quæ corpora pesti magis obnoxia sint, ea inquiramus.

Qua corpora & qua aetates pestem magis timere debeant.

Caput. X X X I I.

QUONIAM non tantum tempus, & agens, sed corporum dispositio, & ad patiendum facilitas quædam potissimum requiritur, ut in eis actio, & passio imprimatur, ut docte primo de diff. febr. cap. 4. sequentibus verbis docuit Galenus: Oportet enim hoc in toto sermone memoria repetere, quod nulla causarum sine patientis dispositione agere potest, alioquin omnes qui sub æstiuo sole commorantur, aut qui nimio motu exercentur, aut vini potu grauantur, aut ira excandescunt, aut tristitia afflicti febricitarent. Alioquin etiam, ut arbitror, circa canis ortum omnes ægrotarent, aut in pestilentijs morerentur. Corporum itaque patientium dispositio requiritur, ut actio sequatur: sed hoc non sufficit, cum alia tria etiam concurrant, agentis scilicet fortitudo, contactus, & mora, & ab agente exordientes ipsum fortè statuimus: quoniam ab agente minoris inæqualitatis non prouenit actio, hinc parua scintilla magnum lignum comburere non valet. Secundo passi dispositio accedit: nam ut præter dicta a Galeno, primo physicorum habetur, non quodlibet agit in quodlibet

quodlibet, sed determinatum in suum determinatum: & prima problematum 7. & 2. de anima: Actus actiuorum fiunt in patiente bene disposito. & Auicennas prima 4. dixit: Cum agens passio approximatur, patiente non existente bene disposito, actio, & passio non sequitur. Magnes enim non attrahit ferrum, vel alio illitum, vel rubiginosum, quia dispositionem amisit. Dixit quoque Aristoteles primo de gener. & corrupt. tex. 48. & 49. passionem esse, & fieri ratione similitudinis: Requiritur tertio contactus: quomodo enim ignis calefacere aliquem poterit, si eius caliditas ad ipsum non peruenit? Ultimo conueniens mora necessaria est. Nam si stipulam in magno igne posueris, & eam statim remoueris, nullo pacto comburetur, quæ alioquin a paruo etiam igne debita contracta mora exardescet. Hæc igitur in peste quoque gignenda requiruntur. Sed tempus est, ut quæ corpora magis parata ad pestem sint, nunc dicamus. Quæ notitia ut Galeno primo de diff. febr. & Auicennæ prima 4. placuit, ex duobus petenda erit, a temperatura, & a genere vitæ. A temperatura, quia vel naturalis est vel acquisititia; ambæ tamen calidæ, humidæ existunt. His addendum, si corpora latos habent poros, vel natura vel alijs de causis: et si quæ poros angustos habent, & obstructions patiuntur, facile etiam peste tentantur. Nam pluribus superfluitatibus ea abundare verosimile est, ut a putrido aere, aut intemperato, quem respirando hauriunt, affici & infici facile possint. Ceterum quia contraria dixisse videmur, corpora scilicet latis prædita poris ad recipiendam pestem magis parata esse corporibus angustorum pororum, ut hæc apparens contradictio diluatur. Notandum est, pestem, ut supra, dum de causis agebamus, statuimus, duas habere causas: externam vnā, internam alteram: externam diximus aerem esse: internam vero humores adeo putridos, ut veneni cum vires, tum qualitates æquent. Hac itaque causarum diuisione supposita, sic dubio facimus satis: Corpora nempe latorum pororum a causa externa, ambiente scilicet aere, magis ac facilius lædi, infici, & venenari: contra verò a causa interna. Aer enim facilius corpora latorum pororum quàm quæ densioris cutis sunt, penetrare & venenare poterit. Quod Galenus primo de diff. febr. cap. 4. dum de calidiori aere circa canis ortum verba fecit, sequenti oratione demonstrauit: Calidiores autem ambientis aeris status, quales maxime circa canis ortum contingunt corpori, extrinsecus circumfusi totum ipsum calidius efficiunt, sed præsertim arterias, ut quæ substantiæ ipsius aeris ambientis aliquid trahant, ex quibus cor affici est necessarium. Secus autem his corporibus accidit, quæ densos & angustos poros habent. Quæ tamen a corruptis intus humoribus venenatam naturam possidentibus magis inficiuntur, cum natura vnde dictos corruptos humores per insensibilem, quam dicunt transpirationem, ipsos iam in halitum redactos resolvere & dissipare non habeat. Quare ab eorum retentione pestis oriri perbelle poterit. Et si possimus etiam dicere, & recte, quòd densitas pororum non naturalis tamen, sed ab humoribus superfluis poros obstruentibus genita,

corpora

corpora pesti obnoxia maxime reddat a quacumque causa pestis origine duxerit. Corpora præterea laxa satis, vel a natura, vel quia balneis frequenter vtuntur, & victu humidiores viuunt, vitamq. otiosam ducunt: & eo maxime, si in ebrietatibus, & sempiternis crapulis degunt, reiq. venereæ immoderate, & intempestiue vacent, fieri non potest, quin multis superfluitatibus abundant, & idcirco peste facillime corripiuntur. Mulieres quoque & præcipue vtero gerentes a peste ocus inficiuntur: natura etenim humidiores existunt, quia vitam vmbratilè ducunt: quòd si intemperantes sunt, vt plurimum esse prægnantes solent, ob prauorum humorum abundantiam, non autem, vt aliqui dicunt, quia menstrua retinentur, facile pesti prona reperiuntur. Non enim retenta dicuntur menstrua, cum a prægnatione, & successiue magis fluere non debeant: sed id potius euenit, quia fetus puriori sanguine nutritur deteriorèq. relinquit, corpusq. matris superfluitatibus implet, & propterea prægnantes humidiores redduntur. Quæ veritatem Galenus 3. vulgarium com. 75. his verbis demonstrauit: Nam meliorem sanguinem ad se fetus nutrimenti causa alliciens, deteriorem relinquit: ideo prægnantes prauis humoribus implet, quos a partu euacuat natura. Hac itaque ratione vtero gerentes humidiores euadunt, & pesti obnoxie fiunt. Enixæ quoque, necnon puellæ, & paruuli, in quibusdam constitutionibus pestilentibus peste tenentur, & vt plurimum pereunt, vt anno 150. ante Christi aduentum contigit, auctore Dionysio Halicarnasseo libro 4. & Liuiio libro 2. Quod ob nimiam humiditatem prouenire putandum est, propter quam virgines nobiles, & pueri peste etiam corripiuntur. Et, vt vnico verbo multa complectar, calidæ, humidæq. naturæ in vniuersum plus alijs pesti subijciuntur. Quod Rasis tract. 4. cap. 25. sub exemplo infantium, & puerorum clarissime ostendit. Hinc senes, quia contrariam temperaturam possident, peste non infici docet Plinius lib. 6. cap. 50. Idem de his, qui malancolici sunt, & superfluitatibus carent, temperataq. vita viuunt: necnon ab obstructionibus liberi sunt, & moderato exercitio vtuntur, dicendum putamus. Quæ aut non patientur, aut paucò adminiculo ad naturalem habitum facient regressum, vt Galenus primo de diff. febr. capite proprio his verbis demonstrauit: Quæcumque autem mûda sunt corpora, & superfluitatibus carent, nonnulla quidem nihil, nonnulla vero minimum mali sentire, ita vt facile ad naturalem habitum faciant regressum. Nec plura de pestis natura: iam enim ordo postulat, vt in secundo libro de cautione ab ea disseramus. His itaque expletus sit primus ad laudem Indiuiduæ Trinitatis, & Deiparæ semper virginis. Amen.

ANTONII PORTI
FIRMANI

SIXTI V. PONT. MAX.

MEDICI A CVRA SECRETA,

DE PESTE LIBER SECVNDVS,

Quo cauendi rationem complectitur.



P R A E F A T I O.



VONIAM duplex est medentibus proposita ratio, altera, vt sanos conseruent, altera vero, vt a morbis obsessos liberent. Nos eam, quæ conseruare solet primo loco exponemus: nam si in omnibus etiã leuioribus morbis, verè dicitur melius curare qui conseruat, quàm qui curat, in hoc sæuissimo & immanissimo morbo verissimum esse, experimento compertum est. Nulli enim fere medicamento cedit, sed indiscriminatim omnes, quos corripit, mactat & perdit: propterea omne studium, omnèq. ingenij aciem ad cauendi rationem inuestigandam ponere oportet. At quia tanto negotio priuatorum diligentia minime par est, sed principum quoque auctoritas, & facultas requiritur. Res etenim vnius personæ, aut domus non agitur: sed ciuitatum, & Prouinciarum communis causa tractatur: propterea quæ Principum, quæ magistratuum partes, & officia existant primum, deinde quæ priuatorum hominum sint, exponemus.

*Quomodo pestis per causerum amputationem euitari possit,
& quid pro earum remotione Principes, & Ciuitatum
rectores agere teneantur. Cap. 1.*

VVLGATISSIMUM quidem sed verissimum dictum illud proferri solet: Remota causa; remouetur effectus: vtilissimum itaque est causas ante quam aliquod perniciosum producant, præcidere. Verum enimvero quia ad pestis originem tria potissimum concurrunt, causæ videlicet superiores, inferiores; & corporum propensio, & dispositio: ante omnia maxima cum animaduersione, vtrique generi causerum occurrere oportet: quæ si amoueri non poterunt, prouidendum tunc erit, vt corpora sic custodiantur, atque parentur, vt causerum impetum non suscipiant. Quare a superioribus initio sumpto toto corde, tota anima, totisq. viribus nobis per Sacramenta prius expiatis, expurgatisue, ad Dei gloriosi opem, auxiliumq. petendum confugiendum erit: vt qui misericordiarum fons inexhaustus existit, nec morientium perditione lætatur, sed magis cupit, vt conuertantur, & viuant, aeris vitia cælitus, occulteq. demissa expurgare, & emundare dignetur. Angelisq. imperet, quibus datum est nocere terræ, mariq. & arboribus, vt eis parcant, & salubrem, si quis adest, aerem conseruent, inquinatum vero expurgent. Ad quod agendum inuitamur Dei omnipotentis verbis, quæ 2. Paralipomenon cap. 7. hoc ordine leguntur: Si clausero cælum, & pluuiæ non fluxerit, & mandauero, & præcepero locustæ, vt deuoret terram, & misero pestilentiam in populum meum, conuersus autem populus meus super quos intueatum est nomen meum, deprecatus me fuerit, & quæsierit faciem meam, & egerint pœnitentiam a vijs suis pessimis, ego exaudiam de cælo, & propitius ero peccatis eorum, & sanabo terram eorum. Quæ ratione pestem non semel, sed semper sedatam esse priori libro demonstrauimus. Verum quia Deus Optimus Maximus, res quas condidit, ita gubernat, vt suis quoque modis moueri permittat. Ea propter, cum aer non abditio modo solum, sed manifeste etiam vitietur: cum vel calore, & humiditate nimia noxius reddatur, vel a latrinis, aut a baratris, vel ab inhumatis corporibus in prælio interfestis, aut a locustis, & serpentibus, similiterq. a paludibus, stagnis, fodinis, & denique ab omni re, quæ prauum venenatumq. vaporem exhalat, inimicas mortalibus vires acquirat, atque nanciscatur: cumq. reliqua etiam, quibus vita constat, vt eibus, & potus multoties mortales inficiant, propterea Principum diligentia est curare in primis, vt aeris vitia emendentur, vti factum fuisse ab Hippocrate Galenus in libro de Theriaca ad Pisonem cap. 16. testatus est, quem ait accensis per ciuitatem ignibus purum aerem reddidisse, & ciuium saluti satis prospexisse. Nec sunt audiendi, qui, quia pestis febris ardens est, obijciunt, ab aere seruido incendium augeri: maior enim

chim vitilitas a consumptione superflue, & turbulente humiditatis a qua praua putredo excitatur, quam ab incendij adauktionem incommodum mortalibus ingruere consuevit. Quare non hieme tantum, sed æstate quoque ignes magni ex lignis præcipue odoratis, vt iuniperi, lauri, roris marini, cupressi, quercus, & similibus accendi debent. A quibus non solum nimia humiditas consumitur, sed seminaria quoque praua, & contagiosa per aera dispersa, vel a ventis, & præcipue austrinis aliunde delata destruuntur. Quæ seminaria si prohiberi possent, ne accederent, vitilium proculdubio esset, loca scilicet occludendo, vnde austrini venti spirare solent. Ab austrinis enim regionibus ad alias, vt plurimum, Plinij etiam testimonio libro 2. cap. 50. dicta seminaria maxime transfunduntur. Quod si a baratro pestis imminet, baratrum erit implendum, & obstruendum, ne scædus halitus inde erumpat. Si vero ab inhumatis cadaueribus periculum impendet, vel altius humanda, aut in loco a ciuitatibus, quantum fieri potest, remoto, cremanda sunt: latrina, cimiteriaq. ita obstruenda, & mundanda, vt nullus scædus & prauus vapor illinc exire contingat. Viæ publicæ ab omni sorde expurgandæ: simus cæniumq. & brutorum cadauera in loca remotissima transferantur, ne bonus aer inde infici possit: paludes, & stagna aut omnino exsiccentur, aut in ea viuentes fluuij deriuentur ac dirigantur, vt plurima aqua abundant, ne a cænosa & corrupta euaporatione bonus aer inficiatur. Præcipue autem curent, ne in eis canapis, aut linum maceretur, vel oriza seratur. Quod si draconum venenatus halitus aerem inficeret, dracones citissime essent interimendi, & alte defossa humo sepeliendi, vel, quod tutissimum esset, comburendi. Similiter terræmotus prohibendi sunt, ne loca, in quibus fieri consueuerunt, peste corripiantur: prohibentur autem spiraculis in ea factis, per quæ conclusus aer sensim exire possit, ne diu retentus torpore, diuturna. clausura, corruptus atque scædatus repente concussa terra erumpens, bonum inficiat, atque venenet. Insuper aquarum integritati a Principibus, & ciuitatum Rectoribus est consulendum, & ante omnia prospiciendum, ne plebs annonæ grauitate sic conficietur, vt prauis cibis vesci cogatur, a quibus humores putredini obnoxij generantur. Putrescentes præterea fructus, & quæcumque cito corrumpi solent arceantur. Ceterum si in vicinis, aut remotis locis quibusdam, pestis viguerit, ab ea regione, nec homines suspecti, nec merces, aut alia, quæ fomitem seruare possunt, immo nec aer ipse, si fieri potest, admittatur: quod Principes, & ciuitatum Rectores summa vi, remis ac velis, vt dicitur, contendere debent. Hinc & portarum custodes, & in confinijs exploratores fidos eligant, qui nihil nisi prius inspectum omnino admittant: id animo sapius repetentes, non esse tam solertem diligentiam, quam immanissimus iste morbus non deludat, si ei etiam minimum negligentia admisceatur. Quare exitus omnibus, quorum opera necessaria non est, libere pateat: accessus vero, & introitus tantum illis, qui a

sanis regionibus, & peste intactis aduenerint concedatur; qui tamen accedentes per publicas litteras prius locorum custodes certiores faciant se a locis intactis discessisse, & per intacta sanaq. loca semper iter fecisse. Ceterum vtrum vnguenta aliqua venenata, & pestis seminarium continentia secum habeant, accuratius inquiratur: factò scilicet de vnguento periculo, si quod habent, in aliquo animali, alijs dictum vnguentum non tangentibus, quod si non tantum veneno careat, sed vsum etiam aliquem aduersus pestem præstare valeat, admittatur.

De corporum aduersus pestem cultura, & de sex rerum non naturalium vfu, & primo de aere.

Caput I I.

MODVM exposui, quo pestilentie causis occurrendum est. Verum quia pestis non fit, nisi corporum quoque propensio concurrat, vt a Galeno cap. proprio traditum est, qui docuit, aut non lædi temperata corpora, aut paucò adminiculo ad sanitatem læsa reduci. Propterea quomodo corpora si a temperie recesserint ad eandem reduci, & temperata intemperie seruari debeant, in sequentibus ostendemus. Temperantur autem corpora Hippocratis, & Galeni testimonio, si quæ nimis humida sunt exsiccantur: exsiccabuntur autem ciborum aridorum vfu congruo, paucò potu, exercitio moderato, vigilijs, & sectione venæ, & pharmacia. Quæ vero sicca sunt, ita regenda, vt siccitatem non amittant, quòd si superfluitatibus abundant, seruariis seruandis purganda sunt. Sed video hæc breuiter nimis proposita copiosorem explicationem requirere: itaque sex res non naturales a medicis vocatas singillatim percurram. Et ab aere tamquam communiori exordiens, dico ab ipso intra & extra corpus nutriri, & alterari, vt Galeno placuit 6. de morb. vulg. sect. 6. comm. primo, & primo de differ. febr. cap. 4. Potest enim, inquit Galenus, aer per arterias ad cutim pertinentes ad carnes ferri, ab ipsis attractus, præter id, quòd aeris inspiratione visibili fit, ne insitus calor dissipatus intreat, sed roboretur, & recreetur. Hippocrates rursus in libro de flatibus postquam num. 5. in omnibus tam inferioribus quàm cælestibus aerem inesse dixit; subdit num. 6. Mortalibus autem vitæ, & ægrotis morborum solus est auctor aer, tantaq. omnibus corporibus spiritus extat necessitas, vt si quidem omnibus alijs abstineat homo, neque cibum sumat neque potum, possit tamen dies duos, vel tres, & plures ducere. Si cui vero spiritus in corpus vitæ intercipiantur, in breui parte vnus diei intreat: vt vel hinc quanto vsui spiritus corpori sit, liceat æstimare: vbi plura de aere studiosi legere poterunt, quæ sciens omitto, ne longitudine sermonis tædio lectores afficiam. Relinquo quæ in libro de natura humana num. 18. & 19. idemmet dixit Hippocrates, dum causas morborum, tam communium, & vniuersalium, quàm particu-

larium

larium docuit, vbi aerem communium morborum causam, dixtam vero particularium esse demonstrauit, etsi tam cibus, quàm potus vitiatuſ, communis tamen, communium morborum præcipue contagioſorum causa esse possit, vt secundo de nat. hum. comm. 3. exemplo semiputris tritici, vt alias dictum est, & aquæ vitiatæ a Galeno habetur. Quapropter primo aer sincerus, & nullo pacto vitiatuſ eligatur, qui si non aderit, in remotioribus locis quærenduſ erit: idq. quod prouerbio dicitur, efficiat cito, longe, tarde. Cito discedat, tarde redeat, & ad longinqua secedat. Quod Hippocrates etiam 2. de nat. hum. num. 19. sic inquires numerauit: Regionum locos, in quibus morbuſ consistit, quantum eius fieri potest, permutare oportet: quod Rasis tract. 4. cap. 24. confirmauit. Verum si hoc fieri non poterit, prouidendum, vt eodem loco dixit Hippocrates, vt quàm purissimuſ aeris influxuſ in corpus ingrediatur, & ille, vt quàm peregrinissimuſ existat. Peregrinuſ autem reddetur, si æstate folijs salicis, vitis violarum, rosarum rubearum, folijs item harundinum myrtillorû, summitatibus rubi, quercus, nec non floribus nenufaris, sandalidis, & camfora aer alterabitur: nam sicuti caliditas, & humiditas, ipsuſ putredini obnoxioſuſ reddituſ, ita frigida, & sicca, a putredine vendicare valêt, quæ tamen eiusmodi esse debêt, vt corroborâdi cor potestâtê habeât, quod putriduſ aer lædere sensim tentat, propterea his summitates aranciorû, citriorû & limonû, quibus virtus aliarû medicinarû commodius in cor perducitur, immiscendæ erunt. Quod etiam præstat aqua rosacea aceto rosaceo mixta, qua domum aspergere, odoratamq. reddere oportet: quod si ea caruerit, confert aqua pura cellulam aspergere, & pomis stratam habere præsertim cotoneis, appijs, & roseis. Non desunt, qui aquæ limpide riuuuluſ commendant, qui murmure voluptatem afferat, & solamen, & frigiditate aerem alterando proficiat, diuitibus, hoc, quod laudatissimuſ est, parari poterit.

Recipe aquæ ros. lib. ij.
Aceti ros. lib. semis.

Sandalorum citrinorum. } ana. drag. ij.
Sandalorum rub. }

Camforæ drag. j.

misce. & eo supradicta folia irrorentur, vel in eis panni linei infundantur, & in cubiculo suspendantur, qui exsiccati iterum irrorentur, & iterum suspendantur, vel quod sequitur.

Recipe corticum citri. { ana. drag. ij.
Citrangulorum. }

Rosarum rubearum } ana. drag. iij.
Florum nenufaris. }

Camforæ. serop. ij.

Charabæ. drag. semis.

H 2 Terantur

Terantur crasso modo, & ex aqua rosata, & pauca terebenthina fiant trochisci duarum drachmarum pondere, & eadem aqua rosacea, aqua florum citrangularum, & aceto rosato idoneo vase exceptis fiat suffimentum, quo præter id, quod aerem frigefacit, & exsiccat, odore spiritus maximopere recreat. Nam quemadmodum male olentia omnia stomachum subuertunt, vt 8. de comp. med. local. cap. 3. docuit Galenus cerebrum ledunt, & vitales spiritus inficiunt, ita bene olentia delectant animam, spiritus, & virtutes reparant, virtutumq. mineras corroborant, vt ait Mesues lib. de consolatione medicinarum cap. primo, hæc igitur per ætatem: hieme vero vti oportet odoramentis calefacientibus, & exsiccantibus, vt igne accenso ex lignis redolentibus iam dictis, vel alijs, quæ mitem, & clarum ignem efficiant, vt sarmentorum, salicis, & similia, putrida vero ligna omnino non comburantur. Suffitus etiam ex trochiscis de alipta moscata, & de gallia moscata, addita aqua ex floribus aranciorum, & tribulorum modo supradicto summopere commendantur, vt etiam qui sequuntur.

Recipe Thuris	}	ana. drag. ij.
Cort. citri		
Melissæ	}	drag. j.
Ligni aloes		
Nucis moscatæ	}	ana. drag. j. semis
Costi		
Gariophyllorum		
Cinnamomi		
Ladani		
Styracis calamitæ		
Croci	}	
Benzui		

Cum terebenthina, & aqua tribulorum, florumq. aranciorum præscripto ordine trochisci formentur, quibus si adderentur.

Moschi	}	ana. scrop. semis
Ambræ		

potentiores essent. Pauperes vero contenti erunt folijs aranciorum, citriorum, limonum, rutæ, saluæ, roris marini, & lauri, item spicæ, radicibus ireos, & similibus: cum vero hæc hieme: illa autem æstate conueniant, facile tibi erit intermedijs temporibus modo frigida, interdum calida minuere, quandoque ambo simul pro tempestatibus ratione immiscere, vt aer optime contemperetur, & corrigatur. Verum quia ex 4. met. ab humiditate, caloreq. nimio putredinem oriri statuimus, frigefacere, & exsiccare aerem tutissimum erit. Sed cautione adhibita, ne dictis suffitibus capita grauentur. Ceterum domus, si fieri potest, sit ampla, & omnino a sordibus munda, & ab omni fœtore remota, immo cum dictis odoribus odore reddantur. Fenestras, quæ meridiem respiciunt, penitus claudan-

dantur, ex illa enim regione, vt alias dictum est, pestis inuadit. Cubicula vero, quæ a borea ad ortum solis sita sunt, ex Rasis decreto tract. 4. cap. 25. tamquam tutiora habitentur. Verum in eodem thalamo semper commorandum non est, sed assidue ex vno in aliud migrandum, quod tamen ante introitum pro ratione temporis, vt supra dictum est, parari debet. Si quis autem infectus adest aer, expellatur, vel alteretur, aut consumatur. Consumitur optime si in medio cubiculo ignis, etiam æstate ex lignis præcipue salicis, aut sarmentorum accendatur, & ibi per horam dimittatur: alterabitur autem suffitibus, vt dictum est. Quod si vicina regio, aut locus peste infectus sit, fenestræ, quæ illam partem respiciunt, claudantur: quæ vero ad contrariam partem vergunt, aperiantur, quo tempore domi se perpetuo continere saluberrimum putamus.

Vestes, præsertim sericæ commendantur, sed e quacumque materia confectæ mundæ sint, & odoribus muniantur, sæpeq. si fieri potest, immutentur. Hic itaque quæri solet, vtrum loca montana, altioraq. an vero conualles, & subterraneæ domus tempore pestis salubriores existant. Cui petitioni, vt melius satisfacere possimus, notandum aeris vitium triplex esse, vnum de philosophorum sententia, cum in eo calor, atque humiditas nimia est: alterum de sententia medicorum si a stagnorum, aut aliarum rerum putridarum vaporibus inquinatur: tertium quando malo quodam modo, & secundum Astrologos inficitur. Nunc ad quæsitum dicimus, quod quando vitium est in substantia aeris, tunc subterranea loca altioribus tutiora existunt, quia magis a cælo distat, & vapores, qui solent aeris substantiâ vitare, quoniam naturaliter ascendunt ab eiusmodi locis non modicum dilungantur. E contra vero si ab humiditate, caliditateq. immodica corrumpatur, tunc altiora, & montana loca tutiora reperiuntur, calor enim afflatu ventorum moderatur. Quam responsionem docuit Auer. 6. colligit capite 18. & Auic. 2. primi doct. 2. cap. 7. etsi aliter teneat Guainerius in tract. suo de peste cap. primo. Nam in omni aeris iniquatione loca altiora habitanda esse docet. Dicitq. rationem reddit: quoniam altiorum locorum aer magis sincerus est, & purus, faciliusq. potest alterari, & corrigi quam is, qui in cauernis, & locis subterraneis existit, qui ob vaporum permutationem crassior euadit. Sed hæc loca, quæcumque sint, borealibus ventis exposita, meridionalibus abscondita esse oportet, & quæ possint a sole visitari: sol enim est, qui vere aerem illustrat, mundat, atque fecundat: & hæc de aere hætenus. Sequitur vt de cibis verba faciamus.

Qui cibi eligendi sint, vt a peste cauere valeamus, & primo panis eligitur. Cap. 111.

QUONIAM non solum a calore naturali, qui sensim humidum radicale depascitur, sed etiam ab ambiente nos aere nostri corporis multæ dissolutiones, & resolutiones contingunt: quare si deper-

si deperditi refectio non fieret, breui mors animanti succederet. Hinc de cibo, a quo deperditum restituitur, & præcipue de pane, qui aliorum ciborum basis, & fundamentum est, primum erit dicendum. Qui ex bono tritico, nec vetustate, nec alias corrupto, a fursure mundus, congrue fermentatus, cum paucis sale per ætatem, tempore vero frigidiori cum maiori copia salis, & aliqua fursuris permixtione confici debet, qui in clybano lignis odoriferis, vel saltem non corruptis calefacto decoquatur, quòd si aliarum frugum miscellam aliquam fieri oporteat, hordeo, & milio triticum misceatur. Qui panis vsque in quartum diem seruatus non improbatur, etsi primo Thez. cap. primo ab Auenzoar post primam diem non commendetur: antiquior, nisi necessitas urgeat non comedatur. Calidus etiam, quia sitim, repentinamq. plenitudinem infert, exsiccatur, & tarde descendit 2. acut. tex. 34. ab Hippocrate damnatur.

Carnes longo usu comprobatae. Cap. IIII.

CVM ad vitæ humanæ sustentationem atque indigentiam non solum panis, verum etiam carniū vsus pertineat, de carnibus item dicendum erit, e quibus laudabiles esse censentur, quæ facile concoquantur, quæ superfluitates paucas relinquunt, & difficulter putrescunt. Item probantur carnes animalium odoratis pabulis vescientium, maxime autem lactantis vituli a secundo ad quartum mensem, uti Arietinae, si annum aries non excesserit, in bonarum censu ponuntur: similiter hædinae, si hædus alterum mensem non superet. Non desunt, qui suis annum non excedentis, tam recentes quam salitas, præcipue siluestris commendent, alij tamen propter nimiam humiditatem vituperant, quibus adhæreo. Capreolorum, & ceruorum præcipue lactantiū, leporū quoque intra quartum mensem, uti etiam veruecis sinceræ carnes commendantur, partes vero dictorum animalium anteriores, & ex anterioribus dextræ magis probantur, interiores tamquam humidiores minus laudantur: assæ tamen non omnino respuuntur. At magnorum animalium carnes ex præcepto Ali in præct. cap. 26. dimittendæ sunt. Ex bipedibus vero carnes probantur gallorum nondum cocuntium, caponum, gallinarum, perdicum, fasianorum, præsertim iuuenum, coturnicum, turturum, flarnarum, turdorum, alaudarum, & aliarum paruarum auium montanarum. Pulli quoque columborum in turris degentium non spernuntur. An autem dictæ carnes debeant elixari, vel assari, tempus anni, aer, regio, ætas, sexus, complexio, consuetudine spectanda veniunt: in quibus si calor, & siccitas nimia extiterit, elixas potius, quam assas commendamus, sin contra se res habuerit, assa præferenda erunt, etsi communiter assa, quia humorem superfluum exsiccat, elixis Manardi lib. 5. Epistola 3. testimonio præponuntur. Nos ut communiter fieri solet si elixis assa misceantur optimum putamus, quòd si interdum assa, interdum elixa manducantur, id profecto magis commendamus.

Ona prastantiora: & parandi modus. Cap. V.

OV A perdicum, fasianorum, & gallinarum potissimum laudantur, quæ tamen recentia esse debent cocta ex aqua, quæ communi appellatione dispersa dicuntur; & debent tremula remanere, non durescere, albumine lacteo, sic enim temperata existunt. Nam vitellus calidus, & humidus quidem est, sed tamen temperatus dici potest, quamvis dictas qualitates aliquanto symmetro potiores possideat, quæ ab albumine frigido, & sicco temperantur, & symmetro frigidiora euadunt, vt 2. de compo. med. loc. & 11. de simpl. med. cap. proprio docuit Galenus, Non desunt qui in aqua cum cortice, & super cineres decoquunt. Nos vt primo modo ne durescant, ita secundo, vt a cineribus non cooperiantur consulimus: quæ si sale, vnaq. immaturæ succo, aut aceto, vel pauco cinnamomo condirentur, sapidiora & laudabiliora efficerentur: quæ quantum ponderant, tantum nutriunt maxime si forbilia fiant; sic tamen vt calor in stomacho idoneus inueniatur, a quo confici possint: stomachum enim languentem subuertunt, cum prius corrumpantur quam ab eo concoquantur, vt primo de rat. vic. com. 18; Galenus asseruit. Ceterum frixa oleo, vel butyro, & similibus, item & dura preter id, quod prauū odorē acquirunt, difficiliora concoctu euadunt; malū prastant nutrimentum, quod facile putrescit, vt Galenus in libro de succorum bonis. & vit. cap. 4. & 3. de alim. facul. cap. 22. similiter & Isaac lib. primo de dictis vniuersalibus cap. 43. docuere.

De lacte, & ijs, quæ e lacte fiunt. Cap. VI.

LA CTIS vsus, nisi vt medicamentum, ab omnibus interdicitur. Nam cum corpora a peste tueri velimus, & quæ humidiora sunt pesti maxime obnoxia existant, vt supra vlt. cap. primi libri decretum est; & ab vsu lactis humidiora euadant, lactis vsus propterea suspectus est. Si quo autem competit illud acetosum debet esse, vel sit caprinum, vel vaccinum, vel ouillum, aliorum enim animalium lactis vsus in cibis nullus est, & de cibis tantum agimus. Ceterum Hippocrates in lib. de vet. medicina num. 37. caseum docuit omnes homines non ledere, sed esse, qui eo saturati, ne tantillum quidem offenduntur, immo gracilibus mirabiliter etiam conferre proditur. Si enim toti humanæ naturæ malus esset, omnes utique læderet. Ex quibus patet, quod non solum omnibus non nocet, sed aliquibus auxilio est; quapropter, vt etiam consuetudini aliquid condonemus, ipsum, vt dicunt, pro sigillo stomachi in fine mensæ concedimus. Sit tamen recens non multum salitus, eius vero alias conditiones docet Galepus 3. de alim. facul. cap. 17; verum quidquid sit, parce sumi debet. Iam ad pisces transibimus.

Qui Pisces concedi possint. Cap. VII.

PISCES, vt specie varij sunt, & in varijs locis viuunt, varias etiam facultates possident, etsi omnes frigidi, & humidj sunt: qui tamen in aquis falsis degunt, ceteris paribus, his, qui in aquis dulcibus vitam ducunt, sicciore existunt. Quæ aquæ dulces variæ sunt: nam aut sunt flumina, aut riuuli, aut lacus, & hi non stagnantes, sed viui, & currentes, aut semper eodem loco permanentes. Vnde stagnorum pisces, vt, qui putrescere facile possunt, sunt omnium deterrimi: currentium vero lacuum non ita damnantur. His laudabiliores sunt, qui in magnis fluminibus viuunt. Sed omnibus censentur meliores, qui in lapidosjs riuulis degunt, vt trutæ, & rapido cursu currentibus, necnon & lapidosjs riuulis degunt, vt trutæ, lampetæ, carpiones, lucij, barbui, & similes. Ex marinis vero, turdi, merulæ, corui, storiones paruuli, passeris, auratæ, dentales, rombi, solæ, trigliæ, spiculæ, fragulini, sardæ, caponès, & consimiles. Commendantur in summa pisces squamosi, & quia celebrioribus doctoribus pro salutaribus habentur: similiter qui longo vsu indigenis sunt comprobati in cibis tantum admitti debent, qui super cratæ, oleo, aceto, sale, & sceniculo assi: vel vino, & aceto, vt Germani faciunt, cocti, necnon ex aqua cum anetho, aut petroselino, oleo, sale, pipere, & gariophyllis cocti, minus noxij habentur: etsi Rasis tract. 4. cap. 25. assiatos magis commendat. De salitis piscibus hoc vnum dicam, supradictos omnes salitos moderatè sumptos concedi posse: sal enim eorum superfluam humiditatem frangit, & tollit.

De pleribus. Cap. VIII.

OLERVM delectus non eo tantum vtilis est, quòd alia frigida, alia calida sunt, & ideo aliæ æstatè, aliæ hieme magis conueniunt, verum etiam quòd aliqua veneno, & putredine obsistant, quando & corpora non tantum humiditate, aut calore nimio læduntur: sed putredine atque venenis. Quare in æstate commendatur endiuia, lactuca, lupuli, cicorea, quinque folium, portulaca, seneciũ, borago, buglossa, spinachia, blitis, primulaevis, maxime vero acetosa, alleluia, a Plinio oxys appellata, pimpinella, cicerbita, & melissa, flores cicoreæ, boraginis, buglosæ, primuleuevis, & caltæ Plinij, radices insuper cicoreæ, & cicerbitæ. In hieme vero conueniunt mentha, maiorana, betonica, valeriana, origanum, saluia, rosamarinus, pulegium, petroselinum, anethum, apium, ruta, apium alexandrinum, sceniculus, & asparagus. Sunt qui vincetoxicũ, & chamedryum maxime probent, quia tamen in vsu recepta non sunt, vtatur, qui volet. Flores boni sunt saluæ, roris marini, & origani, vt radices petroselini, carotarum, apij alexandrini, & pastinacæ: in intermedium vero temporibus, hæc misceri debent vt ex calidorum, & frigidorum miscella temperata compositio reddatur.

Legumina

Legumina. Cap. I X.

LEGUMINA fere omnia præter fractos ciceres, & lentes, exco-
ritas, & aceto, oleo, pipere, & alio conditas, interdicuntur, quod si
necessitas ad alia legumina comedenda coegerit, origano, fœniculo, petro-
selino, anetho, pipere, & gariophyllis, vel consimilibus condiantur: statuo-
sa enim sunt, & malos succos generant.

Acetaria. Caput X.

ACETARIA proculdubio conueniunt, præsertim ex herbis pesti
obstinentibus parata, quæ & ipsa pro natura temporum variari po-
terunt, vt æstare ex herbis, floribus, & radicibus frigidis supradictis:
hieme autem ex calidis conficiantur, quæ radices cum difficiliore con-
coctu sint, coctæ magis, quàm crudæ concedi debent, præ ceteris pimpi-
nella, cicerbita, acetosa, melissa, cicorea, borrago, & cappares proban-
tur, quæ aceto rosato passulato, vt vulgo dicitur, oleo dulci, vel amyg-
dalarum dulcium recenti, & sale condiri poterunt, quibus in hieme be-
tonica, mentha, scryllum, rosmarinus, saluia, ruta, valeriana, & pe-
troselinum addi poterunt. Nec desunt qui limonum frusta vel citriorum
immiscent, & recte.

Sapores & condimenta. Cap. X I.

DE saporibus paria dicenda sunt, quæ pro anni varietate variari de-
bent: æstare enim ex pane, acetosa, amygdalis, aceto, & pauco
cinnamomo sapor salutaris conficitur. Similiter ex syrupo de acore citri,
& aceto rosato addita portione cinnamomi, ex vocatis vulgo marenis
ceraseis, & ex malis appijs. Non desunt, qui ex pulpa prunorum recen-
tium cum saccharo, & cinnamomo ipsum parant, qui præter id, quod
gratus existit, ventrem etiam lubricum reddit, alij ex hepate pulli prius
elixo, & bene confuso, cum iure pulli, vitello oui ad duritiem per coctu-
ram redacto, amygdalis, succo vuz immaturæ, vel acore citri, & pauco
cinnamomo idem efficiunt: cui si saccharum addes, modo ne dulcia ab-
horreas, non aberrabis.

Hieme vero parabitur ex petroselino, saluia, mentha, betonica, mi-
ca panis, aceto caryophyllato, & fœniculo, addito zingibere, & pau-
co sapæ. Sed horum formam aliquam ostendisse sit satis, nam addendo,
& immutando varia, tuo arbitratu opportune conficere poteris.

Liquores, & succi, qui in mensam veniunt. Cap. XII.

LIQUORES quoque probantur aqua rosacea, acetum rosaceum, ace-
tum caryophyllatum, succus citri, limonum, aranciofum, berbe-
ris, mali punici, succi vuz immaturæ, & vt vnico verbo complectar,
acida omnia profunt. Nam præter id, quod gustui grata sunt, & appe-
titum

titum excitant, cor corroborant putredini, ac veneno maxime aduersantur, vt docte Rasis tract. 4. cap. 25. demonstrauit.

De ferculis. Cap. X I I I.

FERCVLA, quæ vulgus Italicum menestras vocat, ne tædio afficiamur, variare oportet, siue fiant ex iure, & vitellis ouorum, siue ex pane, vel intrito, vel in frusta conciso, quod si radices, vel folia petroselini in iure ebullierint, probandum erit. Similiter far a Gal. 8. meth. commendatur vbi dixit habere plurimum quod nutrit, & minimum inutile, oriza quoque aliquando concedi potest, sicut & milium, & hæc per hiemem addito aliquo aromate, vt infra dicemus, vt sine eo per æstatem commendantur: quo tempore cucurbita, endiuia, borrago, acetosa, spinachia, cicerbita, & pimpinella laudantur: similiter auenatum, & hordeatum, dictæ vero pimpinella, cicerbita, & acetosa, in omni iure vtilissime coquentur, cum putredini, & veneno insensæ sint: quamobrem omnia acida probantur, quibus autem diebus a carnibus abstinemus ex supradictis herbis farre, oriza, & leguminibus supradictis cum oleo dulci, vel amygdalino recenti, vel vocato lacte ipsarum prunis, & marenis dictis, vel cerasijs fercula parabuntur, & hæc satis.

Pulueres & Aromata. Cap. X I I I I.

CONDIRI quoque pulueribus; & aromatibus quibusdam fercula, & cibi reliqui consueuerunt: propterea non est ab re quorundam mentionem facere, in quibus eadem vis contra putredinem, atque venenum reperitur, habita temporum ratione, vt antea sæpe dictum est: igitur hieme hic vtiliter vsurpabitur.

Recipe Corallorum rubeorum. } ana. drag. j. semis
Margaritarum.

Macis.

Cinnamomi } ana. drag. j.

Garyophyllorum.

Croci. } scrop. j.

Misce, fiat tenuissimus puluis, cuius exigua portione fercula inspergantur.

Æstate vero hic:

Recipe Margaritarum. }
Corallorum rub. } omnium præpar. ana. drag. j. semis
Cornu cerui.

Sandalorum rub. } ana. scrop. iiij.

Cinnamomi. }
Croc. } scrop. j.

Misce, fiat puluis, vt ante dictum est. Intermedijs temporibus puluis.

Recipe

Recipe Cinnamomi. }
 Sandalorum citr. } ana. drag. j. semis
 Margaritarum præp. }
 Cornu cerui præp. }
 Croci. scrop. j.
 Macis. scrop. semis

Fiat similiter puluis. His vero similes multi addendo, auferendo pro temporum varietate frigidiora, calidiora parabuntur. qui vero dulciora cupiunt saccharum ad pondus omnium adijciant, vti pro magnatibus pretiosos lapillos immiscere expedit. sed ne pauperes pro derelictis habeantur ipsis hoc modo paretur.

Puluis pro pauperibus.

Recipe Cornu cerui præpar. drag. iij.
 Carlinæ } ana. drag. ii.
 Dictami }
 Cinnamomi. drag. j. semis
 Croci. scrop. j.

Misce fiat puluis, quo, vt dictum est, vtantur in ferculis ad scrop. j. semis, quod pondus de omnibus alijs intelligendum est.

De pulmento testaceo, vulgo torta appellata.

Caput XV.

SED tanta est hominum ingluuies, & gulositas, vt in dies noua cibaria excogitauerint. Nam assis, & elixis, & pluribus condimentis non contenti, pulmentum quoddam testaceum adinuenere, quod vtrum tempore pestis admittere debeamus, videndum remanet: fugiendum igitur dicimus, nam præter cetera incommoda, difficulter concoquitur, crassum generat nutrimentum. Vnde obstructions oriri commode possunt, si quod tamen concedendum erit, ex pulpa caponum, perdicum, fasianorum, ouis, amygdalis, cinnamomo, & saccharo cum pauco caseo, recenti tamen conficiatur, lurconibusq. & assuetis exiguum permittatur. Similiter si ex herbis fiat, vt fieri solet ex beta, cum qua acetosa immisceatur, cum recocta vocata, pipere, caseoq. recenti, saccharo, ouis, & aqua rosea, vti e cerasis marenis dictis, & ex pomis, appijs minus damnatur, placentæ vero, quæ ex saccharo, & amygdalis fiunt, etsi bonum generant nutrimentum, quia tamen dure concoquuntur, parce comedantur, quibus si pulueres supradicti miscebuntur minus noxie censerì poterunt.

*De alliorum, & caparum usu contra pestem.**Caput XV I.*

MAGNA profecto inter celebriores medicinarum professores vertitur controuersia. An scilicet acutis, & acribus alijs seclusis, capæ, & allia pro cauenda peste concedi debeant, nec immerito. Galenus enim primo de different. febr. cap. 3. dum de causis a quibus febris oritur verba facit, inter alias causas, aerem, & mordacem superfluitatem numerauit, quæ a quibus fiat sequentibus verbis ostendit: Acer autem, & mordax defluit his superfluitas, qui aut natura vitiosos habent humores, aut prauis cibarijs vtuntur, & paulo inferius: Voco autem praua cibaria ea, quibus hoc ipsum est; a natura insitum, sicuti allia, capas, nasturtia, porros, brassicas, ocyra, vrticas, & quæ apud nos lampsanas vocant, & in libro de caus. sympt. cap. 2. dum venatur causas adauctionis caloris naturalis, sic habet: Quinta vero species adauctæ supra modum caliditatis, sunt esculentorum acres, ac calidæ qualitates, veluti alliorum, caparum, atque huiusmodi omnium: hæc Galenus: quæ confirmauit Auenzoar lib. 3. cap. 4. sequentibus verbis. Et quidam medici memorati fuerunt, quod comedere allia, & capas remouet nocumentum malæ aquæ, sed ego abhorreo curam talem: quoniâ habet humores calidos, & acutos generare, & putredinē augere: allium Lyricus noster sequentibus carminibus detestatus est.

Parentis olim si quis impia manu

Senile guttur fregerit;

Edat cicutis allium nocentius.

Nihilominus tamen contraria docuit Auicēnas lib. 2. tract. 2. capitibus proprijs, sic inquit: Allium confert puncturæ vermiū venenosorū, & morsui serpentium, quando bibitur cū vino, & nos quidē iam experti sumus illud, & similiter morsui canis rabidi, vti quando fit emplastrū ex allio, & folijs ficus, & cumino, & super morsum muris aranei ponitur: quæ verba vltima a Dioscoride accepit. De capis vero loco citato cap. proprio dixit, confert morsui canis rabiosi si cum aqua eius linitur, supra ipsum autē emplastratur capra cū sale, & ruta, & quæ comeditur capra expellit vëtositates venenosorum: & dixerunt quod ipsa generat in stomacho humore humidum, plurimum frangentem nocumentum venenosorum. Hæc Auicennas, Galenus quoque, etsi ad venena valere non dixerit: pluribus opitulari nihilominus affirmavit. Vnde 4. acut. 90. in corpore nō existēto plethorico, vel cacochymo, sed prius euacuato non solum capitis grauitatē, sed alterius etiā partis allium sanare asseruit, necnon vrinas ciere affirmavit. Quinto vero de sanit. tuend. cap. 6. ab allio, & capis obstructiones amoueri docuit, dixitq; allium assuetis esse concedendum. Et quinto de simpl. med. allium aperire asseruit: vti 2. de alim. facul. cap. 43. vt medicamentum cum thymo, pulegio, origano, & cardamomo pro diluendis obstructionibus

nibus exhibet, & in coli doloribus commendat, & exemplo rustici firmat: status enim potenter discutit, propterea rusticorum theriacam appellauit, quod nomen solis alexipharmacis competere certissimum est, quid itaque in tam magna dissensione dicemus, nisi quodd allium, & cæpa in magna copia, & vt cibus sumpta in cauenda peste non conueniunt, at vt medicamentum, & in pauca copia accepta, non solum ad venena, sed pro cautione a peste plurimum valent: materia enim faciens pestem, & quantum ad vires, & quantum ad qualitates veneni vires æquat, vt supra ex 6. de loc. aff. cap. quinto monstratum est, nec repugnat aliquid qualitatibus manifestis vnum operari: occultis vero aliud præstare, vt de scordio, & alijs innumeris dicere possumus, quæ per primas, & manifestas qualitates calefacere, & exiccare, occulta tamen illa facultate aliud agere valent, præstant itaque prauum nutrimentum acria, & acuta. Sed non prauum medicamentum, cuiusmodi exemplum Galenus dedit lib. de succ. bon. & vit. cap. 7. dum ait: De lente quodd, & malum, & melancholicum succum gignat, nemo fere nescit, ea tamen, vt medicamento vtimur plerumque in affectibus plurimis: similiter de vrtica, & de ocymo, quæ multas, & magnas compositiones ingrediuntur, dicere possumus: vnde lib. 20. cap. 12. scribens Plinius aduersus Chrysippum non solum mala a Chrysippo falso ocymo ascripta non edere, sed e contra innumera bona producere affirmauit, ad quem locum breuitati indulgentes, studiosos delegamus, vbi plurima de ocymo videre poterunt. Vt medicamentum igitur non pauca bona præstat. Quod Auic. in lib. de virib. cord. sequentibus verbis clarius demonstrauit, finaliter tamen vsus eius non est in lætificatione laudabilis: quoniam substantia nutritiua, quæ est in ipso, contrariatur ipsius medicinali substantiæ, etenim substantia medicinalis lætificat cor, nutrimentalis vero sanguinem turbidum generat, atque melancholicum, igitur si ocymum, & reliqua acuta in pauca quantitate sumpta fuerint, multum humorem prauum gignere, aut calorem augere, vt inde febris generetur, non possunt, plurimum vero forma illa specifica, & ineffabili facultate venena necantia, fugantiaue, & pestis seminarijs obfistentia pro cautione prodesse poterunt, vt de theriaca primo Theizir cap. primo docuit Auenzoar. Dictisq. adde, obstructione laborantibus, & flatuosis, & vbi vrinam ciere opus est, salutaria a Galeno locis supradictis habentur. Ceterum cum experientia rerum omnium magistra sit, Princepsq. de re Medica optime meritis, allia, & cæpas in venenis se expertum fuisse affirmet, & scordij odorem allium referat, in cauenda peste vna cum cæpis non vt cibum, sed, vt medicamentum tuto sumi posse concludendum videtur. In his autem eo vsque immorandum non est, vt mensa absque fructibus relinquatur.

De fructibus. Cap. XV 11.

FRUCTVS, qui in cautione pestis salutare habentur, sunt, pira, piracotonea, mala apia, rosea, deciaq. appellata, pruna in principio mensæ, præcipue damascena, catalana, viridacchia, maximiliana, & perniconia, Romæ vulgo appellata, cerasiorum quoque acidorum genus, & mala punica commendantur, pepones quoque cucumeres dicti citruli, cucurbitaq. in magnis æstibus a Rasi tract. 4. cap. 25. laudantur, caute tamen edenda esse quod humida sunt admonemus, ficus maturæ, quia cito subducuntur, & vux suspensæ, & subacidæ a Rasi loco citato conceduntur, similiter anellanz, & nuces quæ ficubus siccis ruta, & sale mixtis pro alexipharmaco existunt pinex, amygdalæ, pistachiaq. quia bonum nutrimentum præbent, & propterea natium calorem fouent, salatures habentur: castaneæ a mensis non arceantur, persica præcipue duracina a nonnullis conceduntur, quæ non post cibum, sed stomacho ieiuno comedi debent, vt Galenus 2. de aliment. facul. cap. 19. Actius primo libro prim. tetra bilis, & Isaac lib. 2. de diætis affirmarunt. Nos vero magis odore, quàm nutrimento vtilia credimus, oliuæ pro excitando appetitu profunt, vt cappares non parum prodesse creduntur. In summa fructus nullo pacto sint corrupti, moderate sumantur, cocti potius, quàm crudi, pauco addito contra flatum cinnamomo, vel aniso, & similibus. De cibo dictum est satis, iam de potu agamus.

*De vino, & alijs potionibus ad vitandam pestem idoneis.**Caput XV 111.*

QVÆSITVM diu est. An ad cauendum pestem vsus vini idoneus sit, Rasis enim tract. 4. cap. 25. ea enumerans, quæ in constitutione aeris pestilentis vitari debent, vsu vini, plurimarumq. aliarum rerum sic inquires interdicat: Quando in æstate multæ veniunt pluuiæ, & die, & nocte permanferint, & multi meridionales venti perflauerint, vel aer ita quietus fuerit, vt non moueatur, turbidus nihilominus propter ventos meridionales placide spirantes, & alios quiescentes extiterit, a carne, & vino, comestionibus de melle factis a fructibus recentibus, & dulcibus, a balneo, & lauacro aquæ calidæ omnino abstinendum esse, hæc ille. Verum non simpliciter a vino abstinendum voluisse existimandum est. Sed tantum cum pestis in loco proximo fuerit. Nam inde facile, & a vino, & ab aliorum dictorum vsu in locum, in quo his mortales vescuntur, transferri potest, ne itaque humores ad ebullitionem parati gignerentur, ea prohibuit. Verum, quia nostri temporis homines Græcorum more bibere solent, quod non accidisse tempore Rasis historici omnes testantur, & ipsa vinearum multitudo, quo modo reperitur confir-

confirmat, aliquid consuetudini condonandum est, nostrisq. hominibus vinum pro cautione, a peste concedi posse putamus: hoc vel maxime, quia vinum moderate sumptum tantum abest, vt inflammationes, vel ebullitionem pariat, vt potius spiritus viuificando, & gignendo natium calorem adaugeat, & cor maxime roboret, vt inde pesti obistere plurimum possit, sine cordis autem putredine, aut contentorum ab eo nullo pacto pestem fieri posse, supra statuimus. Sit autem album, vel cerefolium vt vocatur, non dulce, cum picrocholis sitim faciat, lienem, & iecur tumefaciat, vt 3. acut. tex. 2. Hippocrates docet, sed sit acerbum, cuiusmodi Florentiæ reperitur, sit subtilis substantiæ, ne oppilationes generet, sit vindsu[m], vel pauciferum pro regionis natura: quamuis pauciferum præferendum esset. De coctura idem quoque affirmamus cum locorum consuetudini plurimum condonandum sit, nam Reate nisi quarta pars consumetur coctura, vinum seruari minime potest. Non est propterea quin vina cruda, vel quibus pro illorum duratione pauca coctura sufficit probamus magis, dummodo stomacho non officiant. Quæ autem mediocrem ætatem habent, & optime purgata sunt salubriora recentioribus, & inueteratis existunt. Vocamus autem nostros temporibus inueterata, quæ annum iam transierunt, etsi aliter sentiret antiquitas. Non tamen natura locorum negligenda est, quæ enim locis aridioribus, & altioribus nascuntur citius, quàm quæ humidioribus, & pinguioribus ob multam, quam consumere humiditatem habent, & clarescunt, & inueterascunt, ipsis enim non secus atque animantibus contingit. Nam quæ plurima humiditate constant, tardius senescunt, dummodo calori proportionē respondeat, propterea prima, primo transacto anno, & ad summum altero, secunda vero secundo, quod minimum est, & forsan tertio dictam ob causam vetusta dici poterunt. Denique pro anni tempore, ætate, regione, exercitio, & consuetudine sobrie bibatur, sobria enim vini potio multa comoda affert, quæ in Isaac lib. 5. de dietis cap. proprio videre studiosi poterunt: sitis autem ex decreto Rasis loco citato nullo modo sustineatur.

De aqua. Cap. X I X.

AQVAVM dulcium plures sunt differentiæ, præcipuæ tamen sunt fontanæ, fluuiatiles, lacustres, puteales, palustres, pluuiiales, de medicatis autem aquis nihil in præsentiarum dicemus. Harum igitur optima illa censebitur, quæ pura, & tenuis erit: pura vero, quæ coloris, odoris, & saporis sit expers: quamuis ad sermonis perspicuitatem, & alba, & dulcis, & odorata appelletur. Dicimus enim aquas dulces, quia gustui gratæ sunt, vt a falsis, & a ceteris sapore præditis aquis, vti odoræ, & albæ, vt a fætidis, & ab his, quæ per putredinem, aut mixtionem colores varios acquirunt distinguuntur. Tenuis vero dicetur, si perspicua fue-

fuerit, & leuis: leuem autem dicimus non pondere, sed si epota citius per corpus permeet, & vt Hippocrates 5. aph. 26. docuit, & Galenus in dicti aph. explanatione confirmauit, ventri, & hypocondrijs grauis non sit, & rursus, si legumina, & alia cito in ea coquantur, quod a cita penetratione contingit, vti cita penetratio, a partium tenuitate ortum habet. Verumtamen de aquarum bonitate varij varia sensere. Nonnulli enim magnorum fluuiorum aquas ceteris praeferunt. Alij fontium, solis ortum respicientium, commendant. Nec desunt qui cisternarum optime instructarum alijs omnibus anteponunt. Hippocrates lib. de aere aquis, & locis num. 14. & sequentibus ita scriptum reliquit: Optimæ aquæ illæ sunt, quæ ex sublimibus locis, ac terreis collibus fluunt: hæ enim, & dulces sunt, & albæ, & vinum modicum ferre possunt, & hieme calidæ sunt, æstate vero frigidæ: tales enim fuerint ex profundissimis fontibus, maxime vero eas laudare oportet, quarum fluxiones ad solis exortus erumpunt, & præsertim ad æstiuos: necesse enim odoratas esse, & leues & paulo inferius: Quæ quidem aquæ fontes suos ad orientem habent, hæ præ omnibus optimæ sunt. Secundum ab his locum habent, quæ inter æstiuos solis exortus & occasus emergunt, & magis hæ, quæ ad orientem. Tertio vero loco sunt quæ inter occasus æstiuos ac hybernos scaturiunt. Pessimæ vero quæ ad austrum, & quæ inter æstiuum ortum, & occasum, & quæ ad australes plagas prauæ sunt: ad boreales vero meliores, & num. 17. Aquæ igitur pluuiiales leuissimæ, & dulcissimæ, & tenuissimæ sunt: primum enim sol quod tenuissimum, ac leuissimum est, in aqua educit, ac sursum rapit, & non solum ab aquis stagnantibus, sed etiam ex omnibus, in quibus aliquid humoris inest. & paulo inferius num. 19. Atque hæ quidem aquæ optimæ sunt secundum hanc rationem, verum opus habent, vt decoquantur, & excolentur, sin minus odorem prauum habent, & raucedines, & vocis grauitatem bibentibus inde accidere par est: postea vero num. 20. At vero aquæ ex niue & glacie productæ omnes malæ sunt, cum enim semel concretæ fuerint amplius in pristinam naturam non restituuntur. De palustribus vero num. 10. eodem citato loco inquit: Quæcunque igitur palustres sunt, & stabiles, ac lacustres, eas necesse est ætate esse calidas, ac crassas, & olentes: cum enim non defluant, sed aqua pluuiæ semper noua inferatur, & sol vrat necesse est, ipsas decolores esse, & prauas, & biliosas. De fluuiialibus rursus num. 21. hæc habet: Calculo vero maxime laborant homines, & renum affectibus, & vrinæ stillicidio, & coxendico morbo corripiuntur, & herniæ fiunt, vbi aquas omnigenas bibunt, & de magnis fluminibus in quæ alia deferuntur. Ex dictis igitur colligi facile potest aquas fontium, qui ad æstiuos solis exortus erumpunt, & a terreis collibus, & alijs locis sublimibus fluunt ex Hippocratis sententia ceteris esse salubriores: pluuiiales autem secundum locum habere, læuissimas enim dulcissimas, & tenuissimas ipsas vocauit. Verum non omnes aquæ cisternarum bonæ, neque omni tempore collectæ, neque

Æt, neque omni vento perflante, sed quæ temporariæ ab Hippocrate dicuntur 6. de morb. vulg. aere quieto, vel flante borea, aut aquilone, alijs, quæ alio tempore, & præcipue flante austro colliguntur, sunt meliores: Et si quæ cum tonitruis decidunt, ab Hippo. 6. de morb. vulg. sec. 4. tex. 19. maximopere laudentur, quæ artis ope purgatæ, bonitate aquas fontium æquare iure dicuntur. Tertium locum aquæ fluuiorum sibi vendicât, vti quartum puteales. Quintum lacustres. Sextum glaciales. Septimum denique stagnorum. Quare vel vinum diluere opus sit, vel bibenda sit aqua, vel coquendi cibi sint, vel lauacro vti velis, optima aqua deligenda est: quod si vel loci natura, vel mortalium incuria, aquæ bonæ non haberentur coquendo, vt Hippocrat. eodem 6. de morb. vulg. sec. 4. tex. 10. admonuit emendantur: Coqui autem placide, sed non diu debent, ne ob feruoris vehementiam, & durationem partibus subtilioribus resolutis crassiores remaneant: propterea quæ in fundo resident relinquuntur. In vino autem diluendo hominum naturas, ætatem, consuetudinem, anni tempora, & vinorum robur respicere oportet.

De Aceto. Caput XX.

ACETVM, acetosaq. omnia in peste salutaria esse iam supra statuius, & hoc ratione: nam cum ex putredine pestis oriatur, putredôq. vero ab humiditate superflua, & a calore alieno proficiscatur: aceto autem refrigerari corpus, & humiditas consumi commodè possit: sequitur pro vitanda peste, & conseruandis corporibus, ne peste capiantur, salutare maximè acetum esse, quod Hippocrat. 2. de dieta num. 13. his verbis confirmauit. Acetum frigefacit, quia colliquans, humiditatem in corpore consumit, hoc autem merito asseruit: nam omnis in eo humiditas putrescibilis adeo extincta est, vt corrumpi amplius non possit. Ceterum debet fieri ex vino albo, optimo, quod neque mucorem, neque aliud vitium senserit: huiusmodi acetum 2. de morbis, & in cerebro corrupto; & in febre ardente ab Hippocrate exhibetur, quod si esset rosa confectum, ætate, & garyophyllatum hieme, magis esset probandum: verum, quia eius vsu multi offendi possent, vel ob ventriculi, aut nervosarum partium imbecillitatem, similiter qui pectore laborent, hinc vel passulatum, vel potius mulfum dare expedit, quandoque & oxymeli ipsum addere. Hippocr. 3. de rat. vict. tex. 37. docuit, vbi legitur. Si oxymel, & quidem multum per totum morbi tempus profecturum existimaueris, paulum aceti, tantumq. & dumtaxat sentiri possit, infunde: sic enim & iuuabit, & lædens minimum lædet, & ea quæ oportet præstabit: vbi Gal. in comm. inquit paululum aceti mulsæ infundendum, vt aceti vsu, & commodo fruatur, & quod ab eo est, deterrimum fugiat. Ceterum picrocholi minus omnibus ab eius vsu offenduntur, melancholici vero magis, quod 3. de ratio. vict. in acut. tex. 39. sic inquit docuit: Vt autem in

summa dicatur, quæ ab aceto est acredo picrocholis magis, quàm melancholicis prodest, & addit: Amara siquidem dissoluuntur, desciscuntque in pituitam, cum ab aceto in sublimem attolluntur, nigra autem fermentantur, attolluntur, & multiplicantur, quod mulieribus magis, quàm viris aduersari asserit. Vterum enim dolore acetum afficit, hæc ait. Sed acetum optima, quæ dicta est, aqua dilutum, in cauenda peste, & in acetarijs, & condimentis, dummodo eius vsum cetera non prohibeant, maxime opportunum, & salutare inuenietur.

De potibus medicatis. Cap. XXI.

POSTREMVM potionis genus, aquæ sunt medicatæ, & conditi liquores, e quibus aqua acetosa ob rationes capite superiori traditas, principatum obtinet: cui succedit aqua borraginis, buglossæ, pimpinellæ, endiuix, cicerbitæ, melissæ, alleluix, oxis appellatæ, & similes: liquores vero conditi sunt acor citri, limonum, aranciorum, succus ribes, acetosæ, vuæ acerbæ, vinum mali punici, qui succi saccharo condiuntur. Vinum vero mali punici debet esse ex ijs, quæ medio sapore prædita sunt. Quod si Giuleb violatum vel rosatum immisceatur optima potio, & palato iucunda foret. Hos autem cum aquis stillaticijs iam dictis assueti, & biliofiores præsertim tempore æstiuo extra cibum tuto bibere poterunt, nam hieme, & in corporibus frigidioribus suspecti sunt. Quæ tamen loco vini si pestis immineat in prandio & cæna valde opportuna censentur.

Canones & regula circa cibum, & potum seruanda.

Caput XXXII.

CVM de ciborum, & potionum singulis generibus hætenus disseruerim, nunc communes quædam regulæ tradendæ sunt, quarum obseruatione cibum, potumque vtilissimum, contemptu vero maxime noxium reperies. Prima erit neminem nisi natura requirente, & famelicum comedere debere, est enim pessimum inconcoctum crudo imponere. Secunda cibum hora consueta sumendum: natura enim tunc insurgit, & appetit: Tertia non esse ieiunandum, nec tempus sumendi cibi protrahendû, ex doctrina Rasis tract. 4. cap. 25. Nam quod non est plenum corpore, acre impleri, ne detur vacuum, necesse est, qui inquinatus cum sit, lædere corpus facile poterit. Quarta cibus quantum fieri potest dentibus teratur. Quinta, varia cibaria, nisi ex consuetudine, vitanda sunt. Nam alterum prius, alterum vero posterius concoquitur, quod incommodum est, præcipue si præposterò ordine comedantur: nonnulla enim eorum antequam concoquantur corrumpi possunt. Vnde si ex consuetudine varia assumentur, mollia semper, & quæ corruptioni obnoxia sunt, præmitti debebunt. Sexta non plus ingerendum, quàm stomachus conficere potest.

potest. Sed cum reliquijs famis, a mensa discedendum est. Septima in fine mensæ post omnem potum semper aliquid adstringens sumendum, ne cibi vapor caput tentet. Octaua, ieiuni e domo exire non debent. Nona fructus in corrupto aere exorti, & animalia dictis fructibus enutrita, ex præcepto Auicennæ secunda primi doct. 2. cap. 7. & Rasis loc. cit. vitari debent: nam qui illis vescuntur infici possunt.

De potu vero quæri solet, an ante cibum, & hora concoctionis bibendum sit: rursus quot vicibus, & quantum quis potare possit, & debeat; primum vero posteriori quæsito satisfaciám. Vnde assero certam regulam quantitatis potus, ratione diuersitatis temporis, ætatis, temperaturæ, regionis, & consuetudinis, dari nullo modo posse vniuersæ, tamen tantus esse debet potus, vt cibum in ventriculo fluctuare minime cogat, nec sit impedimento, quo minus stomachus cibum amplectatur, & calor naturalis ipsum vincat, conficiat, & per vniuersum corpus digerat: propterea dicimus tempore concoctionis bibendum non esse, nisi forte humor in ventriculo absumptus sit, vel quis bibere consueuerit, nam si humor deficeret, cibus assaretur, mutatio autem consuetudinis suspecta est: Quæ consuetudo in ratione præditi ideo fit, quia calor naturalis multum consumere valet, quamobrem humidi adiectione indiget. Ceterum tempore pestis salubriter quis, vt cap. superiori dictum est, medicatos potus sumere poterit, ad quem locum recurrere opuserit: alternis enim vicibus hæc capita legenda sunt. Modo ad primum quæsitum me conuerto. Quare ex præcepto Rasis tract. 4. cap. 9. ieiuno stomacho nullum potum nisi medicatum competere affirmo: relaxatur enim, & humore nimio repletur stomachus, vnde subuersiones, & putredines facillime oriuntur. An autem potus niue frigerieri debeat Gal. lib. de succ. bon. & vit. cap. 13. sequentibus verbis declarat. Neque vnus tamen sit vnicuique refrigerantis cibi potusq. modus, qui quidem niue vt consueuerunt, hac ipsa refrigerant ante, qui vero fontana, eadem hac recenti aqua vtuntur, nulla niuis necessitate habita. Sit porro dilutum quoque vinum ad hunc modum refrigeratum, sic namque vocare medici solent, vina antea gelidissima, aqua refrigerata, vase videlicet, quo vinum continetur, aquæ irdito, & dictis addit: Atque hæc ego ijs consulo, qui vitam negocijs plenam degunt, cuiusmodi sunt qui gentibus, ac ciuitatibus regendis præsunt, horumq. in primis ministri, nec sani minus, qui militiam exercent, aut iter longinquum ingrediuntur: ac si diceret, quod tam hi, qui mentem, animumq. exercent, quàm hi, qui corpus fatigant niue refrigerato potu frui debent, & possunt: deinde subdit: At quicumque negocijs his soluti degunt, ijs siquidem vt soluti sunt se exercent, per quam raro frigida vnus necessarius fuerit. Quod si non exercent, ac caloris multum persentiant, æstate vigente tuto ij fontanam biberint, repudiata niue: nam tam etsi ipsa statim nix noxa sensibilis non videatur, iuuenum corporibus offendere, increfcente tamen temporis processu occulto paulatim noxa ver-

gente nempe ætate articuli his, neruiq. ac viscera morbis corripuntur, vix, aut nunquam sanandis, at verisimile certe fit, vt vniciue ea potissimum corporis pars afficiatur, quæ natura omnium maxime infirma fuerit. Hæc Galenus. Præter eas, quæ ab Hippocrate noxæ quinto aph. 24. aph. scriptæ sunt, frigida qualis nix, aut glacies pectori inimica, tusses mouent, sanguinis profluuium, & distillationes.

De somno, & vigilia. Caput XXXIII.

QVONIAM cibo, potuq. sumpto calor naturalis intro retrahitur, quamobrem fumi ab eo geniti ad cerebrum tanquam ad totius corporis caminum attolluntur, quæ somni causa est, propterea sermonem de cibo, & potu iure merito disputatio sequitur de somno & vigilia. Sumpto itaque cibo, & mente, & corpore quiescere oportet, ne propter corporis motum, vel nimias cogitationes calore distracto concoctio vitietur: non tamen dormiendum est, nisi prius superiores ventriculi partes senseris cibi onere alleuiatas, quod circiter alteram post cibum horam contingere solet. Hoc autem leui deambulatione, vel statione recta perficitur. In dextrum vero latus decumbentem dormire oportet, vt cibus fundum stomachi commodius petat, & a calore naturali melius foueatur, & ab hepate melius comprehendatur, ita enim laudabilior concoctio euadet, nam stomacho perinde, ac libere accidere solet. Ab hepate enim substrato calore, cuius proprium est ascendere, ad stomachum valentius ascendit, & melius concoquit. Quam veritatem Princeps tertia primi docet. 2. cap. 9. & Rasis 25. continentis cap. primo docuere, cuius contrarium si quis super latus sinistrum dormiet, euenire consuevit, quia cibus ad ventriculi fundum non descendit, ac propterea non tam facile a calore natiuo superatur, præter id, quod arteria pulmonis contrahitur, & constringitur. Perfecta vero concoctione super latus sinistrum iacere expedit, tunc enim hepate intestina comprimente excrementa promptius descendunt. Adde quòd cibus iam coctus tanto calore non indiget, & ab eo qui tunc potentior est facile assaetur, vt cibus facilis concoctionis in valido stomacho in dies euenire conspiciamus. Ceterum somnus in sanis septem horarum esto, vel circa: vbi autem fuerit expergefactus in stomachum, vel oculos non sentiat grauatos, longiori somno opus non est, nam iusto longior multis superfluitatibus corpus implet, & nimium humectat, vti vigilæ immodica calorem incendunt, corpus exsiccant, malum colorem inducunt, & bilem rubram multiplicant. In ventrem dormire, quia stomachus comprimitur, & cibus impeditur quominus fundum stomachi petat, & quia collum prauo situ læditur, nisi ex consuetudine sit, laudare non possumus. Sed qui stomacho fuerit debili, cervical ipsi plumeum, vel saccum aromatibus plenum commodè imponet: inde enim non paucam concoctioni opem feret. Catulus quoque

quoque pinguis, vel infans, vt Galeno 5. de simpl. med. cap. 6. placuit: sed potissimum speciosa puella idem efficiet. Verum hoc his, qui senio confecti sunt, præcipere oportet, nec propterea venereos amplexus tutos existimamus, præcipue cum puella, vt grauissime auctoritatis viri dixerent, a decimo quinto vsque ad decimum octauum annum eligi debeat. Dormire autem supinum malum est: nam eo fit, vt præceps materia in posteriora ruat, vnde apoplexia, paralytis, & incubus originem trahunt. In meridie insuper dormire malum, nisi consuetis: tunc enim somnus duabus horis, a cibo non minus distet, capiteq. erecto, & caligis semotis in æstate potissimum in lecto dormiat, linteaminibus nitidis, quæ sint pro diuersitate temporis diuersimode odorata, vt æstate rosas, violas, sandalos: hieme vero spicam, nucem moscatam, ireos, & similia oleant: æstate in cubiculo terreno non humido: hieme autem in cubiculo altiori dormiat, quod borealibus ventis expositum sit.

De motu, & quiete. Caput XXIIII.

SICVTI ad cibos, potusq. concoquendos somnus maxime necessarius est, vt Hippocrates docuit primo aph. 15. ita ad eosdem digerendos, & in singula membra distribuendos motus, & exercitium vtilissimum est: Sed dubitatur an vigente peste exercitium probandum sit, quod dubium vt soluatur, causarum pestis diuisio repetenda, & exercitium distinguendum est. Erant causæ venenatus aer, & humores non vulgariter putrefacti. Exercitium vero aliud domi, & aliud in aere aperto fit. In pestilentia igitur, quæ ab humoribus oritur exercitium competere asserimus: dummodo in infectos exercendus non incurrat: quod in aere septentrionem, seu boream respiciente, minime autem meridionalibus, & propinquioribus ventis exposito fiat: & tunc verum erit Rasis dictum 17. continentis, in quadam peste fere omnes venatores, & exercitio valido vtentes intactos remansisse. Contra autem si ab aere inquinato pestis oriretur, vel nullo modo, vel domi tantum exerceri expediret: ita enim multum aërem attrahere non conaberis, & quem attrahes peregrinior existet: Quamobrem vel scalas ascendere, & descendere, vel palam aut pilam iactare optimum erit. Ceterum exercitium per se valde salutare est, eo enim calor naturalis adaugetur, & excrementa eijciuntur, quod Auicenna 3. primi doct. 2. & Auerroes 6. coll. cap. primo, & sequentibus confirmauit, & capite nono, ait omnem calorem esse aduentitium, præter illum, qui exercitio acquiritur. Galenus quoque libri secundi de sanitate tuenda cap. secundo idem comprobauit: vbi multa, & pulchra de exercitio tradite studiosi videbunt. Præcipue tunc satis aliquem se exercuisse, si anhelitus crebrior euadat, quamuis lib. tertij de morb. vulg. tex. com. 8. sudor finis exercitationis ponatur, qui ita stillet, vt ex aquæ ductibus aquæque verba multa indigent inquisitione, & inuestigatione. Ceterum innu-

mera Galeni, & Hippocratis loca filētio de industria inuoluimus, ne temere volumen excrescat. Exercitium debet esse moderatum, & leiuno stomacho factum: nam saturi si exerceantur in dolores viscerum incurrerent, & præsertim hepatis, vt Galenus libri de salubri diæta tex. com. 32. perspicue docuit. Quamquam leuis deambulatio, vt cibus fuitum stomachi petat, ex decreto Auicennæ 3. primi doct. secunda cap. 7. non erit inutilis. Insuper statim ab exercitio cibus sumendus non est, membra enim calefacta inconcoctum cibum attrahent, & inde cruditates non paucæ generabuntur. Rursus pro varietate naturæ, ætatis, artis, consuetudinis exercitium varie expedit, frigidioribus enim naturis tempore frigidiori, iuuenibus, & assuetis magis, quàm horum contrariis conuenit. Quod si aliquid exercitium impediat, eius vice frictions cum panho non nimis aspero fieri poterunt, quæ a choribus ad tibias, vt Guainerio placuit, incipere debent, a tibijs ad brachia, a brachijs ad pectus, semper inferius trahendo, quæ modo validiores, modo minus valide pro ratione eorum, quæ dicta sunt de exercitio, fieri debent. Ceterum loca, per quæ corpus expurgatur ab immunditijs libera sunt, vt nobiliorum viscerum superfluitates ab ipsis eijci, expurgariq. commodè possint. Mane pectine ebullitio caput depectant, quod maxime ad vaporum superfluatorum dissolutionem, capitulq. alleuiationem conducit. Quod si caput lauare solitus sit, caput etiam lixiuio in quo capiti familiaria pro temporum, & naturarum varietate ebullierint, vti faciem, ac pedes in assuetis, & in his præcipue, quibus ætatis tempore ob nimium sudorem pedes fetent, lauare expediet.

De Animæ perturbationibus, & accidentibus.

Caput XXXV.

QUONTAM nulla hominis disciplina ita mores temperare, & moderari, aut animæ impetus ita comprimere & sedare potest, quin horum procellis, & fluctibus homo semper iactetur: iure animæ perturbationes inter morbificas causas collocantur, vt libri artis medicæ capite octogesimo quinto Galenus docuit. Sunt autem metus, tristitia, amor, ira, agonia, verecundia, quibus aliqui adiungunt furorē, & odium: ex his vero furor, ira, amor, gaudium, & verecundia corpus calefaciunt: timor vero, tristitia, odium, & agonia refrigerant. Animæ perturbationes, etsi moderatæ sunt, nullum in sanitate habent locum, præter gaudium, hoc enim cor exhilarans, spiritus lætitiæ diffundit, natium suscitatur calorem, sanguinem, & humores extenuat, quibus salus comparatur, & conseruatur sanitas. At profusum, & insolens gaudium spiritum, caloremq. tam vehementer a corde in corporis extrema diffundit, & dissipat, vt id caloris beneficio destitutum, vel syncope, vel repentina morte corruat, quod aliquando, senibus tamen, & imbecillius contigisse memoriæ proditum est. Quod Galenus quinti de locis affectis

affectus cap. primo confirmavit. Irā vero calorem & spiritum e corde
 foras repente promouet, ex qua nemo sublatus, neque a dissipato calore
 in syncopem lapsus est: solis enim fortibus & audacibus, & ijs, qui mul-
 to calore abundant vehemens iracundia præsto est. In his itaque dum cor
 ira exardescit, inflammatus calor in omnia effertur, vt tunc homo extra se
 percitus feratur. Ea spiritus primum, deinde humores, tum corpus ca-
 lesfacit, inflammat, & plerumque in ephemeram, & in synochum agit, aut
 si cacochymia subest in putridam febrem, & quandoque in pestilentem,
 necnon in alios morbos, qui a bile procreantur impellit: hoc vnum boni
 præstat, vt ortos a frigidiori materia morbos fugare possit, quod Titī
 Vespasiani exemplo historix confirmant, qui cum membra impedita ha-
 beret, ira percitus, & furore commotus, calore adaucto impedimenta su-
 stulit, & liber euasit. Tristitia, & timor calorem, & spiritus hic quidem
 subito, illa vero paulatim, & impetu nullo intro reuocat. Propterea ex-
 ternas corporis partes ambo refrigerant: calor enim, & spiritus ad cor
 tantum recurrunt, a quo recursum vehementer ipsum premi, & præfocari
 pulsus parui, tardi, rari, & imbecilles ostendunt. Præsertim autem tri-
 stitia, quæ corpus totum, & cor refrigerat, & exsiccatur innatum calorem,
 & spiritus dissipat & extinguit, vigilias siccitate inducit, concoctionem
 refrigeratione labefactat & corrumpit, sanguinem, ceterosque humores
 crassos reddit, melancholiam & desipientiam conciliat: aliquando etiā
 efficit, vt homines atrophia consumantur, & in marcorem, aliosque frigi-
 dos morbos ruant, a quibus denique consumpti pereunt, quod Galenus
 loco citato libri quinti de locis affectis clare ostendit. Spiritus enim tri-
 stis corrodit ossa, inquit Salomon in parabolis. Non minora pericula
 timor incutit, qui cæco & repentino motu, immo impetu percensens cun-
 ctas vires subtrahit, & non paucis calore cordis vi suffocato vitam adimit.
 Ceterum cur timentibus aliis soluiatur, vel interdum vrina profundatur
 quæri solet. Id autem fieri potest retractione caloris ad intima, & eius
 repentino recursum a superioribus ad inferiora, ab hac enim retractione ro-
 bur accipit: quapropter excrementa expellere facile potest, vel hoc eue-
 nit, quia portio materiæ in timore commotæ, naturam stimulat ad illa
 loca, per quæ egreditur, demandatur. Potest etiam a musculorum resolu-
 tione contingere, quam caloris defectus in illis partibus inducit, quam-
 obrem contineri ab eis excrementa non possunt, sed pondere suo deorsum
 feruntur, & foras exeunt: prima autem responsio est Aristotelis primæ
 probl. 26. Agonia vero cum ex timore, & ira constet, vt libri 2. de sym-
 ptom. causis cap. 5. a Galeno dictum est, cōmunes vtrique affectui affectus
 parit: ad has vero, quas dixi perturbationes ceteræ reducuntur, quare breui
 ratīs studio silentio inuoluo. Omnes itaque animi commotiones fugiendæ
 sunt, & gaudium solum, & illud moderatum amplectendum: & quæ-
 cumque delectationem asferre solent conquirenda, vt cantiones, soni, &
 librorum lectio, qui res eiusmodi gestas continent, vt possit solamen af-
 ferre

ferre: de rebus vero molestis non solum sermo, sed & omnis cogitatio abijcienda est.

De Venere. Caput XXXI.

QUONIAM qui vitiosis suapte natura humoribus, & illis quidem acrioribus abundant, & pleni sunt, & qui in otio, & delicijs educati, & qui denique venere uti sunt assueti, si ab ea se continent in multos & sauos affectus incurrunt, ut a Galeno libri sexti de locis affectis cap. quinto traditum est, & ab Aristotele quartæ probl. 29. hac de re docendi sunt quo pacto noxam declinent, quæ a retento semine accidere posset, tuto igitur agent si moderate venerem exercuerint, cum semen utilis alimenti superfluitas sit, pro sola conceptione expellenda, nam alioquin corpori utilissima est, propterea parvus error a superflua eius euacuatione magnum nocumentum asferre potest, & idcirco plurimi sapientum usum coitus pro sanitatis conseruatione prohibuerunt, ita dicit Auerroes 6. coll. cap. 7. Nos autem dicimus quod coitus moderatus, copia sublata, clarificat sanguinem, illustrat spiritus; & cor lætificat, ut Arculanus cap. 74. ubi agit de tremore cordis scriptum reliquit, Aristoteles quoque 4. probl. 30. melancholiam leuare asserit. Ceterum coitus intemperatus exsiccat corpus, cerebrum, & nervos hebetat, caniciem & senectutem accelerat, & quandoque consumpto humido, & spiritibus resolutis mortem accersit. Præterea podagram parit, & vniuersorum articulorum dolores efficit, ut Aristoteles 10. probl. 37. asseruit. Hæc vniuerse, & de omnibus dicuntur. At priuatim, qui sunt natura frigidi, & sicci, senes pituitosi, & graciles, ijs coitus inimicus est, etsi morbis a pituita ortis, soleat prodesse, ut 6. Epidem. sect. 6. & primæ probl. 50. habetur. Contra vero calidis, & humidis natura, & assuetis, & his, qui delicate viuunt, minus potest obesse. De tempore autem, in quo quis eo tutius utatur. Gal. lib. art. med. cap. 86. statuit, cum omnium rerum exquisita mediocritas in corpore fuerit, cum scilicet nec supra modum plenum, nec vacuum extiterit, nec calore, vel frigore, aut siccitate, aut humiditate nimium abundauerit, tunc tempestiuam venere esse credendum est. Quod si aberrare contigerit, error parvus existat, sed & calefacto, quàm refrigerato, pleno, quàm vacuo, & humectato corpori, quàm exsiccatò commodior fuerit: quod tamen pro Ecclesiz instituto fieri debet: & videlicet nubant, qui abstinere non possunt. nam Paulus: Melius, inquit, est nubere, quàm vri.

De inanitione, & repletione. Cap. XXXVII.

QUONIAM, qui intemperato vtuntur coitu, inaniuntur, & qui eo abstinēt, replentur: hac de re de inanitione, & repletionē ut dicamus

mus ordo postulat: quæ pars nullo pacto omittendâ erât, quia repletioni, & inanitioni medicinæ partes respondent: quæ in eius definitione ab Hippocr. sunt enumeratæ; adiectio scilicet, & subtractio, ex quibus artem medicam constare manifestum est: omnis namque pene noxa ex repletionē, & inanitione mortalibus ingruere consuevit: nam ex repletionē, etsi cibos ventriculus bene concoquit, venæ tamen supra quàm par est repletæ laborant: nam distenduntur, rupiuntur, obstruuntur, & flatibus implentur. Maximarum enim ægritudinum repletionem causam existere Oribasius in compendio suæ medicinæ lib. 5. cap. 27. confirmavit. Itaque cum reliquis famis a mensa surgere oportet, mala enim est comestio, quæ corpori grauitatem facit, deterior adhuc potus, qui modum exuperat: nam in stomacho fluctuationem excitat, vt docuit Auicenna 3. primi doct. 2. cap. 7. non tamen propterea tam parum quis debet comedere, vt inde virtutis debilitas sequatur, pestis præcipue tempore, quo fames, aut sitis nullo pacto toleranda est, vt primæ quarti tract. 4. cap. 5. Auicenna docuit: nam, vel ex eo quis facile in pestem incideret, itaque summa pariter inanitio vitanda est. Sed omni ingenio, vt solita excrementa per consuetas regiones expurgentur, horisq. consuetis curandum est. Quod si venter non responderit, clysteribus, & suppositorijs sollicitetur, cuius rei gratia coriandrum saccharo conditum, sed fortius granum salis crassum tamen, & oleo intinctum supponitur: si vero, vt multi, clysteres, & suppositoria aliquis abhorreret, & libentius aliquid ore sumeret, is poterit ex his, quæ hic describentur, aliquid eligere.

Recipe Pulueris Senæ. drag. j.
Tartari. drag. iij.

Zingiberis.
Nucis moscatæ. } ana. drag. semis
Macis.

ex omnibus fiat puluis, cuius detur drag. j. s. ex iure pulli. Vel:

Recipe Senæ mundæ drag. vj. vel vnc. j.

Passularum mundatarum vnc. j.

Cinnamomi. } ana. scrop. ij.
Macis.

Bulliant in suffic. q. iuris. vt ars requirit per totam noctem infundantur, mane colentur, & exprimantur, & in aurora tepide expressum capiatur, cui si aliquid mellis ros. solutiui, vel sirupi ros. aut mannæ adderetur felicior inde operatio sequeretur. Vel:

Recipe Passularum mundatarum vnc. iij.

Senæ mundæ drag. vj.

Polypodij quercini. vnc. j. semis

Epithymi. vnc. semis

Macis.

Cinnamomi. } ana. drag. j.

L Bulliant

Bulliant ex arte in fuffic. q. feri caprini, & per totam noctem infundantur, mane colentur, & exprimantur, & in expreffione feruenti tamen paffulæ fupradictæ ponantur, quæ lento igne aliquantulum bulliant, vt dicto decocto imbuantur, quibus adde.

Pulueris fenæ. vnc. femis

Palu. Epithymi. drag. ij.

Conferuæ prunorum. vnc. ij.

Sirupi rofati folut. vnc. iij.

Fiat electuarium s. art. cuius capiatur cochleare tribus horis ante cibum, at loco sirupi rof. fol. manna, vt in decocto, rhabarbarum agarius, turbit, myrobalani, & fimilia pro medentis voluntate addi poterunt. De sex autem rebus vocatis non naturalibus, hæc hæcenus.

De vene fectione. Cap. XXXVII.

QUIA sæpe accidit, vt imtemperantes, aut praua viuendi ratione vtentes, modo humorum copia, interdum vero prauitate premantur, quæ copia, vel ad vires, vel ad vasorum amplitudinem, quibus succi continentur, dicitur pertinere. Ideo cum humorum molem natura regere non queat, præter id, quod distentionis venarum, & earumdem disruptionis periculum imminet, ij facile peste corripierentur. Quare vene fectione pro cautione maxime salutari existet, non enim tantum præfentes morbos tollit, sed futuros perbelle inhibet, vt lib. de curandi ratione per sanguinis miffionem cap. 7. Gal. docuit: ab ea enim humorum multitudo commodè tollitur, vt eiusdem libri cap. 4. & 8. necnon lib. quos, & quando purgare oportet apertissime demonstrauit. Quæ vene fectione iuxta plenitudinem, vires, ætatem, anni tempus, regionem, consuetudinem, necnon varia loca affecta, & quantum ad copiam, & quantum ad loca varianda erit. Vt si quis calefacto nimis hepate laborat basilica fectione ei proderit: si capite cruciabitur ex cephalica sanguis erit minuendus: si vtriusq. loci affectu coniunctim tenebitur, fectione communis vena proderit, cautione tamen adhibita, quoniam acutus dictæ vene subiectus est. Quod si hæmorroides solitè fluere cessassent, vti in suppressis, vel diminutis menses a saphena detrahere sanguinem expediet: at liene affecto, & affecto corde finiftri lateris basilica præferetur. Semper tamen ab eodem latere rectitudinem feruando venam secabis: nam fectione in opposito, aut tardam, aut nullam affert vtilitatem, vt libri eiusdem de cur. rat. per sang. miff. cap. 13. Galenus demonstrauit. Quantum vero sanguinis mittendum fit, certa ratio dari non potest, nam si quis maxima plenitudine, & quo ad vires, & quo ad vasa premeretur, plus ei sanguinis, quàm illi, qui minus abundauerit, mitti deberet. Libentius autem, & liberalius secari vena poterit, si cui mittitur fit asuetus, iuuenis, temperamento sanguineo, in otio, delicijsq. educatus, & vernum tempus adfuerit,

fuerit, vti parcius ei mitti debet, qui contrario modo hæc habeat. Ceterum si plenitudine tantum abundaret, nec aliqua corporis pars laboraret; iecoraria vena appellata, esset secunda: nam ab ea tamquam a fonte vna cum multitudine sanguis educitur. Quod si quis agritudines aliquas pati solitus sit, & propterea non semel tantum in anno, sed sæpius sanguinem miserit: huic, præcipue si sanguine abundet, non semel tantum, sed sæpe anno eodem mittere sanguinem proderit. Sicuti optimum erit pueris, senibus, & his, qui natura sunt imbecilliores partiri sanguinis detractio- nem. Quod si vel ob ætatem, vel ob aliam causam sectio veng non con- uenerit, cucurbitulas cum scarificatione, vel hirudines varijs corporis partibus, vt occasio, & necessitas exposulabit, affigere salutare existima- mus. Animaduertentes, vt ante venæ sectionem, vel sanguinis quomo- documque extractionem, infusum aliquod præsertim commune clystere immittatur, quod si a sectione idem fieret, error non committeretur, vt Hippocrates 4. acut. tex. 4. sub his verbis: Clysterē postea exhibebis. Vnde Gal. in com. dicta verba exponens ait: A sanguinis missione clystere exhibere iubet, sed melius erat adiecisse, si non sponte probe deiecerit alius.

De Purgatione. Cap. XXXIX.

SICUTI intemperantes, & in plethoram vocatam cadentes sectione venæ, ita, qui prauo victu vtuntur purgatione indigent, vt a peste liberentur. A prauo enim victu prauī humores in corpore generantur, qui purgatione tolluntur, vt Galenus lib. quos, & quando purgare oportet iuxta principium admonuit, maxime vero in his, qui aliquo anni tempore ab aliquo morbo corripiuntur, & propterea purgari consueuerunt. Verum quia purgatio diuersimode pro diuersitate temperaturarum, diuersorumq. humorum exuberantia fieri debet, quo concurrat ætas, anni tempus, & reliqua: hinc fit, vt hic alio, atque ille medicamento opus habeat, vt plurimum autem leuioribus sunt expurgandi, nam sic parata corpora, cum agens in passum, vt dici solet, dispositum agar, peste non corripiuntur. Et ne a recepto ordine recedamus, de singulorum humorum purgatione dicturi, a biliosis exordium ducemus.

De Pharmacis bilem cum purgantibus, tum preparantibus.

Caput XXXX.

ET SI Hippocrates humorum euacuationem non concocta materia primæ aph. 22. damnare maxime videatur: tamen nos, quia integram euacuationem, & validiora pharmaca nobis hoc tempore minime proponimus, propterea initio purgare iure merito possumus, præsertim quia natura leuata, a sarcina, reliquum dirigere, & ad purgationem parare melius poterit. Itaque bilis, Cassia, Manna, Rhubar-

baro, Tamarindis, sirupis solutiuis, rosaceo, & violaceo, Diapruno non solut. & Trifera Persica commode minuetur, vt

Recipe Floris Cassiæ nuper tractæ vnc. j. semis

Cinnamomi scrop. semis

Misce cum saccharo, fiat bolus, quem capiat per horam ante cibum. Vel:

Recipe Floris Cassiæ nuper tractæ vnc. j.

Trifera Persica vnc. semis

Misce cum saccharo, fiat bolus, quem capiat per horam ante cibum, nec verearis triferam immiscere, quia inter clementia pharmaca numeratur, præter id, quod venenosa materia aduersatur: vt vero bibi pharmacum possit, hoc modo paretur:

Recipe Sirupi ros. solut. vnc. iiij.

Trifera Persica drag. ij. vel iij.

Cum decocto cordiali fiat potus capiendus per horam ante cibum: pro delicatis sic paretur.

Recipe Senæ mundæ vnc. semis

Tamarindorum drag. iiij.

Cinnamomi parum.

Seminis anijforum } ana. drag. j.

Agarici trociscati

Bulliant in suff. quant. aquæ borraginis; cum paucis floribus cordialibus sec. ar. & per totam noctem infundatur, mane colentur, & exprimantur: expressioni adde:

Mannæ electæ vnc. j. vel ij.

Fiat potus, & capiatur per horam ante cibum, hæc autem omnia præter cassiam, si per horam ante diem exhiberentur, error non committeretur. Et quoniam non desunt, qui pillulas libentius accipiunt, his hæc dabuntur:

Recipe Pillularum de tribus Russi. drag. ij. vel iij.

Cum aqua acetosa fiat bolus capiendus post mediam noctem. Vel:

Recipe Pillularum de tribus Russi. } ana. drag. j.

Aurearum.

Fiat bolus cum aqua cicerbitæ, & capiatur post mediam noctem, sic tamen, vt die sequenti ab assumpto pharmaco infundi aliquod clystere debeat, vel lauatiuum vocatum, vel commune pro rei opportunitate. Deinde, reliquum concoquatur, quæ concoctio decoctis cichorio, borragine, lupulis, cicerbita, tormentilla, pimpinella, endiuiâ, lactuca, seminibus quattuor frigidis maioribus, & minoribus conficitur, vt:

Recipe Cichorij

Borraginis

Lupulorum

Acetose

Cicerbitæ

Tormentillæ

} ana. pug. semis

Seminum

Seminum quattuor communium frigidorum maiorum ana, drag. ij.

Bulliant in suff. quant. aquæ pluuię secundum art. cuius decocti.

Recipe vnc. iiij. adde Syrupi de succo acetosę.

De Lupulis, vel contra pestem
De Endiuia
Oxifaccharę } ana, vnc. semis

Misce pro syrupo, qui tam diu exhibeatur, quamdiu erit opus, vt paretur materia, vel septem saltem diebus offeratur, postea hoc pharmaci genus dandum: vt.

Recipe Rhubarbari el. secundum ar. infusi & expressi drag. ij.

Diaprunis non solutiui } ana, drag. ij. semis vel iiij.

Triserę Persicę

Agarici trochiscati drag. j.

Syrupi de pomis vnc. j.

Misceantur decocto syrupo proxime descripti, & erit potus capiendus per horam ante diem, mane vero diei sequentis fiat clystere lauatiui vocatum. Notandum autem raro, vel potius numquam humorem peccantem sincerum dari, sed dominationem ab illo, qui dominatur, desumi.

De preparanda, & minuenda pituita. Cap. XXXI.

QUONIAM materia pituitosa, vt plurimum crassa, & viscida est, propterea nisi sit in patentioribus vijs, & adeo exuberet, vt inde suffocatio, vel aliud malum timendum sit, antequam educatur, & minuatur apparatu aliquo indiget, quod si prius illam dictas ob causas minuire opus esset, hac potione minui posset.

Recipe Mellis ros. sol. vnc. iiij.

Diafinic. drag. iiij.

Agarici trochisc. drag. j.

Mixtis aqua vel decocto betonicę fiat potus capiendus per horam ante diem, cui potio non arridet, is bolum assumet:

Recipe electuarij indi maioris drag. iiij.

Floris cassię n. tr. vnc. j.

Cum saccharo fiat bolus, qui sumatur per horam ante diem, uel pillulas accipiet.

Recipe Pillularum de tribus Russi. } ana, drag. j.

De hiera cum agarico

Aqua saluię modica admixta conficiantur pillule, uel bolus, capiaturq. per tres horas ante diem, insequentiq. uero clystere lauatiuum, quod uocant, iniiciatur. Deinde quod reliquum est educationi paretur decocto betonicę iux, melissę, saluię, pulegij, dictammi, cardui benedicti, nucis moscatę, thymi, helenij, hunc in modum:

Recipe decocti betonicę, dictammi, saluię, pulegij, cardui benedicti, nucis

nucis moscatz, radicis feniculi, asparagorum, brusci. vncias iij.

Sirupi de betonica

Mellis ros.

Oximel. simpl.

Sirupi contra pestem

} ana. vnc. semis

Misce pro sirupo, exhibendo nouem aut vndecim diebus, vel quousque materia parata videbitur, tunc vero his, quæ sequuntur educatur

Recipe Mellis ros. solut.

vnc. ij. vel iij.

Diaphinic, vel Electuarij indi maioris. vnc. semis

decocto senæ fiat potus, qui capiatur duabus horis ante diem, vel

Recipe senæ mundæ

vnc. semis

Turbit gummosi & abissi

drag. ij. semis

Seminis Cartami

drag. ij.

Cinnamomi

scrop. j.

Zingiberis

drag. semis

Agarici

Anisorum

} ana. drag. j.

Salis Gemme

scrop. j.

Bulliant in suff. quant. decocti sirupi eius, quem ante descripsimus, vel in aqua betonicæ cū paucis floribus cordial. secundū ar. & per totam noctem infundantur, mane vero colentur, & exprimantur, expresso demum adde Mellis ros. sol. vncias ij, vel vncias ij. semis fiatq. potus duabus horis ante diem capiendus. Et quoniam hic humor, vt plurimum crassus, viscidusq. existit, hinc sepe contingit, vt vna vice perfecte, nec parari, nec educi valeat. Propterea repetere eadem remedia necessarium putamus, & non tantum hæc, sed validiora quoque offerenda: itaque supradicto decocto addendi erunt sirupus de hyslopo, de quinque radicibus cum aceto. de stechadæ. oximel compositum, etsi necesse fuerit squilliticum: his enim quæ difficilior pituita est, parari solet, vt sequentibus pillulis educi.

Recipe Pillularum cocchiarum

de agarico

} ana. scrop. ij.

Aqua saluæ fiant pillulæ quinq. capiendæ per horam ante diem, & cæna sit leuis, vel loco dictarum ponantur pillulæ de serapino, de hiera ma. & stidæ, vel maxime si materia in articulis, & locis remotioribus contineretur, quod si potionem magis assumere liberet: hoc modo paretur.

Recipe Rhubarbari el.

} ana. drag. j.

Agarici troch.

Infundantur secundum a. in suff. quant. aquæ betonicæ, & paucis vino, factaq. decenti expressione adde.

Mellis ros. sol.

vnc. ij.

Diaphinic.

drag. iij.

decocto ante dicto diluantur, & duabus horis ante diem bibantur, vel

Re-

Re-

Recipe Myrobalanorum chebul. drag. ij.
 Senz munda drag. iij.
 Turbit gumofi drag. j. semis.
 Agarici el. } ana. drag. j.
 Semin. Cartami }
 Sem. aniforum drag. j. semis
 Zingiberis drag. j.
 Cinnamomi } ana. scrop. j.
 Salis gemmæ }
 Florum cordial. ana. parum
 Bulliant in suff. q. aquæ betonicæ, vel decocti dicti secundum ar. & per totam noctem infundantur, mane colentur, & exprimantur, & ei, quod expressum erit, adde.
 Mellis ros. sol. vncias ij.
 fiat potus qui capiatur duabus horis ante diem.

De his qua melancholiam minuunt, præparant, & educunt.

Caput XXXXI.

IAM de minuentibus, præparantibus, & educantibus melancholicum humorem disseramus. Qui primum si opus sit hisce pharmacis minoribus minuetur.

Recipe senz munda drag. v.
 Epithymi drag. iij.
 Cinnamomi scrop. j.
 Sem. aniforum } ana. drag. j.
 Agarici troch. }
 Florum cordial. ana. parum
 Bulliant in suff. q. aquæ borag. vel feri caprini secundum ar. per totam noctem infundantur, mane colentur, exprimantur: expressis adde:
 Sirapi ros. sol. vncias ij.
 fiat potus capiendus per horam ante diem. Vel:

Recipe Epithymi drag. vj.
 Cinnamomi scrop. j.
 Sem. aniforum drag. j. semis
 Bulliant in suffi. q. feri caprini s.a. & per totam noctem infundantur, mane colentur, & exprimantur, & expressis adde:
 Sirapi viol. sol. vncias ij. vel vncias iij.
 Fiat potus, quem capiat duabus horis ante diem, die sequenti clystere venter lauetur. Quod reliquum est ad purgandum paratur. Paratur autem decoctis melissa, boragine, lupulis, capillo veneris, cetrach, tamarisco, chamædry. violis, corticibus, radic. cappar. gratia exempli

Recipe decocti Melissæ.

Boraginis.

Cap. Veneris.

Chamedryos.

Tamarisci.

Cetrach.

Corticum rad. cappar. vncias iiij.

Sirupi de boragine

De pomis

De Epithimo

contra pestem

} ana. vnc. semis

M. pro sirupo, cui addi poterunt, Oxymel compositum, & quandoque scilliticum, hi sirupi capiantur nouem, aut decem diebus, deinde purgatio hunc in modum instituat.

Recipe Myrobalanorum. indorum.

Epithymi.

ana. drag. iiij.

Cumamomi.

} ana. scrop. ij.

Sem. anisorum.

In puluerem myrobalana redigantur, & oleo amygdalarum dulcium fricentur, bulliantq. in suff. quant. aquæ melissæ s. ar. & per totam noctem infundantur, mane colentur, & exprimantur: expressisq. adde.

Disensæ Nic.

drag. iiij.

Sirupi violacei sol.

vncias ij.

M. fiat potus capiendus per duas horas ante diem, quod si egri pilulas libentius assumerent.

Recipe pillularum de lapide lazuli

indarum

} ana. scrop. ij.

Reformantur pillulæ quinque aqua viol. & capiantur post mediam noctem; quod etiam pillulæ indæ minores, & pillulæ de lapide Armeno efficiunt. Quod si melancolia facta esset aduisione bilis, in apparatu sumaria, cichorium, endiuiaq. addantur. in purgatione vero confectio amech in primis laudatur. etsi trisera Parsica multis laudibus extollitur.

De his quæ salsam pituitam minuunt, præparant, & educunt.

Caput X X X I I I.

MINVIT pituitam salsam polypodium querceum, & sirupus de polipodio scilicet.

Recipe Sirupi de polipodio

vncias iiij.

decocto trium drachmarum senæ fiat potus, & capiatur duabus horis ante diem: reliquum his ad euacuationem præparetur.

Recipe

Recipe decocti cichorij.

Borraginis.

Lupulorum.

Fumariæ.

Endiuiz.

Violarum. vnc. iiij.

Syrupi violati.

De lupulis.

De fumaria.

Acetosi simpl.

} ana. vnc. semis

M. pro Syrupo præparata materia, sequenti expurgetur pharmaco.

Recipe Syrupi de Polypodio. vnc. iiij.

Confect. amech. drag. ij.

decocto dicti syrupi fiat potus, & detur duabus horis ante diem. Vel:

Recipe Polypodij quercei. vnc. j. semis

Cinnamomi. scrop. j.

Sem. anisforum. } ana. drag. j.

Agarici troch.

Bulliant cum paucis floribus cordialibus in suffic. q. feri caprini, & per totam noctem infundantur, mane colentur, & exprimantur, expressisq. adde:

Confect. amech drag. iiij. vel vnc. semis

Syrupi viol. solut. vnc. j. semis

fiat potus, qui capiatur per horas duas ante diem. Quod si libentius acciperet pillulas.

Recipe Pillularum de fumaria drag. j. s. vel drag. ij.

conficiantur pillulæ quinque aqua viol. adiecta, capianturq. post mediam noctem, die sequenti aluus clystere diluatur.

De his que clysteribus infunduntur. Cap. XXXIIII.

QVONIAM non desunt, qui medicamenta adeo abhorrent, ut ipsa nullo pacto assument, vel euomant assumpta, vel si retinent, lædantur: hac dere quomodo clysteribus, & glandibus euacuari possint, ostendemus: & primum lenientis clysteris formam describemus.

Recipe radicum althææ. vnc. ij.

Maluarum parietariæ, mercurialis, betæ, ana. m. j. bulliant, in suff. q. aquæ sec. a. cuius decocti Recipe lib. j. semis: adde olei communis lib. semis, salis parum, Vitellos ouorum num. ij. misce pro clystere duabus ante cibum horis administrando. Sed quoniam multoties accidit, ut flatus plurimi in his, qui adstricta sunt aluo generentur, propterea sequens parabitur decoctum

M

Recipe

Recipe Chamæmeli

Meliloti } ana. m. j.

Anethi

Furfuris in panno lino ligati. m. ij.

Sem. aniforum } ana. drag. iij.

feniculi

Cumini } ana. drag. ij.

Dauci

M. Bulliant in suff. q. aquæ & sec. ar. fiat decoctum, cuius

Recipe lib. i. semis & adde:

Olei anethini

Rutacei } ana. vnc. ij.

Chamæmelini

Mellis ros. soluti. vnc. ij.

Elefscoph. vnc. semis

M. pro clystere cum pauco sale, & duobus ouorum vitellis: ubi vero alius dura nimis occurrerit, tunc oleum vtilissime infundetur, vt

Recipe olei communis lib. ij. cum pauco sale fiat clyster sec. ar. quod si dolor ægrum molestat tunc:

Recipe Olei Chamæmelini

Sem. Lini } ana. lib. s.

Rutacei

Misce cum pauco sale fiat clyster: demum ad expurgandum huiusmodi clyster parari poterit.

Recipe Maluarum

Parietariæ } ana. m. j.

Branchæ Vrsinæ

Radicum iræos recentium vnc. j.

Sem. Cartami vnc. s.

Agarici drag. ij.

bulliant in suff. q. aquæ sec. ar. fiat decoctum, cuius

Recipe lib. j. s. adde,

Hiææ picæ vnc. j.

Mellis ros. soluti. vnc. iij.

Salis parum

Misce pro clystere. Non defunt, qui adijciunt colocyntidis drag. ij. vt sunt, qui radices ebulorum in decocto commiscunt.

De Glandibus. Caput XXXV.

GLANDES, verò, seu suppositoria, vt iam vulgo dicuntur, mitius vt irriterent, ex his conficiuntur.

Re-

Recipe Mellis ros. solut.	vnc. j.
Salis	drag. ij.
Misce, fiant suppositoria sec. ar. vel :	
Recipe mellis ros.	vnc. ij.
Trochisc. alandal.	scrop. j.
Salis	drag. j. s.
Misce : vt vero fortius moueant ex his conflagrantur :	
Recipe Mellis ros. solut.	vnc. j. s.
Trochisc. alandal.	scrop. j.
Salis	drag. j. s.
Spec. hieræ logadion.	drag. j.
Misce, fiant suppositoria sec. ar. huiusmodi autem immitti non debent, nisi cum cetera non profuerint, vel si volueris, a capite detrahere.	

De Vomitu. Caput XXXVI.

QUONIAM vero sæpenumero cruditatibus ventriculus laborat, & deinde vomendi vsus crebro necessarius redditur, maxime in as-
fnetis Vomitus enim pituitam euacuat, caput leuat, & eum qui
atridius cibum ingessit, & qui nimio vino se ingurgitauit, a cruditatibus
lædi non sinit: auctor est Oribasius libri primi epitomes medicinæ cap. 18.
his autem quæ sequuntur vomitus commode prouocatur: Recipe Oximel
simplicis vnc. iij. Aquæ tepidæ lib. ij. vel iij. misce, capiat, & post horam
vomat. Vel: Recipe Seminis Raphani drag. iij. Aquæ lib. iij. m. bulliant,
donec quarta pars consumatur, coletur, & adde Oximel. simpl. vnc. iij. vel
scillitici vnc. ij. misce, & tepidum sumatur, atque post horam, vel digitis in
fauces immisissis, vel penna oleo intincta vomitus prouocetur.

De Cauterijs, ex Albucasi. Cap. XXXVII.

QUONIAM multa sunt corpora tot superfluitatibus scatentia, vt
nec vna, nec altera euacuatione mundari possint: hinc cauteria
vocata inuenta crediderim, vt non solum, quod genitum est,
sed etiam quod gignitur in dies educatur. Verum expedit, vt quibus ægri-
tudinibus, quibusq. corporibus cauteria competant, in primis doceamus.
Quare ex Albucasis capite primo libri primi omni complexionioni, & sine
materia, & cum materia competere affirmamus, duabus tantum exceptis
complexionibus, sine materia scilicet calidæ, & siccæ, cæsi in complexio-
ne calida, & sicca cum materia non defuerunt; qui cauterium salubre ef-
se negarunt: nam si verum est, vt est verissimum, quod nutrimur a simi-
li, & alteramur, a contrario calida, & sicca intemperies cum materia, a
cauterio non solum non tolletur, sed magis augebitur. Quibus tamen
non obstantibus Albucasis in omni intemperie calida, & sicca, cum

materia tamen, ipsum commendat. Inquit enim quando corpus humanum, & eius humiditates ad complexionem ignis comparantur, corpus hominis in suis humiditatibus frigidum inuenitur. Et subdit: Experimentum aliquoties illud detexisse sibi, etsi dicit non nisi maxime exercitatum debere illud audere. In alijs autem complexionibus nulla est dubitatio, & præcipue in frigidis, & humidis, in quibus omnes medici concordēs sunt. Cauterium vero igne fieri debet, quia ignis est simplex, & eius actio non peruenit, nisi ad membrum, quod vritur, & non obest nisi debiliter membro coniuncto: Medicinæ vero comburentes sua vi perueniunt etiam ad membra distantia, & in eis ægritudines sanatu difficiles excitant, & fortasse interficiunt. Ignis vero propter subtilitatem, & bonitatem suæ substantiæ illud non efficit, nisi superfluat. De tempore autem, quo cauterium fieri debet dissensio inter scriptores reperitur: nonnulli ver laudant. At Albucasis, omni tempore posse fieri affirmat, dicit enim nocumentum, quod ratione temporis posset contingere, in iuamento submergi, quod attrahitur cum cauterio, præsertim si necessitas urgeat. Ad cauterium autem conficiendum, aurum ob substantiæ bonitatem, magis quàm ferrum commendatur: sed quia ob auri colorem, an satis canduerit sciri perfecte non potest, & quia si diu nimis in igne moreretur liquefcere potest, propterea ferro communiter utimur, exceptis casibus quibusdam, præcipue autem ubi signum non relinqui desideramus. De loco rursus in quo tempore pestis cauterium fieri debet, non parum dubitatur. Nonnulli enim sub genu sinistro per quattuor digitos, id faciūt: alij vero in alijs partibus. Nos autem pro affectuum varietate in varijs partibus fieri debere putamus: At potissimum experientia compertum est, funiculum traiecto seroto appensum, ab imminente peste tueri, & obsessos ab ea liberare: quod tamen remedium non nisi purgato corpore fieri expediet, ne scilicet ex affluxu materiæ ad eum locum, aliquid seuius accidat: alioquin prodesse potest, cum iuxta loca per quæ hepar exfugitur, emunctoria hepatis vocare solemus, serotum collocatum sit, & ad illas partes, a corde latiores arteriæ terminentur, vt lib. 6. de loc. aff. cap. vlt. legitur: quamobrem, & hepati, & cordi auxilio esse poterit, Conficiendi vero modus est, vt seroti pellis tamdiu manibus tractetur, donec siccetur, & obdormiscat, ac tum statim ignita acu perforetur, & funiculum sericinum appendatur.

De Bezaardicis medicamentis, & alexipharmacis simplicibus ore sumendis. Cap. XXXV. I I I.

HVCVSQVE modum vitandi pestem recto vsu sex rerum non naturalium, seu dixeris, recta viuendi ratione persecuti sumus, remanet: nunc, vt quomodo per Bezaardica medicamenta eiusdem venenum euinci &

ei & superari possit, ne ab eo corpora inficiantur, quoad fieri potest accurate inquiramus. Nec immerito cum pestis non solum humorum putridorum quantitate, sed vel magis eorundem venenata qualitate mortales interimat: hinc non tantum alterantia, & euacuantia, sed venenum formæ, & naturæ proprietate, seu, ut dicitur, tota substantia extinguentia, & cor roborantia offerre debemus: Verum enim vero, quia hoc genus medicamentorum est duplex: alterum enim ea complectitur, quæ ore sumuntur: alterum ea, quæ exterius applicantur: nos de his, quæ ore sumuntur primo, de reliquis deinceps disseremus. Ceterum quia, quæ ore sumuntur, aut simplicia sunt, aut composita: a simplicibus exordiemur, distinguendo calida a frigidis: non quidem adamussim, sed crassiori quadam Minerua. Inter calida ergo est dictamum, scordium, vincitoxicum, carlina, angelica, ruta, scabiosa, balsamina, scorzonera, centaurea, utraque valeriana, chamedrys, gariofillata, hypericon, pulegium, verberna, falua, cyperus, morsus diaboli, abrotanum, carduus sanctus, zedoaria, aristolochia rotunda, gentiana, acorus, satireia, helenium, melissa, serpyllum, spica nardi, baccæ lauri, iuniperi, hederæ, lignum aloes, macis, nux moscata, piper, crocum, cubebe, galanga, costum, cinnamomum, semen vrticæ, dauci, meu, basilici, hyperici, citri, aranciorum, limonum, citri, & limonis cortex, myrrha, thus, galbanum, succus galegæ, & scabiosæ: Frigida sunt tormentilla, pimpinella, cicerbita, acetosa, alleluia, nenufar, flores quatuor vocati cordiales, borrago, lupuli, bistorta, corallina aceto prius lota & exsiccata, semen acetosæ, portulacæ, plantaginis, coriandrorum, sericum, seta cruda, grana tinctorum, terra lemnia, terra sigillata, bolus Armena, succinum, camphora, sandali omnes, viscum quercinum, cornu cerui, ebur, corallia, alba, & rubra, margaritæ, lapis bezaar, coccum, os e corde cerui, fragmenta prætiosa, cornu vnicornis verum, auri scobs, & argenti, vel folia auri, succus acetosæ, vix immaturæ, limonum, citri aranciorum, pomorum Adami appellatorum, ribes, mali punici, & appij, rosarum quoque & acetum, & hæc simplicia sunt, materies videlicet, ex qua componi possunt vocatæ antidoti, electuaria, tabellæ, syrapi, pulueres, linimenta, aquæ, & liquores, de quibus deinde dicendum est.

De Antidotis. Cap. XXXIX.

ET sunt multæ sunt, & varæ contra pestem antidoti validiores tamen experiuntur. Democratis, ex sanguinibus, Aclij Galli, qua usus est Cæsar: prophyltica Apellis, Zopyria, quam Mithridatis, Eupatoris, quæ diasceus appellatur. Hecatonta migmatos, Antipatri, Mithridatû, Theriaca, diascordeon descriptione Fracastorij libri tertij capite septimo de curandis morbis contagiosis, necnon antidotus de ovo, quarum descriptiones apud Galenum reperies. Antidotus vero de ovo sic conficitur.

Antidotus

Antidotus de Ouo.

Recipe Ouum cum cortice, extracto per acuminatam partem albumine, croco impletur, pulte obducitur, sub cineribusq. tamdiu detinetur, donec puls nigritiem contraxerit, pulte remota ouum in puluerem redigitur, cui addendum est.

Radicum tormentillæ	} ana. drag. ij.
Radicum morfus diaboli	
Angelicæ Pimpinellæ	
Dictami Zedoariæ	
Theriacæ optimæ	vnc. iij.

Aqua rosarum, & scabiosæ pulvis diluitur, in moremque electuarij conficitur. hoc Maximilianus in peste utebatur, & miris laudibus extollebatur. Theriaca, & Mithridatum non vulgaris potentia existunt, quæ ætate cum aqua rosarum, acetosæ, scabiosæ, nymphaeæ, cum saccharo rosato, borrag. viol. nymphaeæ, cum syrupo ex acore citri, succo acetosæ, & similibus: Hieme vero cum aquis florum citriorum, aranciorum, cardui sancti, vel cum vino generoso debent exhiberi, nec timendus est immodicus ipsarum calor, nam Galenus ait lib. de theriaca ad Pisonem cap. 16. theriacam ignis consumentis vires gerere affirmavit: Sed, age, pro anni temporum varietate antidotos describamus.

Antidotus æstate salutaris.

Recipe Dictami	} ana. vnc. semis
Tormentillæ	
Corallinæ preparatæ	
Pimpinellæ	
Cicerbitæ	
Rutæ	
Scabiosæ	
Balsaminæ	
Verbenæ	
Acetosæ	
Morvus Diaboli	} ana. drag. iij.
Cardui benedicti	
Florum nenupharis	
Scordij	
Angelicæ	
Graminis	} drag. j. semis
Croci	
Sandalorum omnium	

Semi-

Seminis acetosæ	}	ana, drag. j.	{	
Citri				
Portulacæ				
Plantaginis				
Coriandrorum præparat.				
Hyperici	}	ana, scrop. iiij.	{	
Boli armenæ				
Terræ lemnæ				
Terræ sigillatæ				
Succini				
Corticum citri, &	}	præparatorum omnium ana, drag. iij.	{	
Limonis				
Camphoræ				
Cornu cerui				
Eboris				
Corallorum amborum &	}	drag. j.	{	
Margaritarum				
Offis de corde cerui				
quattuor conferuarum cordialium				
Succorum acetosæ				
Citri, vel Limonis	}	ana, vnc. iiij.	{	
Pomorum Adæ				

Sacchari q. suff. M. fiat electuarium sec. ar.

Huius electuarij, natu grandior capere potest, a drag. j. vsque ad ij. Puer a scrop. ij. vsque ad iiij. Infans a scrop. semis vsque ad j.

Antidotus hieme utilis.

Recipe Dictami	}	ana, drag. iij.	{	
Scordij				
Carlinæ				
Angelicæ				
Acori				
Tormentillæ				
Rutæ				
Betonicæ				
Valerianæ				
Pulegij				
Saluæ				
Cardui benedicti				
Gariofilatæ				
Bistortæ				
Cyperi				
Vincitoxici				
Aristologi rotundæ				

Cinnamomi	}	ana. drag. ij.
Piperis longi		
Spicz galangz		
Croci.		
Cyper.	}	ana. vnc. semis
Baccarum lauri		
Iuniperi		
Hederz		
Mirrhz	}	ana. drag. j. semis
Galbani		
Ammoniacy		
Seminis dauci	}	ana. drag. j.
Ammeos		
Basilici		
Hyperici		
Conferuz florum roris marini.		vnc. iiij.
Theriacz optimz		vnc. ij.
Musci	}	ana. drag. semis
Ambrz		
Ligni Aloes		scrop. iiij.
Cum melle fiat electuarium, quod vt ante descriptum exhibendú est.		

*Antidotus vere, & autumno exhibenda, qua longo est
usu comprobata.*

Recipe Scordij	}	ana. vnc. semis
Pimpinellz		
Angelicz		
Carlinz		
Cicerbitz		
Scabiofz		
Dictami		
Morsus diaboli	}	ana. vnc. iiij.
Acetofz		
Rutæ		
Gentianz		
Vincitoxici	}	ana. drag. ij.
Cinnamomi		
Piperis longi	}	ana. drag. j. semis
Croci		
Ligni aloes		
Sandalorum omnium		drag. ij.

Visci quercini	} ana. drag. ij. semis	{
Corallinæ preparatæ		
Seminum acetosæ	} ana. drag. j.	{
citri		
Portulacæ	} ana. drag. j.	{
Mirr hæ		
Galbani	} ana. drag. j.	{
Ammoniæ		
Cornu cerui	} præparatorum ana drag. j. semis	{
Eboris		
Margaritarum	} ana. vnc. ij.	{
Conseruæ florum cicchorij		
Borraginis	} ana. drag. ij.	{
Roris marini		
Theriacæ	} ana. drag. ij.	{
Mithridati		
Scobis auri, &	} ana. drag. semis	{
Argenti		
Musci	} ana. drag. lib. j.	{
Ambræ		
Succi rutæ caprariz lib. j.		

Cum saccharo, vel melle fiat electuarium pro vsu, vt ante dictum est.

*Antidotus mira potestatis aduersus omnia venena, & pestem,
qua antidotus antidotorum vocatur.*

Recipe Dictami	} ana. drag. iij.	{
Tormentillæ		
Acori		
Scordij		
Carlinæ		
Angelicæ	} ana. drag. j. semis	{
Marrubij		
Abrotani		
Scillæ		
Absynthij		
Pimpinellæ	} ana. drag. j. semis	{
Rutæ domesticæ		
Rutæ caprariz		
Cicerbitæ		
Balsaminæ	}	{
Scabiosæ		

Betonice
Valeriane
Pulegij
Gariophyllatæ
Chamaedryos
Stæcados

ana. drag. j. semis

Verbenæ
Saluię
Sampsuccij
Satureiæ
Serpylly
Alleluiz
Bistortæ
Melissę
Imperatorię
Personatę

ana. drag. ij.

Coaguli hędi

Poliij

Sefelis

Nasturtij

Cyperij

Pilosellę

Morsus diaboli

ana. drag. j.

Thlaspi

Vincitoxici

Helenij

Centaurij vtriusq.

Gentianæ

Florum roris marini

Florum quattuor cordial. } ana. drag. j.

Cinnamomi

Garyophyllorum

Zingiberis

Spicę nardi

Spicę celticę

Schenanti

Cubebærum

Zedoarię

Galangę

Ligni aloes

Cardui benedicti

Doronici

ana. scrop. iiij.

Piperis longi	} ana. scrop. iiij.	
Nucis moschatæ		
Sandalorum omnium		ana. drag. iiij.
Baccarum iuniperi	}	
Lauri		
hederæ		
Visci quercini		ana. drag. iiij.
Corallinæ præparatæ		
Eringij		
Virgæ cerui	} ana. drag. iiij.	
Croci		
Seminum acetosæ	}	
Citri		
Portulacæ		
Plantaginis		
Ammeos		
Appij		
Ocymi gariophyllati		ana. drag. ij.
Aranciorum		
Hyperici		
Coriandrorum		
Vrticæ		
Limonis		
Santonici		
Anisforum		
Setæ crudæ	}	
Terre lemnis		
Terre sigillatæ		ana. drag. ij. semis
Boli Armeni		
Succini	}	
Rheupontici		ana. vnc. semis
Oppij		
Myrrhæ	}	
Thuris		
Camphoræ		
Ammoniaci		ana. drag. iiij.
Sagapeni		
Galbani.		
Spodij		
Castorei		
Corticum citri	}	
Limonum		ana. drag. j. semis

Cornu cerui	}	præparatorum omnium ana. drag. ij.
Eboris		
Corallij vtriusque		
Margaritarum		
Cornu vnicornis	}	ana. drag. semis
Ossis de corde cerui		
Throchiscorum de vipera		
Throchisc. de scilla		
Tamarindorum	}	ana. vnc. j.
Scorzoneræ		
Scobis auri purissimi	}	ana. vnc. semis
Scobis argenti de copella		
Theriace	}	ana. lib. semis
Mithridati		
Musci	}	ana. drag. j. semis
Ambræ		
Cocci		

ex melle fiat electuarium sec. ar. quod valentius additis preziosis fragmen-
tis conficeretur scilicet hunc in modum.

Recipe lapidis bezaar drag. ij.

Rubini	}	ana. drag. j.
Topatij		
Hiacynthi		
Smaragdi		
Sapphiri		
Granatarum	vnc. ij.	

vt dictum est fiat electuarium vel quomodo Galenus ex Andromachi de-
creto theriacam parat, & eodem modo exhibeatur.

*Antidotus alia contra pestem, cuius descriptio ducatis
quingentis constitit.*

Recipe Boli Armenæ	}	ana. vnc. j.
Dictami		
Pilosellæ		
Zedoariæ		
Theriace		vnc. semis
Croci		scrop. j.
Camphoræ	}	ana. drag. iij.
Margaritarum		
Smaragdi		
Tormentillæ		

Terræ

Terræ sigillatæ } ana. drag. j. semis
Seminis citri }

Terenda terantur, & cum syrupo ex acore citri fiat electuarium, cuius dosis esto drag. j. semis ac sumi debet intra octo horarum spatium, a morbi initio ex aqua melissæ, & pauco vino, quinimmo quo citius sumitur, eo salutare magis existimatur: Et quoniam pretiosorum lapidum in dictis antidotis multa mentio facta est, antequam de aliis verba faciamus, vtrum lapides hi vim agendi aliquam habeant, diligenter inquiramus.

Vtrum lapides pretiosi efficiendi vim habeant, quomodo agant, & an virtus illorum aliquando deficiat.

Caput X L.

GEMMARVM abstrusa vis, reconditaq. facultas hominum ingenia ita valenter exercuit, vt ea in varias repugnantēsq. sententias traxerit, quod nobis argumento esse potest, non leue nec vulgare id esse studium. Verum operosum maxime, atque difficile, certam nimirum de his notitiam comparare posse.

Num scilicet aduersus pestilentes febres, venenataq. mala, aliqua vis eis sit: deinde a quibus talis facultas ortum ducat: tandem num verisimile sit hos lapillos senescere, & tempore procedente ceteris illæsis permanentibus illorum vires euanescere. Albertus namque cognomento Magnus lib. & cap. secundo, quattuor, & illas diuersas, de illarum virtutibus recitat opiniones, de quarum contrarietate, & concordia, quàm breuissime disseremus. Verum enimvero cum a forma rei omnes actiones profisciscantur, an formam pretiosi lapides habeant, & quid ea sit primo inquirere: de ceteris vero deinceps disputare opere pretium existimauimus. Idem enim Albertus lib. 1. cap. 5. ita scriptum reliquit: De formis autem, quæ sunt substantiales lapidum dubitare dementis esse videtur: & paulo post. Amplius autem, inquit, virtutes lapidum inuenimus, quæ non sunt alicuius elementi, sicut fugare venenum, pellere anthraces, attrahere, vel pellere ferrum: De quibus, vt infra patebit, communis est sententia omnium sapientum, quod hæc virtus est sequela speciei, & formæ lapidis huius, vel istius. Constat igitur ex his lapides habere formas, & species determinatas: sed colligens diuersa a se dicta hæc etiam adiungit: Et tunc ex omnibus dictis congregantes dicimus lapidem esse mixtum non complexionatum virtute mineralium ad formam coagulatum. Hæc Albertus: in quibus duo habentur lapides formas habere: mixtum vero non esse complexionatum: sed ex virtute mineralium constare. Quæ sententia, lapides nempe non esse mixtum complexionatum, pace tam magni viri, non videtur probanda. Nam compositum quodque componentium naturam sapit, at componentia sunt complexionata, vt lib. 3. Meteor. vltimo, & 4. eorundem 10. habetur: ergo &c. Propterea Auerroes 5. collect.

liget cap. 11. dixit attractionem, quam facit magnes in ferro, fieri propter proportionem, quam habet ferrum cum magnete: quæ proportio, & conuenientia non est, nisi in mensuris mixtionis elementorum in eis, hoc est in attrahente, & attracto. Nunc posita forma & actione, causas virtutum altius inquiramus. Alexander Aphrodisseus quorundam peripateticorum sententiam secutus, ab elementis virtutes lapidibus inesse affirmavit: non autem a primis qualitatibus dependere: Quoniam elementorum opera quædam sunt per se, quædam in mixto: in mixto enim qualitas elementi operatur, velut instrumentum: & tunc potest multa, quæ per se non efficeret. Nam composita ex elementis non operantur, nisi virtute elementorum, quibus constant: probatq. hanc opinionem operibus alchimie, in quibus simplicia parum profunt: composita vero admirabiles reddunt effectus. Altera est Platonis opinio dicentis, omnia inferiora ab idæis superioribus pendere, quas separatas, & miræ potentia esse dicebat. Quippe ab eis quidquid oritur oriri existimabat. Vnde quæcumque cum idæis separatis maiorem habent similitudinem, & in minori, puriorie materia immerguntur, habent virtutes magis admirabiles, & sunt similes in operatione, idæis separatis: quod etiam lapidibus pretiosis inesse affirmavit. Hermes vero, cum eo Indi non pauci multa de vniuersali virtute differentes, omnium inferiorum virtutes in stellis, & in celorum imaginibus esse asserbant: omnes autem virtutes infundi in omnia inferiora per circuitum. Alaur, quem esse primum circuitum imaginum celestium dicebant. Has autem virtutes in res descendere alias nobiliter, alias ignobiliter. Nobiliter quidem cum materie, a quibus hæ virtutes recipiuntur in lumine, & perspicuitate superioribus magis similes fuerint: ignobiliter autem cum fuerint confusæ materie, & feculentæ, in quibus virtus celestis, quasi opprimitur. Propterea pretiosi lapides virtutes habent admirabiles; quia lumine, & perspicuitate superioribus magis similes existunt: itaque a nonnullis stelle elementares vocantur. Sed & idem auctor in corporibus celestibus colores quattuor adscripsit, quorum vnus orbis est non stellati, & dicitur Saphyrus, qui color Saphyro primum conuenit, postea vero alijs. Alter est orbis in quo stelle plurimæ sunt, vocaturq. lux candens, & albescens, quem colorem habet adamas, berillus & consimiles. Tertius vocatur ignescens, & rutilans, Solis & Martis plurimum habens, & dicitur carbunculus, balassus, & granatus. Hinc carbunculus omnium lapidum est nobilissimus, quia virtutem omnium lapidum propter Solem suscipit atque possidet. Quartus denique est rubeus obscurus, qui tam in stellis, quam in quibusdā alijs Lunæ mansionibus inuenitur: propterea nubes obscuras habet, vt amethystus Chalcedonius, & ineptum smaragdus, & quidam alijs. Auicennas tandem, & eius sectatores dixerunt in omnibus naturis quædā aliquando apparere prodigia ex imaginatione motuum superiorum, contenduntq. intelligentias, quæ mouent orbis nequaquam particularem motum hunc, vel illum co-

gitare,

gitare, nisi aliqua particularium apprehensione, quam apprehensionem dicit æquiuoce imaginationem vocari, quæ est pars animæ sensibilis in animalibus: practice autem, quia omnia, quæ fiunt, præexistunt in conceptionibus motuum stellarum, & orbium: quapropter ab agente intelligentia cuncta prouenire, & effici affirmavit. Quam intelligentiam colchodeam dixit, & sub orbe Lunæ collocavit: propterea subdit sic vniuersam materiam generabilium motori obedire, vt animæ nostrum corpus obedit. In nobis autem sentimus, ad quamcumque formam conceptionis animæ nostræ, corpus nostrum moueri, vel iucunde amplectendo, vel cum horrore refugiendo. Dicit igitur diuersa frequenter ab animabus cælestibus concipi, & tunc materiam obedire, atque ad illud moueri: Indeque diuersas virtutes genita suscipere, quas virtutes complexionales vocamus, & maxime in lapidibus pretiosis, in quibus commissio ipsa prima facilius ab imaginatione cælestium animarum mouetur, quàm illorum, in quibus est maior diuersitas propter animæ opera, quæ infunditur illi: Hæ igitur sunt quattuor magnorum virorum & sapientum opiniones, quæ omnes, præter illam Aphrodisiensis, in hoc conueniunt, quodd extrinsecum ponunt principium, licet diuersimode & in locis diuersis situm. Nos autem dicimus duo esse principia, quibus pretiosi lapides agendi facultatem obrinent intrinsecum vnum, extrinsecum alterum: Quod extrinsecum principium non colchodeam nõ Idæas separatas, non stellarum primario, nec orbium imagines: sed Deum gloriosum datorem formarum appellamus, iuxta dictum Arist. primi cæli 100. A Deo communicatum est esse & viuere, his quidem clarius, his quidem obscurius. Quamobrem pro perfectione mirandi huius operis, duo, vt dictum est, concurrunt: multio elementorum congrua, & motor, siue agens extrinsecum, a quo in mixtione introducitur forma specifica cum suis virtutibus, etiam occultis. Hæc autem forma ex materiæ potentia virtute corporum cælestium suscitatur, & oritur: quæ forma tanto erit nobilior & potentior, quanto corpora puriori constabunt temperamento, lumineq. & perspicuitate superioribus magis similia fuerint: vti e contra ignobilior, & infirmior magis, si materia erit confusa, & seculenta: quod, cum in speciebus, tum in indiuiduis verum esse putamus. Hæc autem virtus non communicatur quasi seorsum prius, & separata existeret, postea vero corpori infundatur: sed, vt dictum est, a congrua mixtione elementorum, prout ad illius speciei perfectionem, constitutionemq. requiritur, concurrente datore formarum per verum motum, & alterationem de potentia ad actum deducitur. Quare si quid inferiores stellæ operantur, obedientie gratia ad primam illud agere certissimum est: omnes enim a prima mouentur, ipsa penitus immota permanente. Quapropter hæc proprietas, vt dixit conciliator diff. 71. est natura inuenta in mixtis corporibus, producta in eis, a suprema & plenissima influentia, propter primam complexionem, qua particularem, & propriam dispositio-

nem acquirunt. Erunt itaque duæ operationes in mixto, altera a causa coingnita, quam totius formæ, vel substantiæ actionem viri doctissimi vocauere. Nec ijs credendum, qui idcirco vnicam dari operationem asseruerunt, quod ab vno non prouenit, nisi vnum. Iis enim Auerroes 7. coll. cap. 21. satisfaciunt. Proprietates inueniunt infinitas adinueniri posse in vna re, comparando ipsam entibus, quasi infinitis. Hinc cap. 24. eiusdem dixit: Quia proprietas sequitur proportionem mensurarum entium, possibile fuit inueniri in vna re proprietates, quasi infinitas. Quæ proprietas vtrum per materiales qualitates operetur, non paruum habet dubitationem. Est enim certissimum actionem hanc, quæ manat a tota forma, materiale, vt alteram non esse: remanet ergo, vt per spirituales vocatas qualitates operetur. Quod Galenus lib. de semine cap. 16. dum de alexipharmacis, alexiterijs, & deleterijs loquitur aperte demonstrauit, inueniens: Non sane quod ipsorum substantia per totum penetret corpus, neque enim potest tam paruus succus, tam breui tempore interdum corporis maximam molem replere: sed qualitatis diffusionem qualis, & extra nos, a solis fulgore in ambientem aerem, & in nobis, tum a corde in arterias, tum a cerebro in nervos fieri conspicitur. Quas Alexiteriorum, & consimilium actiones omnes, a qualitatibus spiritualibus expleri ita notum est, vt probatione non egeat. Dictas autem spirituales, vel virtuales qualitates ideo nonnulli etiam magnæ auctoritatis viri vocauerunt, quia spiritualiter, vt ipsi dicunt, impartuntur: prout tale esse, & non alterum, huic magis, quam alteri, ab esse primæ, & plenissimæ intelligentiæ, pro cuiusque mensura communicatur. Illa enim communicatio, quæ primi lib. de cælo dicitur a Deo fieri solo motu, & lumine fieri putandum non est: cum a dicta communi participatione, non solum forma materialis per verum motum, & alterationem, a re ipsa educatur: sed cum ea primæ, secundæ, ac tertiæ qualitates insimul generentur. At quartam ineffabilem & a tota forma appellatam, inueniunt, ineffabili etiam modo impartiri credendum est, cum a materia per motum, & alterationem, vt aliæ concurrente motu, & lumine corporum cælestium non educatur: Sed ea tantum gratia procedit, quia a diuina intelligentia virtutes, & qualitates mixto, concurrente elementorum commensurato complexu communicantur. Nam dum plenissima illa intelligentia seipsam intelligit cum spiritus sit, spiritualiter agendo spirituales qualitates infundit. Hinc Aristoteles 12. Metaph. 51. scientiam Dei cum scientia nostra æquiuoce dici affirmavit, cum illa res cunctas producat, nostra vero a rebus producit. Quam productionem ita fieri putandum est, quia in excelsis illis, & fixissimis speculis actu sunt, & relucet omnia: quapropter per cognitionem contractam rei in se ipso contentæ, qualitas illa ineffabilis in re extra se existente producitur, & hæc est illa abstrusa proprietas, quæ a nobis ignoratur. At ceteræ quæ a penetralibus materiæ vna cum forma materiali educuntur, a prima causa lumine, & motu concurrente produ-

producuntur. Hæc illi. Ceterum proprietates in lapidibus pretiosis existentes, per species ab ipsis manantes, & multiplicatas, spiritualiter agendo, mirabilium prodigiorumq. effectuum productrices inueniuntur. Propterea mirum alicui esse non debet, si huiusmodi lapides contra pestem valere affirmauimus, cum Rubinus, & Granata venenum aerium, & vaporum simile expellant. Topazius autem tollat feruorem, Hyacinthus contra pestiferas regiones valeat, Sapphirus anthraces debellet, Smaragdus pestilentiam vincat, præter ceteras innumeras facultates, quas possident, etsi a nobis non cognoscuntur: Propterea illos viuere, vita tamen obscura antiquorum multi, & præcipue phyiologi putauere: Illos tamen præstantius operari existimandum est, qui puriorem materiam sortiti sunt, hinc vnum indiuiduum fortius imbecilliusq. operabitur, quam alterum, tum eiusdem, tum diuersæ speciei. Eam vero facultatem, & virtutem in lapidibus pretiosis aliquando deficere, cum & ipsi quodammodo senescant certissimum est, indiuidua enim sunt, & corruptibilia. Non tamen dicerem, vt multi asserere non dubitarunt, etiam ipsorum mixtione non dissoluta hanc agendi vim euanescere, quia, vt aiunt, extra locum generationis diu permanere, datorq. virtutum per distantiam, & situs mutationem, ipsos amplius non fouet, neque fecundat. Nam cum virtutes a commensurata elementorum mixtione secundissima concurrente intelligentia, illis tributæ sint, tam diu etiam illas manere, quoad lapidum mixtio soluta non fuerit, credendum putamus. Manere autem integram mixtionem censendum est, donec color eorum, claritas, & perspicuitas perdurauerint: quæ omnia lapillorum formam sequuntur. Nam etsi distantia a loco, in quo orti sunt, illis obesse posse videatur: non propterea fit, vt integra seruata mixtione virtutibus destituantur: ita enim generans dat formam, vt det etiam omnia consequentia formam: quapropter dictas facultates deperdi forma incolumi remanente credendum non est. Quod si interdum non agunt, ex eo prouenire putarem, quod non quodlibet agit in quodlibet, sed determinatum in determinatum, vt lib. primo physicorum Aristoteles docuit: vel ob mixtionis remissionem, eiusq. nonnullam dissolutionem, propterea etiam, vt magni perspicui, & claritatis eximie deligantur, consulimus: in maiori enim corpore, ceteris paribus, maior est virtus. Ceterum etsi ratione nobilitatis lapides pretiosi propter mirabilem, & prodigiosam participationem munerum cælestium diu consistent, aliquando tamen, vt senescant oportet: immo quia indiuidua sunt, vt soluta mixtione intereant, sed tunc perspicuitas, & forma ipsa euanescit, & tamquam cadauera remanent, & vim illam mirabilem efficiendi penitus amittunt: senescere vero, interire, cadauera remanere similitudine quadam dicuntur. Duplex est autem horum vsus, vel enim auro inclusi gestantur, vel in puluerem redacti, vt margaritæ parari solent, succoq. limonum, vel citriorum macerati, & intra mortarium porphyreum diu ducti, posteaq. exsiccati cum occasio requirit ponere

dere granorum decem, ex syrupo contra pestem propinabuntur. Hæc de pretiosis lapidibus hætenus.

Syrupus contra pestem optimus, & longo usu comprobatus. Cap. XL I.

MIRARI profecto non debent legentes, si syropos, & pillulas denuo proponimus, communiori enim ordine de his antea pertrahauimus: prout locus, & occasio pro cautione, a peste requirebat. Modo autem quæ pesti cominus aduersantur persequimur. Quare etsi multi syrapi sint, quibus uti contra pestem solemus, ut ex acore citri, limonum, aranciorum, e succo acetosæ, e scordio, de ribes, e ciccorio simplex, & compositus, ex borragine de lupulis, de pomis, ex immatura vua, de malis punicis, acetosus simplex, oxizaccara, & alij multi: hic tamen præ ceteris mihi maxime probatur. Videlicet:

Recipe Succorum acetosæ

Cicerbitæ	} ana, lib. j.
Fumariz	
Rutæ Caprariz	

Acoris citri	} ana, drag. ij.
Pimpinellæ	
Lupulorum	
Ros. rubr.	
Violarum	
Carlinæ	
Angelicæ	
Dictami	}
Scordij	

Tormentillæ	} ana, drag. iij.
Scabiosæ	

Seminum acetosæ	} ana, drag. j.
Citri	
Ocymi gariofilati	

Conterantur conterenda, & succis supradictis, ut ars requirit, infundantur: postea bulliant, deinde coentur, & exprimantur: ex eo quod expressum erit, & saccharo fiat syropus, quo pulueres, electuaria & cetera misceri, & sumi poterunt.

De liquoribus chymicis qui in peste salutare habentur.

Cap. XL I I.

SED sunt quoque liquores aliqui contra pestem salutare, qui multis quidem modis conficiuntur, verum præ ceteris sequentes summo opere commendantur.

Recipe Acetosæ lib. ij.

Recipe

Buglossæ	}	ana. vnc. semis
Boraginis		
Ros. rubr. siluestrium		
Succi limonum		
Radicum tormentillæ	}	ana. lib. semis
Rad. cardui benedicti		
Radicum helenij		
Dictami		
Pimpinellæ	}	ana. vnc. iiij.
Scabiosæ		
Theriacæ		
Seminis acetosæ		
Aquæ ardentis	}	ana. vnc. ij.
Terræ lemnis		
Terræ sigillatæ		
Sandalorum omnium		
Spodij	}	ana. vnc. semis
Been vtriusque		
Margaritarum		
Rasuræ eboris		
Foliorum auri	}	drag. iiij.
Croci		
Cassia	}	ana. drag. ij.
Ossis de corde cerni		

Ex his liquor hunc in modum conficitur, auri folia cum melle diu super lapidem porphyreum ducantur, & ampulla optime clausa cum dicta feruenti aqua dies quindecim detineantur: similiter margaritis in tenuissimum pollinem redactas alia ampulla pariter clausa cum succo limonum recondantur, & in ea dies toridem contineantur. Radices insuper vino lotæ, & in umbra exsiccata in mortario vna cum seminibus, floribus, & herbis truantur, & in vase terreo vitro illito cum folijs auri, aqua, succo limonum cum margaritis, ceterisque descriptis ponantur, vaseque perfecte obturato in tripedali fouea calce ad altitudinem semipedalem aspersa, recte locetur, fimoque equino, vel vinaceis circumdetur, superque aqua effundatur, & per duodecim dies maceretur, singulis interim diebus vinaceis immutatis. Quo tempore expleto extrahantur, quæ in vase continentur, & intra cucurbitâ reposta lento igne c'leuioribus lignis, & absque fumo aqua extrahatur, & extracta supra feces balneo mariæ appellato destilletur, & quod exiuerit ampulla optime clausa vsui fernetur, adulatoribusq. a drag. j. vsque ad vnc. semis: & minoribus a drag. j. vsque ad ij. at pueris a drag. semis ad j. ex aquis antedictis, vel iure exhibeatur, alter liquor ita paratur:

Recipe Vitrioli Romani in tenuissimum puluerem redacti lib. xij, quarum octo

rum octo cucurbita vitrea excipiantur, lentoq; primum igne, deinde alidiori, quoad aqua substantia tota exeat, incalascet: fecibusq; extractis, & optime tritis, hæc aqua misceatur, & additis quattuor vitrioli relictis libris, totum id rursus igne primum lento, deinde validissimo totus humor eliciatur, fecesq; iterum terantur, ijsq; humor extractus infundatur, & denuo ignis consimili opera humor educatur, & denuo vase eodem exceptus, denuo educatur: & hoc identidem octies peracto; qui ab octava destillatione liquor reliquus fuerit, ampulla diligenter clausa receptus servabitur, tum vero accipitur:

Liquoris huius lib. iij.

Carlinæ

Angelicæ

Aristolochiæ rotundæ

Imperatorię

Gentianæ

Cardui benedicti

Cariofilatæ

Dictami

Scordij

Tormentillæ

ana. vnc. j. semis

Herbæ, & radices mudentur, tundantur, & octo diebus liquore eodem mergantur, ac tum vna cum vitrioli dicti fecibus maxime tuis commixtæ, & vitrea cucurbita exceptæ, ab igne valido duobus diebus tractentur, vt omnes e vitriolo spiritus extrahantur. Liquor autem extractus caute seruetur: dabitur adultioribus ab vna ad alteram dragmā: minoribus, a binis scrupulis ad quaternos: minimis a scrupuli semisse ad semissem dragmæ.

De Pillulis contra pestem.

Caput XLIIII.

QUONIAM a varijs doctoribus vario modo pillulæ de tribus Ruffi describuntur, placuit omnium descriptiones referre, vt vnusquisque suo arbitratu deligere valeat.

Ruffi descriptio est.

Recipe Aloes

Ammoniacy } ana. vnc. j.

Myrrhæ

Tundantur, & cum vino fraganti componantur: harum post mediam noctem, vel per duas horas ante cibum dragmas duas vel minus exhibeto. Rasis tract. 4. cap. 25. ita describit:

Recipe Aloes

Croci } ana. vnc. semis

Myrrhæ

Cum

Cum vino, vt supra, fiat massa, quæ eodem modo sumatur. Auicenna prima quarti tract. 4. cap. 5. has describit:

Recipe Aloes

Croci

Myrrhæ

} ana. vnc. ij.

Modo eodem paratur massa, & exhibeatur. In his tantam vim inesse dicunt viri clarissimi, vt quotquot eis vsi sunt pestis periculum effugerint. Describuntur etiam sequentes non præmittendæ aduersus venena omnia, pestemq. ipsam.

Recipe Aloes

vnc. j.

Croci

Myrrhæ

Aristol. rot.

Angelicæ

Carlinæ

Dictami

Scordij

Tormentillæ

Vincitoxici

Granatarum

Agarici optimi

Gentianæ

} ana. vnc. semis

} ana. drag. j.

} ana. drag. vj.

Ex syrupo de acore Citri fiat massa, dosis est a drag. j. vsque ad drag. ij. pillulas vero formaturus dictis liquoribus massam emolliat. Parantur & alia sic:

Recipe Aloes

vnc. ij.

Terræ sigillatæ

Boli Armeni

Myrrhæ electæ

Pimpinellæ

Tormentillæ

Corticis citri

Croci

Mastiches

} ana. drag. ij. s.

} ana. vnc. j.

} ana. drag. ij.

Sacchari candidi vocati

vnc. liij.

Omnia in puluerem redigantur, & ex aqua ros. vino albo, aut aceto fiat massa, vel pillulæ, quæ baccas iuniperi magnitudinem adæquent: quarum tres mane, & totidem sero cautionis gratia deuorentur. Ei vero quem pestis apprehendit, drachmæ binæ cum theriacæ dragma semel tantum morbi initio exhibeantur.

*De pulueribus, & alijs quibusdam pro cauenda peste salutari-
bus. Caput XLIIII.*

NE quid omittamus, quod ad morbi huius seuitiam vitandam, præsidio esse possit: pulueres quoque describam, non quidem omnes quotquot in vsu sunt, sed præstantiores, vt.

Recipe Dictami

Tormentillæ

Scordij

Angelicæ

Vincitoxici

Carlinæ

Ligni aloes

Croci

Granatarum

Sandalorum citrinorum

ana, drag. iij.

vnc. j.

ana, drag. ij.

ana, drag. j. semis

Ex omnibus puluis fiat subtilissimus, cuius exhibeatur a drag. j. vsque ad drag. ij. ex vino generoso per hiemem, vel ex liquoribus & syrupsis supradictis per æstatem. Vel:

Recipe Dictami

Scordij

Tormentillæ

Terræ lemniz

Terræ sigillatæ

Cornu vnicornis non adulterati

Margaritarum præparat.

Cornu cerui præparati

Croci scrop. ij.

ana, drag. vj.

ana, drag. iij.

ana, drag. j.

Misce, fiat puluis pro vsu, vt dictum est. Vel:

Recipe Carlinæ

Angelicæ

Seminum citri

Terræ lemniz

Semin. Acetosæ

Tormentillæ

Dictami

Vincitoxici

Cinnamomi

Specier. diamargarit. frig.

drag. vj. s.

ana, drag. iij.

Omnia in subtilissimum pollinem redacta, in vsu veniant quomodo ante dictum est: Sed & tabellæ ex eisdem pulueribus conficiuntur. vt

Recipe

Recipe dictorum puluerum drag. ij.

Sacchari, aquæ acetosæ, scabiosæ, scorzonæ, vincitoxici, corticum nucum maturarum, q. s. fiant tabellæ, vel, vt vulgo dicitur, morselli, quorum sumatur vnc. j. pro vice tribus horis ante cibum, præter hæc puluis a Montagnana descriptus nulli secundus existimatur. Pro pauperibus vero parari huiusmodi poterit.

Recipe Carlinæ

Angelicæ

Vincitoxici.

Scordij.

Tormentillæ

} ana. vnc. ij.

Misce fiat puluis, cuius capiatur a drag. j. vsque ad ij.

Sunt præterea quædam non contemnenda, vt quod docet Dioscorides in procæmio sexti libri sumpta nux, cum ficu, & ante venenum comesta veneni malitiam frangit, igitur:

Recipe Caricarum pinguium nu. iij.

Nucum num. ij.

Foliorum rutæ nu. xx.

Salis scrop. semis ficu, nux, ruta, & sal claudatur, & deuoretur: hanc vero antidotum, etsi e vulgaribus rebus constet, tanta vi præditam existimarunt, vt Nicander eam summis laudibus extulerit, cuius illa sunt carmina ex Græcis Latina.

Antidotus vero multis Mitbridatia fertur

Consociata modis, sed Magnus serinia regis

Cum raperet victor, vilem deprehendit in illis

Syntbesim, & vulgata satis medicamina risit:

Bis denu rutæ folium, salis, & breue granum.

Iuglandesq. duas, terno cum corpore ficus:

Hæc oriente, die pauco conspersa lyæo.

Sumebat, metuens, dederat quæ pocula matri.

Galenus quoque lib. 2. de antidotis titulo antidoti Appollonij Muris, asseruit eam prohibere venenorum nocumenta, folia quoque verbenæ aceto intincta profunt, quinque, aut septem: prodest etiam bolus, & folijs acetosæ scabiosæ, & cicerbitæ, quæ similiter debent aceto intingi, ac summo mane manducari. Nonnulla quoque stercora salutaria creduntur, præsertim columbi, & gallinæ nigræ, quod stercus gallinæ in Mediolanensi clade plurimum valuisse, a viris fide dignis audiuimus, datur a drag. j. vsque ad ij. e: syrupo contra pestem bolo confecto. vel potio fit ex eodem stercore, eodemq. syrupo, & aliqua aqua dictarum: succus etiam rutæ capraræ, quæ Galega appellatur, vtilissimus est.

De conditiis. Caput XLV.

SVNT & nonnulla condita appellata, quæ gustui iucundissima sunt, & plurimum ad cauendam pestem prodesse possunt, vt Zingiber, radix eryngij, radix chamæleonis albi, quæ carlina dicitur, myrobalani chebuli, cortex citri, limonis, arancij, & mali, quod vocant Adami, folia quoque verbenæ, scabiosæ simili modo saccharo scilicet, condita vtilia sunt: id vero genus ante cibum per tres horas, vel cum primum aliquis surrexerit, sumi debet. Modus autem esto, a dragmis duabus ad vnciam mediam, & ex aliquibus ad integram.

De oleis. Caput XLVI.

POTANTVR etiam olea quædam, vt quod e sulphure, & calcantho, seu vitriolo conficitur: nec immerito cum Galenus lib. 9. de simpl. scriptum reliquerit. Sulphur attrahendi vim possidet, estq. temperamenti calidi, & essentiz tenuis, atque ad multa venenatorum animalium resistit: Si quidem ego aduersus turturem marinum, & draconem sæpe eo sum vsus. De cuparosa vero appellata, quæ purior vitrioli pars est, Matthiolus in comm. 73. super 5. lib. Dioscorid. inquit: Nec quisquam mirari debet cum vitriolum vlcera triticis, corrodentisq. facultatis existat, vt ad latos necandos vermes, & ad fungorum maleficorum interimendum venenum, per os Dioscorides exhibuerit: cum nostris temporibus in talibus, & maioribus eius sit vsus, nam oleum ab eo per artem chymicam extractum, nec non cuparosa ipsa præparata ne dum in peste, sed vt omnia venena euomantur, summopere valent. Dantur a tribus vsque ad sex guttas ex iure pullæ alterato, & ex syrupo contra pestem. Hactenus bezaardica, quæ ore sumuntur, exposuimus: reliqua sunt quæ extrinsecus applicantur.

Cordiales pulueres ex quibus sacculi ad cordis tutelam conficiuntur. Caput XLVII.

QVONIAM primo libro statuimus morbum hunc cor primum inficere, vel contenta ab eo, vel corpus ipsum visceris occupetur: hac de re omne studium in corde tuendo, & muniendo locari debet. Verum quia multa, & varia medicamenta hoc possunt, non omnia, sed faciliora, commodiora, valentioraq. describemus: cuiusmodi sunt sacculi cordiales appellati, qui pro diuersis anni temporibus, ætatibus, & temperaturis, e varia materia conficiuntur: itaque pro calidis frigida munimenta hoc modo parantur:

Recipe

Recipe Sandalorum omnium. } ana drag. ij.
 Corallorum amborum. }
 Florum quattuor cordialium. ana drag. ij. semis.
 Florum nenufaris. } ana drag. iij.
 Myrtillorum. }
 Ligni aloes. } ana drag. j.
 Corticum citri }
 Serici. }
 Spodij. } ana scrop. iij.
 Been vtriusque. }
 Ofsis de corde cerui. } ana drag. iij.
 Croci. }
 Camphoræ. scrop. j.

Ex his omnibus puluis paretur, qui sacco serico exceptus, præsertim purpureo, cordi imponatur. Pro frigidis vero fiant ex his calidi pulueres.

Recipe Zedoariæ. }
 Been vtriusque. } ana drag. ij.
 Ligni aloes. }
 Ocyמי gariofillati. }
 Gariofillorum. }
 Corticum citri. }
 Grana tinctorum. } ana drag. j. vel scrop. iij.
 Nucis muscatæ. }
 Floris roris marini. }
 Spicæ. }
 Florum quattuor cordial. }
 Florum myrtillorum. }
 Sandalorum omnium. } ana drag. j. semis.
 Doronici. }
 Croci drag. semis.
 Gallie moschatæ. scrop. ij.

Fiat puluis sacco excipiens, ut supra: et quoniam dixi de calidis, & frigidis facile mediæ naturæ pulueres conficere poterimus: si primo moscum, et ambram ana grana iij. addiderimus. Non desunt, qui pro sacculis, puluerem bufonis parant, et miris laudibus extollunt: uti qui dictas offellas ex arsenico, et risagallo commendant: de quibus mox dicemus.

De offellis, ex arsenico, quæ cordi impositæ gestantur.

Cap.

X L V I I I.

MVNIMEN cordi ex arsenico vario modo paratur. Nonnulli enim ita conficiunt:

P.

Recipe

Recipe arsenici crystallini. } ana drag. iij. vel vnc. semis.
Risagalli.

Cum oui albumine fiat offella crassitudine medij digiti, et longitudine palmi, rotunda figura, vel cordi simili: in umbra siccet, et sacco ferico claudatur, cordisq. regioni imponatur, quam adeo prodesse posse Monardes Hispalensis medicus affirmavit, ut quotquot eam gestauerint omnes pestis intactos reliquerit. Sunt qui capsulas cupressinas, vel ex alta odorifera materia rotundas, et crassitudine digiti, et multis locis perforatas conficiunt, intusq. offellam recondunt, et cordis regioni accommodant. alij vero accipiunt: Arsenici crystallini. vnc. j.

Myrrhæ. } ana drag. ij.
Croc.

Miscetq. & sacco excepta, vel offella cordi applicant. Nos autem arsenicum solum, vel arsenicum, et risagallum, ne illorum virtus aliarum rerum mixtura frangatur, magis laudamus. Ceterum quo modo venena, a peste tueri valeant, diligenter disquirendum est: et una quo modo animalia virulenta, et morfu enecantia moribus imposita sanent.

Quo modo sacculi, vel offella ex pulvere Busonis, vel Risagalli, et Arsenici, cum sint venena cordi imposita, a peste tueri possint: & quo modo virulenta bestiola, qua morfu efficit, moribus imposita, sanare valeant. Cap. XLIX.

GALENUS lib. de Theriaca ad Pisonem cap. 10. propositam difficultatem enodare pollicitus, veterem quandam orationem quaestioni respondentem primo respuit. Postea medicos, qui soli experientiae acquiescunt, nec experientiae rationem inquirunt, acriter reprehendit. Et ad eiusdem experientiae corroboracionem nonnulla exempla recenset. Nempe, quod Crocodili pinguedo, Crocodili morfu imposita, summe confert. Similiter mus araneus, et vipera aterita, et suismet moribus imposita, absque dolore sanare posset. Tandem quaestioni rationem affert, & inquit, atque haec, nostra quidem sententia, sicut dicebam, non absque ratione contingunt: nam cum tantam vim non habeant, ut illico necare possint, paulatimq. in profundum corporis virus serpat, id quod & caraplamatis euentre conspicimus, cum moderatum vigorem in se habeant; sanare imposita, et non occidere queunt: haec Galenus ut a Iulio Martiano Rota conuersus est, a cuius conuersione graecus codex adeo parum deflectit, ut ob id orationis sententia non immutetur. Sed haec verborum series idcirco obscura mihi videtur; quoniam manca est, meo iudicio, Galeni oratio: tentabo tamen ego huius abstrusa rei rationem reddere. Quare pro dicendorum intelligentia in primis notandum erit, quod scriptum est a Galeno in principio lib. 11. de simpl. med. cum habuit sermo-

nem de

nem de carne viperæ, vbi aliquorum fortuitos euentus recenset, per quos seuissimam lepram patientes, viperarum virtute sanitati restituti sunt. Et de viribus earundem scribens, inquit: Conueniens autem est generalis facultatis meminisse, carnem viperinam, nempe exsiccatoriam, et valenter digerentem, mediocriter vero exsiccantem habere: properat autem, vt videtur, eius vis ad cutem, per quâ videlicet quæ in corpore sunt recrementa exigit. Libro vero de Theriaca ad Pisonē c. 9. postquam rationē docuit, qua capita, et caudæ viperarū amputari debent, subiunxit: Ne vero vlla te capiat admiratio, si hisce partibus ademptis reliqua viperarum membra potentiorē antidotum efficiant, ex ingenita admixtaq. carnibus ipsarum iuuandi facultate. Hæc ibi, ad dictorumq. confirmationē variorum animalium varias partes, varijs affectibus auxilio esse recensuit & affirmavit. Primo quoque de antidotis, non longe a principio, celebrata Andromachi in conficienda Theriaca exquisita diligentia, hæc scripsit: Theriacæ non modicam carnem viperinam adiecit, propter quam ad viperarum morsus valentior est Mithridato. Ad alia vero non ita: immo ad quædam aptior est Mitridatica compositio. Ex quibus auctoritatibus sat patere putamus, viperinæ carnis magnam esse facultatem aduersus venena, et id præcipue quod ab ipsius viperæ morsu effunditur: patet quoque ab eadem carne per cutem recrementa exigi, et per ipsam expelli. In hoc igitur diuinum quoddam naturæ prouidæ opus explicatur, quæ ad huius inferioris mundi perfectionem ab intelligentia (vt vocatur) non errante directâ, ita contraria commiscet, et temperat; vt ab ipsis effectus admirabiles proficiantur. Bone Deus, quid putamus virulenta animalia ea lege produxisse naturam, vt humano generi tantum obesse possent: nonne nouerca potius, quàm pia mater in eo apparuisset? Res autem secus se habet: Cum virulenta bestiolæ carum temperamento non tam obesse, quàm prodesse possint. Ictu enim, et iaculato veneno eneant, contra vero tam ore sumptæ, quàm contritæ foris impositæ sanant: neque hoc solum viperæ possunt, sed alios quoque contumaces morbos, & maxime qui cutem exercent, curare perbelle possunt. Mirabile sane opus inauditumq. arcanum, vt quod enecat, idem quoque subleuare ægrum, & sanare possit: Necessarium est itaque viperas, bufones, & scorpiones duabus, & illis quidem contrarijs, constare partibus, viru scilicet, & carne, seu alio quod veneno aduersatur: viru, eneant; carne autem, vel eo quod veneno aduersatur, liberant. Dixi autem generatim, quod veneno aduersatur, quia non eadem in omnibus veneno aduersantur: nam in vipera, mure araneo, et scorpione, carni virus opponitur: bufonis autem veneno, lapidem qui in eius capite continetur contrarium esse Conciliator affirmavit. Nec aliam ob causam ex contrarijs facultatibus, a natura prouida, id factum esse putarem: nisi vt virulentorum animalium vita seruaretur. Nam si ea nihil aliud essent nisi venenum, viuere profecto nullo modo possent: Veneno igitur salutaris est cato, vel aliquid aliud vice carnis appositum. Vt ex ipsissima libra-

tis animal illius speciei nedum seruari, sed perfici etiam valeat. Quod in non venenatis etiam conspiciamus, qui ex contrariarum qualitatum miscella constituuntur. Ea igitur facultate, qua vipera per cutim recrementa exigit, venenum ad extima corporis, per spirituales vocatas qualitates, vt magnes ferrum, trahere potest, quod Auerr. 7. phys. com. 10. ita fieri demonstrauit. Id vero tanto facilius assequi potest, quanto attritu virulentia, quæ in vipera erat, dissipatur: vt caro quæ toti veneno aduersabatur, eius partem superare, et vincere facile queat. Ceterum peteret aliquis, an eadem tantum vipera quæ momordit, an alia quoque imposita iuuat, cui cum Dioscor. lib. 6. cap. 44. vbi de scorpione disseritur, respondemus, eandem proculdubio maiorem valentiorēq. facultatem habere, propter eam, quam habet cum viru proportionem, sed aliam etiam ob speciei similitudinem, eadem posse præstare non dubitamus. Ab animalibus vero, quæ per cutim recrementa exigere non possunt, et emortua virulentiam seruant ratione similitudinis, per dictas spirituales qualitates venenum, trahi credendum est. Vt in exemplo pulueris bufonis, qui a peste ideo tueri potest: quia virulentus cum sit, virus omne vel per aera dispersum, vel ab insecto alteri communicatum ad se trahit. Quod et inanimata etiam præstant, quæ ratione similitudinis cum tota venenum sint, venenum attrahunt, gestantemq. infici non permittunt. Ceterum animaduertendum est, humores corporis, qui ob excellentiam putredinis veneni formam, seu vires, seu qualitates omnes adæquant, non similitudine tantum, vt doctissimi viri putauere, sed iure merito venenum appellari debere, et eo magis, quia veneno valentiorē facultatem possident. Venenum namque solum assumentem perdit, alios vero intactos relinquit. At humores, qui per excellentiam putredinis veneni vires acquirunt, non solum possidentes interimunt, sed commode etiam alios inficiunt. Quod Galenus. 6. de loc. aff. cap. 5. exemplo rabidi canis demonstrauit, cuius spuma non similitudine, sed propria ratione venenum nuncupatur. Immo valentiorē veneno, vt dictum est, facultatem possidet. Venenum enim, vel assumptum, vel a serpente morsu communicatum, assumentem, & eum cui communicatum est, misere perdit: alios vero contactu minime inficit. At canis spuma et vna humores in corpore existentes per excellentiam putredinis naturam veneni acquirentes, non tantum eos, in quibus reperiuntur, enecant: sed contagiosa effecta, alijs etiam facile inquinamentum præstant. Ceterum ab Arsenico, et Risagallo ob similitudinem, vt de puluere bufonis diximus, contagiosa venenataq. pestis seminaria attrahuntur, et gestantes liberantur. Quæ venena magis, et melius venenata seminaria attrahere, quàm gestantes venenare valent: tum quia venena a calore naturali ceu inimica ætuationem, vt vocant, non suscipiunt: tum etiam quia veneni spirituales facultates, non solum a natura non suscipiuntur, sed contra, conatu maximo expelluntur. Vnde quia venenata seminaria veneno non repugnant, ipsa venenum attrahere facile potest,

potest, naturam vero repugnantem lædere nullo modo valet. Et quoniam posset aliquis dicere arsenicum, et risagallum nisi ob excellentiam qualitatum venenum non esse, et ideo ob similitudinem venenata semina-
ria, ne homines lædantur ab eis, trahi non posse: occurrimus ei dicentes, præter excellentes qualitates, aliquid etiam arsenico, et risagallo inesse, quo veneni formam acquirunt. Hinc crystallus his, qui arsenicum sumpse-
runt, pro alexipharmaco existit, vt Matthiolus dum Dioscoridem com.
29. interpretatur, ex Conciliatoris decreto docet; certum est autem, quod manifesta qualitate cum calidum, et siccum sit, vt serapio asserit in tract. de simplicibus ex mineris cap. 382. id non efficit: ergo, a tota forma
illud agat oportet, nam a qualitate manifesta cum calidum et siccum sit, caliditatem, siccitatemq. arsenici auget. Quare dicendum est in arseni-
co præter dictas excellentes qualitates aliquid inesse, formam veneni con-
stituens, quæ a crystalli forma euincitur, et dissipatur. Ex quibus conclu-
dere poterimus propter dictam similitudinem venenatam, semina-
ria ab ar-
senico trahi posse. Eris possumus etiam dicere, quod cum excellēs putredo
nisi excellat humiditas, fieri non contingat, quod ab arsenico, et risagallo
quasi ab igne purgatorio per mixtionis dissolutionē humiditate exsiccata,
putredo inhibeat: vt de igne, et theriaca lib. de theriaca ad Pisonē c. 16.
Galenus affirmavit. Ex dictis igitur colligimus sacculos ex puluere hufe-
nis, vel ex risagallo, aut arsenico confectos: similiter, et ossellas non abs-
que ratione a fide dignis inter ea, quæ ad vitandam pestilentiam vtilia sunt,
in arcanis haberi. Nihil autem immiscerem, ne forte a mixtione virtus eo-
rum frangeretur. Ceterum gestantes, ne sudent monendi, ne venenatum
aerem trahere conentur, et ne incalescentes sacculi vel ossellæ venenatam
eorum facultatem, per apertos meatus, vel per arterias, et venas cordi
transmittant, et ita nocumentum asserant, et forte mortem inducant.

Pila manibus gestata.

Cap. L.

A Peste defendunt etiam manibus gestatæ pilæ quædam, quas e varijs
rebus pesti obsistentibus conficiunt: sed ea ratione, vt ex frigidiori-
bus æstate, et ex calidioribus hieme: medijs autem temporibus ex mode-
ratis conficiantur: igitur pro æstate.

Recipe succini.

Myrtillorum. } ana drag. ij.

Rosarum rub. }

Tormentillæ.

Cortic. citri.

Florum nenupharis.

Violarum.

Carlinæ.

Macis.

Bengiui.

} ana drag. j. semis.

Sandalorum

Sandalorum citrinorum drag. iii.

Camphoræ. vnc. i.

Ambræ. drag. i.

Mofci. fcorp. i.

Cum mucilagine tragacanthæ, aqua rof. enutritæ, fiat pomum, quod rete ferico circumdatur, et paretur ita, vt manibus gestari possit. Pro hie-
me vero :

Recipe Iridis.

Maltiches.

Styracis calam.

Gariosillorum.

Nucis moscatæ.

Cinnamomi.

Ligni aloes.

Bengiui.

Ambræ. drag. semis.

Mofci. fcorp. 2.

Laudani. drag. i. semis.

Rosar. rubr. drag. 2. semis. cum mucilagine tragacanthæ aqua
rof. enutritæ, similiter fiat pomum. Pro temporibus temperatis.

Recipe Succini.

Myrtillorum.

Ros. rubear.

Folior. nenupharis.

Corticis citri.

Sandalorum citrin.

Bengiui.

Ligni aloes.

Mofci. drag. semis.

Ambræ. drag. i. cum simili mucilagine fiat pomum, quod ma-
gnatibus & opulentis in pilis aureis, vel argenteis: vti a pauperibus in li-
gneis, sed bene olentibus, vt sandalinis, cupressinis, & similibus perforatis
includantur.

Olea quibus cor & pulsus inunguntur contra pestem.

Cap.

L I.

OLEA quoque sunt idem præstantia in primis oleum magni Ducis
Hetruriæ cordi, & pulsibus illitum summo opere prodelle longo vsu
comptum est, quod non solum contra pestem, sed etiam ad venena om-
nia parari iubet: idem efficit oleum carauitæ, & oleum Matthioli, &
quod hunc in modum conficitur.

Recipe

Recipe olei veteris, vel eius loco, olei bis alembico transmissi, lib. iij.

Folij hyperici.

Florum eiusdem. } ana. man. ij.

In balneo maris folia, & flores duobus naturalibus diebus infundantur, deinde sex horis bulliant, tum oleum refrigerari finito, ac postea coletur, & valide exprimatur: idq. ter fiat, et toties quæ oleo excipiuntur, immutentur: oleumq. ampulla clausa tamdiu seruetur, donec hypericum semina produxerit. Ac tum de seminibus fiat, quod de folijs, & floribus faciendum diximus. His peractis oleum seruentibus diebus quindecim exponatur soli. Postea:

Recipe tormentilla.

Carlinæ.

Aristol. rot.

Sandalorum rub.

Spicæ.

Dictami albi.

Granorum iuniperi.

Gentianæ.

Zedoariæ. } ana vnc. semis

Omnia s.q. vini maluatici, seu Cretici excipiantur, et in balneo Mariæ duobus diebus macerentur: deinde sex horis eodem in balneo bulliant, tum torculari exprimantur: expressum vinum oleo misceatur, et rursus in eodem balneo ad vini dimidias decoquatur. Tunc vero in singulas olei libras adijcito:

Boli armeni non adulterati.

Myrrhæ.

Rhabbarbari electi.

Croci.

Aloes hepaticæ.

Sandalorum alborum.

} ana. vnc. ij.

Omnia in puluerem redigantur, & ad integram vini consumptionem bulliant, tum postea colentur & exprimantur, & in singulas rursus olei libras misceto viperas tres, hoc modo viperas in vitrea cucurbita reponito, cucurbita calentibus cineribus imponatur. Inde vero iam indignatis viperis, oleum seruens super eas confundatur, ita vero biduo, vt viperæ macerentur, detineantur, deinde sex horas seruere permittantur, tum colentur, & exprimantur, & in singulas olei expressi libras apponantur Mithridati, & Theriacæ ana. vnc. ij. postea in dicto balneo leuiter bulliant, ac demum oleum seruenti soli per mensem, & amplius exponatur. Hoc ita confectum pro illitu cordis, & pulsuum caute seruato, ac pro cautione sat erit semel die inungere: at pro curatione tertia quaque hora inungendum fuerit, quod de alijs quoque oleis faciendum existimato.

NON solum pulsus, et cor, sed alias quoque partes aduersus pestilentiam munire expedit, scilicet iecur, stomachum, nares, aures, os, atque testes: sed non omni tempore omnes, nam hepati nisi purgato corpore, vt lib. 11. meth. c. 15. Galenus fanciuit, aliquid imponi non debet. Quod si eo tempore nimis excalefactum esset, ordine eo qui ante lib. 3. cap. 30. scriptus est, regatur, et temperetur. Vti si ventriculus esset debilis, vt lib. 3. cap. 28. traditum est, prius corroboretur, et confirmetur, testes appenso laqueo alio auxilio non indigent: si vero laqueo carerent aqua rosacea addita vini Cretici portiuncula, sepius in hebdomada lauentur, sed decocto carlinæ, scordei, dictami, rosar. rubr. sandalorumq. addito vino cretico lauari saluberrimum existimamus. Aures oleo scorpionum, hyperici, seminis citri, spicæ: æstate, tepido: hieme, calido muniuntur: digito scilicet aliquo ex dictis oleis intincto, parum fricentur, quod si caput calidum sit, rosaceum oleum, & acetum modicum dictis oleis misceatur.

Nares pomis, quæ descripta sunt, roborentur, vel in pila cupressina, aut sandalina foraminulenta frustum spongiæ nouæ, aqua ros. & aceto ros. madentis, ad olfactum claudatur. Ore vero æstiuo tempore diamargariton frigidum, in tabellas conformatum tenere salubre censemus: vt etiam saccharum rosac. in tabellas redactum, coriandrum præparatum, haustum quoque aquæ ros. florum citri, aranciorum: hieme vero baccas iuniperi, cinnamomum, macen, nucem myristicam, & similia: cetera autem petenda sunt ex cap. 45. in quo de vocatis conditis egimus. Facies aqua pura primo lauetur, et abstergetur, postea aqua ros. & aceto aspergatur. Demum admonendi sumus in his, quæ cauendi causa prodita sunt, si pestis adsit, vel propinqua sit, diligentiores nos esse oportere, quàm cum remotior est. Dicta igitur sunt remedia, quibus imminens pestilentia caueri potest.

Dicendum est deinceps de his, quæ
peste affectos sanare possunt,

ANTONII PORTI
FIRMANI
SIXTI V. PONT. MAX.
MEDICI A CVRA SECRETA
DE PESTE LIBER TERTIVS



P R A E F A T I O.



ACTENVS sub quo genere morborum pestis contineretur: quidnam esset: a quibus principijs, & causis fieret: & quznam eius essent differentiae: quae signa, & alia multa, quae ad eius certam cognitionem faciebant, omnia in vniuersum primo libro percurrimus. Mox libro secundo disseruimus quomodo vsu sex rerum non naturalium, & praeparatione corporum, quae purgatione fit, uenae sectione, & Bezhardicis medicamentis imminentem pestem

cauere possimus. Superest, vt nunc de curatione illorum, qui a peste habitum iam sunt, propria methodo agamus. Illud in primis animaduertentes, nos primo lib. cap. 2. pestem de mente Hippocratis, & Galeni epidimiam esse perniciosam ostendisse: ipsumq. Galenum 2. Aphoris. com. 13. in pestilenti caeli statu plurimos mortales perire, & crises ad malum terminari asseruisse: ac propterea mirum non esse auxilia, quae multis fuisse salutem in hoc morbo, plerumque non prodesse: nam si plerumque prodesse, pestis utique non esset. cum eius natura sit mortales plurimos interimere: Salutaria quidem remedia sunt, sed ita inuicem morbus, vt medicamenta negligat: Quapropter vel prognostico, vt plurimum relinquendi agrotantes erunt vel indicato prius periculo suscipiendi: ne stupidorum medicorum numero ascribamur, & illa infamentur remedia, quae multis fuisse salutem. Erit autem opportunum primum quae signa salutis sint quaeque interitus, vt inde prognosticum elici possit, diligenter inquirere.

DE SIGNIS PROGNOSTICIS

C A P. I.



M agens secundum rationem, vt propter finem agat, congruum sit: finisq. in hoc scilicet, & immanissimo morbo plerumque contrarius conspiciatur; cum saepe agrotum interitus, interdum vero euasio succedat. Hinc quæ certiora signa salutis sint, quæue interitus exponere, antequam curationem aggrediamur operæpretium duximus. Quare cum pestis acutus morbus sit, in ea maxime locum habere videtur illud Hippocratis: Acutorum morborum non esse omnino certas prædictiones salutis, aut mortis: & licet perique, vt dictum est, permantur: quia tamen seruantur aliqui, signa, tã salutaria quàm letalia nosse oportet. Hæc autem a tribus in vniuersum sumuntur: Ab ægri natura, a morbo, & a medicamentis. A natura egrotantium spes est, si vires constant, & perdurant. si bene comedant, si cibos conficiant, & viriliter agant. A morbo, & symptomatibus; si non tam sæua inuadant, & exeunte bubone, carbunculo, vel anthrace, & pabulis remittantur: & hæc, figura, colore, magnitudine, & numero sint recte constituta. A medicamentis si illis exhibitis, vel impositis symptomata remittantur, & æger leuius ferat, his contraria contrario modo se habent: vt si mediocritatem seruant, vt aliqua signa spem, & rursus aliqua interitum nuncient, anceps iudicium sequetur. Potiora tamen, & a membrorum nobiliorum bona, vel mala constitutione desumpta semper præferuntur. His expositis curationem aggredi tempestiuum esset: verum cum sine ministris locis, & rebus curatio congrua fieri non possit, de his prius agere necessarium esse existimauimus.

*De Principum, & Magistratum in curatione pestilentie partibus,
& officio deq. ministrorum selectu.*

Caput I I.

Q VONIAM causa communis, & de summa rerum agitur, propterea nulla diligetia, cura, sollicitudoq. tanta est, qua maior ad diluendam, euellendamq. pestem non requiratur. Omnia enim eo tempore timenda, tremendaq. vt in præfatione diximus, occurrunt: a quibus mortalium mentes confusæ, cum indiscriminatim, & absque ordine infecta corpora, & eorum res, in quibus contagium reperitur, vel incuria, vel auiditate tractentur: idcirco fit, vt breui tēporis curriculo omnia disperdantur, & intereant. Hac de causa, vt non singuli tantum ægri curentur prouidendum est: sed ipsius etiam Reipublicæ est habenda ratio, & ordo aliquis adhibendus, quo quasi vniuersus populus liberari possit. Hoc vero

tribus

tribus potissimum perficitur: Nam ante omnia viros sanitati perfectos, qui prudentia, auctoritate, diutius, sed magis religione alios antecellant, eligere expediet: qui cuncta, quæ ad tam arduum opus peragendum vtilia, necessariaque videbuntur, exequendi, imperandi, plenam facultatem habeant & regia manu tractent. Quorum numerus iuxta loci magnitudinem constituitur: pauciores autem ne sint tribus; quorum duo si tertius dissentiret, omnia, quæ ad communem utilitatem faciunt, explere valeant. Ceterum quia dictos præfides cuncta peragere, nec congruum, nec facile esset: propterea alios ministros, & illos varios pro rerum varietate eligant: nempe Sacerdotes, Medicos, empiricos appellatos, chyrurgos, tonfores, extillatores, astantes, custodes, locorum præfides, mulieres, & hi, qui res suspectas purgant, & purificant. Similiter rerum, & personarum tam infectarum, quàm non infectarum portitores, regionum custodes, diuersos famulos, & vespillones. Qui omnes numero tot sint, ut quique proprium ministerium complere possint: Sacerdotes Deum gloriosum vereantur, proximumque charitate summa prosequantur, & varijs doctrinis, & exemplis præter sacramentorum continuam administrationem infirmos ita disponant, ut pro animæ salute mortem etiam pati parati sint. Medici eligantur in re medica maxime exercitati, & qui duobus Empirici, qui morbum hunc fugare & interimere profitentur: & Chyrurgi, qui longo usu comprobati sunt, eligantur, damnamus. Exstillatores vocati similiter maxime sint exercitati: nam quibus essentia cuius conficiendi peritiam habent, in frangendo hoc morbo non exiguas vires habent. Aromatarij omnia nutu medicorum exequantur: cuncta ex ordine parent, ex rebus optimis conficiant. Mulieres coquinæ, & linteaminum purificationi, & omnium purgationi, ac reparationi præsent pannorum, & vestium suspectarum purificatores, aqua, aceto, igne, verberibus, & suffumigijs, maxima tamen adhibita cautione curent, & innocuas reddant. Custodes perugiles sint, & maxima cum diligentia custodienda custodiant. Portitores varij sint: nam qui res infectas, vel suspectas tractant, res quæ suspitione carent tractare non debent, uti & bestię, quæ enim res infectas portant, suspitione carentes portare non debent. Tonfores secandis venis, pilis amputandis, cucurbitis affigendis, nutu medicorum inuigilent. Vespillones tandem cum ut plurimum, ut dictum est, egrotantes intendant, foveas longas, latas, & profundas habeant, ut statim mortua corpora anteaquam amplius corrumpantur, humare possint. Humandi vero hunc modum seruent, ut cadauere nudo prius in fouea reclinato, super ipsum calcem viam aspergant, postea terra optime cooperiant, ne ex pluvia superueniente vapor concitatus aerem magis inficiat: quod si quid humationem impediatur, comburantur: loco tamen a ciuitate remoto, ne eorum prauus vapor aerem purum coinquinet, vel inquinatum impuriore adhuc reddat: Ceterum quia ad dicta peragenda libenter homines soli cupi-

pidine adducuntur: hac de causa auro, & argento, ut suo quique munere fungantur alliciendi erunt, & erit ex aere publico pro pauperibus solvendum. Nunc de locis dicamus.

De electione locorum. Cap. III.

LOCA tanto operi necessaria tria præcipua eligi debent: vel in ciuitate ab hominum tamen consuetudine remota, vel in ipsis suburbijs: sint autem Aquilonaribus ventis exposita, & australibus abscondita, in sublimi potius sita, quam in conuallibus. Præ omnibus tamē bonus aer esto, & ab omni sceditate alienus, & distans: Ad quem usum si parata loca non aderunt, commoda erunt monasteria, & Palatia, quibus si illa non suffecerint, propinque, vel ex ligno, vel ex lapide poterunt edificari domus: pro ægrorum frequentia multæ, vel paucæ, in quibus fons perennis, vel riuius, vel flumen (si fieri potest) existat. Tria vero loca esse debent, ut vno, ægri peste correpti, altero ægri peste non detenti, tertio qui suspitione non carent excipiantur: & quoniam peste laborantes, alij febre tenentur, alij nequaquam, cum febris eos reliquerit: sed tamen remanet carbunculus, anthrax, & bubo nondum ad perfectam sanitatem reducti, illos, qui febre carent lue penitus carere dicendum quidem non est: non tamen cum alijs, qui febre cruciantur, habitare expedit, sed domum seorsim habere congruum, & maxime necessarium putamus, ne iterum correpti peste intereant. Tertius conualescentiū locus erit, & assatim peste carentium, similiter, & eorum, qui suspitione non carent: nam si in aliqua domo, ut aliquis peste corripiatur acciderit, & alij in eadem domo extiterint, tutum non erit: quamuis infectus ad ægrorum locum transferatur: illos, qui cum ipso erant etiam bruta cum sanis & suspitione carentibus liberam consuetudinem habere. Propterea locum ab infirmis seiunctum inhabitent, & familiaria animalia canes, feles, & similia occidantur: nam in ipsis pilis aliquando, & si pili inquinati non sunt, inquinamentum latere solet. In eo autem loco expurgata per quadraginta dies suspitione libera cum sanis consuetudo restitui debet: quod si ægrotauerint ad ægrorum locum illico transferantur. Similiter de conualescentibus dicendum est, ut eis nempe cum sanis consuetudo antequam dies quadraginta dicto loco permanerint, & omni suspitione vacauerint, nullo pacto concedatur. Ceterum præter alia diuersa in vno quoque loco, duo ampla domicilia esse decet: ut vno viri, altero mulieres locentur: & congruum est, ut mulierum mulieres, & virorum viri ministri existant. Qui vero ægros pestilentes, & eorum supellectilem tractant, hos domum propriam seorsim habere necessarium existimamus: tuta enim eorum consuetudo cum sanis non est: nam si ipsi non inficerentur eorum vestes infectæ sanos inficere valerent. Quæ vestes, & reliqua suppellex in domo commoda purgari, mundari, & purificari debet: quas etiam præsertim si a peste correptis

correptis tractata sunt, nec magni pretij fuerint comburere expediret. Aegri vero in lectis bene dispositis, & mundis lintheaminibus inter odores etiam temporis congruus reclinandi erunt. Immo præstaret si fieri posset, vt vnusquisque in proprio cubili iaceret: sæpe enim ex propinquitate grauiorem morbum effici contingit, vel ob contactum mutuum sit, vel ob halitus mutuam communicationem: quòd si ædes publicæ iusta de causa fieri non potuerunt, in proprijs domibus erunt infirmi concludendi: ita tamen vt sani cum ægris non misceantur, qua in re non parum diligentiz adhibendum est: vnus enim qui ad ægros gubernandos magis idoneus censebitur, eligendus est, antidotisq. & alijs pharmacis ad custodiam optimè muniendus, de quibus suo dicetur loco. Sint præterea regionum præfecti quidam, qui viris destinatis ægros, quos nouerint in sua regione denuncient: Sint etiam, qui introeuntium, & exeuntium, & rerum, quæ importantur, & exportantur rationem habeant. Notandum insuper, quòd non alia ratione locum infirmorum etiam peste non laborantium extra ciuitatem locauimus, nisi quia sæpe accidit, vt morbus non pestilens in tempestate pestilenti pestilens euadat: vt Thucydides in Atheniensium clade contigisse affirmavit: quòd si dictæ ædes fieri non poterunt, pro pauperibus hospitalia ab hominum consuetudine, quoad fieri poterit, remotissima eligantur: & custodibus vt dictum est muniantur. Qui vero ex hoc loco conualescentium redire ad propriam domum volunt, illam optime curent odoribus, & igne prius mundari, & dealbatione veluti innouari, ne iterum infeiantur. Suppellexq. omnis suspecta, vel igne donetur: vel dicto ordine expurgetur. Diximus de personis, & locis: iam superest vt de rebus dicamus.

De rerum prouisione.

Caput I I I I.

Res vocamus omnia, quæ ad vsum, & victum tam sanorum, quam ægrorum vtilia, & necessaria sunt. Quare Principes, & Respublicæ, quæ ad victum opportuna censeantur inquirant, & parent: vt panem, vinum, oleum, carnes, oua, olera, fructus varios, cerealia diuersa, ligna, lintheamina, & omnem, vt vnico verbo multa complectar, suppellectilem, quæ ex ipsorum domibus ægrorum, vel a conuicinibus, & hospitalibus accipiuntur. Reliqua enim hospitalia hoc tempore claudi debent, nisi ad eundem vsum seruentur. Animaduertendum vero est res, quæ a sanis desumuntur, promiscue ad vsum tam sanorum, quam ægrorum sumi posse: quæ vero ab infectorum domibus veniēt, inquinatorum tantum vsui seruandas esse. Ceterum cum aliæ sunt infectæ, aliæ suspectæ: tertiæ suspitione carentes, & rursus rerum inquinatarum aliæ diu ab infectis agitatæ sunt, vel in loco infecto diu clausæ permansere: aliæ vero e contra, quæ infectæ non sunt simplici euaporatione per septem dies iterata mundantur. Quòd si suspitione non carent, per viginti dies vento exponantur, & purificentur: prius
tamen

tamen si lauari possunt lixiuio, & sapone optime lauentur: at si inquinatæ sunt, diu tamen ab infectorum manibus tractatæ, vel in loco infecto clausæ non fuerunt, prius vt supra lotis, quæ lauari possunt, verberibus, euentillationibus, & suffumigijs triginta diebus sæpius iteratis mudentur, & purgatæ vsui commodæ reddantur. Super omnia tamen tam personarum, quàm rerum omnium diligens numeratio, & descriptio fiat, quam præfecti regionum, vel qui ab eis substituuntur facere poterunt. Tunc vero infirmorum curationem aggredi opportunum esset, verum quia sine assistentibus hæc actio fieri nullo modo potest, & hi inermes, a morbi sauitia euinci facile possent: hinc quomodo lorica quapiam muniti, corporis sui statum tueri valeant operæpretium est primum docere.

Qui agros curant, vt sint contra pestem muniendi. Cap. V.

VLGATISSIMUM quidem est, quod Hippocrates primo aphorismis. ait: Nec solum se ipsum præstare oportet opportuna facientem medicum, sed ægrum, & astantes: in hoc autem immansissimo morbo verissimum esse experientia ipsa nos docuit: exigua namque res est a medico, quæ morbum superare possunt præscribi, nisi id ab astantibus executioni mandetur, & ab ægris sumatur: omnes itaque proprio munere fungi debent, ne a morbi sauitia ærogantes vincantur. Medici diligenter, amanter, hilariter, & celeriter ægros curare debent, nec illos vereri, qui occidunt corpus, animam autem in gehennam mittendi potestatem non habent: sed eum, qui non necandi solum, verum in gehennam quoque mittendi potestatem habent, vereantur. Aegri vero suæ salutis incumbentes, medico maxime obtemperent, paruus enim error potest mortem inducere: similiter astantes cum timore, & tremore non morbi, sed altissimi Dei exercituum, quæ a medico quomodo, & quando præscripta sunt, exequantur. Quod vt libentius, commodius, tutiusve facere possint, regulas, quibus se a tanto morbo tueri valeant præscribemus. Ante omnia itaque Sacerdoti peccata confiteantur: Sacratissimum D. N. Iesu Christi corpus cum reuerentia, humilitate, & cordis puritate non semel, sed sæpius suscipiant: ipse enim est, cui venti, & mare obediunt, qui solus sanat languores. Corpus deinde mundent si superfluitatibus scattet, cuius rei sunt signa membrorum grauitas, & in motibus pigritia, faciei rubedo, venarum inflatio, & cutis extensio, plenitudo insuper in pulsu, vrinæ tintura, crassities, paucitas desiderij, visus debilitas, necnon & somnia, quæ grauitatem portendunt, sicut eius, qui videt se quasi mouere non posse, & hæc plenitudinis quantum ad vasa signa sunt omnia: In plenitudine vero quantum ad vires: venæ non sunt adeo inflatæ, neque cutis vehementis extensionis, neque pulsus adeo magnus, & plenus, neque vrina multum crassa, nec valde rubea: concussio quoque, & lassitudo, nisi post motum, & incessum non proueniunt, in eo, & videt in somnijs pru-

nijis pruritus & mordacitatem, & incesionem, & odores fetidos, ita dicit Auicena primi sen. 2. cap. 6. Vnde si plenitudo ad vasa fuerit, sectione venæ tollatur. Quod si ad vires peccant humores, & noxij sunt, pharmaco humores noxios educere remoueantur, hoc vel maxime si id facere sint assueti, & aliquo anni tempore aliquo morbo soleant vexari, vt in Libro: Quos, & quando purgare oportet, docuit Galenus. Quibus ita recte dispositis singulis diebus aliquid, quod rabido veneno obsistere valeat, sumant, inter quæ Theriaca, Mithridatum, pillulæ de tribus Ruffi, liquores, pulueres, & alia quæ lib. 2. docuimus, summo opere comprobantur. Familiare autem medicamentum sit bolus ex ficu, nuce, folijs rutæ, & pauco salis, qui quotidie saltem semel die sumatur: mane enim aliquod ex supradictis: vespere vero per tres horas ante cenam bolum præscriptum capere poterunt, qui facili paratu est, nullo pacto naturæ molestus, & non vulgaris profectus existit, cibarijs bonis vtantur, quæ in quantitate conuenienti sumantur, modo, & qualitate: Libro 2. præscriptis alterentur, hoc vnum memoriæ tenendo quod vitam vmbratilem ducunt, & si vigilia edax existit, potius tamen expedit parum detrahere, & sobrie viuere, quàm supra caloris naturalis vires cibum ingerere, cui similis ratio est potus: somnus sit moderatus, quamobrem plures esse debent, qui alternatim quiescant, & inseruiant, sed coram ægris non multum immorentur, & faciem ab eis auersam teneant, ignemq. & odores respiciant, sperent, & gaudeant: læticia eqim & animi securitas huic morbo maxime aduersantur, qua de re sibi mutuo solatium præbeant, & hilaritatem, iocis concilient, ægrorum poculis, vasisque alijs, & supellectile omni nullo modo vtantur, nec tangant: quod si tangere cogantur partem caueant, quam ægri tetigerunt, & illico manus aceto, & aqua rosacea, vel saltem communi lauent: ægrorum excrementa omni diligentia curent, vt quanto citius a cubiculo remoueantur, & eo ferantur, vt ab ipsis domus inquinari amplius non possit. Aegrum vero optime mundent, & aceto, aqua rosacea mixto spongia non manibus lauent, si papulæ, vel aliæ apparitiones non apparuerint: Aer quoque eo tempore odoribus perfundatur, & igne purificetur: lineæ quantum fieri potest sint odorata, sæpe immutentur, & mundissima existant: inquinata vero cautissime tractentur, adunco ferro potius, quàm manibus e cubiculo trahantur, statimq. nedum, e cubiculo, sed e domo tollantur: nec amplius in vsum recipiantur, nisi mundata sint prius, aereq. igne & suffumentis, omnem contagij suspicionem amiserint: ipsi quoque qui mundant, & expurgant caute agant, & appensa sune in riuum demittant: rum acri lixiuio, & sapone optime abstergant, immunda omnia, & inquinata, vt vno verbo multa complectar, arceantur. Astantium vestes sæpe immutentur, quæ, si fieri potest, e ferico confici debent: etenim lanceæ virulentiam diu seruant, sicuti & pelliceæ: vestis enim pellicea ad viginti quinque, vt Fracastorius. lib. 3. Contagionum, cap. 7. refert, necare potuit, & plures etiam interfecisset, si homicidam

homicidam vestem non concremassent, quas vestes suscitibus præscriptis, & igne munire debent se ipsos adstantes: insuper mane, & vespere aceto abluant, & mundos custodiant. Quod si affinitate cum ægris coniuncti sunt, maiorem curam adhibere illos oportet: similiter si eodem temperamento, atque ægri præditi, si super eodem horoscopo nati sint, nam in habentibus symbolum facilis est transitus, quodcumque symbolum sit, sic filij cum parentibus, & fratres cum fratribus, cum caro de carne, et os de osibus sint, maiori cum cautione, ne vnus ab altero inficiatur vivere debent: aeris quantum fieri potest minimum, & illum peregrinum, & vitalem carpant, peregrinus autem, vt 2. lib. cap. 2. dictum est efficitur, sed præsertim cremato thure, terebinthina, & myrrha, quæ aeris prauitatem, & venenum delere possunt. Habebunt quoque peregrinum aerem, si in varia cubilia poterunt agros transferre, odoribus primo thalamo perfundendo, nec non ignibus ex lignis odoratis purificando, spogniâ aceto & aqua rosacea imbutam, pila: ex lignis pretiosis confecta, clausam gestent, et sæpe odorentur: manus etiam, & faciem sæpe eadem aspergant, aut pilam, vel aliud genus odorem portent, offellas ex arsenico, & risagallo cordi impositas, vel sacculos cordiales ante dictos perpetuo gestent, sed demum curationem aggredi oportet.

De Heſtica, & diaria curatione. Cap. VI.

FEBREM pestilentem non solum reperiri putridam, sed hecticam etiam atque Diariam libro primo statuimus. Hæcticæ igitur pestilentis curatio, ipsam non curando perficitur. Quam enim excogites medicinam ad putredinem qua cor occupauit? quare qui hæcticam pestilentem patiuntur tantum prognostico derelinquantur: vt 3. de præſag. ex pulsibus docuit Galenus, & ante ipsum Aristot. 3. de part. animal. dum ait cum principium corrumpitur, nihil est, quod ceteris, quæ inde pendent, præbere auxilium possit. Verum quia internæ affectiones maxima cum difficultate, & tantum oculis mentis cognosci possunt, hinc ne putredinem, quæ contenta a corde occupauit in cordis corpore esse putemus, & econtra, hac de re, vt cum protestatione earum curatio suscipiatur, & instar putridarum expleatur monemus. Diaria tantum in Britannia, & apud vicinos Belgas numerosa visa fuit, vt 2. contagionum cap. quinto Fracastorius refert: alibi autem magis insolens morbus extitit, quem sudorem nominant, quia sudore solum, & non alio medicamento genere superatur. Quare eius curationis vis in sudoris prouocatione tota erit: sudor autem quiete paratur: vnde nec situm egrotantes mutare, nec quidquam aliud, quod sudorem impediatur facere debent. Quæ de causa iubent medici, vt egri integra die vna situm non mutant: quam molestiam, qui ferre possunt mercedem laboris excipiunt, adueniente enim sudore omnes fere euadunt: qui vero ferre non valent, sed se iactant decubitus

decubitus mutant, nouum aerem procurant, impedito sudore sua causa pereunt: vnde si quis sudorem prouocantia, & vna veneno obfistitia exhiberet, errare nullo pacto credimus, monente præsertim Hippocrate prima Aphorif. 21. vt quo natura maxime vergit, eo ducendum sit per conuenientes regiones: cum hoc itaque, quod sequitur, allicere sudorem consueverunt.

Recipe Visci quercini. } ana drag. ij. vel drag. iij.
 Dictami Cretici.

Bulliant in duabus libris aquæ hordei s. ar. ad consumptionem mediæ dietatis, & calida exhibeatur hora duodecima ab hora inuasionis: viscum quercinum valide sudorem prouocare consuevit: humores enim, a centro ad circumferentiam, & non tantum subtiles, sed etiam crassos ipsos subtiliando, & inalitum digerendo euocare solet, vt Gal. 6. de simp. medicamentis scriptum reliquit, quæ sudoris prouocatio hoc etiam fieri per belle potest.

Recipe Visci quercini. drag. iij.

Coquatur in lib. 2. aquæ cardi benedicti ad consumptionem mediæ dietatis, coletur, & calida exhibeatur, quæ aqua præter id, quod sudorem prouocat, valde veneno obfistit. Ceterum cum die naturali, vel liberet, vel enecet dicta febris patientes, pluribus auxilijs non eget: nam nihil dare ægris, neque cibum, neque potum expedit, ne natura in eorum concoctione occupata, sudore retento, patientes intereant. De cura simpliciter putridæ pestilentis deinceps dicemus.

A Quibus sumenda sint vniuersales indicationes curandi febres pestilentes simpliciter putridas. Cap. VII.

CVM non omnem febrem, sed veram pestilentem, & illam simpliciter putridam in præsentiarum curare nobis in animo sit, hæc namque si quæ ex pestilentibus curabilis est, curari potissimum potest. Galeno etiam teste 3. de prælag. ex puls. cap. tertio dum ait: Si calor ille putridus magis ad humores, quos continent cordis sinus, quam ad corpus ipsum visceris deflexerit, plurimi eorum fuerunt superstites: propterea sciendum, quod in huiusmodi febris curatione quattuor sunt, quæ principaliter indicant; febris, putredo, quæcumque sit, virtus, & venenum: febris frigida, & humida, exposcit, intemperies enim calida, & sicca existit: putredo duplicem habet rationem, vnam, vt quod putrefactum est remoueatur: alteram, vt quod putrefieri aptum est, illud prohibeatur. Primum venæ sectione, vel pharmaco, aut sudore, aut lotij, prouocatione, aut vomitu fieri consuevit: prout aliud alio magis expedire videbitur, & prout magis in vno, quam in altero loco materia residebit. Quæ remedia erunt maxime opportuna, si a principijs cum alijs febribus putridis communibus putredo ortum habuerit: Et si non exigua

R est habenda

eſt habenda ratio, ſi dicta putredo multum proceſſerit, aut initiata tantum ſit. Et ſi intus lateat, & in ſolidis partibus ſolum, vel in contentis a corde tantum exiſtat. An extra etiam vt plurimum diſperſa ſit, & vtrum velocius, & large ſerpat, aut tarde, & anguſte feratur, quæ quandoque citiorum curationem, & validiora medicamenta expoſcunt. Maximi tamen faciendum, ſi a cauſa interna, aut ab externa dicta putredo originem duxerit. Pro eo vero quod putrefieri aptum eſt communis ſcopus propoſitus eſt, cauſas putrefactionis prohibere, quod ſibi cum alijs morbis, qui in putrefactione conſiſtunt, commune exitit: cauſæ ſunt plenitudo, obſtruction, & humorum malitia, quibus venæ ſectio, pharmacia, necnon aperientia, & abſtergentia aduerſantur. Ceterum in omni putrefactione mixtionis diſſolutionem quandam fieri contingit, euaporante innato calido, & humido præter modum adaucto. Euaporat autem remollitis ab humiditate partibus, & calido naturali ab extraneo ſublato. Quare manifeſtum eſt, quod per extraneæ caliditatis remiſſionem, & adaucti humidi exſiccationem, mixtionis diſſolutio prohibetur. Hoc autem non ſolum a frigidis & ſiccis, ſed etiam ab ijs, quæ natura imputreſcibilia ſunt, fieri poteſt: præter id, quod cum incidentibus, aperientibus, & abſtergentibus dictæ intentiones expleri plurimum poſſunt: præcipue materia exiſtente ſegni, vt quæ craſſa, & lenta, & ad motum inepta exiſtens, obſtructiones procreet: Sed quoniam aperientia, vt plurimum calida ſunt, eorum caliditatem frangere, ne febris augeatur, operæ præmium erit. Venenum inſuper prohibendum, & necandum eſt: prohibent autem quæ ſtipica, & acetofa ſunt vt plurimum frigida & ſicca: quæ præter dictas notas qualitates primas, & ſecundas, venenæ proprietate quadam obſiſtunt, quæ ſi calidiora eſſent, cum frigidis idoneis temperari deberent: ita tamen, vt venenata ſeminaria frangere, alterare, & diſſipare commodè poſſint. Virtus demum conſeruanda eſt: quare cibos, & cetera virtutem roborantia, & conſervantia dare expediet: odora, & iuſcula, & palato, quantum fieri poteſt, grata, ſed ætati, regioni, & temperamento, quàmſimillima, quia vero prædicti ſcopi fere omnes inuicem repugnant, & ægritudo ſuapte natura, eſt pernicioſa ea propter raro curari poteſt, ei tamen quod magis vrget occurrendum eſt, altero non neglecto vt Gal. primo ad Glauconem cap. præcipue xiiij. docuit. Nunc propius curationem aggrediamur.

De Scopis priuatiuim habendis in curatione febris peſſilentis ſimpliciter putrida, deq. ſectione vena. Cap. Viii.

ACCEDENTES propius ad propoſitæ febris curationem, canones; quos Gal. 2. Meth. cap. 8. & Auicen. prima 4. in febre putrida ſeruandos præſcribunt, etiam in hac febre ſeruare debemus. Quamuis autem præter ipſos alij etiam ſeruandi ſint, vt infra loco ſuo congruentius apparebit.

apparebit. Antea tamen, vt recta methodo incedamus, eos, qui in curanda putredine scopi habendi sunt, memoria repetere expediet. Erant autē in vniuersum duo: genitam putredinē auferre, & quod putrescere idoneum erat, a putredine vindicare. Primū vt capite superiori diximus: sex intentionibus perficitur, ventris lenitione, quę clysteribus fit, sanguinis missione, pharmaco leniente, vomitu, sudoris & lotij prouocatione. Qui motus vii varij sunt, varia etiam medicamenta expostulant. Ventris purgationem per clysteres tam in principio febris pestilentis, quā procedente morbo nemo est, qui damnet. At sanguinem mittere, leniens, quod vocant, pharmacum exhibere, vomitum, & vrinam prouocare, sudoremq. allicere, non est perpetuo tutum: vel quia per has vias natura non indicat, vel quia vires non constant, vel quia materia per dicta loca, & distis ingenis, & præsidij trahi nequit. Quare multa huius generis, nisi insinuante, & requirente natura, molienda non erunt. Ea propter ceteris in præsentiarum dimissis, an sanguinis missio competat, inquiremus. Non enim desunt, qui in peste, quę ab aeris corruptela oritur, ipsam damnent: letiferam enim tunc temporis dicunt & exemplo pestis confirmant, quę M. D. V. & M. D. XXVIII. grassata fuit: quo tempore omnes, quibus secta fuit vena, periere: & reddentes experimenti rationem, dicunt contagium intro sanguinis missione meare, & agitationem contingere, propter quam contagionis seminaria disperguntur, & diffunduntur, quamobrem morbus augetur, & æger moritur. Addunt præterea Galenum primo de differ. febrium cap. proprio, de ea non fecisse mentionem, & libro de succorum bonitate, & vit. cap. primo eundem Gal. citant, medicos non improbasse, qui missionem sanguinis in ea peste, quę per plurimas Romano Imperio subiectas gentes grassata est, non adhibuerunt. Ex quibus venę sectio in peste, & præsertim in ea, quę ab aeris iniquatione exordium ducit, nullo pacto competere videretur. At nos secus pro veritatis tutela, si vires constant, & ætas consentit, cum morbus sit maximus, febris enim continua est, & a putredine etiam non vulgari orta, maxime competere dicimus: stante præcipue plenitudine, & sanguine redundante: hoc vel maxime quia Hippocr. 4. auct. 19. & Gal. in eiusdem text. explanatione, nec non in libro de Cur. rat. per sang. miss. cap. 9. 10. & 13. præter alia innumera loca ipsam commendant, & imperant. Princeps quoque prima 4. cap. proprio, dum de cura tractauit, sic scriptum reliquit: Summa curationis ipsarum est exsiccatio, & subdit: Illud autem fit cum phlebotomia, & ventris solutione: Relinquo modo innumeros medicos, qui eam ne dum admittunt, sed enixe imperant, vt Manardus, Arculanus, Ficinus, Guainerius, Philonius, Auenzoar, qui 3. Theisr. tract. 3. cap. 1. de peste loquens historiam cuiusdam iuuenis pestem, & vnum apostema perniciosum, a corrupto aere patientis recensuit, cui sanguinem misit, & euasisse affirmavit. Aetius quoque ex Rusti decreto, sanguinem si superfluum demit: quod & Rasis confirmat, & Paul.

his: Quare si adsint alia, quæ ad missionem sanguinis faciunt, ætas, tem-
pus, & virium robur, quia hic est maximus morbus, & a sanguinis natu-
ra numquam alienus: cum a sanguine in ventriculis cordis putrescente
plurimum fiat, sanguis est demendus, & extrahendus. Ad experimentum
vero dicimus, pestes inter se ratione putredinis non modicum distare. In
nonnullis enim non tantum humores in sinibus cordis contenti corrumpuntur,
sed etiam corpus visceris, quod & solum etiam putrescit, con-
tentis seruatis, pro debilitate recipientis, vel ob analogiam ceteris concu-
rentibus: hinc quandoque plures, aliquando pauciores extinctum iri
certissimum est, vt interdum vna die Romæ ad quinque millia extincti
iacerent: quod anno, a Virginis partu 260. contigit, vt in enarratione
causarum late, longeq. demonstrauimus. Quandoque vero nec centum
die vna intereunt: quam varietatem a potentiori, debilioriq. causa pro-
uenire nemo est qui ignoret. Vnde quando validissima est causa, vt anno
260. euenit, vti cetera medicamenta, sic neque sectio venæ prodesse po-
teat: Quare non a secta vena, sed vi morbi cum medicamenta fuerint im-
becilliora, eos periisse putandum est: vt annis 1505. & 1528. euenisse cre-
dimus: & hæc ad experimentum. Ad rationem vero quod a sectione venæ
seminaria diffusa morbum augent, & ægrum interimunt. Responde-
mus ex misso sanguine semina ob duas causas non diffundi, sed in cor-
de ipso scilicet, vel in eius corpore, vel in contentis ab eo persistere. Ea
etenim primo seminariarum venonatorum est uis, & contrarietatis pro-
prietas, vt in primis cor ipsum petant: Qua propter, & si facultas expul-
trix ab omni parte corporis, & primum, a corde dicta venenata semina-
ria repellere conatur, ea tamen ab alijs partibus, a corde remotis, quia
minus repugnant, facilius expellere valet. Itaque cum non adeo, vti cor,
dictæ partes repugnent, ab ipsismet reiecta, & repulsa semina ad cor-
dis expugnationem conuertuntur. Deinde vitales vocati spiritus in corde
& existentes resident, & generantur: quare in alijs partibus corporis, a
corde, cum veneno infecti sunt, ad cor tamquam ad domesticos lares, pro-
priumq. domicilium, & quasi asylum refugiant: sed quia ipsi spiritus ve-
neno infecti sunt, cor ipsum insigniter lædunt, atque interim partes alia
vnde recesserunt, illas relinquant: Hinc fit vt semina non diffundantur,
& hæc febris, vt docet Auicenna sit quieta exterius, conturbans interius,
quoniam in corde pugnatur. Nec sententiæ nostræ Galenus repugnare
videtur, si primo de diff. febr. cap. proprio de sanguinis missione nullam
fecerit mentionem: sermone enim vniuersali, & de cautione a peste dicto
loco pertractauit, quamquam etiam eius verbis, venæ sectio comprehen-
datur. Nam ait: Cum hos preuidissemus, statim ab initio quæcumque cor-
pora humida videbamus, omni via exsiccare conabamur, quæ verba Prin-
ceps prima 4. cap. 4. exponens, sic scriptum reliquit. Summa curationis
earum est, exsiccatio, & illud fit cum phlebotomia, & ventris solutione.
Ecce quomodo de sectione venæ implicite locutus fuit Galenus. Quod
autem

autem libro de succorum bonitate, & vitio non improbasset medicos, qui in pestilentia, quæ Romæ tunc temporis grassata fuit sanguinem non miserint. Dicimus quòd ab humorum corruptela præcedente valida penuria, pestis illa originem traxit. Qua propter cum ob dictos corruptos humores non tantum in corpore cordis, sed in ambitu etiam totius, existentes vires consistere minime possent, in eis missio sanguinis erat suspecta, ut libro de Curat. per sang. miss. idemmet confirmavit Galenus. Ceterum ex dictis clare patere putamus, quòd viribus, & ætate concurrentibus, in hoc immanissimo, & maximo morbo vena secari debet, nam & si coniuncta materia ex misso sanguine non tollitur, materia tamen antecedens remouetur, a qua febrilis ignis pabulum suscipit. Quod secus, si vena non secaretur, contingeret. Nam uti in pluribus lignis accensus ignis maior, quàm in paucioribus efficitur: ita in venenata hac putrefactione si non demeretur sanguis, accideret. Ipsum enim natura ad cor transmitteret, quo illud tueretur, ut cum venenatis seminarijs pugnaret. Verum visceris inflammationem potius, & putredinem auget, quàm eius tutor existeret. Sectio venæ igitur sanguinem a corde retrahendo, putredinem, & cordis inflammationem minuit, atque tollit.

Venæ Sectionis administratio. Cap. I X.

CVM igitur venæ sectio non solum utilis, sed necessaria sit pro febris pestilentis curatione: explicandum est, a quo latere, quo tempore sit administranda, & quæ sanguinis copia haurienda sit. Sunt enim qui quamplurimū & large sanguinem hauriunt. Alij vero ne vires dilabantur, ut quæ apparentibus signis iterum extrahere possint, in principio parce detrahunt. Rursus aliqui saphenam vocatam secant, nonnulli Basilicam; alij Cephalicam: ut non facile sit in tanta opinantium varietate veritatem colligere. Nos vero causas diuersas distinguentes, modo vnam; modo alteram secandam: & rursus quandoque parvam, & aliquando magnam sanguinis copiam hauriendam esse dicimus. Vnde si in morbi initio nullo apparente signo medicus accersitur, & aliqua consuetarum euacuationum retenta non fuerit, & patiens iuuenis, sanguineusque extiterit, & tempus verum, ut a Basilica lateris dextri non parua sanguinis copia hauriatur consulimus: qui sanguis si iterum mitteretur, ut prima vice ad vnc. viij. vel decem, & post horam ad vnc. iij. magis laudaremus. Quòd si tanto sanguine patientes non abundarent, tanto parcius eis mittendus erit, quanto dictis conditionibus caruerint. Quòd recte ut agatur medici iudicium requiritur, ut pro viribus, ætate, tempore, plenitudine, & ceteris requisitis, modo parcius, modo liberalius, cum certa & definita mensura dari non possit, sanguis detrahatur. Ceterum si aliqua consuetæ euacuationis retenta esset, ut si menstruæ purgationes, nec tempestiue, nec pro modo fluere, vel hemorrhoides solitè fluere factæ essent cæcæ, a Saphena eo tempore

tempore sanguis mittatur. Quæ venæ sectio præter id, quod diperditas euacuationes prouocat, maxime a spiritualibus reuellit. At capite affecto Cephalica lateris, quod læsum magis est, vel lateris dextri, si æque utrumque læsum est, tundatur. Hoc autem ante bubonis exitum, vel alterius signi. At signo apparente, vti in varijs locis apparebit, ita sectionem locis diuersis facere expediet. Si enim circa aures, & collum apparuerit, ex eiusdem lateris Cephalica, quæ iuxta manus pollicem extat: si sub alis, e Basilica: si in inguinibus, e Saphena eiusdem lateris sanguis hauriatur. Nam semper e directo lateris læsi, iuxta Galeni decretum, in Libro de Cur. rat. per sang. miss. cap. 15. & 16. vena tundi debet, vt inde cita utilitas sequatur: ex opposito enim latere, aut tarda, aut obscura utilitas sequitur. Generalis autem regula, & Canon hic sit, quoties a gulæ origine vsque ad caput dictum signum apparuerit, ex Cephalica: si a gula vsque ad vmbilicum, ante vel retro, ex Hepatica: si infra vmbilicum, Saphena, sed læsi semper lateris, vt dictum est, secetur. Marsilius Ficinus in tract. de Epidemix antidoto, cap. 8. medicorum Hispanorum, & Cathelanorum in missionem sanguinis modum referens, inquit: In sanguineis robustis, ac bonæ ætatis hominibus, sic faciunt: primo extrahunt sanguinem in parte opposita, eo quod humor in motu adhuc existit, nec iam veneficus factus est. Quare si apostema sub brachio sinistro apparuerit, minuunt subito a manu dextra. vnc. 6. vel 4. vel ex cauilla pedis sinistri vncias tres: post vero horas sex aut octo recreatò patiente, atque quieto, extraunt ex sinistro vncias sex, vel quattuor, aut tres iuxta compressionem, & virtutem venæ grossioris. Quoniam ea opportunius phlebotomiam exposcere demonstrat. Quod si in inguinibus appareret, primo minuunt in brachio eiusdem lateris, postea e Saphena eiusdem partis mittunt. Verum si patiens haud multum robustus fuerit, nec sanguine abundans, attamen naturalem vigorem, virtutisq. decenter habet constantiam, reperiaturq. in fine secundi, vel in tertio die, quum iam verisimile sit materiam ipsam suum cursum, motumq. cepisse, venenoq. infectam esse, euacuant vncias duas, vel quattuor, a latere apostematis, loco apostemati, quàm sit possibile, propinquiore. Hæc Ficinus: Nec immerito cum morbus possit dici inueteratus, si ad eius citam terminationem respicere vulerimus. In quo casu in libro de Cur. rat. per sang. miss. cap. 19. a vicinioribus partibus sanguinem demit Gal. Debet autè sanguis primo quoque tempore mitti, scilicet antequam putredo, & malignitas augeantur, & ægri vires morbi seuitia dilabantur. Maxime verò apparente inguinaria, ne materię confusio morbum foueat, & adaugeat. Quod si aliqua occasione ab initio vena non tunderetur, quoad vires constant secari semper poterit iuxta Gal. sententiam in Libro de Cur. rat. per sang. miss. cap. 20. Quod confirmat Auicem. 4. primi cap. proprio: Expectanda est autem hora, qua æger est quietior, & morbus maiorem habet remissionem. Quod si omnes horæ essent æquales, melior hora est matutina, cum coctiones omnes confectæ

confectæ sunt: Qui modus, a Gal. in libro de cur. rat. per sang. miss. cap. 21. præscribitur, & imperatur. Verum quia aut ratione ætatis, aut propter virium imbecillitatem aliquando venam secare non audemus: eius loco cucurbitulas in dictis partibus cum scarificatione figimus, præcipue tamen in cruribus. Nam certa quadam scarificatione in dictis partibus affixæ, ex Oribasij relatu in libro de scarificatione, & cucurbitulis, cap. 20. & ipsum, & alios pleròsque sanitati restitutos fuisse sequentia verba ostendunt: Et sane dum pestilentia vehemens Asiam deprehendisset, multosq. perdidisset, meq. etiam morbus attigisset, secunda morbi die, remissione febris facta crus scarificaui, duasq. fere sanguinis libras detraxi, hacq. de causa periculum vitæ: plerique igitur etiam alij hoc præsidio vti superstites euasere. Subditq. Erant autem plenitudinis signa, illiq. præcipue saluabantur, qui sanguinem copiosum exhauriebant. Quod si eas figere aliquo impedimento non poterimus, Hirudines in dictis locis figantur, vel in venis sedis, aut in qua parte præsentis medico magis competere videbuntur, quæ sectionis venæ, vti quoque scarificationes ipsæ, vires gerunt. Hæc de venæ sectione. Sequitur vt de pharmacis purgantibus dicamus.

• *De purgandi ratione in febribus pestilentibus.* Cap. X.

QUONIAM humores in pestilenti febre nedum quantitate, sed praua etiam qualitate peccant: Capiteq. superiori de sectione venæ, vt quæ humorum copiam tollat, abunde satis tractatum a nobis sit: Remanet vt in hoc capite de purgatione, vt quæ humorum prauitatem, & corruptelam respiciat, verba faciamus: Corruptelam autem humorum purgationem respicere, docet. Gal. 3. meth. cap. 5. & 6. similiter libro Quos, & quando purgare oportet, & plerisque alijs in locis. Ceterum multi purgationem non admittunt: alij benigniora medicamenta exhibent: alij valentiora non damnant: Nos breuitatem sectantes, cum Hippocrate, Galeno, Auicenna, Paulo, Actio, & cum medentium meliori & maiori schola, medicamentum purgatorium non damnamus. Purgatio autem tempestiua esse debet, vt Hippocrates 3. de morb. vulg. sect. 3. his verbis demonstrauit: Et qui quidem horum abscessum fecissent, per suppurationem, & per aluum turbatio quædam tempestiua, aut vrinarum bonarum excretio contigisset, per hæc soluebantur. Ex quibus perspicuum esse arbitramur, turbationem alui tempestiuam præter ceteras relatas euacuationes, vel arte facta fuerit, vel a natura ægros perbelle liberare potuisse. Nec quod paulo inferius dixit Hippocrates obstat, & si dictis videtur aduersari, dum ait: Purgationes plurimos lædebant. Et paulo inferius: Ex his autem, qui sic habebant, multi quidem cito peribant, multi vero longius degebant, & in summa omnes qui longis morbis ærotabant, & qui ex acutis maxime ex his, quæ per aluum secedebant, mortui sunt, omnes enim alui sustulit: hæc inquam non repugnare huic sententiæ ex superius dictis manifestatur;

manifestatur, dum ait: Scēssus aut erant pingues, biliosi, tenuēs, aquosi, quam sententiam exponens Galeſus, liquationem ſignicare affirmavit. Vnde Com. 57. sic scriptum reliquit: Quæ euacuabantur, erat colliquatio, quod symptoma eſſe febris peſtilentis affirmavit: de qua colliquatione 8. de comp. med: loc. cap. 7. loquens, primo humorum, deinde carnis ipsius hepatis, a calida eius intemperie ipsam fieri aſſeruit: vnde non immerito x. meth. c. vlt. carnibus torrefactis comparauit. Propterea 3. acut. ſtammantis in hypochondrijs ipsis affectionis symptoma appellauit. Ex quibus colligere eſt dictas euacuationes & symptomaticas, & inſtempetiſſimas fuiſſe: ſed potuit etiam contingere, ab humoribus calidioribus: ſuperfluis tamen, & non tempeſtice euacuatis, ad inferiorem ventrem, tamquam ad debiliorem partem præcipitatis, dictum symptoma genitum eſſe: propterea dictum eſſe omnes alium ſuſtuliffe. Ex quibus conijcere valemus: quod congruo pharmaco alleuiata natura, & eo præſertim, quod membra roborare potuiſſet, ſupra reſiduum fortior facta, melius regere potuiſſet. Quam veritatem primo de diff. feb. cap. 4. etſi implicito ſermone innuit Gal. dum ait: Eorum ſumma erat putrefactio, quæ a nimia humiditate oriri certiffimū eſt. Propterea ſubdit: Cum nos præuidiſſemus, ſtatim ab initio quæcumque corpora humida videbamur, omni via exſiccare conabamur: quæ exſiccatio purgatione, præter cetera, quæ ipſam præſtare poſſunt, perſicitur: quam ſententiam adhuc clariuſ 6. metaph. cap. 12. confirmans, ſic ait: Ceterum qui ex peſtilentia laborant, propterea mihi facile ſanati videntur: quod præexſiccatum his, præpurgatūq. totum corpus fuerit: quippe cum vomuerint ex his nonnulli, & omnibus venter profluxerit: atque cum ita iam euacuati eſſent, qui euafuri erant, his poſtula nigra conſeſtim multæ apparuerunt. Sed principem quoque audiamus, qui prima quarti tract. & cap. eodem, dictum Gal. veluti exponens, his verbis confirmauit: Summa curationis ipſarum eſt exſiccatio, & illud cum phlebotomia, & ventris ſolutione efficitur: & ſubdit: Si materia vincens fuerit ſanguis, fiat phlebotomia: et ſi fuerint alij humores, euacuentur. Vnde neſcio quid ſibi velint nonnulli recentiores, qui a Principe euacuationem reprobari contendunt: hoc ſolo adducti, quod medicamentorum, quibus euacuandum ſit, non fecerit mentionem: ac ſi Princeps alibi non docuerit, quibus bilis, pituita, melancholicus humor, & ceteri, vel ſinceri, vel mixti, aut aſſati educendi ſint. Quæ humorum euacuatio tanto liberalius ac libentius fieri debet, quanto dicta materia toto genere ab humorum naturali ſtatu reſceſſit: quam veritatem Hippocrates 3. de morb. vulg. his verbis edocuit: Deiectiones variz erant: nam vel nigra, pauca virulenta. Et rurfus alibi: Aluus turbata bilioſis excrementis, paucis, meris, tenuibus, mordacibus. Ex quibus patet dictos humores a ſtatu naturali diſceſſiſſe: propterea etiam ab initio purgandos eſſe. Si vero purgatio non profuerit, non pharmaco, ſed morbo id tribuendum eſſe, loco citato Hippocrates his verbis oſtendit: Quo modo pur-

do purgationes prodesse poterant : cum omnino essent morituri . Ex quibus sequitur quod in non morituris prodesse potuissent . Purgemus itaque & audacter cum Hippocrate, Galeno, Auicenna, Paulo, Aetio, Auenzoar, Auerroe, & cum maiori, & meliori schola Græcorum, Arabum, & Latinorum, inter quos Manardus lib. 5. suarum epistolarum epist. 3. necnon epist. 5. xiiij. lib. ex professo materiam hanc pertractans purgatoria exhibet : ad quæ loca lectorem breuitati indulgentes remittimus . Dimittanturq. igitur in hoc morosi quidam recentiores, qui vt magis nouarum opinionum inuentores sint, quàm vt veritati, & ægrorum saluti consulant, purgationem aufugiunt, atque damnant . Et si magis in peste, quæ a contagio, & per humorum internorum putrefactionem prouenit, quàm in ea, quæ ab inquinato aere nascitur, purgationem commendamus : quamuis in hac etiam laudabilem, & salutarem esse affirmemus . Quo autem tempore exhibenda sit purgatio, inquiremus . Sane quanto citius exhiberi poterit, eo melius putamus, vt loc. cit. primi de diff. febr. docuit Gal. quam sententiam 2. aphor. 29. confirmauit, dum dixit : Inchoantibus morbis, si quid videtur mouendum, moue : cui aphorismus decimus 4. particulæ astipulatur, dum ait : Purgandum in valde acutis, si ad sui excretionem inuitet materia eadem die : differre enim in talibus malum est . In hoc itaque morbo, quàm citissime purgare expediet : quoniam acutissimus est, & materia insuper a toto genere est, præter naturam, quia venenata . Quapropter putandum est naturam ab omnibus partibus corporis pro viribus illam expellere : idcirco, & furiosam, quia citissime iudicatur, iure merito appellare poterimus . Ergo quamprimum iuxta Hippocratis, & Gal. prima Apho. 22. vt dictum est, ipsam expurgare debemus : antequam, scilicet, venenum augeatur, & eius vi virtus collabatur : vel in membro Principe figatur, & confirmetur . Quod Gal. in Com. Apho. x. quartæ particulæ monuit, & imperauit . Quam doctrinam non solum sequutus est; sed etiam amplificauit Arculanus, qui tract. 2. in cap. curationis febrium putridarum in generali quinque casus, in quibus nulla præcedente materiæ coctione purgandum esse præscribit . Primus casus est, quando materia erit furiosa . Secundus, quando valde multa, præcipue a natura sanguinis aliena . Tertius, quando venenosa . Quartus, quando in aliquo membro contenta magnopere ipsum læserit . Quintus, quando timemus, ne petat aliquod membrum Princeps, siue cœperit suppuratio siue non : ex quibus quot in pestilenti febre reperiuntur, non est vt longa verborum serie demonstrem . Nec remorari debet operantem, quod dicunt, quia materia contagiosa est, loca, per quæ transit contagio, & viru afficere potest : cum congrua euacuatio a duobus fiat, natura nempe expellente, & pharmaco attrahente : quod Gal. in Com. Aphor. 22. primæ particulæ optime docuit . Quare non dabitur humori commoditas, vt membra, per quæ transit inficere possit, cum citissime dicta operatio a natura, & a medicamento compleatur . Contra vero eue-

niret, si humores diu in corpore manerent: hinc nonnulli validissima medicamenta vt validius, citiusq. ab ipsis venenata materia educatur commendant: dicunt enim cum Hippocrate in Aphor. sexto primæ particulæ: Extremis morbis extrema, exquisitaq. remedia optima esse, & inter cetera stibium præparatum, quod vulgo antimonium appellant, exhibent: quod in Mediolanensi clade non parum profecisse, a fide dignis habetur. Hæc de tempore: iam dicendum est de pharmacis ipsis purgantibus, & hora purgationi eligenda. Varij ergo varia exhibent: nonnulli enim pilulas de trib. Ruffi propinant. Non desunt qui tamarindos, cassiam, mannam, rheubarbarum, myrobalanos, aloem, senam epithimum, turbit agaricum commendent: & hæc sunt simplicia. Composita vero sunt diacassia, diacatholicon, diasena, electuarium de psilio, diaphnicon, trisera persica, confectio hamech. pill. aggregatiuæ, de fumo terræ, cocchiæ, & de Hiera simplici, quæ pro humorum, ægrorumq. varietate variantur. Pueri enim non sicut viri curari debent: parcius namque ex Celsi lib. 3. cap. 7. decreto in his agendum est, dum ait: Non facile eis ducenda est aluus, non debent cruciari vigilia, non fame, aut nimia siti: eorum enim corpora facillime dissoluuntur. Varietur itaque dicta medicamenta non solum pro humorum varietate, vt dictum est, sed virtutem potissimum exhibitori pharmacum respiciamus. Rursus pro maiori, minori, corporum laxitate, modo validiora, & maiori mensura, aliquando mitiora, mensuraq. minori exhibeantur. Non parum insuper tempus indicat: sub cane enim, & ante canem difficiles fiunt medicationes, vt docte docuit Hippocrates 5. Aphoris. quartæ particulæ. Spectato itaque virium robore, ætate, tempore, humore insuper abundante, & putrescente, sexu, & reliquis, quæ ad commodam, & congruam euacuationem faciunt, euacuatio curetur: modo per bolos, modo per potiones, modo per pilulas: prout magis vnum, quàm alterum competere videbitur, & libentius ab ægris sumetur. Notando quòd inter cetera pharmaca agaricus, pilulæ de tribus Ruffi, & trisera persica, tum quia cordi amica sunt, tum quia veneno non modicum aduersantur, alijs omnibus præferuntur. Hora autem ad exhibendum pharmaca idonea quietior esse debet: & in qua ventriculus a cibo vacuus reperiatur. Quæ hora matutina, vt plurimum esse solet: quamquam fieri aliquando potest, vt ea sit minus opportuna: itaque quietior, vt dictum est, quæcumque illa fuerit eligetur. Quòd si apparente signo, aut inguinarum pharmacum exhibere opus erit, loco affecto affixa prius cucurbitula ipsum, iuxta Manardi decretum, epistola 3. quinti libri exhibeatur. De modo autem dicta pharmaca componendi lib. 2. abunde scripsimus. Et hæc de medicamentis purgantibus exhibendis dicta sufficiant. Iam accedamus ad reliqua præsidia, quibus putrefactum humorem tolli posse ante diximus.

De his, quæ sudorem, lotium, & vomitum prouocant.

Caput X I.

DIXIMVS quo pacto materia putrefacta in pestilentia venæ sectione, & purgatione tolli possit: iam ex his, quæ superius notata sunt, remanet, vt quo modo eadem lotij sudoris & vomitus prouocatione a corpore expellatur, doceamus: sed de vomitu satis diximus lib. 2. cap. 35. ad quem locum lectores delegamus, ne vana eos repetitione fatigemus.

Sudor vero, etsi omnibus, quæ aperiendi, subtiliandi, & in halitum materias redigendi facultatem habent, præter dicta supra cap. 6. prouocetur: maxime tamen sequentibus, quæ vna veneno quoque obsistunt, prouocari potest, vt:

Recipe Dictami albi. vnc. semis.

Visci quercini. vnc. iij.

Seminis, & floris cardui sancti. ana drag. i. semis.

ex omnibus fiat puluis, cuius:

Recipe ana drag. i. vsque ad drag. ij. adde:

Vini albi generosi. vnc. i. semis.

Aquæ cardui sancti. vnc. iij.

Misce, fiat potus, capiatur sexta hora ab invasione morbi: & quanto citius, tanto melius: ad quem usum sequens quoque puluis maxime salutaris habetur:

Recipe Baccarum hederæ in vmbra ficcatarum. vnc. semis.

Baccarum lauri nigro cortice remoto. vnc. iij.

Dictami albi. } ana vnc. i. semis.

Scordij.

Ex omnibus fiat puluis, & in aqua cardui benedicti modo eodem exhibeatur, quod sequitur etiam vim non vulgarem habet ad mouendum sudorem:

Recipe Succi Cepæ albæ

Succi Rutæ.

Succi millefolij.

Aceti.

Mellis.

} ana drag. ij. vel drag. iij.

drag. ij.

drag. iij.

Misce, & calidum simili modo sumatur: æger autem dum hæc assumit, pannis optime cooperiatur: succus scabiosæ, & calendulæ ad quattuor drachmas exhibitus, maxime sudorem concitat.

Iam de lotium euocantibus, & de his, quæ alienum calorem temperare, & venenum debellare, necnon, & materiam æquare possent, dicendum esset: sed cum de his, quæ a putredine materiam vendicare valent, agemus, hæc eadem innotescunt: itaque ad eum locum lectorem iure inuitamus: dicimus tantum vniuersæ hæc illa esse, quæ a Galeno 5. de simp.

S 2 med.

med. cap. 13. scripta sunt. Nunc alterum antea prepositum exequamur. Modum scilicet, explicemus, quo materia, quæ putredini obnoxia est, a putredine vendicari, & defendi potest. Hoc autem, vt supra cap. 7. dictum est, perficitur aperiens, incidentibus, abstergentibus: necnon his, quæ putredinem prohibere possunt, & venenum enecant, & consequenter cor corroborant, atque muniunt: sed quia aperiens, vt plurimum calida sunt, & febrem adaugent, ideo minus calida eligi debent: & cum his etiam frigidiora immiscenda, vt eorum calor, & febris temperetur, remoueatursq. quorum nonnulla in medium afferemus: sunt autem cichorium, endiuia, borrago, ciccorbita, buglossa, lupuli, citrach, capillus veneris, pimpinella, melissa, tamariscus, tormentilla, angelica, scabiosa, vincetoxicum, acetosa, portulaca, alleluia, dictamus, scordium, fumus-terra, gramen, nimpha, cardus benedictus, flores vocati cordiales, radices aperiens, vt apij, petroselinum, senniculi, brusci, asparagorum, semina quattuor communia frigida maiora, semen acetosæ, citri, portulacæ, plantaginis, & cetera plurima. Ex quibus varia decocta modo frigidiora, modo calidiora, interdum temperata, aliquando obstergentia: semper tamen venenum necantia, & cor ipsum roborantia parari poterunt. Quibus syrups eiusdem facultatis, & rursus extenuantes, & incidentes miscendi erunt, vt syrupus de cichorea, tam simplex, quàm compositus: de pomis, de agredine citri, de ribes, de lupulis, de boragine, de agresta, de nenusare, violatus, de fumo terræ, de capillis veneris. Syrupus etiam contra pestem incidendi vim habet: vt oxisacchara, acetosus s. & compositus, oximel simplex, compositumq. & si necessitas vrget scilliticum. Qui vero fortius aperiunt, sunt de duabus, & de quinque radicibus, cum aceto, & sine aceto, bisantinus, similiter cum aceto, & sine aceto, de quorum vsu dictum est lib. 2. cap. 30. Qui syrups si ex iure pullæ fierent, cetera quæ dicta sunt, præstarent, humores æquarent, virtutis robur confirmarent, & materiam simul a putredine vendicarent. Itaque nonnulli hunc in modum conficiunt:

Recipe pullam magnam

Aquarum acetosæ.

Rosacæ.

Violacæ.

Vini generosi. vnc. xv.

Sandalorum citrinorum.

Spodij.

Croci.

Camforæ.

} ana lib. i. vel lib. ij.

} drag. j.

scrop. j.

gran. iij.

Ligentur pulueres in petia rara, & omnia in vase vitreato, cum quinquaginta ducatis aureis ponantur: vasq. non ex toto claudatur, & in cacabo aqua semipieno locetur: sicut in duplici vase ad carnum integram coctionem bulliant: quæ caro tundatur & exprimatur, & quod

expressum

expressum erit in dicto iure ponatur, pinguedoq. remoueat, hoc ius tum per se, tum confuso mixtum, & quocumque modo sumptum, summo opere commendatur: etenim, nutrire, alterare, venenum fugare, & cor roborare valde poterit: maxime vero si sequens puluis immisceatur videlicet:

Recipe Margaritarum.

Corallorum rub.

Cornu cerui.

Granatorum.

Eboris.

Cornu vnicornis.

} omnium prepar. ana drag. semis.

Misce, fiat puluis subtilissimus, de quo scrop. semis pro vice in dicto iure ponatur, & exhibeatur. Quod si fragmenta pretiosa, vt hyacinthus, Rubinus, Smaragdus, & cetera immixta fuerint, vera tamen, puluis valentior efficeretur: aliud quoque iuris exemplum afferam:

Recipe pullam magnam.

Acetosæ.

Pimpinellæ.

Cichoræ.

Boraginis.

} ana p. semis.

Dictami. drag. ij.

Tormentillæ

Carlinæ

Morsus diaboli.

} ana drag. j.

Sem. acetosæ.

Citri.

Portulacæ.

} ana drag. semis.

Contundantur, quæ contundi debent, & cum pulla opportuna, hoc est, post pullæ disputationem coquantur, deinde colentur, & exprimantur, cuius iuris:

Accipito. vnc. 5.

Syr. contrâ pestem. vnc. j. semis.

Oxij sacchar. vnc. semis.

Misce pro syrupo, qui bis die pro temporum varietate, modo frigidus, modo calidus exhibeatur. Hoc autem rerum genus, pestis, veneno manifestis viribus resistit: alterum genus est quod a tota, vt aiunt, forma cum eodem pugnat, de quo mox differemus.

De Bezahardicis medicamentis.

Cap. XII.

ET s i libro secundo, cum de prouisione contra pestem agebamus, tam simplicia, quàm composita medicamenta, quæ veneno obsistere, & ideo pestem superare possent, abunde enarrauimus, quæ huic quoque loco sufficere possent. Tamen vt quibus fidendum sit, aperte lectores sciant, in presenti

in præfenti capite recensere illa non grauabimur, quæ longò vñ comprobata magis etiam a Galeno commendantur. In primis igitur Theriacam, & Mithridatum, Galeno auctore in Libro de vsu Theriacæ ad Pamphilianum, laudamus: quo loco de peste loquens ita scriptum reliquit: Tunc itaque ex his, qui ægrotabant, quamplures assumpta Theriaca conualuisse, paucos in quibus vis morbi inualuerat occidisse, reliquos omnes, quos nondum pestis occupauerat, non modo periculum euasisse, sed nec in morbum quidem incidisse. Et subdit: Atque hoc alicui mirum videri non debet, quando si haustum venenum superat, pestilentiam quoque vincere possit. Et paulo superius ait: Nam sanguinem Theriaca bonum reddit, non quia sanguinis malam qualitatem excernat, sed quia eius contumaciam vincat, & ex inimica amicam faciat. Item eodem loco inquit: Foris quoque si quam urbem, aut regionem morbosam conijciunt, vel aquas morbosas esse intellexerint, eodem pacto Theriacem assument, & tamquam lorica quapiam corporis sui statum tuentur. In libro vero de Theriaca ad Pisonem. cap. 16. versus finem inquit: Verum vt summatim laudes huius antidoti amplectar, totum corpus ita disponit, vt ab vlla re noxia non corrumpatur: hanc autem existentiam procreat, tam varia, & efficax, tot medicinarum compositio, & præsertim quæ in ipsa ingrediuntur viperæ. Et postquam summis laudibus Hippocratem extulit, qui ignibus aerem puriorem reddiderat, subdit: Ad istum modum arbitror, & Theriacam, tamquam ignis quidam purificans, & ipsa esset, illos quidem, qui sani adhuc ipsam biberint, non permittere, vt pestilentia prorsus capiantur: illos autem, cum iam ægrotarint, sanare posse, cum aeris inspirati malignitatem superando tum corporis temperaturam corrumpi non sinendo. Et paulo post: Nam Theriaca optimam quamdam temperaturam corporibus procurat, & in eis bonam valetudinem conseruat. Et rursus libro de vsu Theriacæ ad Pamphilum: Nam percussis, a vipera vulneratis, a serpente ictis, ab aspide commorisis, a rabido cane, demum ab aliquo animali læsis, quod dentibus aculeo, vel contactu venenum relinquit, recens Theriaca satis, superq. efficax remedium est. Et subdit: Recens autem est, quæ sextum, & trigesimum annum nondum attigerit, vires enim suas vltra sexagesimum annum, etsi debiles, seruat, vt in libro de Theriaca ad Pison. cap. 14. traditum est. Quare intelligimus eo esse validiorem, quo est recentior. Modum autem cognoscendi, an vires amiserit, citato loco docet Galenus, inquit: Multi autem vires antidoti dignoscere cum voluerint, primum alicui purgantem aliquam medicinam porrigunt: deinde Theriaca paulo post exhibita, indicium de ipsa sumunt: nam si valida, vigensq. adhuc fuerit, nullatenus ventrem purgari finit, nempe deuicta soluentis medicinæ facultate, ab antidoti potentia: sin autem alius ita deijcitur, vt si Theriacam non sumpsisset, tunc eius vires euauisse certissimum est. Eodem modo etiam an adulterata sit Theriaca cognoscam ipsam ab assumpto pharmaco exhibens: nam si adulterata

adulterata est, medicamenti purgatorii vires non frangit: sin minus contra: De Mithridati viribus eodem loco de Theriaca ad Pisonem. cap. 16. hæc habet: Nam & Mithridatem illum bellatorem magnum ferunt non assumpta Theriaca, quæ nondum erat, sed Mithridatica antidoto ab eius nomine sic nuncupata non potuisse sumpto veneno mori: quoniam sic illius membra temperauerat, ut a re noxia pati non possent, quare impassibilitas, a membrorum temperie oriebatur. Et 2. libro de antidotis ait Theriacam ad viperarum morsus valentiorē Mithridato esse: ad alia autem non item. Et addit, immo aptior ad quædam est Mithridatica compositio: Auicennas vero libro de viribus cordis tract. 2. cap. 4. postquam de viribus, & vtilitate Theriacæ, & Mithridati verba fecit, inquit: Ambarum medicinarum virium aliquid notum est, & aliquid incognitum: Notum est quod eis aduenit ex simplicibus earum. Ignotum vero quod eis aduenit post commixtionem: exemplum autem primi est, sicut si dicamus nos scire Theriacam, & Mithridatum veneno tyri, & scorpio-nis conferre: propterea, quia in eis reperiuntur medicinarum conferentes ad illud: & nos scire Theriacam, & Mithridatum confortare cor, & hepar, propter medicinam in eis existentem, cuius proprietas est facere illud: Exemplum autem secundi est, ut dicamus quod nobilior operationum ipsarum est, quæ provenit utrisque post commixtionem a natura valde convenienti naturæ humanæ, ad quam quidem suscipiendam complexio præparavit eam, & eius etiam principium ab extrinseco est. Nos autem ignoramus causam, quare ista proportio, quæ est inter virtutes medicinarum simplicium & ponderum ipsarum necessitat istam dispositionem, vel præparationem ad suscipiendam virtutem, seu proprietatem Theriacæ: quem admodum ignoramus in ceteris similibus, quæ non artificialiter, sed naturaliter componuntur. Sapientes autem speculatores præcise determinant, quod directio, seu cognitio ad compositionem istarum medicinarum processit ab inspiratione, & providentia diuina, aut a re inspirationi simili: etenim deductio rationis, non pertingit efficaciam compositionis ipsarum. De mensura autem, qua exhiberi debent varium Gal. pro finis varietate inuenio: primo enim de antidotis fere in principio hæc habet: Non eandem autem vim antidoti obtinent, acceptæ ante venena & post, quæ enim quantitas earum præseruare potest a venenis, ea quadruplo, aut quintuplo maior assumptis iam venenis, si iuuare voles, exhibenda est: nec semel vno die, sed bis: libro vero de Theriaca ad Pisonem cap. 14. scriptum reliquit. Non damus autem omnibus eandem quantitatem antidoti: sicut nec liquoris, quo ipsam dissoluimus: Nam in ante dictis ad magnitudinem nucis auellana Theriacam, ex tribus vini cyathis, propinare solemus: in alijs autem & antidoto, & liquore differenter utimur: ad affectuum enim diuersitates respicientes, & Theriacæ pondus metimur, & liquoris convenientiam iudicamus. Et eodem libro. cap. decimo-septimo,

mo septimo, sic habet: Recte autem facies, si varia ipsa mensura sumas: Interdum ad Aegyptiacę fabę magnitudinem: Interdum ad nucis auellaneę quantitatem, ex duobus aque cyathis quando modicum interuallum tibi supererit ad antidoti concoctionem. Interdum ad nucis auellaneę quantitatem, ex tribus aque cyathis, quando plus temporis habiturus es: quo possit in corpus Theriaca digeri. De anni autem tempore eodę capi hęc leguntur: ætate enim, vt Theriacam sumas, nullo pacto consulo: nam temporis constitutio tunc calida cum sit, calefactum adhuc magis ab ea corpus læditur: vt plurimum enim ea pars anni febrem hominibus affert.

Cui autem ætati conueniat eodem loco, hæc dixit: Quamobrem, & eos qui media sunt ætate, & eos, qui naturalem temperaturam calidam admodum habent, moneo, vt neque multoties, neque multum Theriacę suscipiant. Exaduerso, quibus ætas iam in senium vergit, & plurimum, & plerumque, & non ex aqua, sed ex vino Theriacam bibant, suadeo: vt ab ipsa corpus iam flaccescere incipiens reparetur, & natiuus calor iam languescens excitetur. Et subdit: At pueris maxime omnium Theriacam interdico: quoniam ipsius magnitudo ipsorum vires plurimum excedit: nam & puerile corpus facile dissoluit, & complantarum spiritum celeriter extinguit. Horam denique ad sumendum aptam, eodem loco definit, inquit: Quam tamen assumas velim, postquam cibus probe concoxeris, nec amplius repletum te senseris. Temporibus vero & temperaturis calidioribus contemperari debet, vel saccharis cordi familiaribus, vel folijs acetosę, vel floribus cichorę confectis hoc modo:

Recipe Theriacę optimę. a drag. j. vsque ad drag. ij.

Saccari Rosacei. drag. ij. misce.

Fiat bolus capiat per septem horas a cibo, & super bibat patiens aquę acetosę, vel cicerbitę lib. i. temporibus vero frigidioribus præter id quod maiori mensura exhiberi potest, minori temperatione indigebit: puta hunc in modum:

Recipe Theriacę optimę. a drag. ij. vsque ad drag. iiij.

Capiatur, & super bibantur vini generosi vnc. iiij. quod aquę cardui benedicti duplo diluatur. Alia quoque omnia antidota supra lib. ij. enarrata, & præscripta, præcipue electuarium de ouo, & antidotus antidotorum, maxime salutaria existunt: quę eodem modo, & ordine, vt Mithridatam & Theriaca dari debent. Aqua vero mirabilis dicta, a drag. j. vsque ad drag. ij. vel drag. iiij. ex iure sumatur: liquorem quoque contra pestem a drag. semis. ad drag. j. semis. ex iure pulli dare expediet.

Puluis contra pestem ad drag. ij. sumptus ibidę descriptus: est etiam validum medicamentum. Non vulgaris quoque Menghi puluis existit, videlicet:

Recipe

Recipe Dictami albi.

Boli armenæ.

Tormentillæ.

Cornu cerui preparati.

Sandalorum rub.

Camphoræ.

} ana vnc. semis.

} ex omnibus.

Fiat pulvis subtilissimus cuius:

Recipe drag. ij.

Theriacæ optime drag. semis.

Aquæ acetosæ vnc. iiij.

Syr. contra pestem. vnc. j. Misce.

Fiat potus, qui capiatur per sex horas ab assumpto cibo, & quanto citius ab inuasiōe morbi, tanto melius.

De lapide Bezahar hoc vnum sufficit, cetera medicamenta, quæ veneno aduersantur ab eo Bezahardica appellari, qui ad grana decem, cum saccharo rosaceo dari poterit. De bolo armena, vera tamen, quid afferemus? Cum a Galeno 9. de simplici medecina miris laudibus sit celebrata, & omnium medicamentorum contra pestem optima censeatur: idem de terra lemnia, & sigillata sincera omnino sentio. Ceterum in Mediolanensi clade steracus Gallinæ nigre maximi fructus extitisse, a fide dignis audiui. An autem in illa tantum valuerit, vel in alijs etiam possit prodesse experientia ipsa monstrabit: detur a drag. j. vsque ad drag. ij. addita pari portione sacchari rosacci, vel detur potui ex syrupo contra pestem, & aqua scabiosæ. Singulis vero diebus, & sæpius æger aliquid sumat, prout citius, aut tardius medicamentum conficitur, & morbus magis requirit: hac tamen lege medicamenta accipiantur, vt ne mutuo confundantur, & in illis conficiendis ne multum natura laboret, nec ab assumptorum multitudine deterreatur. Reliqua vero omnia, quæ ad hanc Prouinciam, & ad exhibendi ordinem, & modum faciunt lib. 2. abunde disseruimus: sed conuenire huic loco videtur, vt modum, quo bezahardica dicta in venenum agant, & corpora immutent accuratius perpendamus.

Quo modo Bezahardica in venenum agant: & utrum a non venenatis sumpta, veneni accidentia incurrant. Rursus in quibus proprietates reperiantur, & quid sit proprietas exponitur.

Capit. X I I I.

INTER cetera naturæ sagacissimæ arcana, hoc vnum maximum putamus: Alexipharmaca nempe, & bezahardica medicamenta, vt quinto colliget cap. 23. affirmavit Auerroes: id operari posse, vt in his, qui venenum hauxerunt, venenum interimant: Non venenatis autem sint instar veneni: propterea Auerroes dixit: Et istæ medicinæ non curant, nisi sumantur, cum in corpore est dispositio venenosa a veneno facta: & tunc

T dant

dant corpori virtutem vnam, quæ est contraria virtuti veneni, & sic curatur venenum, quasi per accidens: propterea quando comedit illa homo sanus, sunt sicut venenum, exceptis granis citri, & his similibus, cuius rei paulo inferius causam reddens inquit: Sed causa quare bezahar occidit sanum, est quia non habet prodesse nisi quando in corpore est dispositio venenosa. Duas enim facit in corpore operationes, vna est, vt venenosa, quando accipitur, non existente in corpore dispositione venenosa: altera est iuuatrix, quando in corpore est dispositio venenosa, & sunt sicut venenum, ex vna parte, & medecina ex altera: hæc Auerroes. Quæ non paruam habent dubitationem: Etenim Auerrois sententiam damnat præcipue Auicennas lib. 2. tract. primo cap. 3. dum ait: Bezahar autem, & Theriaca, sunt omnes medicinæ, quarum proprietas est, vt sanitatem in corpore conferuent, & virtutem in spiritu, & ex his expellat nocumētum veneni: Nullam itaque ex dictis venenositatem habere ita manifestum est: vt non sit quòd probem. His adde, quòd indices ad euitandum venenum, terra lemnia, bolus armena, dictamnium, tormentilla, scordeon, & his similia non venenatis exhibentur: immo & ipse lapis bezahar similiter datur: nec tamen veneni noxam sumentibus incutit. Galenus quoque Auerrois opinioni simpliciter assentire non videtur: cuius hæc sunt verba quinto de simp. med. 18. cap. Si quidem facultates, quæ deleteria medicamenta alterant, naturam habent mediam inter corpora perpetientia, & medicamenta ipsa lædētia, vt videlicet eadem sit proportio corporis ad facultatem alexiteriam, quæ illius ad deleteriam: & rursus deleterij ad alexiterium, quæ alexiterij ad corpus. Vnde hic duplex notatur proportio continuata in quattuor terminis: Prima, est vincentis ad victum, in illis verbis: Eadem est proportio corporis ad facultatem alexiteriam, quæ illius ad deleteriam: sed se habet ad deleteriam, vt ab ea vincatur: ergo se habet ad alexiteriam, vt corpus ab ea superetur. Secunda vero, est proportio victi ad vincentem. Vnde dixit: Et rursus deleterij ad alexiterium, quæ alexiterij ad corpus. Sed ita se habet deleterium, vt ab alexiterio vincatur: ergo alexiterium, se habet ad corpus, vt a corpore superetur. Ex quibus quis facillime intelligere poterit bezahardica non ita corporibus aduersari, vt ab ipsis euinci, & superari non possint. Quare quando bezahardica vincuntur, veneni incommoda corpori afferre non valebunt: quòd si non vincantur, dicta mala inducere poterunt: præcipue autē non superantur, si largius sumpta fuerint. Vnde paulo inferius subdit: Ea propter propemodū omnia, quæ deleterij aduersantur, si largius sumpta fuerint, grauiter animatis corpus obledunt: Quamobrem ea moderatione omnes id genus facultates exhibere oportet, vt neque copia nimia corpus offendat, neque exiguitate sua a deleterij vincatur. Nunc vero quo modo ab eis in venenum agatur, diligentius examinemus. Igitur tam bezahardica quàm alexiteria, ex eodem 5. de simpl. medicina citato cap. duobus modis operari posse putandū est: alia enim alterant, alia vero euacuant corpus affectum, a veneno cor-

rumpente,

rumpente, seu deleterio medicamēto. Si alterant, aut vna qualitate id agūt, aut duarum coniugatione, vel denique tota substantia euacuant: rursus totius substantiæ similitudine, & calore subtilium partium. Quattuor itaque sunt differentię proficiscentes ab illorum vtilitate, duæ alterantes, & duæ euacuant. Atque ea sane, quę qualitatibus contrarietate corpori auxiliatur, manifesta est: nam si frigidum est medicamen deleterium, aut animantis venenum, ab excalfaciētibz petendum auxilium est: sin calidum a refrigerantibus, & in passiuis vocatiuis qualitatibus eodem modo: similiter & in qualitatū coniugationibus: nam si calidum, & humidum est deleteriū, a frigidis, & siccis petendum remedium est: eodem modo in alijs. Ex quibus credendum ducimus bezahardica, & alexiteria, tunc veneni accidētia: contraria tamen inducere, cum scilicet a contraria qualitate operantur: nam frigidum aliquod venenum esse nō potest, nisi summe frigidum sit, & large sumatur, quod in alijs etiam qualitatibus verum est: vt 3. de simpl. medicina c. 19. a Gal. habetur. Quę tamen deleteria toto genere contraria, vtī corruptentia, & erodentia dici non possunt: nam si modicū ex illis sumatur a calore naturali vincuntur: corruptentia autem, & erodentia etiam modice exhibita absque alexiterijs superari non possunt: vt ex 3. de simpl. medicina c. 21. & 22. manifestum est. Quare quod summe frigidum est, vt ab extreme calido vincatur oportet. Et idcirco corpus temperatū, si venenum frigidum non sumpserit, & se cepisse existimet, summe calidum pro remedio sumendo detrimentum patietur: quoniam ab huiusmodi medicamento illius temperies immutabitur, & mala etiā grauiora perpetietur: quā veritatem Gal. eodem 5. de simpl. med. 18. cap. his verbis confirmauit: Scire oportet deleterias facultates vniuersas tēperatura esse aduersissimas corporibus, quę ab ipsis leduntur. Et paulo post dixit: Nec secus fit curatio, quę per venenōrū remedia, & antidora exhibetur, quę alexipharmaca nūcupant: hęc enim contraria letalibus alteratione totum corpus immutant. Quare si bezahardica deleterium in corpore inueniunt, cum extrema mutatio a veneno in eo facta sit, ab extremo alexipharmaco ad temperiem, & sanitatem corpus reducitur. Quod si alexipharmaca corpus deleterio vacuum inuenerint, temperiē corporis immutādo, veneni inſtar corpus illud afficiet. Hoc autem fit tam per materiales vocatas qualitates, quām per spirituales: Galeni etiā decreto, qui docuit per materiales qualitates fieri, 5. de simpl. med. cit. loc. cum dixit & a simplicibus, & a coniugatis qualitatibus deleteria curari posse. Fieri autem per spirituales etiam qualitates ex primo de semine cap. 16. clare habetur, cuius loci verba, & si supra lib. 2. recensui: eadem tamen hic reperere non pigebit. Non sane inquit, quodd substantia eorum per totum penetret corpus: neque enim potest tam parvus succus, tam breui tempore corporis interdum etiā maximam molem replere: sed qualitatū diffusione, qualis & extra nos a solis fulgore in ambientem aerem, & in nobis, tum a corde in arterias, tum a cerebro in nervos fieri conspicitur. Ex quibus non solum per materiales qualitates,

sed per spirituales etiam, tam deleteria, quàm alexipharmaca agere manifestum putamus. Reliquum est autem, ut de actione, quæ a tota substantia emanat, aliquid dicamus. Non enim obscura est alteratio, qua fit per totius substantiæ facultatem, ut quinto de simpl. med. loc. toties cit. clare habetur, quam veritatem 6. etiam de morb. vulg. sect. 6. com. 5. sequentibus verbis confirmavit: Ceterum iuuamenta, & noxæ non solum per simplices nos attingētium qualitates, sed etiam per totam substantiā corporibus nostris adueniunt: quæ tota substantiis, & proprietatibus per Auerroem lib. 5. coll. c. 24. Est illa, in qua operatio existens per se, trāsit ab vno ente ad alterum, propter proportionem mensurarum elementorum, quam habet vnum ens cū alio: quæ mensura cōprehendi non potest. Vnde cum comprehendere non possit, negare, aut affirmare nisi experimento non audeam, an eadem, an contraria veneno accidentia, si a corpore non venenato sumantur, in ipsum inducere possint. Et hæc de his, quæ per qualitates primas, & a tota forma alterant, dicta sint satis. Euacuantes vero, de quibus dicendū remanet, tantum foris imposita venenū educunt, vnde 5. de simpl. medicina ita habet Galenus: Omne deleterium venenū a foris impositis medicamentis euacuatur: quasi innuere voluerit, aliqua medicamēta non dari, quæ intus imposita venenū euacuent. Et docens quo modo hæc peragāt, subdit: Nempe aut caliditate attractionē molientibus, aut totius substantiæ similitudine: Verum quoad fieri poterit maxime medium natura alexiteriū sit, oportet: corporis videlicet quod curatur, & veneni lædētis: nam si aduersissimum esset corpori, in ipsum ageret potius, seu deleterium, venenumq. haud euacueret. At deleteria nō sic: propterea subdit: Scire enim oportet deleterias facultates vniuersas temperatura aduersissimas esse corporibus, quæ ab ipsis læduntur. Quare si a similibus temperiæ medicamentis euacuatur, & alterantur, erunt & hæc corporum naturis contraria. Ex toto autem contraria esse putandum non est: sic enim ut deleteria interimerent, sed ambigunt potius in medio eorum sita, quæ aperte corpus animantis lædunt: & quæ iuuant: At deleteria subdit Galenus, non sic se habent: cum tantum interimere nata sint, quod 3. de temper. cap. 14. conspicua locutione confirmavit. Ceterum grauius, & naturam animalis corruptientia, vnde, & totum eorum genus deleterium, & pestilens dici reor. Et 6. quoque de morb. vulg. loco allegato dixit: Ea vero appellant deleteria, id est, pernicioſa, quæ vllō vñquam tempore neque ægrotis hominibus, neque valentibus opem ferunt. Ex dictis manifestum ducimus Galeni mentem non fuisse alexiteria scilicet, & bezahardica si a non venenatis sumantur, præcipue moderata exhibita, veneni accidentia inuohere, & si ab eiusdem verbis habetur, corpora lædi, etiam si parcius sumpta sint: dummodo venenum in corpore non inuenerint: uti grauius, ut dictum est, si largius sumpta fuerint animantis corpus oblædunt: & tunc, ut deleteria se habebunt, & veneni accidentia in corpore inducere poterunt, ut in prima proportionē vincentis ad victum dictum fuit.

Secua

Secus autem est si in moderata quantitate sumantur, tunc enim secunda proportio victi ad vincentem locum habebit. Vnde sicut deleterium ab alexiterio vincitur: ita alexiterium, a corpore superabitur. Sed iam de proprietatibus dicendum est. 6. de morb. vulg. citato capite Galenus ita scriptum reliquit: Iure sane optimo, & illud dictum fuerit, stirpium humores, & in quibus vim habent, proprietates namque ex tota substantia progenita, medicinae sunt alimenta: & ad hæc tertio, ea quæ Hippocrates hic malefica nominavit, similiter quarto ipsorum remedia. In quattuor itaque ac si diceret in omnibus proprietates reperiuntur: omne enim quod est, vel alimentum est, vel medicamentum: rursus vel deleterium est, vel Bezahardicum. In quibus omnibus ex Galeni decreto proprietates reperiuntur. Quomodo autem grauiusimorum virorum diuersæ, ne dicam contrariæ opiniones intelligi debeant, perscrutemur. Hæc autem, vt multa paucis colligam, in vniuersum tres sunt, quæ, & si non solum diuersæ, sed etiam contrariæ videantur, sano tamen modo intellectæ vna quæque vera apparebit. Et ab Auicenna exordientes dicimus, de his virum illud doctissimum verba fecisse, quæ taliter veneno obfistunt, & corpora ita iuuant, vt si sumantur, etiam absque eo quod in corpore venenum inueniant non solum non ledant, sed a venenis mirifice seruent, vt de terra lemnia, bolo armena, lapide Bezahar, dictamo, scordio, hyacinto, smaragdo, & similibus dictum est: hoc vel maxime, si moderata quantitate sumantur. Quæ opinio non solum in dictis simplicibus vera est, sed etiam ad composita se transfert, vt est Theriaca, Mitridatum, electuarium de ouo, & consimilia. Auerroes vero duplicem in Bezahardicis facultatem reperiiri asseruit, deleteriam vnā, alexiteriam alteram. Quæ opinio in his vera apparet, quæ venena, & deleteria cum sint, aduersus tamen nonnulla venena sunt Alexipharmaca, & Bezahardica: hoc autem, vel ex diuersitate mixtionis, vel ex diuersitate substantiæ a cælestibus influxibus manantis proficisci credendum est: propterea si in corpore venenum inueniunt, qua parte ipsi contraria sunt, ipsum destruunt, & euincunt: & accidit sicuti cum inimici duo conueniunt ad destructionem tertij communis inimici. Exemplum requiras, a Matthiolo in sua nuncupatoria, ad Dioscoridis interpretationem: dum aconitum ictibus, a scorpione præsentaneo auxilio esse, similiter plura alia venena pluribus venenis, & morbis opitulari affirmavit. Quæ si venenum, vel morbum non inuenerint, deleteria cum sint, veneni accidentia præui inducunt: Grana tamen citri & his cõformia exceptit, quæ si a non venenato sumantur, quia deleteria non sunt, veneni mala non incurrunt. Sed ad Galeni opinionem veniamus, qui alexiteria, & alexipharmaca natura esse media, inter corpora perpetiētia, & deleteria lædētia affirmavit: non enim vt deleteria, quæ ex professo corpus animantis lædunt, perpetuo ipsum offendunt, nec vt semper iuuantia iuuant: sed cum contraria qualitate, quæcumque sit illa, præditæ sint, cum summam ipsam possideant, si in corpore venenum non inuenerint, ad alexiterium

rerum extremorum ipsum immutando, animantis corpus oblaedunt, & hoc si in excedente quantitate sumantur efficiunt. Quare iure merito in medio eorum sita sunt, quæ ex professo corpus animantis lædunt, vt deleteria, & ea, quæ iuuant, vt cibaria, vel placidiora, & parum alterantia, vel immutantia medicamenta: nam cum excellenti qualitate, & potestate prædita sint, oportet vt ab ipsis deleteria vincantur. Diuerſitas tamen quantitatis nocumentum variare maximè poterit, & hinc natura media inter deleteria, & alexiteria reperiuntur. Quare moderate alexipharmaca quæcumque sint, vt exhibeantur consulimus, ne quæ natura prodesse possunt, noxia efficiantur.

Vtrum aliquis veneno nutriri possit: Quòd si nutritur, vtrum eius corpus venenosum efficiatur, sicut morsu, aut saliuâ, aut coitione alios interficiat. Cap. XIII.

VIDIMVS quo modo bezahardica contra venenum operentur, et si a non venenatis sumantur, veneni pericula incutiant. Cui tractationi consentaneum est alteram de veneno disputationem adiungere: Vtrum scilicet veneno aliquis nutriri possit, ac deinde si eo nutritur, vtrum corpus ipsius venenosum ita efficiatur, vt saliuâ, vel morsu, aut coitione alios interficiat. Quod dubium vulgare non esse, controuersia, quæ inter magnos viros reperitur, ostendit. Quare vt veritas magis elucescat auctoritates antea asseram, quibus veneno aliquem nutriri posse demonstratur: Leguntur enim in primis apud Aristotelem libro de secretis secretorum ad Alexandrum Magnum hæc verba: O Alexander recole facta reginæ Indorum, quando tibi mandauit causa amicitie multa exenia, & dona venusta. Inter quæ missa fuit illa venustissima puella, quæ ab infantia nutrita, & imbuta fuit veneno serpentum, & nisi illa hora sagaciter inspexissem ipsam, & arte magica iudicassem, quia audaciter, & horribiliter, & incessanter, & inuerecunde suum figebat visum in facies hominum: perpendi siquidem quòd inficeret homines solo morsu, quod experimento postea didicisti, & probasti: & nisi hoc certissime ostendissem, mors tua fuisset in ardore coitus consequuta, hæc Arist. Cuius sententiam sequutus fuit Auicenna de mente Ruffi sexta quarti tractat. 1. cap. 2. Similiter, & Guainerius in tract. suo de venenis cap. 4. necnon Albertus Magnus lib. 7. de natura Anima. tract. 2. cap. 5. Quinimo, dicit Albertus Magnus de mente Ruffi, puellam illam saliuâ homines venenare: Quo loco Auicenna citat Galenum asserentem, quandam Anum Atheniensem assueuisse nappello, & a paucâ pergrandem quantitatem processisse, præter id quòd ab eo aliquam læsionem sensisset. Nec deest authoritas diui Augustini lib. 2. de moribus Manichæorum, vbi refert historiam famosæ mulieris Athenienſis, quæ assueta veneno, tandem ob facinorâ morti damnata, consueto

confueto veneno interim nequaquam potuit. Accedit autoritas Theophrasti lib. 9. de historia plantarum. cap. 18. quo loco Chij Eudemi historiam recolens, sic habet: Viginti duas hellebori potiones sumpsit, nec propterea purgatus fuit: Plinius rursus in dictorum confirmationem, lib. 25. cap. 2. de Mithridate loquens, sic ait: Neque Mithridates Maximus sua ætate Regum, quem debellauit Pompeius, omnium ante se genitorum diligentissimus vitæ fuisse, argumentis, præterquam fama intelligitur vni ei excogitatum venenum quotidie bibere, præsumptis remedijs, vt consuetudine ipsa innoxium fieret. Vltimo Albertus Magnus lib. 7. de animal. tract. 2. cap. 5. recitat historiam puellæ trium annorum, quæ comedebat innoxie araneas in angulis domorum existentes, & ex hoc cibo proficiebat: quinimo præ omnibus cibis appetebat illum. His magnorum virorum auctoritatibus probatur hominem veneno nutriri posse. Nunc referam auctoritates illorum, qui contraria opinati sunt. Et primo, Galen. 3. de nat. facult. cap. 7. ponens discrimen inter medicamentum venenosum, & cibum, sic ait: Porro in hoc potissimum dissidet nutrimentum, a medicamento venenoso. Hoc namque vim corporis vincit, illud vero ab hoc vincitur. Minime igitur potest conueniens animali nutrimentum esse, quod ab his, quæ sunt in corpore qualitatibus non vincitur: vinci enim nil aliud est quàm alterari, adeo vt substantia illius, quod alterabile est, & pro nutritione animali conueniens est commode vincatur. Tercio quoque de morb. vulg. sect. 3. ægroto 4. asseruit, venenum etiam exiguum assumentes interire. Itaque veneno inquit epoto letale quidam postredie, quidam tertio die moriuntur qualitate, non copia mortem asferente. Primo quoque libro de semine cap. 16. in eandem sententiam inquit, Quia ratione minima etiam particula letalium venenorum, quæ deleteria appellant, vbi animalis corpus ingressa fuerit, totum momento corpus immutat, sibiq. simili ratione alterat, paucisq. interpositis verbis, huius rei modum declarans, ait: Non sane quod substantia ipsorum per totum penetret corpus. Nec enim potest tam paucus succus, tam breui tempore corporis interdum maximam molem replere, sed qualitatis diffusionem, qualis & extra nos, a solis fulgore in ambientem aerem, & in nobis tum a corde in arterias, tum a cerebro in nervos fieri conspiciamus. Hoc idem rursus confirmavit 3. de simpl. medic. cap. 19. inquit: At sunt venena, quæ tota substantia nobis contrariantur, proinde si vel minima eorum quantitas assumpta fuerit, omnino eam lædere necesse est: vt dryopteris, pitio campe, Tapia, & reliqua. Talia enim genere letalia sunt, non quantitate. Quibus consimilia legere licet 3. de simpl. med. cap. 22. Ceterum quæ nos contactu, aut per putredinem, aut erosionem interficiunt, humanæ naturæ deleteria existimantur, quæ non, vt frigida interdum, in pauca quantitate vincuntur, & nutrimentum animali redundant. Putrefactientia autem, & erodentia, etiam si in pauca quantitate sumantur, omnino tamen corrumpunt, & perimunt. Et clarius eodem

3. de simpl. medic. cap. 23. Atque putrefaciendi, erodendiq. facultatem habent: eam numquam nutrire certum est, genere enim talia humanæ naturæ aduersantur, quæ tamen aliquando præ minima quantitate innoxie corpus permeant, & cum excrementis excernuntur, quo loco de centesima parte drachmæ cantharidis exemplum affert, & eo magis, si cum bonis misceantur, a quibus eorum malitia franguntur. Cum autem sint hæc contrariæ auctoritates, ut melius quæ dicta, & dicenda sunt, intelligantur. Primo notandum erit, quid sit venenum, deinde quoruplex sit. Postremo quomodo cibo, & medicamento contrarium sit. Venenum itaque, ut est sententia Conciliatoris differentia. 178. est substantia humani corporis corruptiua, & destructiua, ut vero Hali. Venenum est humiditas aquosa, subtilis, horribilis qualitatis, vel est animalium subtile acutum, humanæ naturæ præcipue interemptiuum. In quibus definitionibus dictiones illas ponderandas esse arbitramur, proprie scilicet & præcipue, quæ ostendunt corpus nutriri veneno minime posse, & eo minus ei assuescere, præcipue si venena sint putrefaciencia, & erodentia: ista namque toto genere humanæ naturæ deleteria censentur. Secundo notandum, venenum duorum generum esse: alterum, quod qualitate manifesta humano generi noxium reperitur. Alterum vero, quod a tota forma, totoque genere deleterium existimatur: ut §. colliget. cap. 18. docuit Auerroes. Vnde falluntur iudicio meo asserentes, tam venenum, quod a qualitate manifesta agit, quàm ab occulta proprietate operatur, a tota forma, occultaq. proprietate omnia operari, toto namq. cælo simul ista distant: Videtur namque contradictio, aliquid operari a qualitate manifesta, & illud idem agere a forma specifica, & a proprietate. Alterum enim ipsorum superfluum apparebit præter id, quod agens a qualitate manifesta agit per qualitates materiales, agens autem a tota forma agit per qualitates spirituales. Rursus eadem operatio a diuersis, & interdum a contrariis causis fieret, Cuius rei, & si varia sunt exempla, & fere infinita, de scordeo in præsentiarum exemplum dare congruum videtur, quod in febribus putridis mali moris quotidie experimur ab occulta qualitate putredini venenoque obistere: propterea expellere febres, venenumque iugulare manifesta tamen qualitate, quia calidum est, febres adaugere, ipsasque accendere: Disident præterea, quia venena agentia a qualitate manifesta, nonnisi copia operantur, hæc autem sunt frigida tantum. Nam calida cum his, quæ a tota forma agunt connumerantur, putrefaciencia existunt, quæ omnia in minima etiam quantitate deuorata, vel icu communicata, hominem perdunt, ut 3. de simpl. med. cap. 19. & 22. & §. de simpl. medic. cap. 19. prout in quarto & quinto loco ab autoritate supra visum est. Hæc namque venena toto genere humanæ naturæ aduersantur, deleteriaque existunt, quibus nutriri natura minimeque assuescere potest. Notandum est tertio, tria quidem genera esse in hoc sublunari mundo, venenum scilicet, cibum, & medicamentum venenosum, cibis & substan-

tia, &

tia, & qualitate a calore naturali vincitur, & immutatur. Venenum vero nullo dictorum modorum alteratur: de his quæ a tota forma agunt, totoq; genere humanæ naturæ contraria sunt; potissimum intelligo. Medicina vero venenosa medio modo se habet: nam illius qualitates a naturali calore mutantur, minime autem substantia. Hiñ Arduinus lib. primo cap. 6. ponens discrimen inter cibum, & venenum ita scriptum reliquit: Opposito prorsus modo se habet venenum cibo respectu corporis nostri: Cibus enim, in quantum cibus, conuertitur ipsi substantiam corporis, tenendo vices dissolutæ partis, & assimilando se illi: venenum vero, in quantum venenum, nullatenus in corporis nostri substantiam conuertitur potest: quinimmo comode ei contrariatur, & hoc a forma specifica. Quam sententiam docuerat ante Galenus 3. de nat. facult. cap. 7. itaque ex his, quæ hucusque dicta sunt satis patere putamus, venenum cibo penitus contrarium esse: etenim venenum in aliti substantiam conuerti minime potest, & propterea nutrire aptum non est. Cibus e contra in substantiam aliti conuertitur, & deperditæ partis vices explet. Medio modo se habet medicina venenosa: eius enim qualitates omnino alterantur. De potentia namque ad actum operandi a naturali calore deducuntur. Substantia vero nullo prorsus modo immutatur: Hiñ eius qualitates ad actum deductas, vel per similitudinem, aut a tota forma noxium humorem expellere valet: propterea virtus expulsiuæ humorem noxium cum medicamento venenoso attrahente, quia eius substantiam immutationem valuit, extra corpus eiecit, atque expellit: vt 5. colliget cap. 1. docuit Auerroës. Verum enimvero, vt veritas ipsa magis elucescat, optimum fore putauit, rationes in medium afferre, quæ enixe detestantur veneno hominem nutrirî posse: & eo minus ei assuescere, atque demum si ei assuescat, nullo pacto propterea hominem venenosum effici.

Probatur nullo modo hominem veneno nutrirî posse.

Caput

XV.

SI quis nutriretur veneno; sequeretur venenum non esse venenum. Probatur sequela: quia vt ex Arduino, & Conciliatore ante diximus, venenum propriæ, præcipue, & quantum capit, homines interimere idoneum est: quod potissimum de veneno putrescente, & erodente verum est; hoc enim in parua etiam mole interficit: At: venena quorum actio proficiscitur a qualitate manifesta, quæ frigida tantum sunt, non nisi copia perdunt, vt docuit Galenus 3. de simpl. med. cap. 22. 23. primo de semine cap. 16. & 3. de morb. vulg. sect. 3. agrote 4. sequitur ergo hominem veneno, quod agit a tota forma, totoq; genere humanæ naturæ est inimicissimum, nullo modo nutrirî posse: nam id genus, vt dictum est, etiâ mole minima, mortem infert. Nec probanda est Guainerij interpretatio asserentis, corruptiuium, vel interemptiuium significare aptitudinem, non actum: frustra

enim est illa potentia, quæ non reducitur ad actum: sed de responsione Guainerij in explicatione secundi argumenti plura dicentur. Secundo est argumentum Auerrois in libro de Theriaca cap. 2. Si homo nutritur veneno, egreditur viam naturæ: ergo homo non nutritur veneno. Quæ ratio per definitionem Arduini, & Conciliatoris manifesta est: venenum enim proprie principaliter, & quantum vniuersa eius latitudo fert, humanæ naturæ contrarium est. Quare si homo nutritur veneno, esset homo, & non homo, quæ aperta est contradictio: sed ut hoc argumentum clarius intelligatur, examinanda sunt, quæ a Guainerio, & Gentili pro argumenti huius dissolutione tradita litteris sunt, ait Gentilis: Hominem veneno nutritum extra latitudinem humanæ complexionis, & naturæ, non existere, sed intra, & secundum extrema. Contra quam responsionem petitur, homo existens in extremo latitudinis humanæ speciei, vel est homo, vel non: non est negandum esse hominem: ergo totæ naturæ humanæ venenum non aduersatur, ergo homo nutritus veneno non egreditur viam naturæ: hoc autem repugnat Auerrois, & veritati. Nam illud extremum, vel est per abnegationem, vel per participationem: non est dicendum per abnegationem, quia tunc sequeretur, quod diximus, esse hominem, & non esse: ergo sequitur esse extremum per participationem, ut denique homo positus in extremo latitudinis humanæ naturæ sit homo: Sed homo nutritus veneno egreditur viam naturæ: ergo homo positus in extremo latitudinis humanæ naturæ veneno nutriri nequaquam poterit. Nec valet iudicio meo responsio Gentilis, quam retulit Guainerius eodem libro de venenis cap. 4. videlicet: Sicut datur venenum agens a tota substantia per quartum gradum: eodem modo datur venenum agens a qualitate manifesta per quartum gradum, qui quartus gradus tam vnus, quam alterius de sententia ipsius, magnam latitudinem habet, quare sit argumentum: Sicut non repugnat hominem, posse nutriri veneno agente a qualitate manifesta penes quartum gradum complexionis, quam possidet, & huiusmodi veneno assuescere, ipso tamen remanente in latitudine humanæ complexionis. Ita etiam poterit nutriri veneno a tota substantia existente in quarto gradu ipso stante homine in latitudine humanæ complexionis: sed quæ in hac argumentatione sumitur similitudo, maxime claudicare videtur: Nam venena agentia a qualitate manifesta, non nisi molis amplitudine enecant: propterea homo a minima portione inchoando, eam vincere, ea nutriri, necnon veneno maiori etiam copia sumpto successiue assuescere facile poterit. Quæ manifestæ qualitates, quia materiales, & corporeæ sunt, difficilius corpus permeant: Secus vero putandum est de venenis a tota substantia actiones suas perficientibus: Quæ cum per spirituales qualitates operentur, etiam in minima portione sumpta sumentes interimunt, ut paulo ante Galeni auctoritatibus expositum est. Sed diceret fortasse aliquis posse tam paruum portunculam veneni agentis a tota substantia initio assumere ut quemadmodum de ve-

neno

veno agente a qualitate manifesta supra dictum est, eo nutriatur homo, & ei demum assuescat. Sed huic respondet Gal. 3. de simplici. med. cap. 23. his verbis: Minima quantitas veneni a tota, vt aiunt, forma operantis, innoxie corpus permeat, & cum excrementis excernitur: Ecce quo modo veneni a tota substantia, minima etiam quantitas non nutrit, & propterea ei assuescere nemini datur. Minima namque ipsius quantitas, cum excrementis eijcitur, et a maiori homo interimitur: Verum enimvero, quia Guainerio non fecit satis solutio Gentilis ad nodum Auerrois extricandum, commentus ipse etiam est aliam solutionem, posse scilicet, dari aliquod venenum toti humanæ naturæ contrarium, alicui tamen indiuiduo ob proprietatem indiuidualem, vt vocant, venenum non esse: quoniam proprietas illa indiuidualis aliquam habet conuenientiam cum veneno, per quam veneno illo nutriri potest. Sed hæc solutio, vt est imaginaria, ita non soluit Auerrois difficultatem: quod autem sit imaginaria patet ex hoc, nam illud in indiuiduum, vel egreditur viam naturæ, vel non: si dicat non, quia ei est cibum, tunc insurgit ista difficultas: nam sequeretur venenum toti naturæ humanæ propriæ, & præcipue non repugnare, namque ad destructionem alicuius vniuersalis sufficit si in vno particulari non reperiatur: potius itaque ad hunc sensum proprietas indiuidualis accipienda erit: Gradum, scilicet, complexionis istius indiuidui, sic esse proprium, & signatum, vt gradui complexionis signato alterius indiuidui adaptari nullo modo queat. Quamobrem pro maiori dictorum explicatione, comestibilium exemplo vtetur: videlicet aliquis ob proprietatem indiuidualem non comedit, nec bibit hoc, vel illud comestibile, vel non bibit potabile: nec propterea dicemus ipsum non comedere hoc, vel illud, quia sibi venenum existat: sed magis & melius, quia inter complexionem particularem illius indiuidui, & cibi assumendi talis conuenientia, & sympathia non reperitur, vt cibum sibi esse possit: quinimmo ob dissimilitudinem, & antipathiam natura ipsum nauseat, & abhorret. Ceterum si inter cibum, & eum a quo sumitur aliquando datur, vt omnimoda conuenientia non reperiatur: quis inter venenum, & indiuiduum tantam adesse dissimilitudinem non putet, quæ etiam doceat eo nutriri hominem, hunc minime valere? humanæ namque naturæ, vt cibum comune non est: Quinimmo propriæ, præcipue, & penes omnem eius latitudinem, vt dictum est, ei aduersatur: Quare poterit formari ratio a minori ad maius affirmatiue sic: Si de quo minus videtur inesse, & inest: ergo, & de quo magis: sed minus videtur inesse, vt inter cibum, & hominem sit aliqua inimicitia, & tamen inter ipsos interdum ea reperitur, ergo a maiori, magis inimicum venenum erit, & propterea eo nutriri eiq. assuescere nequaquam poterit. Vnde dato quod aliquod indiuiduum veneno nutriatur, cum ex probatis cibis ei minime esse possit, statim surgit ratio Auerrois, scilicet indiuiduum illud egredi viam naturæ. Ergo quod dicit Guainerius, venenum nempe aduersari toti humanæ naturæ,

huic tamen indiuiduo ob proprietatem indiuidualem cibum esse posse ex probatis manifeste falsum existimamus. Et ut ad viuum, ut dici solet, veritatem hanc inquiramus, quid sit proprietas, videndum erit. Quæ per Auerroem §. colligitur cap. 24. nil aliud est, quam operatio per se inuenta in mixtis corporibus ob proportionem mensurarum elementorum, quam habet vnum ens cum altero, quæ mensura per modum arbitrij comprehendi non potest. Quare cum nulla adsit proportio inter venenum, & humanam naturam, quoniam secundum extremam sui latitudinem ei contrarium est, sequitur in tota specie humana aliquod indiuiduum reperiri non posse, quod veneno nutriri queat, & hæc pro corroboracione rationis Auerrois. Si quis nutritur veneno, venenosus efficitur: Sed quis venenosus est, mores ut habeat venenosos oportet: Ergo qui nutritur veneno mores habere venenosos necesse est. Maior patet auctoritate Galeni, & Conciliatoris, & ab Aduersarijs admittitur. Minorem probat Galenus in lib. quod animi mores temperaturam sequuntur cap. 3. 4. & 5. potissimum tamen capitibus 6. 7. & 8. similiter §. de loc. aff. cap. 6. exemplo canis rabidi, qui venenosus effectus, mores similiter venenosos acquirit: sanitate enim fruens Dominum suum lambebat voce, auribus, cauda, blanditijs similiter multis obsequium sibi præstabat, amoremque incredibilem demonstrabat: At venenosus effectus Dominum suum non cognoscit, quinimmo beneficiorum immemor ipsum mordet, & interimit, præter id, quod sui oblitus non comedit, nec bibit, mortemque sibi ipsi a seiscit: Hoc autem quia aliquid, quod acquisito veneno correspondeat in se non habet, ut Vipera, Buxus, Scorpio, & cetera talia, quæ a natura facta sunt venenosa, quibus omnibus aliquid datum est, quod veneno repugnat, & opponitur: Quamobrem viuere etiam possunt. Alioquin si nihil nisi virus essent, viuere profecto minime valerent, quod supra lib. 2. cap. 49. abunde demonstraui. Ratio itaque superius proposita efficax est. Si quis nutritur veneno, venenosus efficitur: qui venenosus efficitur, mores, ut habeat venenosos necessarium est: sed qui habet mores venenosos sociabilis non est: ergo hominem nutriri veneno est impossibile. Arguitur quarto sic: Inter nutriendum & nutrimentum debet esse convenientia, & similitudo: sed inter venenum agens a tota substantia, & hominem, nulla prorsus reperitur convenientia, & similitudo: ergo homo nutriti veneno a tota substantia nullo modo potest: Maior patet ex Alberto Magno. lib. 7. de animal. tract. 3. cap. 24. quo loco, digressionem facta, declarat vnumquodque animalium convenientiam sibi cibum venari. Adde quod, ut ait Arist. 2. de anima, ex quibus constamus, ex eisdem nutrimur: unde cum non simus venenosi, veneno nutriri minime possumus. Minor patet ex Arduino, libro primo cap. 16. dum ait: Opposito prorsus modo se habet venenum cibo respectu corporis nostri. Cibus enim in quantum cibus conuertitur in substantiam aliti, tenendo vices dissoluta partis, & illius induens similitudinem: venenum vero quatenus

quatenus venenum nullatenus in corporis nostri substantiam conuerti potest, quinimmo: & ei valde aduerfatur, & hoc a forma specifica, siue a proprietate oeculta: Sequitur ergo cum inter venenum, & cibum: inter venenum, & ipsum hominem, nulla prorsus reperiatur conuenientia, veneno nutriri hominem minime posse. Quinto arguitur, si vquam puella extitisset, quæ veneno serpentum nutriri potuisset, & propterea effecta esset venenosa, vt Principes inimicos interficeret. Vtique Principes posteriores alias veneno serpentum nutrissent, vt venenosa illarum consuetudo suos inimicos interficere potuisset: sed a faculo non est auditum, vt veneno serpentum altera nutrita puella sit, nisi supradicta: ergo res imaginaria & futilis. Sexta, & vltima ratio, & si puella fuisset vquam veneno nutrita, non propterea reddita esset venenosa: patet sequela, quia vel assumptum venenum calorem vicisset naturalem, vel ab eo victum esset venenum: Si calorem naturalem vicisset, ipsam puellam perdidisset: si victum esset venenum, iam amplius non extitisset venenum, & ideo puellam venenosam reddere minime potuisset, quia venenum quatenus venenum est, proprie, ac præcipue, vt supra visum est, humanam naturam oppugnat, & interimit: Quare si vincitur, & corpori nutrimentum efficitur, a natura veneni expoliatur, omne enim, quod nutrit, quatenus simile nutrire idoneum est. Vnde cum nutritum non sit venenosum, per coctiones euictum, a calore naturali venenum, omni vi venenosa expoliabitur, vt nutrito simile reddatur, & idoneum illi nutrimentum efficiatur. Concludendum itaque arbitramur, hominem veneno nutriri nullo modo posse, cum ab eo venenum non vincatur, vt 3. de natur. facult. cap. 7. docuit Galenus; & eo minus corpus illius effici posse venenosum. Nec verum est iudicio meo quod opponitur a Guainerio, dum ait: Quemadmodum fit corpus theriacale, eodem modo fieri posse corpus venenosum, corpus namque theriacale effici poterit vsu theriacæ, mithridati, lapidis Bezahar, & consimilium, quæ etiam, a sanis, sano modo sumpta, nullam molestiam corporibus inferunt. Quinimmo ipsa corpora contemperant, per quam temperiem id operantur, vt venenis obsistant, ea vincant, & expellant. Hinc Galenus in libro de Theriaca ad Pisonem cap. 16. de viribus theriacæ loquens, sic ait: Theriaca optimam quandam temperaturam corporibus procurat, & in eis bonam valetudinem conferuat. De Mithridatio rursus eodem libro, & capite, ita scriptum reliquit: Nam & Mithridatem illum bellatorem magnum ferunt, non assumpta Theriaca, quæ nondum erat, sed mithridatica antidoto, ab eius nomine sic nuncupata, non potuisse sumpto veneno mori, reddensque facti rationem subdit: Quoniam illius membra sic temperauerat, vt a re noxia pati non posset. Ex dictis itaque colligitur, membrorum impassibilitatem ab eorum temperie oriri. Quare si Guainerius, & sectatores per corpus theriacale corpus temperatum intelligunt, nulla profecto inter nos lis est: Verum si theriacale putant, quod a tota substantia veneno obsistat, omnino falluntur, Theriacale enim corpus per Gale-

sum temperatum sonat. At venenosum, si daretur, penitus a temperie alienum esset, quare uiuere minime valeret. Adde quod si corpus fieret yenenosum, potissimum fieret a veneno agente, a tota substantia: sed hoc vt supra probatum abunde credimus, proprie, præcipueq. humanæ naturæ sic aduersatur, vt etiam quantitate exigua deuoratum, vel exhibitum male hominem perdat: quare corpus humanum dictis venenis nutriri nullo modo poterit: & propterea venenosum minime reddetur.

Fit satis auctoritatibus, qua probare videntur veneno homines nutriri posse. Cap. XVI.

HIS explicatis rationibus, reliquum est vt auctoritatibus, quæ probare videntur homines veneno nutriri posse, satisficiamus. Prima auctoritas nitebatur dictis Aristotelis de secretis secretorum ad Alexandrum Magnum: Quare respondentes, negamus librum illum esse Aristotelis, quoniam Diogenes Laertius, Simplicius, Alexander Aphrodisæus, Plutarchus Atheneus, & ceteri plurimi, qui libros Aristotelis numerarunt diligentissime, huius libri nullam prorsus mentionem fecerunt, præter id, quod phrasis illa, nulla re est similis phrasi primi Magistri: præterea omni ordine caret, qua in re mirum in modum Aristoteles laborauit, sæpeq. ordinem miris laudibus extulit: Quiuus igitur vel leuissime exercitatus facile dignoscet dictum librum Aristotelis non esse. Ad hæc, artem magicam Aristoteles nullibi est professus. Demum vir magnus, qui nihil vmquam dixit sine forti ratione, numquam profecto affirmasset veneno serpentum agente a tota forma, totoq. genere humanæ naturæ contrariæ puellam nutriri potuisse, cum in minima etiam portiuncula id veneni genus ore sumptum, vel morsu communicatum hominem iugulet: vt sæpe dictum est. Concludendum igitur existimamus, dictæ puellæ historiam rem omnino fuisse imaginariam, & fabulosam, vt in quinto argumento probatum est. Nec certe possum non mirari Albertum Magnum, & Aui-cennam, viros adeo celebres, similiter & Guainerium Russi auctoritati subscripsisse: Nam eo sumpto, quod aliquis possit nutriri veneno, non propterea venenosus efficitur, etenim vt venenum nutriat aliquem, non debet calorem vincere naturalem, sed ab eo vinci, consimilisq. nutritio effici, vt dissoluta partis vices expleat: Sed nutritum non est venenosum: Ergo nutrimentum, a veneno expoliari necessarium erit, ergo nutritum venenosum minime efficietur. Sed posset obijci nobis auctoritas Auerrois, 5. colliget cap. 24. vbi legitur venenum vni speciei, posse esse cibum alteri speciei: exemplo coturnicis, & zaratri, siue sturni: Propterea dicit coturnices nutriri elleboro, & sturnos napello, etsi elleborus, & napellus pluribus alijs speciebus venenum existant. Sed hic notandum censemus, elleborum non magis huic coturnici, quam alteri similiter: & napellum non magis huic zaratro, quam alteri cibum esse, sed aque

sed æque totam speciem sturnorum, & coturnicum elleboro, & napello nutriri. Nec proprietas indiuidualis est causa, vt alteri sit cibus, & alteri venenum: a pari etiam dicemus, quod est venenum toti speciei humanæ, idem ob proprietatem indiuidualem alicui indiuiduo cibum minime esse: sed quidem dicimus, venenum toti speciei, esse similiter venenum alicui indiuiduo illius speciei, & magis vni, quàm alteri, ob proprietatem indiuidualem, propterea citius interimi vnum, quàm alterum: verum numquam reperiri, vt aliquod indiuiduum veneno magis nutriatur, quàm alterum. Præterea etsi aliquod indiuiduum ob proprietatem indiuidualem veneno nutrireretur, non propterea venenosum efficeretur. Nam coturnices, & sturni a pastu venenorum non efficiuntur venenosi: Vti nec Gallinæ a pastu scorpionum. Ex dictis igitur patere putamus, quod venenum toti speciei humanæ, alicui indiuiduo cibus esse non potest, quod si cibus esset, non propterea fore, vt venenosus efficeretur, & hæc ad primam auctoritatem. Secunda erat auctoritas diui Augustini de Atheniensi Anus, quæ veneno assueuerat: Dicimus, vt concedit etiam Galenus, veneno frigido aliquem nutriri posse, nempe cicuta, propterea. 3. de simpl. med. cap. 18. postquam lactuca homines nutriri posse affirmavit, cuius succus si largius sumatur ipsum interimit. De cicuta loquens, exemplo celeberrimi Anus Atheniensis, cicuta hominem nutriri posse his verbis demonstravit: Id quod Anus Atheniensis experimento docuit, cuius apud omnes percelebris memoria est: Etenim ab exigua cicutæ portione auspicata, nullo detrimento ad pergrandem progressa est, principio enim paruum exiguitate ipsa deuictum est, quod postea naturale reddidit, quæ ascititia quædam natura existit. Vbi notandum, quod non napello, vt dixit Auicennas; sed cicutæ assuevit: frigidis enim venenis assuescere homo potest. At agentibus a tota forma venenis, vt napello, secus est. Vnde cum cicuta Rei, & facinorosi Athenis necarentur, mirum alicui esse non debet, si cicuta facinorosa Anus interimi nequaquâ potuit, ei namque assueuerat. Quod autem facinorosi Athenis cicuta diem suum obirent, præter id, quod dixit Plato in Phedone per Socratem: Iuuenalis satyra septima sic inquit, confirmavit:

—Hunc inopem vidistis Athena

Nil præter gelidas ausa conferre cicutas:

Et satyr. 13.

Qui partem acceptæ senu inter vincla cicutæ,

vbi Ioannes Britanicus citat Plinium affirmantem cicutam esse publicam Atheniensium poenam. Ceterum eandem facinorosam anum, a Diuo Augustino, & a Galeno nominatam omnino credimus: Sed quidquid sit, nutriri veneno frigido, eiq. assuescere posse Galenus docuit.

Ad tertiam Theophrasti auctoritatem, nempe aliquem assumpsisse viginti duas ellebori portiones, & non fuisse purgatum: dicimus, vel elleborum in regione illa non habuisse partem expurgatoriam, & vim deiectionariam, vel non fuisse exhibitum copia debita, vel denique aliquid sumpsisse prius, quod eius purga-

purgatoriam qualitatem fregisset, vt punicę scilicet aceto cōsperfam, quod eo loco refert Theophrastus, & propterea nō mouisse corpus, sed cum excrementis fuisse deiectum: Nec mireris quāso me dixisse elleborum in ea regione fortasse vi purgandi caruisse, cum regiones non parum possint ad reum, maxime plantarum vires immutandas. Vt de Perfide memorię proditum est a Galeno. 2. de comp. medicam. local. vbi de Cephalex curatione agens inquit: Insula Alexandria Perfex arborem vidi: at non in alia Romanis subdita gente. Quidam person ipsam appellant, aiuntq. in Perfis letalem eius arboris fructum esse, vt edentes interimat, cum tamen is in Aegyptiorum regione innocuus existat, idem quoque 2. de aliment. facultatibus confirmauit. Quamobrem dicere ausim elleborum illius regionis purgatoriam facultatem non habuisse, atque cum excrementis eiectionem esse, quod etiam fieri in venenis parua mole exhibitis docuit Galenus. 3. de simpl. med. cap. 23. Quid itaque mirum, si in medicina, ratione loci parum venenosa, & portione non debita exhibita idem acciderit? quod scilicet non mouerit corpus, & cum excrementis fuerit eiecta? Ad quartam auctoritatem, quę erat Plinij dicimus. Mithridatem minime venenum assumplisse ante Mithridaticam compositionem, vt veneno assuesceret: sed vsu Mithridati adeo corpus suum temperasse, vt a re noxia pati non posset: quod docuit Galenus, in libro de Theriaca adeo Pisonem cap. 16. vt supra in confirmatione sextę rationis aperte probatum est: propterea Mithridatem veneno minime assuesuisse affirmamus: verum a sumptione dicti antidoti adeo corpus suum temperasse, vt a veneno lædi minime potuerit. Nam rationi congruum minime videtur, Mithridatem maximum suę ætate Regum omnium ante se genitorum diligentissimum vitę, quod argumento, vt verbis Plinij vtat, præterquam fama intelligitur, adeo satuum fuisse, vt veneno cuperet assuescere, postremo vero mori veneno tentasse. Adde, quod etsi vni veneno assueuisset, non propterea ab alio quouis tutus fuisset: Quare magis consonum rationi videtur assumptione Mithridati corpus suum, vt diximus, ita temperasse, vt a renoxia, quemadmodum docuit Galenus, pati minime posset: propterea veneni assumptione mortem sibi ipsi impartiri non potuisse. Ad quintam auctoritatem, & vltimam, quę est Alberti Magni de conestione aranearum a puella trium annorum. Dicimus, quod idem Albertus, lib. 7. de natura animalium tract. 2. cap. 1. asseruit pro varietate locorum, animalia etiā variari, exemplo vsus scorpionis, quem in Asia; & in quampluribus etiā locis non esse valde venenosum affirmauit; ergo dicemus & nos, araneas illius regionis, venenosas non fuisse, propterea mirum non esse puellam repertam, quę ipsis vesceretur: & si hoc etiā non caret suspitione, nam pessimum excrementum generant, vnde febres putridę similiter, & pestilentes originem trahere facile queunt, vt Gal. primo, de differ. febrium. cap. 3. asseruit: ibi enim inter febrium causas recenset aerem, mordacemq. superfluitatem, quę superfluitas a quibus oritur

oriatur, sequenti sermone declarauit: Acris autem, & mordax defluit ijs superfluitas, qui aut natura vitiosos habent humores, aut prauis cibarijs vtuntur. Et subdit: Voco autem praua cibaria ea, quibus hoc est a natura insitum, sicut allia, cæpas, nasturtia, porros, braslicas, ocima, vrticas, & quæ apud nos lampſanas vocant: quæ etiam per reiteratas coctiones ad benignum adeo reduci non possunt, vt ex eis acquisitum nutrimentum labem acedinis non retineat: quanto itaque magis dicere poterimus, araneas, alijs omiſſis venenis, per coctiones etiã reiteratas prauitate omnino non expoliari: vt inde febres varias, interdum pestem, gignere valeant? Concludendum igitur ex dictis putamus, hominem veneno nutriri minime posse, sed nec ijs etiam nutriri debere, quæ acres, mordacesq. humores gignere consueverunt: quoniam febres, & pestis ab ipsis originem ducere solent.

De cibi offerendi ratione.

Caput XVII.

ET si supra libro secundo de victu eo, qui pro cautione sanis debebatur, satis abunde a nobis dictum est: cum tamen tam ægris pro sanatione, quàm sanis pro cautione congrua victus ratio necessaria videatur: sine ea enim nullus apprime morbus curari potest, vt doctè Galenus in libro de vsu Theriacæ ad Pamphilianum his verbis demonstrauit: Nullum enim tam efficax remedium medicina habet, quod solitum auxilium afferre queat, si ei victus vel resistat, vel non adiuuet: hinc de victu ab ægris seruando in præſenti capite agemus. In quo præſcribendo tria potissimum respicere oportet, quæ, & qualia danda sint primo: secundo, modum, & apparatus: tertio tempus, & copiam. De copia, & tempore primo dicamus: In quibus recta victus ratio constitui certe non potest, nisi a tempore, morbo, & a viribus ægrotantis indicationes sumantur, vt prima aphoris. 17. docuit Hippocrates. Igitur propter morbum de quo agimus, cum in eo multa, & continua virium fiat resolutio, quia vitales spiritus a pestilentibus, & venenatis enecantur, multa etiam, & continua eorumdem reparatione, restaurationeq. indigemus, & sæpe, ac parum cibi offerendum est: Sæpe ob vitalium spirituum cõtinuum interitum: Parum vero, quia virtus reddita imbecillis, multum conquire non valebit. Maxime si anni tempus, ætas, & ægri temperies id requirat, vt si æstas sit, ægër iuuenis, & biliosa temperatura constet, multam fieri resolutionem, etiam in alio morbi genere his conuenientibus manifestissimum est. Sed inspicienda est etiam regio, consuetudo, & alia adiacentia: a quibus an multum & sæpe, vel multum & raro, similiter parum & sæpe, aut parû & raro nutrire expediat, indicari solet: vt prima aphor. 17. docuit Hippocrates. Dictis igitur de causis nisi sit, quod impediatur, parum & sæpe nutrire opportunissimum erit. Vt Ficinus tractatu proprio cap. 20. de mente Rasis, & Auicennæ confirmauit. Montanus vero in explana-

tione dicti decimiseptimi aphorismi, non solum parum & sæpe, sed tribus, quattuor, & quinque vicibus vna & eadem hora exhibet, quod non absque admiratione perlegi. Sed iam de cibis ipsis dicendum est, qui debent multum nutrire, superfluitatibus carere, & facile cōcoqui, cuiusmodi narrantur a Marsilio Ficino: Pulli gallinacei, Capi, & eorum pullæ magis, a quorum iure adæquari humores posse arbitrantur: eiusdem modi sunt perdices, phasiani, ova sorbilia, item quæ ex hordeo, & auenâ ex Philonij decreto parantur. Debent præterea frigefaciendi vim habere, præter id, quod ipsi frigidi exhibiti sæpe conducunt. Alijs probantur magis elixa, alijs assa. Ficinus Hippocrati inhærens, qui prima aphor. 17. victum humidum febricitatibus omnibus competere asseruit, elixa magis probauit: e contra Alexander Benedictus tractatu proprio cap. 14. assa magis laudare videtur. Nos autem, & assa, & elixa probamus: prout magis ab ægrotantibus expetuntur, sapidioraq. existimantur. Iuxta illud Hippocratis 2. aphor. 38. parum deterior cibus, aut potus, suauior tamen, melioribus quidem, & minus suauibus præferendus. Maxime autem, quia in hoc immanissimo morbo appetitus ita deiicitur, vt ad sumendum cibum cogere ægros oporteat. Ita dixit Auicennas prima 4. tract. proprio, & Rasis in lib. 10. diuisionum capite 16. vbi habent, quod qui viriliter agunt, & comedunt, vt plurimum euadunt. Quare pro ægri delectu, & desiderio varijs lautitijs, & varijs saporibus, & odoramentis appetitus suscitandus, & conciliandus erit. Ex quibus, modus, & apparatus ciborum innovescet: cuius gratia acetosa omnia commendantur, vt 2. lib. affluenter docuimus. Erunt autem huiusmodi, acor citri, limonum, oxalis, & reliquæ: cum quibus iuscula contusa vocata, & consumpta, sortita, & stillati ex carnibus liquores, alterari poterunt, quod Auicennas prima 4. tract. 4. cap. 4. sequentibus verbis confirmavit: Eorum cibi ex acetosis, & deficcatiuis esse debent. Sed ab re non est, rem exemplis illustrare. Fiet igitur Sortitum hoc modo:

Recipe coxæ, veruecis, seu arietis, seu vituli lib. 10. vel quantum vis:

Ceraforum acidorum. vnc. iij.

Coriandorum præpar. vnc. sem. vel vnc. j.

Foliorum acetosæ. man. 1.

Acoris citri. vnc. 1.

Coxa prius media parte aperiatur, & dictis rebus impleatur: verum deinde traiecta assetur, sed non integre, tum in frusta redigatur, quæ in torculari posita exprimantur: quod enim exit, sortitum appellauit, quod cum puluere cap. ij. descripto alterari poterit, qui recipit margaritas, corallia, & cet. Mixto igitur eo pulnere, & dempta pinguedine propinetur. Nunc stillatitij carniū liquoris exemplum ponam:

Recipe capi. num. 1.

Acetosæ

Acetosa.	}	ana. man. ij.
Borag.		
Pimpinellę.		
Cicerbitę.		
Micę panis.	lib. i.	
Sacchari rosati.	}	ana. lib. sem.
Boraginati.		
S. Acetosa.	}	ana. drag. i. semis.
Citri.		
Portulacę.		
Coriandorum præparat.		
Cornu cerui præparat.	}	
Sandalorum rub.		
		drag. ij.

Fiat ex herbis stratum, capus donec optime despumetur, elixetur, & in frusta redactus, cum alijs rebus in stillatorio vase ponatur, & in balneo, vt vocant Marię, omnia distillentur, & liquor in vase clauso diligenter vsui seruetur, hæc aqua carnis est, quę etiam sequenti ordine paratur:

Recipe Pulpę capi. lib. i.

Ponatur in matula optime clausa, & in balneo Marię sex horas bulliat: nam in fundo matulę aquam inuenies, quę præter id, quodd multum nutrit, gustui valde iucunda est. Non desunt qui carnem in linteo raro ligent, & in matula suspendant: vt fundum non tangat, & eodem loco bullire permittunt, & aquam in fundo vasis collectam, dempta pinguedine, ægro exhibent: qui modus melior existimatur, sicuti & eorum, qui filo serico carnem perforant, & in matula suspendunt: Consumptum quoque eodem pertinet: Qui omnes liquores cum pulueribus supradictis, vel cum acetosis mixti, magis salutares habentur. Quę vero nos vocamus fercula, ad ægrorum vsum varia sunt: sed in primis panis intritus, panis ex iure pullę, iusculum similiter vocatum brodetum probantur: item cucurbita, far præter auenam, & hordeum, necnon & contusum summo opere commendatur. Hora autem idonea cibi offerendi est, cum morbus remittit: quodd si nulla quies dabitur, hora, qua sanus cibum sumere consuevit eligenda erit: hac tamen ratione, vt cibis ante sumptus prius concoquatur, quàm alter exhibeatur. In fine vero prandij, & cenę, pira, & vocata pira cotona, vti malum dictum apium, & roseum assata: similiter coriandrum præparatum cum paucis saccharo conceduntur: reliqua ex lib. 2. studiosi petere poterunt, quę loca alternatim legi debent: Hęc de cibis. Dicamus de potu.

De potu.

Caput XV I I I.

POTVS ex vino granatorum, acido simplici, acore citri, acetosa in aqua cocta, vel aqua hordei: necnon in qua aurum ignitum pluries

extinctum sit, summopere commendatur. Non desunt, qui chalibeatam aquam bibendam imperent. Nos non vulgaris fructus longo usu sequentem comperimus videlicet:

Recipe S. acetosæ.

Citri.

Portulacæ.

Plantaginis.

Cornu cerui præparati.

Terræ lemnæ.

ana. drag. ij.

Coriandorum præparat. vnc. j.

Omnia crasso modo conterantur, in linteo raro ligentur, & sacculus fiat, qui in aqua bulliat, qua liquores dicti misceantur, & contemperentur. Sequens etiam potus mirifice laudatur:

Recipe acetosi simp. vnc. iiij.

Aceti rosati. vnc. j.

Aquæ communis. libr. vj.

Bulliant ad consumptionem libræ. Quod si dulciorem æger cuperet, acetosi simp. maiorem copiam misceto: si vero acidiores, aceti portionem addito. Sunt qui vinum granatorum cum iuleb violato, vel rosato mixtum, ut vini fortitudo frangatur, exhibent. Quæ omnia si loco aquæ communis, cum aqua boraginis, acetosæ, pimpinellæ, cicerbitæ, & similibus diluerentur, validius prodesse possent. Ceterum si ratione virium vinum dare necessarium erit, illud album, vel cissolum vocatum, odorum, clarum, cum supradictis aquis bene mixtum, detur: Vnde Rasis lib. 4. cap. 25. sic habet: Auino, nisi multa aqua frigida temperatum fuerit, cauendum: quo tempore etiam aquam carnis, pro potu dare expediet. Qui potus sit largus, ne maius incendium modicus pariat: Quamobrem non desunt, qui largiorem aquæ frigidæ potum commendant. Nos autem maxima cautione adhibita, & seruatis regulis 9. meth. cap. 5. exhibendam existimamus. Hæc hæcenus de cibo, & potu illorum, qui pestilentia laborant.

*De Symptomatum curatione, qua pestem comitari solent: & primo
syncopis curatur. Cap. XIX.*

CVM vero tria in vniuersum corpori præter naturam inesse dicantur Morbus, morbi causa, & symptoma, Galeni etiam decreto. 2. meth. cap. 3. causa quidem præcedere, symptoma vero morbum velut umbra corpus sequi consuevit. Hac de re, & de causa, & morbo cum hucusque egerimus, iam de symptomatum remotione dicere maxime congruum videtur. Verum enimvero, quia multa, & varia symptomata in peste conspiciuntur, non de omnibus, sed de potioribus, & frequentioribus pertractare nobis in animo est. Quæ sicuti in alijs acutis febribus,
ita &

ita & in hac, sed excellentiori modo, & maiori numero reperiuntur. Inter quæ hæc potissimum connumerantur. Syncope, dolor capitis, & grauitas, phrenesis, vigilæ immodicæ, somni profunditas, sitis in exhausta, linguæ scabritis, & nigredo, ventris fluxus, & dolor, appetitus deiectio, extremorum frigiditas, carbunculi, bubones pestilentes, exanthemata, variolæ, & morbilli. Nos non a capitis dolore, sed a syncope, quia terribilius accidens est, exordiemur: nec de omni syncope, sed de ea dumtaxat agemus, quæ vel a vitio, & coinquinato aere, aut a prauis, venenatisq. vaporibus, a putri materia ascendentibus, & vitales spiritus enecantibus prouenire consuevit. Quod symptoma tanti ponderis existit, cū in vitæ discrimine ægotantens ponat, vt ad se ipsum omnem fere medentis scopum, animūq. conuertat. Ceterum cum duplicem causam syncope habeat, extrinsecam scilicet, & intrinsecam: duplicem quoque curandi modum exposcit. Quorum vnus, aerem venenatum, alter vero infectos spiritus respicit. Et rursus vnus intrinseca, alter vero extrinseca medicamenta ministrat. De intrinsecis autem abunde satis supra disseruimus: modo de extrinsecis dicamus. Et primo aerem ipsum eo ordine, quem lib. & cap. 2. diximus, corrigemus: hoc vnum monentes, vt ad nouum aerem, & depuratum, nisi sit quod impediatur, mutatio sæpe fiat, paucissimūq. ex vitio trahatur, & ille quantum fieri potest maxime peregrinus existat, vt 2. de nat. humana nu. 16. docuit Hippocr. sensimq. eius alteratio, & correctio paretur. Nullo autem pacto sit fetidus, sed suavis, odorūq. vt ab ipso vitales spiritus recreentur. Ceterum quia ascendentes, a materia putri venenati vapores, vitales spiritus semper lædere, & interrimere tentant, ne id præstare valeant, accurate curandum erit, quod epithematibus cordialibus appellatis, præter cetera fieri perbelle poterit: epithema vero hoc modo paratur:

Recipe aquarum quattuor cord. ana. lib. 5.

Aquæ acetosæ. lib. 1.

Aceti Ros. vnc. 4.

Florum quattuor cord. ana. m. s.

Spec. cord. temp. vnc. 1. semis.

Camphoræ. } ana gran. 4.

Ambra.

Misce pro epithemate cord. quod cum panno coccineo appellato applicari debet, & hoc quanto citius fieri potest, ne a spiritibus venenatis, venenata qualitas cordi imprimatur: nam vbi in eo firmata est, nulla spes amplius remanet salutis. Quod initio etiam morbi, ante cuiusque medicamenti vsum fieri expediet: hoc enim corporis vires reficit, animi tristitiam tollit, lætum cor reddit, malos pestiferosq. vapores fugat, & vincit. Sed nonnulli frigidum, alij calidum, tertij tepidum applicant. Nos tepidum magis commendamus, a frigida enim pororum obstructio, & clausura: a calido vero æstus, & febris adauctio nasci posset, quorum neutrum a tepido

a tepido continget: vbi vero dicti panni septies, aut decies immutati erunt, tali linimento cor liniatur:

Recipe Vnguenti cordialis Guainerij. vnc. ij.

Vtatur frigido pro linimento cordis: sunt qui theriacam cum linimento dicto miscent, vt:

Recipe Vnguenti cordialis supradicti. vnc. i.

Theriace optimæ vnc. semis.

Misce, & vt dictum est vtaris. Nonnulli oleo Matthioli contra venenum appellato, vel Carauitæ, aut magni Ducis Hetruriæ, cor liniunt, & muniunt. Non desunt qui oleum de semine Citri commendant, quod efficax, vt multi dicunt, non inuenimus: fortasse quia rectus conficiendi modus non seruatur. Notandum est autem quod dictum epithema æstate magis, quàm hieme prodesse potest. In frigidioribus enim temporibus sequens erit vtilius:

Recipe Aquarum quattuor cordialium. ana lib. semis.

Aquæ melissæ.

E floribus aranciorum. } ana, vnc. 8.

Vini optimi. vnc. 5.

Spec. cordialium calidarum. vnc. i. semis.

Florum quattuor cord. ana man. semis.

Musci. } ana, gra. ij.

Ambre. }

Misce pro epithemate cordiali, quod aliquanto calidius applicetur, & vt dictum est, immutetur: ab epithemate vero sequenti linimento sæpe facto cor inungatur:

Recipe Vnguenti cordialis. } ana, vnc. i.

Theriace.

Misce pro linimento cordis.

Manardus vero cor, hepar, & testes liquore infra dicendo fouet.

Recipe aquæ ros. lib. 2.

Aceti ros. lib. semis.

Vini optimi. lib. i.

Pul. frigidi ab eo pro epithemate cordiali descripti. vnc. semis.

Misce pro epithemate dictarum partium, pannum in eo madefaciendo, & crebrius immutando. Quod, vt supra dictum est, tepidum imponatur pro cordis, & testium munimine. Pro hepate vero suo loco aliud epithema parabimus. Sed in syncope duo sunt spectanda tempora, quia præsentem acceffionem tollere oportet, futuram præcauere. Qui actu syncope capti sunt, magnis & altis vocibus vocentur, eorumq. facies odoratis præcipue aspergatur: extrema quoque Herculani etiam decreto quoad a syncope releuentur, arctissime ligentur. Ad futuram vero syncope præcauendam, victu superius descripto ægri nutriantur, spiritus restaurentur, & recreentur, cor roboretur. Quos omnes scopos præter

præter alia plurima, vinum præstat, quod non sine animaduerfione tri-
buendum est.

De dolore capitis.

Cap. XX.

VT capitis dolor tollatur, post idoneam humorum euacuationem, de-
rasis capillis, huiusmodi vnguento liniatur :

Recipe olei ros. vnc. 4.

Aceti ros. vnc. i. semis.

Misce, & eo caput in commissura coronali cum linteis æstate frigido,
hieme tepido linitatur, hoc facit Paulus lib. 2. cap. 44. per suturas enim
non tantum vis medicamenti, sed eiusdem substantia, si subtilis est, pene-
trare potest, vt 13. meth. cap. 22. docuit Galenus: nec timendum est, vt
aliqui dicunt, materiam in cerebro impingi, cum quæcumque sit illa, vel
calida, vel frigida, Gal. etiam decreto libri citati. cap. 21. a capite repel-
lenda sit. Vnde si validius medicamentum morbus exposceret, quod se-
quitur paretur:

Recipe ol. ros. omphacini.

Violati.

Aquæ ros.

Plantag.

Aceti ros.

} ana. vnc. ij.

Misce, & lintea liquore præscripto perfusa, sæpius commissuræ corō-
nali imponantur, quibus liquoribus si necesse fuerit tria sandalorum sim-
plicium pulvis, & mucilago psyllij, & succus semper vitus, & bursæ
pastoris addi poterunt: perseverante adhuc dolore, cataplasma ex veteri
polenta, & polygono, similiter ex pane, rosis, & pauco myrto, siue fer-
pyllo, Paulus lib. 2. cap. 44. parat, & applicat: quo pertinet etiam po-
lenta cum coriandro: Pulsatiles vero dolores ruta, & mētha cum pane
rosaceo adiecto, eiusdem Pauli testimonio discutit, atque tollit. Quod si
connumeratis remedijs dolor manum non dederit: cucurbitulæ scapulis,
& summo collo admoueantur, partesq. insuper extremæ vinciantur, &
manibus fricētur. Hyrudines præterea ano, naribus, & venis, quæ sunt post
aures, affigantur: lux valida vitetur, lædit enim visum, & membranas ad
motum sollicitat: vitanda est etiam a carbonibus, & lucernis, caliditas:
item iniucundi, & valde humidi odores, ex Aetij testimonio. Quibus si
dolor non cesserit hyoscyami folia virida, aut papaveris cum mica panis,
idem Aetius applicat: Ad quem quoque vsum intestina terræ trita parat,
& mirifice, celeriterq. prodesse affirmat. Animaduertendo, quod tem-
pore frigidiori, nisi calor excesserit, nonnulla calidiora admiscere tene-
mur, quæ succedente tempore cum materia pro maiori parte fluxerit, pro
eius quæ fluxit, & coniunctæ resolutione, calidorum quantitas augea-
tur, & frigidioribus misceatur, tandemq. calidiora solum eiusdem rei
causa

causa modo leuiora , aliquando validiora , pro temporis , morbi , ætatis patientis , temperatura , reliquorumq. opportunitate applicare debemus.

De capitis grauitate.

Cap. XXI.

Capitis grauitas , vt placuit Auicennæ prima quarti tractatu. 2. cap. 19. lactis emulsione , aut olei effusione embrocha , & caput purgio remoueri non debet : sed vaporationibus , & embrochis ex decocto camemeli , sursuris , violarum ros. rub. & similium , præcedentibus tamen euacuationibus curari commode poterit : Fient quoque vtiliter reuulsiones , diuersiones , & deriuationes capite superiori descriptæ , quo tempore acriora per clysteres intusa , & valentiores immisæ glandes , summpere commendantur . Grauitatem enim capitis , a multa materia crassa , vaporosaq. fieri certissimum est : ac pro eius remotione quattuor requiruntur scopi . Primus est materiam euacuationibus communibus , phlebotomia scilicet , & pharmacia , si expedire videbuntur , euacuare . Secundus est clysteribus , frictionibus , crurium lotionibus , cucurbitis , & similibus eandem diuertere . Tertius , residuum materiæ in capite contentæ ad os , & nares inuitare . Vltimus , postremas reliquias vaporationibus supradictis resoluere , & cerebri intemperiem auferre , cuius rei gratia ab Herculano rosa maxime laudatur .

De Phrenesi.

Cap. XXII.

PHRENSIS Galeno auctore libro 2. de simpt. caus. cap. 7. est cerebri , siue eius membranarum inflammatio , quæ a mordentibus , & calidis succis in cerebro exuberantibus oritur : etsi etiam a vaporibus calidis , mordacibusve ad cerebrum in febrium summo incremento ascendentibus excitari , & fieri potest : quæ reppercutientibus oxyrhodinis , de quibus actum est capite de dolore capitis ab initio curatur : præcipue tamen sectione venæ humerariæ , si vires constant , & purgatione , deinde reuulsione , cucurbitis in tibiæ parte carnosæ , & hyrudinibus anaffixis : item frictionibus , & vinculis , ac demum materiæ coniunctæ extirpatione , narib. hyruidines affigendo , & venam frontis incidendo : Sed & fotus , cum gallo , vel catulo , vel pipione , qui viuus scindatur , calensq. sincipiti , prius rasæ capillis imponatur vtilis sunt . Hæc autem temere , & indiscriminatim admoueri non debent : etenim vigente inflammatione , noxia reperirentur : quoniam illam adaugent , parq. ratio est si genus aliud fotus imponere maus cuiusmodi sit ex sequenti decocto . v. drag.

Recipe Chamemeli.

Ros. rub.

Betonicæ ,

Pulegij.

} ana. man. j.

S. Lini,

S. Lini

Fenugræci. } ana. vnc. j. semis.

Bulliant in s. q. aquæ s. ar. decocto spogniæ madesiant, & coronali futura calida applicentur, vel loco spogniæ pulmonibus castrati, vel arietis vitor: Interea vero quæ repellendi gratia initio adhiberi solent, præter illa, quæ in capite de dolore capitis sunt enumerata, quod sequitur mirifice prodesse poterit:

Recipe aquæ hordei. lib. ij.

Violarum. man. j.

Cort. papaueris albi. vnc. j.

Radiciſ mandragoræ. } ana. vnc. ʒ.

Succi lactuæ.

Coquantur s. ar. colentur, & exprimantur, expressoq. adde:

Ol. violati. } ana. vnc. iij.

Rosati.

Acet. vnc. ij.

Misce pro oxyrhodino, quod erit etiam ad vigilias vtilissimum: immo si vigilia agrum non exerceat, non est temere adhibendum, ne phrenesi succedat, subeth, & letarghus, ob spirituum, & materiæ crassæ factionem. Immo in catarrho, & capitis grauitate ex Auicennæ auctoritate prima quarti tract. 2. cap. 10. oxyrhodina applicari non debent, ne percussa materia pectus petens præfocacionem pariat, aut grauitas, a vaporum, & materiæ crassæ factione augeatur, & apostema oriatur.

*De Vigiljs.**Cap. XXXIII.*

VB I vigilie modum superant, crura, manusq. vincere hora maxime somni consueta, genasq. aperire ad defatigationem vsque, & claudere, Pauli decreto lib. 2. cap. 42. præcipimus, extemploq. vinculis solutis, lucernaq. sublata altum silentium mandamus: Quibus si vigilie non cesserint facies ex caputum papaueris, & anethi decocto in accessione remissione abluenda erit: odoramentum quoque commendatur ab Aetio, lib. j. secundæ tetrabilis cap. 116. quod hoc modo paratur:

Recipe Papaueris albi calycum tostorum. } ana. vnc. semis.

Cort. radiciſ mandragoræ.

Terantur, & ex vino, & aqua rosacea an. q. s. bulliant, spogniamq. eo decocto imbutam naribus admoueto: vnguento etiam somnifero sequenti ordine vitor:

Recipe Vnguenti populeonis. vnc. j.

Oppij gr. vj.

Misce, & ex eo vngantur tempora, nares, volæ manuum, & pedum hora somni: lotiones quoque ex sequenti materia summo opere laudantur.

Y

Recipe

Recipe foliorum vitis. } ana, man. iiii.
 Salicis.

Violarum. } ana, man. ij.
 Lactucæ.

Capitum papaueris albi. vnc. j. semis.

Radicum mandragoræ. vnc. semis.

Chamemeli. } ana, man. j. semis.
 Aneti.

Bulliant in s. q. aquæ, & lauentur a cubitis ad manus, & a genibus ad pedes calide hora somni. Præterea syrupus de papauere cum aqua lactucæ, & violarum communiter in vsu est, accipiunt enim :

Sy. de papauere. vnc. j. semis. vel ij.

Aquæ lactucæ. vnc. iij. vel iiii.

Miscentq. & offerunt hora somni : & loco aquæ lactucæ non desunt, qui aquam violatam ponunt. Sunt qui libentius dempta aqua ad tria, vel quattuor cochlearia dictum syrupum deuorent. Confert etiam seminis papaueris albi emulsio, & lac in carne contusa, vel in hordeato, item iuscula in coctis lactucis somnum conciliant. Nicolai requies, etsi non desint, qui ipsam malam requiem appellent. Confectio quoque diacodion vulgo dicta in tabellis, quod placidum, & salutare somniferum est, si pondus vnciæ exhibeatur, quæ tamen omnia, & præcipue validiora in grauitate capitis, & dolore, a materia pendente, similiter in virium debilitate maxima cura administranda erunt, ne vigilijs sopor succedat : somnifera autem omnia post cænam exhibenda sunt.

Somni profunditas tollitur.

Cap. XXXIII.

SOMNVM profundum Auicenn. prima quarti tract. 2. cap. 18. fabulis, & cantilenis tollit, quæ longitudine molestiam non pariant, sed aptæ sint ad conciliandum gaudium, iram, & audaciam mouendam. Qui enim affectus calorem euocant ad externa, vigiliarum causa existunt, nam somnus fit calore introuergente : horribilis etiam futurorum malorum narratio somnum arcere solet. Vti quoque extremarum partium ligamina eodem auctore Auicenna loco citato, item clysteres, & suppositoria acriora, nec non cucurbitæ scapulis, Pauli etiam testimonio in accessionis remissione, admotæ, quibus si malum non cesserit Cathaplasmata indurcentia vesicas in brachijs, & tibijs in parte exteriori, & carnosa, vel circum circa, ad sex digitorum latitudinem imponantur. Quo tempore conferunt fotsus ex gallo, vel catello vt dictum est, etiam cum de phrenesi agebatur. Item spongiæ, vel arietis pulmones in sequenti decocto madefactæ, & coronali futuræ impositæ :

Recipe

Recipe Chamemeli. }
 Melioli. }
 Betonice. } ana. man. j.
 Thymi. }
 Baccaræ. }
 Stacados. }
 Verbenæ. }
 Seminis lini. } ana. vnc. j.
 Fœnugraci. }

Bulliant in s. q. aquæ s. ar. & vtcre. Imprimis tamen vtile est caput ægri intra veruecis, vel arietis ventrem, donec calidus est, condere: hoc enim mirifice discutit, & liquatas materias resoluit, quibus non proficientibus postrema remedia sunt, quæ capiti imposita rubores, & vesicas, atque crustas excitant. Rubores excitant, quæ & sinapi hoc pacto conficiuntur.

Recipe Ficuum siccarum. } ana. vnc. iij. misce, &
 Passularum. }

Tundantur ad formam vnguenti, & adde:

Sinapis. vnc. semis.

Euphorbij. } ana. vnc. j.
 Castorei. }

Stercoris columbini. vnc. ij.

Terantur omnia subtilissime, & cum ficubus, & passulis supradictis misceantur, quibus adde:

Aceti albi acris. vnc. iij.

Misce fiat emplastrum, & derafo capiti calidum applicetur, & horas 24. vel non minus duodecim, ibi permittatur. Vesicam inducit sequens emplastrum:

Recipe medullæ fermenti veteris. lib. semis.

Cantharidum præparat. vnc. 5.

Misce cum pauco, acriq. aceto, & fiat, vt dicitur, offella, cui pulvis cantharidum, & parum dicti aceti acris inspargatur, & coronali futura applicitum, horas duodecim permittatur. Crustæ autem candenti ferro, vel in scincipite, vel occipite excitantur: congruum vero tempus hæc applicandi est, si linguæ ariditas non adsit, etenim cum adest mitioribus resoluentibus, & calefacientibus opus est: linguæ namque ariditas æstum in inferioribus esse, & ignem vigere ostendit, qui a calidioribus pharmacis augeri facile posset, alimenta autem incidendi, & discutiendi facultate prædita sint, Paulo teste. Itaque acida omnia, & quæ subtilium partium sunt, laudantur.

De sitis extinctione .

Cap. XXV.

CVM sitis causa duplex sit, Aetij tēstimonio lib. j. 2. tetrabili. cap. 19. humiditatis inopia, & caliditatis redundantia, in febribus ambre affligunt: caliditas enim in his multa est, cui siccitas succedit humiditate multa ob febris violentiam consumpta. Verum quia bibere tutum semper non est, tempora, & potus mensuram decernere oportet: intempestius enim potus sitim potius auget, quàm tollat, vt in principijs accessionum spectare licet, tunc enim potus materiam auget, & calorem. Itaque sitis remedijs, quæ post scribentur, est mitiganda: & primo ab Herculano commendatur, vt subiecta aqua frigidissima æger respiret, est enim maxime salutare, cum superfluum cerebri, & membrorum spiritualium calefactionem sitis sequitur. Eodem pertinet ore retinere anguræ cucumeris, & cucurbitæ frustulum, lactuceq. cauliculum, tamarindos, pruna, sebestem, merena cerasa, crystallum, & similia, quæ simplicia sunt: conferunt etiam composita quædam, vt hoc:

Recipe s. Cucumeris. vnc. j.

Tragacanthæ. vnc. 5.

Tragacantham tritam, & cribratam, ouorum recentium candido erudo dilue, & ex contritis catapotia efformato ad umbram siccato, & vnum sub lingua teneto, & qui dissoluitur liquor absorbeat. Valet etiam, quod sequitur:

Recipe Muccilag. s. psyllij. } an. vnc. j.

Mucc. citoniorum.

Sacchari cand. vnc. 5.

Vini granatorum. vnc. j.

Misce imbuantur linei panniculi duplicati, quorum vnus ore teneatur, & crebrius immutetur: lotiones quoque oris, & gargarismata non vituperantur, quæ hoc modo conficiuntur:

Recipe aquæ ordei. lib. j.

Vini granatorum. vnc. ij.

Misce pro lotionem oris, in quo vini granatorum loco, aceti vnciam ponere poteris: Paulus libro 2. cap. 53. capitis irrigationes ex gelidissimo oleo, præsertim rosaceo, torrentis modo, cum strepitu imperat. Vigiliæ quoque siti succurunt, ad exteriora caliditatem expandendo, etsi non desunt, qui somnum magis probant, cum humiditatem in corporibus inducat. Ceterum potus interdum est necessarius, præcipue si calida, & sicca intemperie ortum sitis habuerit, tunc enim periculum est, ne humidum substantificum a dicta intemperie consumatur, nisi potus humorem sufficiat. In principijs autem accessionum, vt 4. acut. 40. tex. habetur potus maxime nocet, ibi enim docet Hippoc. quibus pedes in accessionum initijs frigescunt, his ad intima calorem retrahi: quo fit, vt potu exhibitio

exhibito calor augeatur. At postquam calor ad pedes descenderit; reddito lorio potus non obest; sed mirifice prodest: quo tempore sorbitionem etiam Hippocrates præbet, quem potum quandoque actu frigidum; aliquando actu calidum, sed potentia frigidum exhibet Herculanus: Nos semper frigidum actu, & potentia laudamus. Potus vero sit aqua hordel cum vino granatorum, vel iuleb violato, vel syrupo de acore citri: valet & aqua cocta cum seminibus: similiter & aqua, in qua aurum multo- ties extinctum sit, & alia quæ supra, dum de potu egimus, recensuimus: qui potus si sit paucus magis inflammat, & repente deglutitus non penetrat: itaque & multus debet esse, & paulatim hauriri.

De Scabritie lingua. Caput XXXVI.

SI lingua salebrosa scabraque sit, præter dicta superius, dū de siti agebamus, quæ & in hoc quoque affectu conducunt, prodest lini seminis decoctum ore detinere, quod mixis additis efficacius euadet: debet autem digitus decocto tingi, & lingua digito confricari: deinde aqua limpida ablui, aut spognia abstergi, postremo rosacco illiniri: verum rosaceum ipsum melle temperatum id validius præstat. Succus item portulacæ in ore detentus, & rhus, qui in obsonijs vsum habet, mulsæ temperatus probe succurrit. Sal insuper indicum, quod colore, & substantia a communi non dissidet, sapore vero mellitum est, lentis instar, vel ad summum fabæ quantitate comestum, Archigenes assatim humectare affirmat. Sed nostris temporibus eius loco saccharum candidum vsurpamus. Hianti autem ore agrotantes, & supini iacere non debent, sed in latus: hiatus oris enim, & supinus decubitus siccum reddit: Sternutationes denique accersitæ linguas quouis largius humectant, Paulo auctore lib. 2. cap. 54.

De nigredine lingua. Caput XXXVII.

LINGVAM varijs coloribus mutari, & insci pro varietate humorum in corpore dominantium Hipp. 6. de morb. vulg. sectione 5. tex. 14. his verbis clare ostendit: Linguae virides, biliosæ, biliosum autem a pingui, rubæ vero a sanguine, nigræ ab atra bile, aridæ a fuliginosa exustione, & ab uterino membro: albidæ vero a pituita, grandioribus etenim venis prædita est lingua, ut ait ibidem Galenus, & inani substantia spongiam referens, alijs duris, densisq. particulis paratior, ut serofos humores intra se admittat, ab illisq. colores instar lanarum suscipiat: quare si nigredo vna cum scabritie iuncta fuerit, ea citissime quoad fieri potest, Auicennæ etiam prima 4. tract. 2. cap. 28. decreto, amouenda erit, ne ab ea mali, fumidique vapores ad caput sublati syrsem producant. Quæ nigredo præter causam iam dictam, malignam nempe exhalationem, fumidam a putri materia profectam; ab vrente etiam febre originem ducit, quæ linguæ inherendo

inhærendo gustus corruptionem inducit, vt ad caput elati vapores syren, vel paraphrenesim producere possint. Quòd si linguæ nigredo ab his, quæ manduntur, interdum efficitur, tunc absunt cetera signa, quæ dicta sunt: morbida igitur linguæ nigredo, his quæ ipsam obstergunt, & ab ea scabredinem, sitimq. tollunt, perbelle arcetur, præcipue si aqua saccharo mixta abluatur, & post ablutionem cochleari, vel alio congruo instrumento, placide tamen radatur, & a sordibus, nigredineq. mundetur, & abstergatur, & si conducit magis eius causam amputare, materiam scilicet alterando, & educendo, membraq. corroborando.

De deiectione appetitus.

Cap. XXVIII.

INTER familiarissima symptomata, quæ morbum hunc sequi solent, appetitus deiection est: cuius est duplex causa, nempe simplex intemperies, vel cum materia, & oris ventriculi sensus inopia, quam ex sordibus circa ipsum os ventriculi existentibus oriri credendum est, quas continua euaporatio lentæ, viscidæ, nec non spumosæ materiæ producit. Accidit enim ventriculo idem, quod de lingua dictum est: quinimmo magis ventriculus patitur, namque agens omne prius in propinquum agit, quàm in remotum: a dictis igitur vaporibus sordes genita, oris ventriculi temperiem corrumpendo, & fere obruendo, sensum illius minuit, atque deprauat. Et similiter titillatio, quæ ratione famis a ventriculi sensu fieri consuevit, propterea non fit, etiam si sitis sentiat, quoniam sitim minori, debilioriq. sensu egere putandum est: hinc etsi sitiant non propterea appetunt, sed contrario modo sempiternam nauseam patiuntur, natura enim quod ibi superfluum est, & inimicum semper expellere tentat, & conatur. Quæ nausea, a materia etiam in ventriculo ipso contenta prouenire potest, quæ vomitu tollenda est, vt docet Auicenn. prima quarti tract. 2. cap. 26. digitos in guttur immittendo, stomachus commouetur, præcipue in ætate, cum melius & facilius per superiora, vt 4. Aphor. 4. docuit Hippocrates, quàm per inferiora curatio tentatur: etsi quandoque per alium, Auicennæ, & Pauli decreto educenda materia est. Quòd si digito immisso vomere non valerent, alijs, quæ suo loco de vomitu prouocatione dicta sunt, vomitus prouocetur. Ceterum quia dictum est, a sorde in ore ventriculi existente, quandoque appetitum deiici, ea, quæ abstergunt, & incidunt salutaria erunt, quæ si vna appetitum suscitabunt, & intemperiem emendandi, & prauæ qualitati obsistendi potestatem habebunt, meliora censebuntur: inter quæ acetum cum saccharo, succus limonium, citriorum, aranciorum, similiter saccharo conditorum præcipua sunt, quibus syrupus ros. simplex, vel mel. ros. cum saccharo immisceri poterit. Valet & aqua ex hordeo non mundo confecta, sed magis hordeatum, quæ omnia deligni, & paulatim deglutiri debent, vt abstergere, & mundare locum commode possint: Verum quoniam dictum est

appetitus

appetitus deiectionem, aliquando ab intemperie, solum fieri posse, quæ intemperies, quia calida est, frigidis, quæ tamen corroborandi facultatem possideant, tollenda est. Hæc autem vel ore sumuntur, vel exterius imponuntur, de quibus Herculanus in textus supracitati expositione, verba facit, ex quo id desumpsimus: quod ore sumendum, hoc modo paratur:

Recipe Succu citoniorum. } ana. vnc. iij.

Mellis despumati.

Aceti optimi.

vnc. ij.

Coquantur leniter, & spuma auferatur, huius æger ante cibum saltem per horam, duo cochlearia capiat. Auicenna, piscium oxizonium, Gelatinam vulgo appellatam, commendat. Nos vero ex pectore, & alis capi magis laudamus. Fugaces insuper fructus, qui non facile acefcunt, nec nimium dulces existunt, non integre maturos, similiter cappares, oliuas conditas, & salsamenta, Paulus lib. 2. cap. 45. non prohibet, qui totius etiam corporis mediocres frictions, eodem loco præferibit. Quod pertinet ad alterum genus præsidiorum, quæ videlicet foris adhibentur, cuiusmodi est etiam inunctio, fots, & emplastri vsus, exempli gratia:

Recipe ol. de citonijs.

Rosacei.

Mastichini.

Pul. ros. rub.

vnc. j.

} ana. vnc. semis.

Misce, liniatur stomachus per horam ante cibum calide, hæc inunctio est: fots autem erit huiusmodi:

Recipe Mirtillorum.

Ros. rub.

Florum lambrusca.

} ana. m. ij.

Citoniorum in frusta redactorum, nu. 2.

Bulliant in s. q. aquæ, & cyatho vini rubei. s. art. in quo filtrum, vel spongiæ imbuantur, exprimantur, & ventriculo adaptentur, si magnum incendium sentitur frigide, sin minus calide, quibus decies immutatis supradicto linimento stomachus liniatur: emplastrum vero sic cõfici potest:

Recipe Pulpe citoniorum coctorum, lib. semis.

Pul. mirtillorum.

Ros. rub.

Mastiches.

Ol. mirtini.

Mastichini.

} ana drag. j.

drag. 5.

} ana. drag. 6.

Misce pro emplastro, vt dictum est, applicando, vel præmissis fortibus, vel absque illis, vt necessitas magis requireret. Quæ remedia etsi topica sunt, vt dicitur, nihilominus tamen in morbi etiam initio, Pauli decreto. lib. 2. cap. 50. applicanda erunt. Odores quoque boni, vt Auicennæ loco citato placuit, optimi sunt: maximeq. si ob virium imbecillitatem inappetentia proueniat, odores recreatis, & resectis spiritibus ipsam

būs ipsam argēt, & tollunt. Itaque his, quę multum nutriunt odora immiscenda erunt.

De Vomitu.

Cap. XXIX.

VOMITUM interdum ob humorum in ventriculo præsentiam digitis, vel penna ciendum esse, capite superiori monstrauius. Verum enimvero, quia mæltories ob humorum multitudinem, vel eorum acridinem, aut prauam aliquam, & venenatam qualitatem, facultatem expultricem irritantem, adeo vomitus exuberat, & superfluit, vt in symptomatum numero adscribi queat: ea propter freno indiget, & medicina. Permittendus igitur est, quoad naturam non læserit, vbi vero lædere inceperit, Pauli etiam testimonio. lib. 2. cap. 56. erit moderandus, & compescendus. De qua re Paulus hæc ad verbum scribit: His, qui vomitibilem eijciunt, cataplasma ex palmulis, malicorio, gallaq. vino decoctis, aut postea panibus simul leuigatis, applicandum est. Atatia quoque, & hypocistis, & balauistium, & rhus cataplasmati admiscendum, & cucurbitula cum flamma multa apposita magnifice iuuat: hæc illę. Sed quod sequitur etiam plurimum prodest:

Recipe Empl. de crusta panis. vnc. iij.

Ol. myrtini vel ros. vnc. j. semis.

Misce, & cal. regioni stomachi applicetur. Cui affectui, quę capite superiori dicta fucit, & fotus, & emplastra egregie opitulantur. Quibus si symptoma non cesserit, ceratum sequens paretur:

Recipe Cerat. de mastiche. q. s.

Et ventriculo applicetur, vel:

Recipe Pul. mirtillorum.

Ros. rub.

Balauistiorum.

Hypocistidos.

Corallorum rub.

Mastiches.

drag. ij.

drag. ij.

} ana, drag. iij.

Cum resina, terebinthina, & oleo rosaceo fiat ceratum. s. ar. & super cōrio expansum stomacho applicetur. Ceterum, quia sæpe contingit, vt atram bilem patientes euomant, quem vomitum in morborum initijs perniciosum esse 4. aphor. 22. statuit Hippocrates, secus quam succedente tempore, cum vt eodem loco docuit Galenus natura dirigente, fieri interdum possit. Propterea nos, de symptomatico enim sermonem habemus, cum Paulo loco supracitato sic agendum putamus. Quod si qui bilem atram vomunt, & stomachi inflationem experiuntur, his spongię aceto acerrimo calidoq. imbutę ventriculo superponantur, vel hederę folia vino elixa cataplasmatibus instar applicentur: cibis denique parum, &

rum, & sæpe exhibeatur, partiumq. præcipue infimarum frictions in-
iungantur, hæc de vomitu.

*De fluxu ventris.**Cap. XXX.*

DE fluxu ventris non omni, sed de eo dumtaxat, quem auctores li-
quatum appellat, agere in animo habemus. Vtpote, qui frequen-
tior in febre hac reperiatur, quod Galenus. 8. de comp. med. localium.
cap. 7. perspicua hac oratione confirmavit: Calida igitur intemperie cir-
ca viscus existente, colliquationes fiunt, primo humorum, deinde etiam
carnis ipsius hepatis, & euacuatur per ventrem, bilis crassa, graue olens,
& abunde colorata. Et subdit quemadmodum in pestilentibus contingit,
quo loco causarum signorumq. scientiam studiosi habere poterant: decimo
quoque Meth. cap. vltimo ponens discrimen inter marasmodos febres, &
malignas liquantes sic ait: In febre marasmode quod liquatur, in halitum
conuertitur: quod vero in malignis liquatur, defluit in ventrem, & flu-
xum parit. Vbi exemplum affert carniū, quæ in craticulis torrentur:
propterea. 3. acut. com. 14. liquatuias deiectiones flammantis in hypo-
chondrijs ipsis, affectionis symptoma esse affirmavit, & 4. acut. com. 112.
colliquationem in eo fieri absumpta, contabefactaq. propter morosam fe-
brem, vel pinguedine, vel molli carne. Cuius curationem. 10. meth. loco
citato docuit Galenus, vbi frigidam exhibet, & quæ refrigerant, & hu-
meant pro nutrimento præbet. Quam doctrinam Aetius primo lib. 2.
tetrabili. cap. 90. sequutus hæc habet: Clarum est quod extinctorijs mo-
dulis vtimur, & valide frigidam aquam potandam exhibemus, cataplas-
matave & epithemata frigefacientia thoraci, & præcordijs imponimus;
& cibos refrigerantes, & humectantes damus, vbi dicta colliquationis si-
gna haberi possunt, hæc Aetius, quæ omnia fere ad verbum, a Paul. lib. 2.
cap. 91. accepit. Nos autem propinquius medicamenta parantes præter
dicta superius, cum de syncope verba fecimus, quo loco epithemata vo-
cata cordialia descripsimus, & pectori congruo refrigerio subuenimus,
hepar sequenti epithemate refrigerandum esse putamus.

Recipe succi Cichorij. lib. iij.

Aceti ros. } ana lib. semis.
Aq. ros. }

Spec. tria sandalorum sine Rhabbaro. vnc. j.

Ros. rub. m. 1.

Camphoræ. drag. 1.

Misce pro epithemate hepatis frigido, quod vel cum spongia, vel cum
filtro dicto liquore tincto, & hepati applicito, & decies immutato fiet, po-
stea linimento infra scripto hepar liniatur:

Recipe Cerati sandalini. vnc. ij.

Ol. de spica. drag. iij.

Misce pro linimento hepatis frigido, in magno tamen visceris incendio: at si tantum incendium non fuerit, quod sequitur epithema fiat:

Recipe aquarum Cichoreæ. lib. iij.

Acet. ros.

Succi Absinthij. } ana. lib. semis.

Spe. tria sandalorum simp: vnc. j.

Ros. rub.

Comarum Absynthij. } ana. m. semis.

Misce pro epithemate hepatis tepido, modo dicto, liniaturq. deinceps hoc linimento tepido.

Recipe Cerato sandalini. vnc. j. semis.

Ol. de spica. vnc. semis.

Misce, & debet hæc ante cibum hora quietiori applicari, yti etiam purgato corpore, fluxu vocato liquatuiuo non molestante, ne vulgares medicos imitemur, vt 2. Meth. 15. & 16. capitibus docuit Gal. quo loco, quæ, quo modo, & quando administranda sint, videre licet. Quorum epithematum quanta sit utilitas, ex Auicen. prima 4. tract. 2. cap. 10. clare habetur, dicente embrochationem frigescentem hepar, rem esse maximi iuuamenti, propter æquationem temperaturæ ipsius. Rursus profunt ore sum ptæ præter victum refrigerantem iam dictum, tabellæ ex speciebus tria sandalorum confectæ, similiter decoctos sandalorum citrinorum, vel rubeorum, quod sequenti modo paratur:

Recipe sandalorum citrinorum, vel rubeorum raspatorum. vnc. ij.

Laccæ ablutæ. vnc. semis.

Aquæ fontis lib. 12. M. maneat in aqua horas viginti quattuor: deinde bulliant ad consumptionem medietatis, sit aqua pro potu in prandio, & cena, vel sola, vel cum vino granatorum, succo citri, de ribes, citoniorum, & similibus mixto: saccharum quoque, e floribus cichoreæ, & nymphæ, e folijs acetosæ, & rosaceum prodest. Ceterum quia materia acris, mordax, & venenata existit, quæ pungendo, vel intestina abradendo, & excoriando dolores, & vulcera excitare posset, sequentia infundantur. Clysteria, vtpote, quæ intestina abluere, & humoris acumen retundere possunt.

Recipe capitis castrati aqua hordei integre cocti. nu. j.

Item Recipe prædicti iuris. lib. j. semis.

Sacchari rub. vnc. ij.

Vitellos ouorum. num. ij.

Misce pro clystere, sit autem ius absque sale, vel:

Recipe aquæ hordei, quod coctum sit cum frustis cucurbitæ. lib. 1. semis.

Sacchari Rub. vnc. ij.

Vitellos ouorum. num. ij.

Ol. ros. omphacini. vnc. iiij.

Misce pro clystere. Quod si dolores iam dicti non cessauerint:

Recipe

Recipe hordei m. iij.

Capitum papauer. vnc. semis.

Lactucæ. m. j.

Bulliant in s. q. aquæ s. ar. ad bonam coctionem, deinde :

Recipe huius decocti. lib. j. semis.

Sacchari rub. vnc. ij.

Vitellos ouorum. nu. 2.

Misce pro clystere, cui decocto, si vrgeat necessitas, solanum cucurbita, & semper viuum, cum chamemelo, & anetho addi poterunt. Verum si excoriata essent intestina, vt dysenteria curentur, & tunc decoctis prædictis cauda equina, symphytum, rosæ, mirti, & similia addantur, talis quoque fatus paretur :

Recipe mirtillorum.

Ros. rub.

Consolidæ.

Summitatum rubi.

Chamemeli.

Anethi.

} an. m. s.

Bulliant in s. q. aquæ sec. ar. & fiant fatus cum spongijs, ad sedem, & ventrem inferiorem, quæ tamen astringentia vsui esse non debent, quoad natura ferre potest, & imbecillior reddita non est : sed tunc præter fatum dictum venter inferior sequenti linimento calido liniatur :

Recipe empl. diaphiniconis. } ana vnc. j. semis.

Ol. mastichini.

Misce Corallium, item cornu cerui : ambo præparata, terraq. lemnia simul mixta summopere commendantur, qui pulueres soli, vel cum saccharo ros. aut miua vocata citoniorum sine aromatibus, similiter & conserua dicta cornu fructuum, & sorbi, sequenti ratione exhibita prodest.

Recipe pul. corallorum rub.

Margaritarum.

Cornu cerui.

Terræ lemniz. drag. j.

Sacchari ros. vnc. iij.

} omnium præparatorum. ana drag. 5.

Miua citoniorum q. s. misce, cuius capiat magnitudinem castaneæ tribus horis ante cibum : Sed alius dictis clysteribus abluetur ante cibum, tam mane, quàm vesperi, vt necessitas postulat.

De singultu.

Cap. XXXI.

ET si singultus tractatio, deiectionis antedictæ tractationem præcedere debuisset : quia tamen ambo ab eadem causa interdum excitari solent, & ab inanitione factus singultus, dictas deiectiones sequitur, propterea singultus tractationem in præsens caput tractare distulimus. Sin-

Z 2 gultus

gultus autem Galeno etiam teste 4. acut. com. 69. sunt motiones quædam stomachi conuulsoriæ, quas propter immoderatam, vel inanitionem, vel repletionem fieri Hippocrates 6. aphor. 39. docuerat, quæ si propter inanitionem fiunt, fere sanationem non recipiunt: si vero ob repletionem ab his, quæ infarctas materias secant medicamentis, absterguntq. sanantur, & præcipue vomitu, euacuationeq. vt Pauli sententia est. lib. 2. cap. 57. Dictis adde, quod & per consensum fieri singultus potest, Hippocratis 7. aphor. 27. decreto, cum ait: Propter iecoris inflammationem singultus, malum: quæ verba Galenus exponens, inquit. Iam supra etiam dixi his omnibus consequenter scriptis aphorismis, de his symptomatibus agere Hippocratem, quæ morbis ipsis acutis, & ingrauescentibus superueniunt. Quo sane modo nunc singultus quoque ob iecoris inflammationem fieri dicitur, non quidem semper, neque quouis modo effecti, sed cum feruente inflammatione in magnitudinem attollitur, per quem feruorem in sympathiam, & malum consensum stomachus venit communium nonnumquam neruorum ratione, qui vt ipse 2. epidimiorum docuit, perexigui sunt, & perminuti. Vnde tunc solum iecoris fit, cum stomacho affectionis commutatio, quando scilicet inflammatio maxima, & pessima euaserit: Hoc autem, quia per huiusmodi visceris inflammationem bilis admodum calida, & copiosa generatur, & confluit in principium intestinorum: inde ipsa in ventriculum euadente, & innatante, vt stomachus vellicetur, & singultiat accidit. Quidam vero inflammationis magnitudinem, quia ventriculum premit singultum facere arbitrantur, spiritui, quemadmodum inquirunt, exitum non habente. Ex dictis igitur colligere est, ex repletionem, & inanitionem, similiter & per consensum singultum fieri: Quæ uti varia sunt, variam quoque curationem expostulat, quia singultus ex inanitione conuulsioni, similiter ex inanitione correspondet, uti hæc, aut nullam, aut difficillimam recipit curationem, sic & singultus: si quæ tamen datur, vt Rasis ad Almanforem cap. 65. docuit, aqua calida paulatim placideq. deglutita curatur. Quæ morbum non fugante, aqua hordei cum oleo amygd. dulcium mixta, vt supra deglutitur, & vertebræ colli, dorsiq. eodem oleo tepido inungantur, & fricentur. At si ex repletionem, vel ex acriorum humorum ventriculum vellicantium præsentia singultus fieret, vomitu, vel euacuatione conuenienti curetur: uti si per consensum ab hepate per hepatis curationem sanatur: Quod viscus, ordine iam præscripto, curetur, & ad propriam temperiem reducatur.

De extremarum partium frigore. Cap. XXXII.

DE extremarum partium frigore non quidem omni, sed de eo dumtaxat, quod ob spirituum, & caloris natui inopiam, vel alicuius visceris in febribus ardentibus inflammationem euenire consuevit, agere instituiamus.

instituiamus. De quo Galenus 2. pronosticorum. com. 4. hæc de verbo ad verbum scripsit: Per morbos diutinos potissimum hieme, & senibus non solum per incurfiones febrium, quas nominant adnotationes, sed etiâ ex intermissionibus nihil mirum videri debet, extremas corporis partes refrigerari, quippe, quæ carne vacant ex natura longeq. sunt a visceribus positæ. Verum hoc libro nequaquam agit de morbis diutinis. Et subdit: Itaque per morbos acutos tales refrigerantur partes, prope dixerim, propter affectionem contrariam, illiq. per morbos diutinos tale accidens infert: per illos enim calor natiuus præ debilitate nequaquam permeat ad extremas corporis partes. In morbis vero acutis, propter inflammationis magnitudinem in visceribus fatigantis, partum sanguinis in omne permanat corpus: plurimum vero eius, in parte affecta inflammatione includitur, & ob eam rem mediæ corporis partes, quæ sunt thorax, & venter, admodum calent. Ceterum, a quacumque dictarum causarum frigus pendeat, malum semper est, & interdum letale. Hinc 2. pronosticorum tex. 4. dixit Hippocrates: Si caput, manus, ac pedes frigidi sunt, ventre, costisq. calentibus, malum est. Quod septima aphor. 26. sequentibus verbis confirmavit: In forti dolore ventris partium extremarum frigiditas malum, & 4. aphor. 48. in febribus non intermittentibus si partes extrinsecæ algent, internæ vruntur, & sitiunt, letale? Quam sententiam Gal. exponens, ita scriptum reliquit: In exitialibus febribus, & ardentibus, & malignis, vt lypirijs tantum reperitur, necnon quando, aut inflammatio, aut erysypelas viscera fatigat, tunc enim extrema frigescente necessarium erit, ad intima sanguine, & cum eo calore illuc retracto. Et septima aphor. primo, in explanatione verborum Hippocratis ait Galenus, quod instar cucurbitæ vehemens visceris læsi calor, a toto corpore sanguinem trahit, vnde partes extremas algere necessarium est. At si vñquam alibi ob visceris inflammationem, spirituumq. extinctionem extremorum frigiditas contingit, in hoc immanissimo sane morbo contingere clarissimum est. Cum a venenata materia multi vitales spiritus enecentur, & ob cordis, vel contentorum ab eo corruptionem, instar cucurbitæ, intro calor trahatur. Quare si ob spirituum, & caloris natiui extinctionem, extremorum frigus aduenerit: his, quæ spiritus conseruant, & reficiunt succurratur, vt iusculis consumptis carnibus, contulis, aqua carnis, fortitis, & alijs, quæ supra dum de nutriendi ratione verba fecimus, descripsimus, quæ etiam his, quæ diximus alterentur. At si ex viscerum inflammatione contingeret ijs, quæ inflammationem tollere possunt, venæ sectione, pharmaco, & contrariam qualitatem inducentibus, tam intra, quàm extra administratis arceatur. Quod si ob partium ad ventrem pertinentium vehementem dolorem extremorum frigus aduenerit dolor dictarum partium, his, quæ expediunt, remoueatur: Sunt autem illa, quæ humores quacuuant, & contrariam qualitatem inducunt, flatusq. dissipant, semper tamen hæc anodina existant. Quibus opportune adhibitis, refrigeratisq. remanentibus

remanentibus ipsis partibus, ne materia ad membra principalia repat, pannis calidis eis est succurrendum. Herculanus locis refrigeratis applicitos præcipue, si cum ipsis frictiones fiant, maxime commendat. Sed & lateres calidi vino aspersi summpere laudantur. Item partes refrigeratas si fieri potest igni admouere salutaris admodum existit. Quæ etiam oleo anethino calido vtiliter linientur: Et si oleum vulpinum, costinum, de nuce moscata, de croco, & similia nos magis commendamus: quibus si parum aquæ ardentis immisceretur, validius calefacient: Vessica quoque decocto anethi, chamemeli, anisorum, & similium repleta, & partibus refrigeratis admota, ex sententia Herculani prodest. Aetius quoque lib. 1. secundi tetrabil. cap. 95. ex Ruffi decreto calorifica fomenta applicanda esse, vt calor ad corporis superficiem retrahatur, præferibit. Quare sic scriptum reliquit: Quibuscumque id fieri potest modis, conandum est, vt calor ex profundo ad extrema ducatur. Hi vero sic affecti aquam frigidam ex Auicennæ prima quarti decreto bibere non debent: sed aquam cum saccaro calidam, similiter non frigefieri vilo modo, sed potius caloricis vti medicamentis expedit.

De carbunculis.

Capit XXXIIT.

NVMERAVIMVS inter pestilentis morbi symptomata carbunculos, bubones, exanthemata, variolas, & morbillos: non quòd semper, sed quòd sæpe ex his aliquod pestem comitatur. Claudemus autem hunc librum tractatione carbunculi, & bubonis: nam de variolis, & morbillis seorsim in quarto libro tractare instituimus: vbi de exanthematibus, quoque nonnihil differemus: Carbunculus itaque a carbone nomen elaturam assumpsit: nigredo namque tumor, & splendens rubedo, ipsum comitari solèt, & crustosum vlcus est. Cuius crustæ color, modo cinerem refert, modo nigrior est. Incipit plerumque a pustula, aliquando vero, & sine pustula oritur: semper tamè circa initia ægri particulam scalpunt, mox pustula quædam oritur, qua rupta, vlcus cum crusta gignitur. Sæpe vero non vna tantum oritur, sed multæ, & exiles, veluti milij semina, crebrèq. quibus ruptis crustosum vlcus succedit, & circumposita caro summpere inflammatur: cuius inflammationis color, non est qualis erisypelatis, immo phlegmonis colore nigrior: veluti si plusculo rubro minus nigri immisceas. Indiscriminatim in omnibus corporis partibus, prout magis in vno, quàm in alio loco materia reperitur, & pars debilior est, erumpere carbunculus solet. Cuius materia est humor crassus, & feruens: vnde 4. acutorum com. 22. inter flammantes morbos a Galeno reponitur. Qui quoque 2. ad Glauconem capite primo sequentibus verbis idem confirmauit. Cum vero sanguis influens calidus sufficienter extiterit, & crassus quodcumque membrorum subito occupauerit, illud comburendo, vlcus cum crusta facit, quidquid vero circumiacet in inflammatione

Inflammationem leuat efferuescentem, grauiterq. dolentem: huiusmodi autem passio, Carbo vocatur. Hæc ait. & postea subdit: Cum vero sanguis influens niger extiterit, crassusq. sæculentus, ac seruens, qualis, quem antea diximus, simul autem, & sanies nonnullas tenues admixtas habuerit, postulas quasdam per summam cutim excitat, similes his, quæ exiguæ fiunt, quibus disruptis, crustosum vlcus sub ipsis reperitur: & hoc etiam carbo est. Ceterum quòd immane hoc symptoma cum febre semper in pestilenti statu existat, ostendit Galenus eodem decimoquarto meth. cap. supra citato, inquiens: In carbunculis qui per Asiam populum grassati sunt, etiam citra postulas, nonnullis statim excoriata est cutis. Et paulo post: Quòd autem necessario febricitent, qui ita sunt affecti, idq. non minus, immo magis, quàm illi, quibus erisypelatosæ est phlegmone, id vtique latere neminem potest. Quam sententiam primo de diff. febr. cap. 3. sequentibus verbis confirmauit: In hisce autem omnibus communicationis ratione febris accenditur: semper enim calefactæ proxima pars simul calefcit, donec ad eam dispositio pertingat. Cui sententiæ Auic. 3. 4. tract. primo cap. 9. his verbis adstipulatur: Succedit enim malis febribus vehementis caliditatis, & perniciosi carbunculus. Est autem diu quæsitum vtrum febris ex carbunculo, an ex febre carbunculus oriatur. Et quidem iure. Galenus enim loco citato 14. meth. habet: Quòd carbunculis detenti necessario febricitant, vt visus fuerit velle carbunculis febres succedere. At 6. de morb. vulg. sect. prima com. 29. contrarium determinauit, dum ait: Et quoniam tuberculis febres a symptomate cognominantur, probaliter sane a symptomate pestilentes febres denominari intelligere possumus: est enim reuera hæc vna febrium species, & subdit: Quòd autem in ipsa tubercula oriantur Thucydides testatur, ita scribens: Et exterius quidem tangenti corpus, neque valde calidum erat, neque viride, sed subrubrum, liuidum, tuberculis exiguis, & vlceribus efflorescens: Vbi apparet, quòd dictæ efflorescentiæ, tubercula scilicet, & vlcera febribus successerunt. Auicennas quoque loco citato, dixit: Succedit enim malis febribus vehementis caliditatis, & perniciosi carbunculus. Ad diluendam igitur dubitationem, cum Fernelio lib. 4. cap. 18. dicimus: Vnam venenatam perniciem, vtriusque causam existere, quæ nec tota in carbunculo, nec tota in febre inhærescit: nam quamdiu carbunculus, absque febre reperitur, quis omne venenum in affecta sede collocabit? Licet enim circumscriptione facta profundis, sed paruis scarificationibus, vel iuge ad affectam partem introuirus subire inhibeatur: non idcirco corpus in tuto fuerit, cum & ab aere inquinato, vel ab humoribus veneni naturam possidentibus, molestari possit, a quibus carbunculus oriri contingit. Cum igitur huius veneno cor lacessitur, si robuste sunt vires veneni, quiddam statim in aliquâ summam partem deijcitur, illicq. incrementum sumit, partemq. contaminat: altera veneni portio intus hæret, quæ cum sensim inualuerit, febrem infert pestilentem. Verum si imbecilles

imbecilles erunt vires, incensum intus a causis supradictis venenūm, febrem parit: cuius impetu, veneni pars per se foras exiliens, carbunculum producit. Ex qua opinione sequitur febrem etiam præcedente carbunculo in statu pestilenti nunquam accidentalem, aut symptomaticam esse. Ficinus vero capite 13. suæ Epidemix contrarium sentire videtur. Nam inquit: Si carbunculus ipsa febre prius oriatur, febris tunc accidens erit: Cui opinioni fauet etiam Galenus primo de differ. febr. cap. 3. dum ait: In hisce autem omnibus communicationis ratione, et cet. Nos autem utriusque dictum posse admitti affirmamus: pro maiori enim parte, Ficini opinionem veram esse dicimus: aliquando tamen aliter posse contingere cum Galeno, & Fernelio non negamus. Verum quicumque eius sit ortus, vel ante febris aduentum, vel post, tempore præcipue pestilenti nunquam sine febre inuenitur: vt doctè docuit Galenus 14. meth. cap. 10. In hoc autem symptomate sic est præfagiendum: si carbunculus fuerit rubeus, vel citrinus, & cito crescit, salutis signa sunt: præcipue si reliqua accidentia non augebuntur. Econtra vero si fuerit niger, & accidentia crescant letalis erit. Similiter si febrem carbunculus sequetur, peius erit, quam si carbunculum febris. Curatio ab incisa vena auctore Galeno 14. Meth. loco citato auspicanda erit, sanguis si vsquam alibi nedum copiose, sed vsque ad animi deliquium, vt idemmet imperauit Galenus, nisi sit quod impediatur, mittendus est: quamquam nostra ætate parcius mittendum putamus, & potius iteranda sanguinis missio est, quam vna vice confestim facienda: hoc vel maxime adhuc fluente materia, de qua re satis dictum est antea cap. 9. vbi etiam equa parte mittendus sit, exposuimus. Præterea purgatio quoque administranda est. Pro humoris natura, & reliquis seruatis: de quibus supra cap. 10. satis diximus. Occurrendum etiam his oblati remedijs, quæ venenatam morbi naturam superare possunt. Quæ omnia capite 11. & 12. large digessimus. Quibus peractis locus carbunculo affectus, & propterea inflammatus refrigerantibus succurratur. At non illis refrigerantibus, quæ violentia quadam a loco repellere materiam possunt. Nam ob humoris crassitiem, atque etiam malignitatem, fluxionem auertere nequaquam poteris: quod si quandoque id assequeris, non sine alicuius internæ partis noxa efficietur. Igitur quare nec affluere is permittendus est, quin potius inquirenda remedia sunt, quæ modice reprimendo etiam digerere valeant: Quale cataphasma est, quod ex plantagine conficitur, vel quod ex co&a lente, mica panis in clibano cocti permixta. Sed esto panis, nec omnino a fursure mundus, nec nimium fursuraceus: nam eius, qui omnino purus est substantia in cutis meatibus herere potest, & fursuraceus crassarum est partium: Vlcera autem præcipue si libere non exiret, nec in altum prorumperet, non desunt, qui cucurbitas, vel hirudines, vel gallianum depilem admoueant: nam omnia hæc a centro ad circumferentiam venenum trahere possunt. Cui etiam conducet aliquod valens medicamentum impositum, vt sunt

Andronis,

Andronis, vel Pasionis, vel Polyidæ pastilli, qui liquari vinò dulci, aut sapa si vinum dulce non adsit, ad sordium crassitudinem debebunt. Quæ autem Pharmaca reliquis vlceribus adhiberi solent, nempe, quæ concoquant, & pus moueant, ea nunc adhibenda non erunt, quoniam putredinem facile auferent. Quinimmo etiam scarificare huiusmodi tumores post sanguinis missionem, a recta methodo alienum non est. Sunt autem incisiones mediocribus altiores, propter infestantis humoris crassitudinem, quibus præstitis lixiuio, in quo lupini, & sal ebullierint, locus lauetur, & abstergatur, cessante autem inflammatione vlcus ad cicatricem similiter, vt in reliquis vlceribus perduces, hæc fere ex Galeno. Ceterum quia morbus seuissimus est, & mitioribus non cedit, validiora propterea medicamenta exposcit, & quæ paulo minus, quàm ignis crustam inducunt, inter quæ radix ranunculi, vel aristolochiæ ex aceto tritæ, & impositæ, calx arsenicum, sandaraca, & alia huiusmodi, a Tagautio lib. primi cap. septimo commendantur. Quæ satis proficere putandum est, si partem sanam ab ægra protinus resoluant, & separent. Sequens quoque medicamentum, a Petro de Argillata mirifice laudatur, quod recipit.

Calcis viuæ. lib. semis.

Arsenici. scrop. j.

Saponis nigri q. s. ad conficiendum limentum, & loco patienti applicetur: Gulielmus autem de Saliceto, accensam candelam liquefcere sinit. Prodest similiter, qui ignis mortuus dicitur, fitq. ex capitello quod tam diu ferueat, donec humor totus consumatur, capitellum vero ex aqua cinere, & calce conficitur, vt:

Recipe calcis viuæ. lib. 10.

Cineris quercus. lib. 5.

Aquæ quantum sufficit ad massam conficiendam, quæ in catino in fundo foramen habente ponatur, & viginti quattuor horas, vel ad minimum duodecim permaneat, & tunc foramen aperito, & quod exit pro capitello habeto. Quo medicamento vlcus extinctionem procuramus, & crustam super ipsum inducimus. Quo tempore, quod in crustam euasit eximere, & quod corruptum est radicitus euellere curamus: extinctionis autem signum erit, si vesicæ in parte sana amplius non appareant. Quæ si non profecerint, candenti ferro carbunculum extirpare oportet. Finis autem adurendi, ex Celsi testimonio erit, cum ex omni parte doloris sensus aderit. Mox quæ crustam eximunt imponenda erunt, quæ loco citato Tagautius docet, inter quæ butyrum recens, & axungia suilla, similiter, & sequens emplastrum commendatur, quod non solum crustam multo citius, quàm prædicta remouet, sed dolorem etiam ab acrioribus, & adurentibus medicamentis, vel a candenti ferro excitatum demulcet, & vna malignum succum, qui carbunculum creat potenter discutit, fit autē sic:

A a Recipe

Recipe farinā triticeā. } ana. vnc. iij.
 Hordeaceā. }

Cum decocto maluarum, violarum, radicum althææ, & scabiosæ, fiat
 emplastrum solidum, cui adde:

Butyri recentis. } ana vnc. ij.
 Axungię suillæ liquatæ. }

Vitellos ouorum. num. ij.

Qui vitelli ultimo, & cum ab igne cetera remouentur, admiscen-
 di erunt: fiat ex omnibus emplastrum, & calidum mane, & vespere
 loco applicetur: crusta remota vlcus purgetur sequenti pharmaco, &
 mundetur.

Recipe mellis ros. vnc. ij.
 Farinæ hordei. drag. ij.
 Salis. drag. j. semis.
 Succı apiorum. vnc. j.

Vitellum oui nu. 1.
 Terebenthinæ. vnc. j. semis.

Misce pro vnguento, quod ad integram, vsque purgationem continue
 adhibeatur, vlcus vbi probe mundatum sit, aliorum vicerum more sana-
 to. Ceterum quia supra Pasionis, & Polyidæ pastillos commendauimus,
 non est ab re illos describere:

Andronis Trochiscus.

Recipe Balaustiorum. drag. 10.
 Aluminis scissilis. vnc. s.
 Calcanthi. drag. 12.
 Myrrhæ. drag. iij.

Thuris. }
 Aristolochiæ. } ana vnc. j.

Gallarum. }
 Salis Armoniaci. vnc. s.

Ex maluatico vino construantur.

Polydæ sphragis Pastillus.

Recipe Malicorij. vnc. 6.
 Myrrhæ. drag. 8.
 Aluminis scissilis. drag. s.
 Thuris. drag. iij.
 Calcanthi. drag. iij.
 Fellis tauri. drag. 6.

Vino dulci paretur.

Alij pastillo addunt aloem, & balaustia, & vino austero con-
 ficiunt.

Musæ pastillus.

Recipe

Recipe aluminis scissi.

Aloes.

Myrrhæ.

Calcanthi.

Croci.

Crocomagmatis.

Balaustiorum.

} ana. drag. iij.

drag. iiij.

Mulso, ex falerno facto tundatur: Hi sunt pastilli ad necandos carbunculos accommodati. Vnum notandum, quod numquam absque vocato defensiuo, pars sana dimittenda erit, quod ex oleo myrrhino, ros. aceto, terra lemnia, & sanguine draconis cum pauca cera alba conficitur vt:

Recipe olei myrrhini.

Rosati omphacini.

Aceti rosati.

Sang. drach.

Terræ lemnia.

Ceræ albæ parum misce. Hæc de carbunculis.

} ana. vnc. j. semis.

drag. 6.

} ana. drag. j. semis.

De bubone.

Cap. XXXIIII.

BVBONES fieri asserit Galenus. 13. Meth. cap. 5. cum, a valentioribus partibus humores ob eorum redundantiam, vel prauam qualitatem ad debiliores, quæ glandulosæ partes sunt, adenæ vocatæ, expelluntur. Aut quando vi propria humores ob eorum dictas condiciones ad eas confluunt. Hinc Galenus loco citato, tumentes adenas bubones nominauit. Quæ adenæ, quia rariores natura sunt, fluxiones facillime recipiunt: validius enim est arteriarum, & venarum, & neruorum, & musculorum robur, imbecillius vero, ac forte prorsus nullum, corporum, quæ glandularum sunt, naturæ: quæ in collo secus aures, sub alis, & inguinibus, præter cetera loca reperiuntur: quæ cerebro, cordi, & hepatis, vt eorum superflua materiæ expurgentur, datæ sunt. Inde dictorum membrorum emunctoria appellantur, vt docuit Auicennas prima 4. tract. 2. cap. 36. Ceterum bubones de genere inflammationum sunt, ex Gal. 2. ad Glauconem cap. primo, & 3. de medicamentis secundum loca. cap. 2. vt plurimum enim, a calida materia excitantur, ex Pauli etiam lib. quarto. cap. 22. testimonio, præcipue si sub alis, & inguinibus prorumpant, at retro aures parotides, quæ sunt aliquando, a frigida materia generantur, ita dixit Argilata lib. primo tract. primo. cap. 21. Quare si sub alis fiunt, cum a corde materia trudatur, eam calidiorem censendam iure putamus: uti frigidiorem si a cerebro, frigidius nempe corde cerebrum existit, medio autem modo se habet, si ab hepate ad inguina materia demandetur, cum calidius cerebro, & corde minus calidum hepar habeatur. Et si quia dictorum membrorum vnum altero calidius, vel natura, vel ex accidenti

esse contingit, interdum res variare, & aliter quàm dictum est se habere facile poterit. Qui bubones si absque causa manifesta fiunt, viscerum inflammationem sequuntur, cum quibus etiam accessiones habent, & tunc ex ipsis ortæ febres malæ sunt, vt 4. aphor. 55. habetur: quod 6. de morb. vulg. sect. 2. tex. 10. sequenti oratione Hippocr. docuit: Abcessus veluti bubones signa quidem sunt germina habentium, tum aliorum, tum præcipue viscerum. Et subdit: Maligni autem sunt hi: Verum si in pestilenti statu contingunt, ne dum maligni, sed perniciosissimi habentur, quod Paul. lib. 4. cap. 22. sic inquires confirmavit. At qui febribus superueniunt, sicut præcipue in lue pestilenti accidere consueuerunt, pessimi sunt, siue in femoribus, siue ab alis collove proueniant: Hæc autem, quia non vi naturæ, sed morbi potius prorumpunt, præsagium in Bubonibus ita habet. Si post eorum ortum rubentes sunt statim, & in molem attolluntur, prominentq. & mucronati fiunt, magis salutare existimantur, maximeq. si accidentia remittantur. E contra vero si latentes erunt, albi, vel lucidi, & omnium maxime nigri, præcipue si accidentia increfant, perniciosissimi censentur. Ratione etiam loci non modicum inter se differunt, nam dextri inguinis bubo letalior¹ erit, alarum deterrimus: eorum vero, qui in collo nascuntur ab acutiori, feruentiori materia producti, deteriores existunt. Bubonis vero curationem explicaturus admonebo in primis lectorem, de bubone pestilenti paucam, ne dicā nullam, apud antiquiores medicos mentionem reperiri. Quidquid enim de re hac dixerunt id sub nomine de apostematibus glandulosarum partium tractauerūt, hac de re dicta recentiorum, qui de eo accurate scripserunt, non derelinquentes veterum vestigia insequemur. Quare ante omnia exhibitio beza-har dicto medicamento, curatio, vt Galenus etiam. 13. meth. cap. 5. & Paul. lib. 4. cap. 22. decernit, a sectione venæ auspicanda erit, quia morbus non solum magnus, sed maximus existit. Qui vt plurimum non vi naturæ dirigentis, vt dictum est, sed potius veneni vi, & humorum copia erumpit. Quem sanguinem præcipue si peccauerit, Guainerius non modicæ doctrinæ vir. cap. 4. sui tractatus ad animi defectum vsque mitti iubet, præsertim si cetera, quæ ad eius missionem faciunt, non reclamant, vel saltem, vt iterum mittatur suadet. Quod si sanguis iustis de causis mitti non poterit, scarificationibus, vt Galenus eodem loco, imperat, vtaris. A qua autem parte sanguis mittendus sit, præter ea, quæ in capite de sectione venæ supra docuimus, idem Guainerius loco supra citato præcipue insinauit. Bubone in emundatorijs cerebri existente, Cephalica illius lateris tundatur: si autem sub axillis, eiusdem partis Medianam, vel cubiti, vt Paulus docet, facias phlebothomari: quod si in inguinibus bubo apparuerit Sæf senam secandam iube. At si vt dictum est aliquid obstat, quod sectionem venæ impediat, ventosæ eius vicariæ erunt. Quare si retro aures bubo apparuerit ventosas in eius collo, & spatula illius lateris affiges: si sub axillis, parum sub spatulis: si vero in inguinibus, in natibus, in curuatura clunis, &

coxa eiusdem partis applicandæ erunt, idem quoque de scarificationibus dicendum est: Ex qua sanguinis missione duo commoda non spernenda sequentur. Primum, quia sanguis a membro principali, ad eius emunctorium trahetur. Secundum, quia natura exonerata sarcina reliquum melius poterit moderari. Ceterum cum humor non copia tantum, sed qualitate insensus, & deleterius existat, educente aliquo medicamento pro humoris natura, Galeni etiam decreto. 13. meth. educatur, qui non tantum humorem superabundantem, sed etiam, si in mediocritate constiterit, dummodo morbi magnitudo suadeat, ducendum esse affirmavit. Ceterum repellentibus vti medicaminibus in bubone nefas est, ex Galeni 3. de comp. med. localium. cap. 2. sed mollientibus maxime quod Auicennas loco supra citato sic iniquens confirmavit, & non administres expulsiua, sed molliuia. Quare locus Pauli etiam testimonio sequenti decocto fouendus erit:

Recipe chamemeli.
 Meliloti.
 Maluarum.
 Anethi.
 Ficuum siccarum num. 10.

} ana. m. j.

Bulliant in s. q. aquæ. s. ar. & locus lana succida hoc decocto imbuta, vel stupa cannabina per duas horas ante cibum multoties lana, vel stupa immutata bis die foueatur. Ad quem usum Guainerius emplastrum ex Cæpa sequenti ordine parat:

Recipe cæpæ num. j.

Fiat in ea fouea, & Theriaca impleatur, & parte cæpæ, quæ detracta erat, coperiatur, & obturetur: deinde coquatur, & instar emplastri loco applicetur: quæ cum venenum attrahit, tum attractum interimit. Quod enim Theriaca dicto modo applicata venenum tamquam cucurbitula attrahat Gal. lib. de Theriaca ad Pisonem. cap. 16. aperte demonstravit. Idem quoque sequens emplastrum præstare solet:

Recipe cæpæ communis. vnc. iij.
 Cæpæ scillæ. vnc. ij.
 Calamenthi.
 Hyssopi.
 Origani.

} an. m. ij.

Conterantur omnia, & in lixiuio bulliant, donec tundi commode possint, quibus adde:

Galbani.
 Armoniaci.
 Serapini.
 Costi.
 Visci bene parati.
 Mellis.

} ana. vnc. ij. semis.

} ana. q. s.

Misce fiat empl. quod humiditates, a profundo attrahit venenofas, & attractas enecat. Non defunt, qui hoc modo empl. parent:

Recipe farinæ cicerum rub.

Farinæ lupinorum. } ana. vnc. j.

Farinæ feminis lini.

Chamemeli.

Apiorum. m. j.

Scillæ. vnc. femis.

Fimi columbini. vnc. ij.

Ol. anethini. q. s.

Misceantur, & fiat empl. s. ar. & calidum applicetur, sunt etiam, qui podicem galli depile buboni, vt ipsum sugat, & vna cum viru foras trahat imponunt. Cui prodest etiam hirudinum cucurbitularumq. affixio, vt 3. de comp. med. localium loco citato Galenus docet, si materia libere non erumpat, vel natura eam expellere non valeat. Quæ vbi satis attracta videbitur, curandum erit, vt maturetur. Maturabitur autem si dictis emplastris malua, lapatium, radices hibisci, capæ, liliorum alborum, & branca vrsina scilicet, vel ex his vna, vel plures cum pinguedine suilla, & butyro addantur ad maturitatem perductus bubo, etsi non completam incidatur, mundetur, carne impleatur, & more aliorum abscessuum curetur. Verum quia maturationi sæpius est rebellis, propterea multi cauterio vocato potenciali, capite superiori descripto, grani hordei magnitudine imposito, & circiter horam dimisso, crustam excitant, postea quæ tollunt crustam apponunt, & more aliorum vlcera sanant. Multi cauterio dicto actuali etiam a principio bubonem inurunt, quod certe, nisi maxima instante necessitate, non laudo: sed in his tantum qui viribus constant, & vniuersalioribus præsidij primū adhibitis, nisi sit quod obster, fieri probō. Pro quorum confirmatione cuiusdam fabri Chiamberiaci Guainerius historiam refert, qui candentibus forficibus ipsi sibi bubonem inussit & euasit. Post vstionem vero maturantia applicare, vt supradictum est, expediet, quo tempore, vt suis capitibus videre licet eggrum, Be-

zahardicis, epithematibus, victus regimine, & omnibus, quæ ad bubonis pestilentis curationem faciunt, curare expediet.

His enim medicis Deo fauente perditam egrosi

sanitatem redimere, atque tueri com-

mode poterit.

ANTONII PORTI
FIRMANI,
SIXTI V. PONT. MAX.
MEDICI A CVRA SECRETA,
LIBER QVARTVS.

De variolis, & morbillis.



P R A E F A T I O.



VANTAM Variolæ, & Morbilli cum peste habeant cognationem id ostendit, quodd fere cum peste congeni sunt: contagium enim quoddam omnibus inest, & interdum par ad interitum exitus. Vnde eadem quodam modo vtrique curatio debetur, quia eadem fere causa vtrumque morbi genus procreat. Quod exemplo australis constitutionis, & ciborum, qui putredini, & ebullitioni obnoxij sunt, facile patet. Hinc communem aliqui

de vtroque tractationem ediderunt: vt Razes medicus admirabilis, qui sub pestilentie titulo accurate satis de Variolis pertractauit. Quare haud incongruum erit absoluta iam de peste tribus superioribus libris, tractatione, hoc quarto de Variolis, & Morbillis agere. Etsi non defuerunt, qui ante pestis tractationem de ipsis sermonem habuerunt, nec iniuria, cum pestis præcursores, & nuncij, vt primo libro diximus, sapius existant: vt aliquando ab ipsis pestilens lues originem traxisse videatur. At nos cum hæc affectio omni humano generi cõmunis indifferenter ad salutem, & ad interitum se habeat, eam semper pestilentem dici posse non putamus. Quare cum a causa externa, communi tamen, nempe aere ceteris etiam concur-

concurrentibus, originem morbilli trahunt, si ad salutem terminatur epidemium morbum simpliciter dicimus. Vti si ab eodē aere fiant, vel coinquinato, vel immodice alterato, aut aspectu siderum per spirituales qualitates malo modo immutato, & ob id deleterij effecti, vt plurimum egrotantes perdunt, pestilentes iure vocantur. Ne molesta igitur repetitio eorum contingeret, quæ de pestilentium morborum natura differentes abunde tractauimus. Et quia Princeps, & cum eo alij plurimi post pestis tractatum, de Morbillis, & Variolis sermonem habuerunt. Hos equidem sequutus a quid nominis ipsorum tractationem aggrediar.

Nomina præsentis morbi explicantur, & utrum morbus hic nouus sit, disputatur. Caput I.

VARIA nomina morbis omnibus imponi propter varias, quas ipsi morbi habent, relationes docet Galenus lib. 2. meth. cap. 2. Nam cum vniuersæ nomina desumantur, vel a læsa particula, vt pleuritis ab affecta pleura, vel a symptomate, vt tenesmos a desidendi assiduo, & continuo conatu, vel ab utroque vt stalgia, idest aurium dolor, vel a similitudine ad aliquod aliud, vt elephantiasis, quod vitium elephantis corio simile sit. Ideo mirum alicui esse non debet, si auctores morbum de quo agimus, ob varias, quas habet relationes, varijs etiam nominibus nominare veriti non sunt. Nonnulli enim pestilentiam, alij epidemiam, alij exanthemata, ectimata, similiter alij variolas, morbillos, pustulas, papulas, & pituitæ denique eruptiones, alij atque alij vocauerunt. Variolas dixerunt: quia cutim variant, varijs eam maculis, & multis signando. Morbillos vero quasi paruos morbos, exanthemata proprie Galenus appellauit 5. Meth. cap. 2. sic inquit: Atque cum ita iam vacuati essent, qui euasuri erant nigra toto corpore his pustulæ, quas exanthemata vocant, confertim multæ apparuere, vlcerosæ quidem plurimis. Ectimata tumores in cute sponte efflorescentes, 3. epidem. dicuntur, qui si a crassiori materia Italica lingua, variolæ: vt si a tenuiori, morbilli appellantur. Et si apud omnes auctores eadem nomina non fortiantur. Auicennas enim eminentes pustulas, quæ Romana lingua, Moruiglioni dicuntur, variolas vocat: e contra vero morbillos dicit, qui Romæ rosalia nominantur. Quare etsi de nominibus, vt monet Galenus, disputari non debeat: quia tamen nisi nomen constituatur certa rei ratio, de qua agitur, haberi non potest. Hinc nos cum doctissimo Germano, qui de re medica optime meritus est, eminentes pustulas, quæ suppurant & pruriunt, morbillos dicemus, idq. libentius quia Romæ degimus, vbi sic morbilli appellantur, vt planas, & minus prurientes variolas nominabimus. Quam sententiam confirmauit Galenus 6. de morb. vulg. sect. 2. com. 29. super verbis Hippocr. latæ pustulæ non admodum pruriunt: nam in comment. sic habet: Dicebamus quæcumque tubercula ex calido humore nascuntur, celeris

leris videlicet ea iudicationis esse, ac minime lata: ex frigido vero latæ, atque diuturnæ eadem ratione, & de pustulis differendum est. Hæc ibi. Ex quibus videretur dicendum, non a crassiori materia morbillos oriri, cum eminentes pustulæ existant, sed a calidiori subtiliorive. Etsi idem Galenus super tertio in tertium, de morb. vulg. comm. 51. visus fuerit aliter determinasse dum ait. *ἐκθύμασι*, idest, papulis nomen, in his quæ sponte extuberant in cute. Hæc constat superfluis scilicet humoribus. Atque qualitatem etiam non iniuria subsequuntur, cū tenues humores exulcerationem potius, quàm tumores creent, crassi autem pellem in tumorem attollant. Quæ verba conciliari poterant cum supradictis, quia contraria quodammodo videntur: Humores scilicet crassos pellem attollere. Hoc enim non in principio cum primum apparent efficiunt, nam initio tenuis potius cutim attollit, qui deinceps tempore totus extruditur, & coctione crassescit, & in pus conuertitur, & ideo cutem attollere cernitur, vt scilicet hoc efficiat, non quia natura crassus, sed quia concoctus. Etsi possumus etiam dicere, quod a crassiori humore pellis attollitur, non simpliciter, sed comparatione tenuissimi, & acerrimi: Namque quo subtilior humor est, eo potest magis ulcerare cutem, quàm attollere. Non itaque humor, qui morbillos facit, & cutim attollit crassus appellari simpliciter debet, sed comparatus subtilissimo. Alioquin proprie subtilis dicendus est. Crassior autem humor, repentino impulsu ad cutim detrusus ob partis duritiem in ipsa remanet, & pro eius varietate variolas similiter, & alias diuersas in cute efflorescentias absque ipsius cutis tumefactione gignere valet, quæ fere planæ omnes sunt, & cuti ipsi adhærentes, contra quam in morbillis conspiciamus, qui vix apparent, & milij formam representant. Erit itaque crassior materia variolarum, quàm morbillorum. Qui morbilli eodem 3. epidem. 51. & 52. papulæ magnæ, & herpes magni appellantur, quæ verba exponens Galenus ita scriptum reliquit: Herpes magni dicuntur, vel quia magnum occupant locum, vel quia cum maligna erosionem contingunt. Hæc autem oratio in morbillis, a falso phlegmate obortis, vel ab allata bile vera est: Tunc enim ac si igne, vel feruenti aqua perusti essent agrotantes, vesiculæ fiunt, & pruriginem ad scalpendum coacti patientes cutem excoriant, vnde virus exit, & serpentia vlcera sepe contingunt. Plinius vero interdum papulas, aliquando pituitæ eruptiones vocare consuevit: papulas dixit, quasi sponte in cute exuberantes. Quas si propterea papulas quasi pascetes, aut populares aliquis dixerit, aberrare non putaremus. De quibus Celsus. lib. 5. cap. 28. circa finem nomine papularum, & pustularum docte satis, & eleganter tractauit: earumque duas descripsit differentias, quas studiosi legant si placeat, nostris enim adaptari perbelle poterunt. Ex quibus manifestum est, & antiquum esse morbum, & antiquioribus Græcis, & vt Razis 18. continentis, ex Georgij decreto refert, etiam Galeno notum. Ceterum cum iam constet antiquum fuisse hunc morbum, & antiquissimis Græcis

medicis notum, locus quæstionis nobis est. Cur apud ipsos de his propria tractatio non habeatur, cuius rei ni fallor hæc potuit esse præcipua causa, quòd eorum temporibus securissimus morbus esset, vel ob moderatiorem victum, vel ob corporum cælestium, & aeris benignitatem. Quod nostris quoque temporibus antequam ita vinolenti mortales essent, & bibillones, accidisse vidimus. Ad eorum enim curationem medici non admittebantur, sed solum a frigore, & aeris iniuria ægrotantes se tuebantur, & ope solum naturæ sanitati reddebantur. Hic autem morbus cum a sanguine, quo fetus in vtero nutritur ortum ducat, nouum morbum esse, vt recentiores videntur innuere, dicendum non est cum a mundi exortu ad hæc vsque tempora sanguine, qui singulis mensibus expurgari solebat, fetum in vtero nutrirî certissimum sit. Quare, vel dictus sanguis propria eorum causa non esset, vel hi morbi sempiterno æuo fuere. Qui vel ex prauo victu, vel ex coinquinato aere deleterij effecti, vt apud Arabes ex eorum monumentis interdum contigisse intelligitur, non iniuria pestilentes dicuntur: nam & ipsi pestis instar ægros depascuntur. Epidemia vero tandem, quasi super populum adueniens nuncupatur, absque enim impellente aere cum vulgaris, & contagiosus morbus sit, fieri nullo modo potest. Et hæc de nominibus.

De natura variolarum, & morbillorum, & eorum differentia.

Cap.

I I.

EXPLETA tractatione de nominibus morbillorum, & variolarum: reliquum est eorum essentiam explicare. Verum quia diximus huiusmodi morbos vulgares esse, & non tantum vni, sed pluribus etiam ciuitatibus communes, similiter indifferenter modo ad salutem, interdum vero ad interitum terminari, pro diuersarum causarum agentium vi, & potestate, necnon corporum suscipientium dispositione, & natura: Propterea simplicem epidemiam quandoque, aliquando vero pestilentem morbum appellari debere, hinc varie diffiniendum esse adeo manifestum est, vt probatione minime egeat. Ceterum quia primo libro satis superq. pestis diffinitionem examinauimus: ideo in præsentiarum tantummodo Epidemix, & morbillorum diffinitionem aggrediemur. Est itaque Epidemia aeris dispositio, per quam multiplicantur morbi eiusdem generis, & communes sunt in vno tempore, in vna vel pluribus regionibus, vt plurimum salubres: Vt febres, catarrhi, dysenterix, variolæ, & morbilli. Qui morbilli, & variolæ, est eruptio materiæ in cute, vel eleuata, vel plana, ob sanguinis defecationem, post seruorem ex febre, a sanguine, & bile orta a natura per modum crisis excitata. Quæ diffinitio omnibus alijs cutis eruptionibus est communis. Ex dictis itaque manifestum est morbum hunc simplicem non esse, sed maxime complicatum. Intemperies enim est, cum sine febre morbilli non fiant: soluta vnitas est, cum

vesiculæ,

vefficulæ, & tubercula oriantur. Numeri quoque morbus est, cum multa dicta tubercula existant, & demum magnitudinis, cum in molem excrefcant, & per ipsos corpus intumescat. Differunt tamen inter se, quoniam variolæ a crassiori, morbilli vero, vt capite superiori probatum est, a tenuiori materia ortum ducunt. Differunt rursus figura, morbilli enim eminentes, variolæ autem planæ conspiciuntur. Differunt præterea, quoniam variolæ non pruriunt, vt morbilli, nec suppurant, & in squamas euadunt: omnibus tamen eadem, aut parum dissimilis curatio debetur. Quodd si morbillorum curatio diuturnior, difficiliorq. existit, non est propterea tanta eorum diuturnitas, quæ prohibeat inter acutos morbos reponi. Maxime vero in deleterio cæli statu. Quo tempore non tantum acutus, sed pestilens, vt supra dictum est, apprime dici poterit. Quoniam vero positum est in definitione morbillos esse eruptionem materiæ ad cutim, post feruorem ex febre. Quæ locutio indicat morbillos absque febre non inueniri, vt veritas magis elucescat, an sine febre fiant inquiramus.

Morbillos absque febre non erumpere: rursus quæ nam febris sit, explicatur.

Cap. III.

VTRUM morbilli cum febre semper, an aliquando sine febre fiant, non paruam dubitationem habet. Recentiores enim auctoritatibus, & experimentis adducti, absque febre interdum erumpere affirmant: Et in primis auctorem habent Auicennam primæ. 4. tract. 4. cap. 6. vbi hæc leguntur: Et vt sit febris, deinde variolæ saluius est, quàm vt sint variolæ præcedentes, deinde consequatur, & accadat super eas febris: Deinde citant auctoritatem ex 2. Theisr. tract. 7. cap. 3. quo loco Abenzoar sic locutum dicunt: Cum mouetur natura ad hanc expulsionem faciendam, excitatur pro maiori parte febris: quæ verba innuere videntur, huiusmodi expulsionem sine febre interdum fieri posse. Hæc recentiores. Nos autem pro tutela veritatis secus dicimus. Morbillos scilicet cum eos ebullitio sanguinis præcedat, absque febre fieri minime posse. Verba enim principis, morbillos absque febre erumpere, nec probant, nec innuunt, inquit enim: Melius est, vt morbillos antecedar febris, quàm vt subsequatur, non quodd sine febre erumpere morbilli possint, sed potius, quia febris ebullitionem supponit, melius est, vt tempore ebullitionis fiat febris, quàm vt ebullitioni succedat. Quo tempore quia materia ebullitionem faciens, ad cutim fuit a natura detrusa, ebullitio cessare debet. Quare si eo tempore febris fiet, materiæ inobedientiam, & contumaciâ, venenumq. necnon & naturæ impotentiam ostendet. Hinc dicitur melius, & tutius esse, vt in ebullitione tamquam in tempore competenti febris fiat, quàm post morbillorum eruptionem, & cum ebullitio cessare debuit. Habent enim duo tempora morbilli, vnum ebullitionem insequi-

tur. Alterum eorum exitum, & eruptionem parat. In ebullitione, ut dictum est, necessario febris excitatur, & oritur: post morbillorum vero exitum sepius febris imminuitur, & interdum delitescit. Quæ postea in eorum maturatione reuertitur, cum in generatione puris, & saniei dolores, & febres fiant. Ex his facile elici potest, verba principis verissima esse, melius nempe esse febrem morbillos antecedere, quàm eos consequi, non tamen quòd aliquando absque febre morbilli erumpere possint elicitur. Sed melius & tutius esse, febrem morbillos anteire, quàm ipsi succedere, cum semper febris eos antetateat, & ut plurimum sequatur: Quæ tanto validior esse consuevit, quanto numerosiores morbilli fiunt, & puris maior copia generatur: maxime si quod in pus vertitur, acris, & pravi moris existat. Hæc ad Auicennam. Abenzoar vero auctoritas, si ut citatur ita se haberet, nullam profecto interpretationem susciperet, sed in meo codice scriptum sic est: Et cum mouetur natura ad hanc expulsionem excitatur plerumque febris valida. At vltima dictio: valida, scilicet, fortasse in libris aliorum non extat: Quare non quòd absque febre aliquando morbilli fiant Abenzoar affirmavit: sed quòd pro maiori parte febris valida excitetur. Ac si dixisset interdum absque febre valida fieri posse, sed non propterea sine febre, Quòd si quandoque, & quia materia pauca est, & quia mitior, morbilli absque febre ad cutem detrudi videantur, dictam tamen expulsionem cum mitiori febre fieri dicendum est. Hæc ad auctoritates. Ad experimenta autem, quòd absque febre interdum viderint morbillos erupisse, vario modo pro varietate casuum satisfacere possumus. Eruptiones namque in cute fiunt, vel in adultioribus, vel in puerulis: Rursusque vel vere morbilli sunt, vel aliquid eis proportionatum: Quare si in adultioribus sine febre contingunt, morbillos veros non esse, sed aliquid eis proportionatum existimandum erit. Multos enim cutis affectus exempli gratia scabiem, & vesiculas quasdam, quas nonnulli vulgares ballaccaras appellant, in dies conspiciamus sine febre erumpere. Secus autem in veris morbillis eueniet, nam vel mitiorem, vel validiorem, semper tamen febrem adiunctam habent. Quare si veri morbilli fuere, ut recentiores asserunt, per simplicem contactum, ab ægris susceptos esse putandum est, ac propterea absque febre apparuisse. Non fuit enim facta ebullitio, vel quia humores alias ebullierunt, vel quia impulsor tam potens non extitit, ut ebullitionem excitare potuerit, unde natura non stimulata, cum per simplex contagium id factum fuerit, contagiosus enim morbus est, morbilli in cute quidem gigni potuerunt, ebullitio tamen, & tandem febris dictas ob causas gigni non valuit. Quare si hunc in modum morbillis capti antea morbillos passi non sunt, ebullitione deinceps facta, & febre ab impulsore excitata morbillos patientur. Ceterum cum sit morbus, ut plurimum puerilis, iuxta alterum diuisionis membrum. In pueris autem ebullitio, & febris sæpe delitescat: cum sæpe utraque debili corripiantur. Ipsi vero nisi a valida, & potenti

& potenti non commouentur : inde fit, vt morbilli erumpant prius, quàm pueri se febrile dicant, & alij cognoscant hinc absque febre erumpere, sed falso creduntur. Dicimus igitur morbillos absque febre fieri nequam posse, sed videndum remanet quanam febris sit quæ morbillos comitatur : nam cum in sanguine ebullitio fiat, synocham appellare iure merito possumus : propterea Auerroes 3. coll. cap. 8. ait : Quare sunt hæ ægri tudines, variolæ nempe, & morbilli cum febre sanguinis : si itaque sanguis esset nimis corruptus, posset patiens ex eo mori, & Rasis lib. 7. cap. 8. dixit : Variolæ de sanguinis putridi nascuntur corruptione, & sunt de accidentibus synochum comitantibus : & 18. continentis eandem sententiam confirmauit. Constantinus quoque Africanus lib. 7. cap. 8. hanc veritatem non tacuit. Sanciatur itaque, febrem, quæ morbillos præcedit, & consequitur conclusam esse, & synocham. Verum quia synochus duplex est, nempe cum putredine, & sine putredine, vt ex 9. Meth. 2. 3. & 4. capitibus liquet, hæc quæ morbillos comitatur cum putredine sit, nec ne, videndum remanet. Recentiores enim vtroque modo fieri posse affirmarunt. Nos tamen dicimus in omnibus morbillis, synochum cum putredine reperiri : hoc enim Auicennas loco supra citato aperte declarauit, dum dixit : Quandoque accidit in sanguine ebullitio secundum semitam putredinis cuiusdam, sed clarius paulo post his verbis : Et de hoc est, cuius causa est, res quasi naturalis faciens ebullitionem sanguinis : quare putrescit ab eo illud, quod admisceatur ei de reliquijs nutrimenti sui menstrualis, quod est in imprægnatione : Rasis quoque loco allegato eandem sententiam confirmauit inquit : Variolæ de sanguinis putridi nascuntur corruptione, & sunt de accidentibus synochum comitantibus : quæ verba febrem variolarum synochum esse cum putredine perspicue demonstrant. Eandem quoque sententiam Constantinus Africanus, & Serapio tractatu 6. cap. 12. similiter, & Rasis cap. primo scriptam reliquere. Et quidem iure, numquam enim contingit, vt infra clarius patebit, morbillos absque causa interna erumpere. Quam internam causam excrementum, a fetus nutrimento genitum, & cum bono sanguine intra venas a natura receptum statuemus : Quod excrementum in dicto morbo semper putrescere, ebullitionemq. gignere, & ad cutim instar crisis, a natura detrudi, ex dicendis manifestissimum erit. Hinc dicere cogimur ab excremento putrido synochum cum putredine semper oriri, quod eruptiones ipsæ a materia putrida, & propterea fetida ortæ clare ostendunt. Itaque vel ad salutem, vel ad interitum variolæ desinant, a putrido excremento semper, etsi quandoque benigniori, interdum vero acriori perniciosiorive generantur. Quæ pernicies, & salubritas, præter dicta, a paucitate quandoque, & multitudine materiæ ortum trahit. Vti a causis exterioribus, etiam quæ omnes modo perniciosiorem ; aliquando verò mitiorem, salubrioremve morbum gignere valent. Ceterum a quacumque causa sit, febris synocha, illaq. cum putredine semper morbillos comitatur.

CVM statuerimus febrem, quæ morbillos comitatur, & variolas, synocham esse, & putridam, expedit deinceps explicare, an cum aliquo rigore hæc eruptio nascatur: sed non erit abre nonnulla prius de rigoris natura paucis repetere. Noxia materia ad cutim per membra sensibilia a natura detrusa, siue sit calida, siue frigida, rigorem, horrorem, & frigus excitare solet. Ceterum quia certa vniuscuiusque rei cognitio definitione habetur, propterea rigoris, horroris, & frigoris definitionem in primis explicabimus. Est itaque rigor, vt colligitur ex Galeni. lib. 2. de symphthom. causis. cap. 5. & lib. 2. de crisib. cap. 3. clarius tamen, & melius. lib. de rigore, tremore & ceteris. cap. 6. & 7. perfrictio vehemens, & dolorifica in calido naturali facta, ob materiæ noxiæ ad partes sensibiles expulsionem, cum inæquali totius corporis agitatione, concussionem, & quasi conuulsionem, corpus in statum præter naturam inducens. Horror vero ex sententia Auicennæ primæ quarti cap. 6. est dispositio, in qua inuenit corpus diuersitatem in frigore, & punctione, in cute, & lacertis: Frigus tandem ex eiusdem sententia, est, vt sentiat patiens in membris suis, & dorsis lacertorum suorum frigus purum. Sed Auicennæ definitiones dimittamus, & a Galeno rigoris assignatam definitionem examinemus, hac enim diligenter explorata, facillime ceteræ innotescunt. Dicebamus rigorem esse perfrictionem vehementem, & dolorificam, & c. In qua definitione iure Galenus dictionem illam: vehementem, apposuit. Non enim omnis perfrictio caloris naturalis rigorem excitare potest, sed illa tantum, quæ valida, & vehemens est, a cuius perfrictionis vehementia, & remissione, concurrente materiæ noxiæ, & expulsi conditione, & natura necnon membrorum maiori, aut minori sensibilitate, interdum fit rigor, aliquando horror, & non raro frigus. Calor autem naturalis duobus modis refrigeratur, a materia nempe vitiosa, quæ tamquam inimica, a calore destituitur, & propterea in eius expulsionem refrigeratur. Refrigeratur secundo, quia omne agens agendo patitur, ideo calor calefaciendo remittitur, dissipatur, & dissoluitur. Hic calor mouetur semper, nam immobilitate extingueretur: eius autem motus in rigore duplex, & ipse censendus est a centro scilicet ad circumferentiam, & a circumferentia ad centrum. Mouetur ad circumferentiam leuitate, quam possidet præ tenuitate substantiæ, & vt noxiam materiam ad exteriora propellat, quam cum in febribus expellere tentat, a materia poros obstruente retardatur. Hinc mutus eius recursus, modo enim calor intro resilit, ceu ictu repercussus noxiam materiam refugiens, & vt nutrimentum capet reuertitur. Quo tempore ratione materiæ ad exteriora propulsi, & quia membra calore destituuntur animal riget. Qui calor, a nutrimento capto roboratus materiæ noxiæ violentius occurrens, ipsam iam minorem redditam magis, fortiusq. ad exteriora propellit: idq. adq. per successione fit, quoad omnis noxiæ

nis noxia materia ad partes sensibiles effugerit . Et ex his affectus fit dolorificus, ceu ictibus corpore in vtroque motu laborante . In quo motu , a materia frigida ad frigidiores partes propulsa , vel a calida acri pungentive ad easdem delata, & calore ad principium retracto , ob inæqualem , & violentam eius aggressionem , & repullam rigore animal corripitur . A quarum conditionum remissione , concurrente vt dictum est materię noxię natura , necnon membrorum maiori , minorivę sensibilitate , aliquando fit horror , non raro etiam frigus . A quibus autem causis huiusmodi typi fiant, varias medicinę procerum inuenio opiniones . Hippocrates primo de morbis inquit : Rigor quidem fit ab externis , ventis , aqua , serenitate , fit etiam ab ingestis cibis , & potibus , maxime tamen fit , cum bilis , & pituita , vel vtraque aut altera ipsarum permixtę fuerint cum sanguine , præcipue pituita quę frigidissima est natura . Cum autem hæ permixtę fuerint cum sanguine , ipsum congelant , non tamen omnino : non enim viuere posset homo si sanguis frigidior multis modis se ipso fieret , a cuius congelatione corpus totum refrigeratur , & rigore corripitur animal . Galenus vero locis supracitatis . 2. de crisis. cap. 3. & 2. de symptom. caus. cap. 5. de rigoris materia loquens idem profecto, quod Hippocrates, sentire videtur : nempe quoddam a causa frigida , quàm a calida bile scilicet , & pituita rigor fit : quod ante quoque Aristoteles docuerat 8. probl. 10. Ceterum quoddam a pituita rigor oriatur , dubitationem non habet , cum frigidissimus humor sit , vt Hippocrates dixit . At quoddam a calido acri , & pungenti excitetur in dubium reuocari posset , propterea exemplo subitę perfusionis aquę calidę , incusione scintillę ignis , & imposito adurentis pharmaci partibus vlceratis , hoc Galenus confirmauit . Ideo lib. de tremore. cap. 6. inquit : Ex calidiorum medicaminum applicationibus , nonnumquam solus horror , sæpe etiam , & rigor superuenit : Quemadmodum inuadentibus febribus cum flaua bilis non in vasorum conceptaculis , sed per carnes mouetur . Hac enim ratione sola ardentes febres , a tertianis differunt : etenim ardentes in vasis bilem habent , in tertianis vero extra vasa per sensibilia corpora fertur : sunt ergo rigor , horror, & frigus a quattuor potissimum causis , a vehementiori , debilioriq. caloris naturalis perfrictione , a materia frigidiori , calidioriq. a membrorum maiori , minorivę sensibilitate , nec non a validiori , & infirmiori motu . Quando igitur valida erit perfrictio caloris naturalis , materiaq. calidior , vel frigidior , vel acrior , ac similiter validiori motu concitabitur , & membra tandem , per quę materia hæc transit acutiori sensu prædita fuerint , rigor fiet , & ille quidem vehemens . Quoddam si hæc aliquantum imbecilliora extiterint , horror : si vero magis adhuc infirma , frigus nascetur : Sed vnum est hoc loco animaduertendum , quoddam etsi omnes causę , quę dictę sunt non concurrunt , non propterea rigor non fiet , sufficiet autem aliquas adesse : Nam si materia valde frigida sit , & valide concitetur , etsi membra minus acri sensu prædita erunt , perfrictio nihilominus vehemens caloris naturalis

naturalis fieri poterit, & rigor sequetur: qui tamen foret vehementior, si sensus partium acris esset, & exquisitus. Ex his autem facile sciri potest cur in tertiana intermittente fiat rigor, in quotidiana horror, in quartana denique frigus sentiatur: nunc, ut fumus polliciti, de morbillorum rigore disputabimus.

Cur in variolis, & morbillis rigor non sentiatur. Cap. V.

CVm in variolis, & morbillis a centro ad circumferentiam materia detrudatur, ut omnes affirmant, quæ calida, & acris cum sit, rigorem commouere deberet: Quod quia non fit, ut sensus docet, quamobrem non fiat modo explicandum duximus. Dicimus igitur quattuor esse causas, quibus rigor in morbillis non sentitur. Prima est locus in quo dicta materia continetur. Secunda quia vehementi motu non mouetur, nec per membra sensibilia fertur, ut rigorem excitare possit. Tertia quia ægri exquisiti sensus non sunt, quinimmo ob nimiam humiditatem ab utero contractam obtusi sensus existunt. Quarta, & vltima quia vehemens illa perfrectio caloris naturalis ad concitandum rigorem necessaria in expulsiōe materiæ minime reperitur. De his igitur quattuor causis sigillatim dicendum est: vnde locus alius profecto non est, quàm venæ extimæ, cutiq. vicinæ. Propterea Isach in tractatu de febribus cap. 3. dixit: Causa variolarum omnibus, aut pluribus nascentium materia est in compositione fetus in vulua existentis, quam natura in quibusdam locis clausit, a principioribus membris remotis, & cuti vicinantibus, propter debilitatem membrorum fetus illius materiæ qualitatem non sustinentium. Quæ cum propter aliquod exteriorum mouetur, sicut propter pessimos chymos, aut corruptum aerem, a suo loco egreditur, cum natura stimulata, eam ad cutim, quæ sibi vicina est, propellit. Hæc ille ad verbum. Ex quibus clarissimum est, sententiam huius doctissimi viri fuisse, naturam scilicet morbillorum materiam in venis cuti vicinis dictis de causis reseruasse: Quare falluntur iudicio meo recentiores, qui nonnullis rationibus moti, ut infra melius patebit, suppresso auctoris nomine sententiam hanc, & retulerunt, & refutarunt: inquit enim minime verisimile fore, tantam humorum congeriem in venis cuti vicinis reseruari, & per dicta venarum oscula ad totius corporis mundationem tantum detrudi, sed probabilius esse vndeque prorumpere. Non animaduertentes forsan, quod uti exterius vniuersum corpus per dicta venarum oscula nutritur. Ita per eadem morbificam materiam ad vniuersum corpus euomere naturam commode posse. Sed addunt, si vere per dicta oscula morbillorum materiæ euomeretur, quia naturam de indiuiduis sollicita est, in omnibus febribus intermittentibus idem moliretur, & a rigore, & horrore animal vindicaret. Quasi nesciant inter materiam morbillorum, & febrium intermittentium, non modicum discrimen esse: cum illa in venis cuti

cuti proximis, vt dictum est, hæc autem in intimis, & penitioribus corporis partibus contineatur, vt in venis hepatis vicinis in mesenterio, & consimilibus. Sed petent fortasse cur febrium intermittentium materia ad extimas venas, vt morbillorum, non transmittatur. Quibus possumus respondere, materiã febrium intermittentium, vt morbillorum excrementũ non esse, sed bonum sanguinem potius, qui interdum alicuius permixti humoris ratione quantitate, aut qualitate, vel utroque modo naturam stimulans, aut premens, cum putredini idoneus sit, antequam putrescat, vt a dicto permixto humore sanguis mundetur, a venis illis extra, nempe ad membra sensibilia natura propellit, qui propulsus humor, alijs concurrentibus conditionibus, rigorem facit. At in morbillorum materia res secus se habet, excrementum enim est, a principijs etiam generationis cum bono sanguine a fetu genitum, quod tamquam inimicum a membris principalioribus; ad venas cuti proximas natura expulsi, cum eo tempore a bono sanguine ipsi separare non valeret, vt infra capite videlicet septimo demonstrabitur: in quibus venis vsque ad dictã ebullitionis tepus reseruatur, ibiq. reliquam sanguinis massam fermentat, vt Princeps docuit. Quare cum humor tempore ebullitionis ab intimis ad extrema non moueatur, sed tantum in extimis venis contineatur, ab ipsisq. a virtute expultrice per totum corpus euomatur, præter id, quod per membra sensibilia feratur, rigorem incutere nullo pacto potest, & eo maxime, quia secunda conditio in rigore requisita, minime concurrit. Erat autem materiam ante dictam vehementi motu moueri debere: Quare cum materia morbillorum in partibus internis non retineatur, vehementi motu moueri non potest. Cuius rei argumentum est, quod a quarto vsque ad septimum integre exeunt morbilli. Etsi in quarto instar chrisis illorum expulsionem natura aggrediatur. Dixi instar chrisis, nam chrisis vera appellari nequaquam potest, quia tota materia vnico impetu, & expulsionem non detruditur, vt recentiores putant: sed his accidit quemadmodum in menstruantibus mulieribus accidere in dies cernimus, in quibus si sanguis, vel prauus, vel multus repurgandus est, vt prius turbatio in eo fiat oportet: vt Hippocrates in libro de natura pueri num. 6. demonstrauit, in qua turbatione cum separatio mali, a bono statim fieri non contingat, vt sensim prauus a bono sanguine separetur, sensimq. etiam educatur, quoad tota peccans materia expurgetur necessarium erit: quod trium, aut quatuor dierum numero fieri consuevit. Quare cum excrementum in venis cuti proximis pro generatione morbillorum seruatus, ille sit, qui mensales purgationes facere solebat. Magna quidem cum ratione factum est vt eodem modo, dum morbillos generat, expurgetur: quemadmodum pro depuratione sanguinis singulis mensibus prodire solitus erat: vnde cum illud facta turbatione in sanguine sensim expurgabatur, a pari istud facta similiter turbatione in sanguine, & febre per ebullitionem concitata, ante in ebullitione subtiliatum sensim euacuatur, & propterea vehementi

motu non mouetur. Ex dictis ergo concludendum videtur vehementem motum in morbillorum generatione, nec requiri, nec reperiri: sed illud sensim per orificia illarum venarum expelli. Adde præterea, eiusmodi motus vehementiam non requiri: quoniam tenella puerorum caro, humori quem natura expellit, non resistit: sed vt particulatim in ebullitione materia attenuatur, ita sensim per cutim refudat. Ostendunt hoc madores perpetui, qui ea lege prodeunt, vt spuma illa aerea in ventre matris ob diurnam clausuram contracta expurgetur, & in halitum ob ebullitionem conuersa, poros dilatet, viamq. terreæ feci detrudendæ commodam paret, a quibus madoribus etiam dictæ fecis acredo, quodammodo retunditur. Quæ propter ab ipsa tam valide natura non stimuletur, vt subito, & vnica vice illius expulsiō perficiatur: sed paulatim per dicta venarum orificia eiicitur, & debiliter mouetur. Maximeq. & hæc est fortissima ratio, quoniam dicto humori ob diurnam moram in corpore, natura sic assuevit, vt ab eo quiescente non lædatur. Atque hinc contingit si materia illa, a prauo vitæ regimine non augetur, & ab analogo occurrenti non moueatur, vltra quam intelligi possit ipsam a natura tolerari. Tertia causa rigorem prohibens erat, quod ægri exquisitum sensum non haberent, pueri enim ob nimiam ex vtero humiditatem sensus obtusos habent, quæ propter omnes viros patres, & feminas matres appellant, donec vigoretur intellectus, vt primo physicorum Aristoteles docuit. Quæ corroboratio cum intellectui minime competat, quia magis, & minus non suscipit, ipsis sensibus adaptetur oportet. Hinc Plinius lib. 7. Quando homini incessus? Quando fari? quando firmum cibus os? quam diu palpitans vertex? Quæ docent obtusi sensus pueros esse: Nam verticis palpitatio ob nimiam fit ex vtero humiditatem, os ipsū uerticis coalescere non permittentem. Quæmet dictas functiones lædere; & aliquando abolere facile solet. Reriquum iam est quantum partitionis membrum examinare: An scilicet in morbillorum prorupione caloris naturalis perfrictio vehemens oriatur. Quam duabus potissimum rationibus nullo modo fieri credimus. Altera est, quia ægri febre conclusa nempe synocho putrida laborant, cuius proprium est non horrere. Quod si dicerent recentiores, tempore prorupione morbillorū superueniente rigore solui febrem. His respondendum naturam in materiæ expulsiōe adhuc laborare, quoniam vnica vice, & impulsu minime detruditur, & propterea rigorem superuenire non posse, neque febrem solui. Altera ratio est, quia cum materia, vt supra probatum est, in venis cuti proximis contineatur, calor in eius expulsiōe non multum laborat. Non enim intro refilit, ceu ritu repercussus materiam noxiam refugiens, & vt nutrimentum capiet reuertitur. Nec iterum a nutrimento capto robustior factus, materiæ noxiæ violentius occurrens, ipsam ad exteriora propellit, & eo maxime, quod eius expulsiō melius, & congruentius euomitio appellanda est. Adde quod in tempore notatu digno, & paulatim, vt supra

visum

visum est, dicta vomitio ad cutim fit, ita vt membra sensibilia, a prædicta materia non attingantur, tantum abest, vt in ipsis moretur. Hinc affectus non fit dolorificus, ceu ictibus corpore in vtroque motu laborante. Hinc etiam caloris naturalis perfrictio vehemens nequaquam fit, & propterea in morbillis rigor non excitatur. Quod si interdum contingat, hoc adultioribus tantum euenit, quorum membra exquisitiore sensu, quam membra puerorum prædita sunt, & densioris, duriorisq. cutis existunt, & materiam in venis adeo cuti propinquis non continent. Quocirca validiori opus est motu, vt illam ad membra sentientia natura detruat, ex his enim omnibus vehemens, & dolorifica caloris naturalis perfrictio fieri poterit, & rigor nasci, atque excitari. Hactenus de rigore.

De causis variolarum, & morbillorum ex Auicenna.

Cap. V. I.

QVORVM autē sunt causæ principia, & elementa, ea perfectius scire arbitramur, vt Philosophus primo physicorum docuit, cum illorum causas, principia, & elementa non ignoramus: hac de re cum hactenus de nomine, & definitione morbillorum, & de febre quæ illos comitatur disseruerimus: remanet vt eorundem principium, & causas inuestigemus. Quod certē maximam difficultatem habet: nam etsi varij scriptores eandem fere radicem tetigerunt, & vt in proverbio est, eundem lapidem reuoluerunt, tamen quia diuersimode, & valde breuiter de ipsis tractauerunt, ex eorum monumentis veritatem colligere perpetuo tutum non est. Maxime autem quia apud Hippocratem, & Galenum præcipue de nominibus variolarum, & morbillorum, fortasse quoddam securissimus eorum temporibus morbus esset, modica, ne dicam nulla mentio reperitur. Princeps vero 4. primo tract. 4. cap. 6. duas morbillorum causas visus est assignasse. Intrinsecam vnam: extrinsecam alteram. Intrinsecam causam dixit esse sanguinem menstruum, ebullitionem, & putredinem in massa sanguinea excitantem, vt eam, a dicto sanguine natura expurget, & puriorem reddat. Vnde dixit, quoddam hæc operatio ex parte est naturalis, & ex parte præter naturam, inquires: Et de hoc est res quasi naturalis, faciens ebullitionem sanguinis, vt ab eo expellatur illud quod admiscetur ei de reliquijs nutrimenti sui menstrualis, quod erat in imprægnatione. Extrinsecam vero causam docuit, illis verbis: Aut generatur in eo post illud, ex cibis fæculentis, & malis. Et paulo inferius: Et de cibis sunt cibi, qui faciunt cadere in variolas velociter, hi autem sunt, qui ebullitionem excitare solent, & præcipue si post eos medicinæ calefacientes administrentur, vel larga vini potio sequatur: & vt multa ab eo dicta vnico verbo complectar, calida omnia, quæ incendi, & putrescere facile possunt, præsertim si cibaria insueta fuerint, & comedentes ijs multum repleantur, variolas, & morbillos procreare solent. Quæ

lactis camelorum, & equarum exemplo princeps docuit. Præter quas causas alias etiam extrinsecas sic inquit, assignauit: Et de hoc est, cuius causa est res adueniens extrinsecus, occulta ebullire faciens, ut status sub sole, & temporum mutationes, & præcipue veris, similiter, & austro- rum multiplicatio. Propterea dixit: variolæ, & morbilli multiplicantur in successione austrinorum. Hæc Auicenna.

De morbillorum, & variolarum causis ex Raze. Cap. VII.

RAZIS vir profecto admirabilis in tractatu de pestilentia in quo de variolis, & morbillis disseruit, primo capite aliam visus est causam assignasse, nulla facta penitus de sanguine menstruo mentione, sed ab humidiori, & calidiori sanguine generari affirmavit, eamq. sententiam exemplo pulcherrimo roborauit. Dixit enim sanguinem puerorum musto similem esse, quem sanguinem adhuc impurum purificare natura volens, feruorem excitat, quo partes etherogenæ vocatæ ab homogeneis fecernuntur, propterea dixit: At infantium sanguis, & puerorum musto respondet, quod nondum absoluta coctione, elaborari, nec ad eam commoueri incæperit. Adolescentium vero sanguis musto similis est, quod iam ferbuerit, efflaueritq. & a primo statu mutatum sit, plurimumq. vaporis, & recrementi expirauerit, cuiusmodi est vinum coctum mitigatum, quodq. ad summum vigorem peruenerit. At senum sanguis vinum representat, quod exhalauerit, vehementiamq. abiecerit, & prope refrigerit, acidumq. euaserit, hoc est illius exemplum. Statim vero subiungit: Porro generatur pestilentia cum putruerit sanguis, & ebullierit, ut recrementa vaporosa, & limosa perspiratu discutiat. Et ubi sanguis ab infantium natura, quæ multo correspondet transitum fecerit, ad sanguinem adolescentium, qui vino cocto similis est, media ebullitione id fiat oportet. Vnde Razis: Ac ipsa pestilentia per se effruescentiæ, & ebullitionis similis apparet, quæ in mustis cum feruent reperitur, atque idcirco omnes propemodum huiusmodi morbo sunt obnoxij, magisq. masculi; quoniam sanguis necessario ex primo statu in secundum commutatur, sicut musta necessario in statum, qui feruorem, & ebullitionem sequitur transeunt: & vix inueniri poterit infantis, aut etiam pueri temperatura, quæ ex primo statu in secundum commutetur tempore, paulatim, & deinceps ut etiam feruor, & mutatio in sanguine tempore, & paulatim non appareat, quia eiusmodi temperamentum, quod ita deinceps mutatur, frigidum, & siccum est. At puerorum temperamentum his contrarium existit. Quod autem horum temperamentum calidum, & humidum sit, hinc demonstratur: quoniam alimentum ipsorum ex lacte esse consuevit, si vero pueri lacte non aluntur, certe affini, & proximo huic victu, ciboq. nutriuntur, ut aliæ ætates vniuersæ: quin etiam pueri plus delinquant, quàm alij, eoq. raro aliquis hunc morbum effugit.

Opinioea

*Opiniones antedictæ examinantur, & obiter queritur, an morbilli
necessario cunctos inuadant. Cap. VII.*

SANGVINIS putredinem, & ebullitionem concurrente motore extrinseco, morbillorum, & variolarum causam esse ex decreto Avicennæ, & Razis duobus superioribus capitibus visum fuit. At cum sanguis, qui in fetu putrescit, & ebullit, ille sit, quo in utero fetus nutritur, hic autem existat, qui menstruas purgationes facere solitus erat, quo modo morbillos generet, & an qualitate, vel quantitate peccet primo inquirere operæpretium duximus, ut certa morbillorum causa inueniatur. Sanguis enim si quod peccatum habet, in qualitate, aut in quantitate ipsum habere Galeni etiam. 9. Meth. cap. 11. testimonio conscriptis verbis clare habetur. Fit autem sanguis naturæ inutilis bifariam, vel cum propriam qualitatem ad vnguem non seruat, & amplius nutrire, sicut prius cum utilis esset, non potest, vel ita multitudine creuit, ut, aut vires premat, aut tum venas, tum arterias vel distendat, vel scindat, vel obstruat: hæc ait. Quorum neutrum in sanguine, quo fetus in utero nutritur, reperiri, ex dicendis manifestum erit: Et in primis, quod qualitate non aberret, primo de sanitate tuenda. cap. 9. sub his verbis Galenus declarauit: Interim enim quidquid sanguinis certe est optimum in se fetus absorbit, & quidem iure: prouida enim natura de indiuiduis sollicita est, quoniam species successione indiuiduorum æternatur, quæ alioqui æterna minime foret, ut lib. 2. de anima 34. Aristoteles scripsit, ad quem locum hæc Auerroes notauit: Miserta enim est natura, videns hominem non posse perpetuari in indiuiduo, fecit ut perpetuaretur in specie, quæ perpetuas successione indiuiduorum habetur: Galenus itidem. 3. in 3. de morb. vulg. Com. 73. postquam de suppressa, a partu purgatione sermonem habuit, ut quæ insignem humorum prauitatem pariat, sequentibus verbis eandem sententiam confirmauit. Nam meliorem sanguinem ad se fetus nutrimenti causa alliciens, deteriorem relinquit, ideo prægnantes prauis humoribus implet, quos, a partu euacuat natura. Hoc autem in his prouenire putandum est, quæ prauis humoribus abundant, quæ pica, vomitu, & alijs symptomatibus, dum utero gerunt, infestantur. Quæ affectiones non quia superfluant menses, cum fluere desierint, sed quia prauiori succo abundant, inesse dicuntur. Quo tempore quia grandior fetus, & in corpore, qui sufficiat sanguis pro eius nutritione non adest, prauiori vesci coactus est. Vnde primo de sympt. caus. c. 7. Galenus ita scriptum reliquit: Vitiosas autem qualitates concupiscunt hi, quibus ventris tunicæ vitiosum aliquod excrementum imbiberunt: solet id maxime mulieribus, quæ vitioso succo scatent, cum grauidæ sunt, incidere, vocantq. affectus citam, picationem aliqui latine appellant. Et habita oratione quare, & quando cesset affectus, paulo post subdit: Facto autem grandiore fetu, tum ipse ampliore victu pro nutrimento utitur, & tunc non solum

quod in venis optimum id trahit, eeu prius dixi, sed etiam quia plus indigeat, eius quod vitiosum est aliquid vna trahit: hoc autem modo totum corpus matris plenitudine, & minus vitioso succo laborare definit, & symptomata tandem deperduntur. Et lib. de atra bile. c. 8. eandem sententiam confirmans inquit: Cum enim natura, quæ fetum format, augetq. vteri gerendi tempore optimum sanguinem trahat, relinquitur portio in venis deterrima, quæ post partum excernitur. His igitur probatum credimus, alimentum fetus qualitate non peccare, nisi mater prauo succo, a quacumque causa sit, abundet: & hoc quando bonum nutrimentum non sufficit, vt ex 3. de morb. vulg. & primo de sympt. causis probatum est. Vtrum autem in quantitate, & multitudine peccatum sanguinis sit, hoc videndum remanet, quem sanguinem profecto tam ratione fetus, quam ratione vteri, superfluum esse dicere minime possumus. Nam ratione fetus non superfluere Hippocrates lib. de natura pueri num. 5. sequentibus verbis ostendit: Menses non prodeunt vbi mulier conceperit intra ipsam, si puer sanus fuerit, & permanere debet, nisi in quibusdam primo mense modicum succi indicationem faciens. Quare vt puer sanus fiat, menses prodire non oportet cum eis vascatur. Quam veritatem idem medicinæ auctor. 5. aphor. 60. confirmavit, inquit: Si prægnanti purgationes menstruæ cursum teneant, bene valere fetum est impossibile. Vnde si mensium cursus fetum imbecillum reddit, eorumdem retentio fortem facit: At quæ præter naturam sunt, non fortem, sed debilem facere certissimum est, hinc dicere cogimur mensium retentionem naturalem omnino esse, eorum vero cursum conceptionis scilicet tempore, præter naturam. Nec dicere possumus, quod quia sanguis retinetur, eo lasciuiet fetus: quoniam pro eius magnitudine, & respiratione nutrimenti conueniens quantitas attrahitur, quod docuit Hippocrates lib. de natura pueri num. 6. inquit: At vero mulier cum vterum gerit, a mensibus non prodeuntibus, propterea non doler, quod sanguis non conturbatur, acervatim abire solitus singulis mensibus, sed procedit sensim, ac modice citra dolorem quotidie in vterum ipsum, & quod inest in vtero augetur, singulis autem diebus ea gratia procedit, & non semel per mensem, quod genitura in vtero existens semper, a corpore trahit, prout vires tum ipsa spiratio habet: & primum quidem modica spiratio fit, & sanguis modicus, a matre procedit, cum vero spiratio amplior redditur, magis sanguinem trahit, & vberior is in vterum descendit. Quod Galenus primi de sanit. tu. cap. 2. confirmavit, inquit: Quippe sanguis cum proprie in se vitæ principium contineat huius moderamine agitur, & assidue conueniens sibi alimentum trahit, insertis in vtero radicibus nusquam nocte dieve discedens: Vnde non plus attrahi, quam pro fœtus congrua alimentia opus habet natura. Ex dictis igitur manifestissimum est, fetum præ copia alimenti non lasciuiare, nam suffocationem, extinctionemq. potius, quam fetus auctorem nimia copia produceret, quod Hippocrates lib. de natura

natura pueri num. 14. ſequenti oratione demonſtrauit : Primis diebus ubi genitura in vteros illapſa eſt, pauciſſimus ſanguis a muliere in vteros venit, deinde copioſior : ſi enim aceruatim, & multus ſemel veniret, genitura ſpirationem habere non poſſet, ſed ſanguine multo accedente ſuſſo caretur. Et hæc de nutrimento fetus. De vtero vero dicimus ad conceptionem minime ipſum aptum eſſe, ſi ſanguine, aut alio humore abundauerit, quod Hippocrates 5. aphor. 62. ſic inquiring declarauit : Quæcumque præhumidos vteros habent, non concipiunt, extinguitur enim in eis genitura : quod & lib. de natura pueri num. 7. ſub his verbis confirmauit : Quare ſi quidem euacuatur a ſanguine, mulier in ventre concipit, ſi vero repleta fuerit, non concipit. Nam vacuis vteris a ſanguine factis, mulieres in ſe fetum concipiunt. Ac ſi diceremus, quòd recto modo exinaniti vteri ſemen attrahunt attractum retinent, calore ſouent, & ipſum ſecundant. Ex quibus manifeſtum eſt, alimentum, quo fetus in vtero veſcitur, nec quantitate, nec qualitate, aut aliqua corruptionis labe per ſe peccatum habere. Verum per accidens peccare poſſe vt ex 3. in 3. de morb. vulg. & primo de ſymptomat. cauſis clare cognouimus, cum ſcilicet prauis humoribus mater abundat, maximeq. grandiori fetu effecto, cum eo tempore bonus illi non ſufficiat ſanguis, vnde quod in venis eſt nutrimenti neceſſitatis gratia, etiam quod prauum ſit, attrahere conatur. Ceterum diſtis quis obijcere poſſet, quòd ſemina bruta ſingulis, menſibus quemadmodum mulier menſtrua non habet, nec propterea bruto fetui nutrimentum deeſt, ergo humano fetui, quia mulier menſtrua patitur, quæ grauiditatis tempore ſupprimuntur, nutrimentum ſuperfluere videretur. Cui cum Hippocrate lib. de flatibus. num. 8. ſic ſatiſfacere poterimus : Differre ſcilicet corpus, a corpore : naturam, a natura : nutrimentum, a nutrimento. Præter id, quòd videmus plantas plurimas, ſimiliter, & herbas, non modico ſucco abundare, & tamen in ſemine, & fructibus non laſciuire, vt inter herbas petafites, telephium, ſemper viuum, & aloë : inter arbores vero ſalix, populus, & vlmus præter ceteras innumeras oſtendunt. Vnde non quia plantæ, arbores, & animalia multo ſucco abundant proliſcæ propterea inueniuntur : ſed potius quia tali vi prædita ſunt, & naturæ lege hoc ad ſpecierum perpetuitatem datum eſt. His adde, mulieres grauidas ab initio conceptionis vti victu pariori, quàm ſeminas brutas, immo naſeam, ſaltidia, & vomitiones crebro contingere, ſcilicet quia pauco alimento fetus eget, & pauco etiam pro matris nutrimento opus eſt. Quod potiffimum ſi mater prauo ſucco ſcateat, videre licet : in qua, quoniam natura ſuccum prauum educere per menſtruas purgationes, & expellere conceptionis tempore non valet, ita enim mater, & fetus læderetur, ne ab eo ſanguis neque corpus totum inſiciatur, vomitu educit : vti etiam in quibus ſuperfluit ſanguis, ſæpe per nares, & interdum per vterum, ne multitudine fetus offendatur obruaturve excernitur : Secus in brutis eſſe conſpicimus, tempore enim conceptionis plu-

rimo alimento vtuntur, nec pica, nausea, fastidio, vomitione, aut aliqua alia euacuatione tentantur. Quod verum esse id ostendit, quod mulieribus in dies varijs de causis menstrua fieri pauciora videmus, vel quia sana sunt, & propterea pauca excrementa colligunt, vel quia sicciori victu viuunt, vel siccioris naturæ sunt, vel plurimo exercitio vtuntur, hæc cum grauidæ fiunt, nec pica, nec vomitu, aut aliquo symptomate corripiuntur, quia excrementis non abundant, & tantum nutrimentum sumunt, quantum pro alendo se, & fetu congruum existit. Quæ etiam minores a partu purgationes habebunt, & earum setui nutrimentum superfluum non erit. Quare cum his nutrimentum non superfluat, variolis, aut morbillis tentari non deberent: secus tamen quotidiana experientia demonstrat: nam etsi mitiores, & pauciores morbillos patiantur, eis tamen omnes corripiuntur, dicente Isac tract. de febribus cap. 27. quod nullus remanet, qui eos non habeat, & Rasis dixit: Ac ipsa pestilentia per se effluenscentiæ, & ebullitioni, quæ multis cum seruent euenit, similis apparet, atque idcirco omnes propemodum huiusmodi morbo sunt obnoxij. Auerroes similiter dixit 3. coll. c. 8. Et etiam fiunt ex sanguine variolæ, & morbilli: propterea nullus euadit ab his duobus, donec habeat hæc. Quorum causa superfluum nutrimentum ex probatis esse non poterit. Rursus aliquis objiceret: ex multis, & copiosis in puerperio excrementis, copioso alimento fetus in utero abundare. At hoc non ad nutrimenti copiam, sed ad prauitatem potius, cum Galeno primo de symptom. causis & 3. de morb. vulg. locis supra citatis referendum affirmamus. Sæpe enim contingit, vt morbosa mulier concipiat, cuius fetus præsertim grandior effectus, cum ei bonus non sufficiat sanguis, deteriori nutriri cogitur. Hinc plurima excrementa gignit, quæ natura expellit, in tunicis colligit, & a partu euacuat: quod verum esse Galenus primo de sympt. caus. cap. 1. demonstrauit, inquit: Ipse autem fetus alimenti, quod attrahit excrementa in duplicibus membranarum reponit, quare non quia multa, & copiosa in puerperio excrementa contingunt, propterea copiosiori alimento fetum abundare dicendum est, sed potius quia deteriori nutritur, quam ob rem plura excrementa colligit, & in membranarum reponit, quæ tandem, a partu euacuat natura. Cum itaque sanguis, nec quia superfluit, nec quia praua qualitate præditus est, morbillorum causa esse possit, quo modo eorum causa sit, diligentius inquiramus.

Quo modo sanguis, quo fetus in utero nutritur, morbillorum causa esse possit, quare ad senectam multoties protrahatur, utrum sapius hi morbi redeant. Cap. IX.

SANGVINEM quo fetus in utero nutritur, nec quantitate, nec qualitate peccare capite superiori probatum est. Quare variolas, & morbillos,

billos ab eo fieri non posse dicendum videtur. Nos tamen secus pro veritatis tutela dicimus, nutrimentum quo fetus in vtero nutritur, morbillorum causam esse. Quod nutrimentum, & quia turbatio in sanguine non fit, vt supra ex lib. de natura pueri num. 6. & 7. probatum est, rursus quia singulis mensibus, sicut prius fluere solitus erat, amplius non fluit, menstruum proprie appellari non debet, ex eo enim non nutriri, sed potius in vtero fetus interimi posset, vt Abenzoar. lib. 3. tract. 3. cap. 4. satis docto sermone demonstraui: cum non tantum humano setui, sed ceteris etiam animantibus, arboribus, & inanimatis ipsis, Plinij testimonio. lib. 7. cap. 15. innumera mala proueniant. Acescunt enim musta, sterilescunt tædæ fruges, moriuntur insita, exuruntur hortorum germina, & fructus arborum, quibus insidere decidunt, speculorum fulgor aspectu ipso hebetatur, acies ferri perstringitur, eborisq. nitor, alui apum emoriuntur: æs etiam, ac ferrum rubigo protinus corrumpit, odorq. dirus aera, & in rabiem aguntur gustato eo canes, & insanabili veneno morsus infigitur: quam sententiã Fernelius lib. 7. cap. 7. confirmauit. Quare ex dictis sanguinem menstruum non esse illud, quo fetus in vtero nutritur ita manifestum est, vt non sit quod probem. Et si quia ante conceptionem tale fuit, & in ea cui fluere menstruum solet, post enixionem tale futurum est, menstruum, cum Auicenna quodammodo appellare possumus. Verum quia turbatio in hoc quemadmodum in illo non excitatur. Rursus quia extra proprium locum minime detruditur: similiter quia ab aspectu, & motu lunæ non inficitur, eam malitiam non habet, quam menstruum habere solitum erat: hinc proprie menstruum appellari nullo modo potest, nec peccatum, nisi prauo succo mater abundet, in eo reperitur, vt cap. 4. probatum est: propterea, nec matrem, nec setum lædere credimus. Ceterum cum eo sanguine, qui singulis mensibus solebat expurgari, fetus, vt dictum est, in vtero nutriatur, & ille cum eo, qui in dies in ipso deperditur, & in eius augmentum absumitur, idem non sit, nisi postquam iteratis coctionibus in aliti, & augendi fetus substantiam conuersus fuerit, excrementa inde ex naturæ nutrimenti necessitate generantur. Quod verum esse Galenus primi de san. tu. cap. 3. sequentibus verbis declarauit. Cum enim quotidie propter insitum ipsis calorem cunctis animalibus multa substantiæ portio defluat, nec sit aliter iustum huius seruasse modum, quàm cibi, potionis, respirationis, & arteriarum motus ope frui. Ex quibus necesse est excrementorum prouentus contrahi: nam si quale erat ipsum, quod effluxit, tale prorsus adiungere agglutinareq. ei per totum liceret: optimum id saluberrimumq. plane esset. Verum quia quod a singulis particulis defluit tale natura est, qualis ipsa est particula, nihil autem eorum, quæ eduntur, bibunturve eiusmodi prorsus est, necessarium naturæ fuit prius ea mutare, & concoquere, & quàm fieri maxime potuit efficere corpori alendo, restituendoq. similia. In quo opere si quid nec confectum, nec prorsus assimilatum est, id corpori nec adnascitur, nec

D d

accrescit,

accrescit, sed per ipsius laxiora intus spacia, tamquam superuacaneum errat. Vnde nomen quoque recte, a maioribus ei rei *περισυμα* Græce est inditum. Cum igitur esse, bibereq. necessaria ànantibus sint, has autem res subsequatur excrementorum generatio, natura non solum ipsis excernendis, excludendisq. instrumenta instituit, verum etiam instrumentis ipsis facultates inseruit, quibus incitata quædam ad se trahunt, quædam alijs transmittunt, quædam excrementa expellunt. Hæc ait. Quamobrem si, vt deperditum refarciatur, natura nutrimentum constituit, eo magis, & quia in fetu aliquid in dies consumitur, & quia ipse augetur alimento setus opus habet, dictisq. de causis excrementa plurima gignit, quæ & conformia, & diuersa a natura sanguinis fieri putandum est. Quare quod a natura sanguinis diuersum, & ferosum est in tunicis amnion, & allantoide colligitur. At non tantum hæc: sed crassiora quoque gignuntur, quæ duorum generum sunt, alia enim sæculenta existunt, minus sæculenta alia: prima ad intestina transmittuntur, ad lienem altera. Quæ ad intestina papauerculum ab Aristotile 7. de natura animal. cap. 10. appellatur, quod cum picis, & nigrioris, & crassioris sanguinis naturam sapiat, crassiorem etiam sanguinis partem esse, qui pro fetus nutritione congruus non erat, credendum est. Modo memoria repetere oportet, quæ primi lib. cap. 18. dum de calore verba fecimus dicta sunt. Adulorum nempe calorem ex Galeni etiam in varijs locis decreto, maxime vero primæ aphor. 14. & lib. aduersus Lycum calori infantium, & puerorum comparatum acriorem, & mordaciorem esse: quoniam in sicciore, & terrestriori substantia fundatur. Blandiorem contra, & mitiorem infantium, & puerorum esse: quoniam in aerea, & aquea substantia consistat. Hinc pueros humidiori etiam nutrimento nutriri Galenus docet 3. de sympt. caus. cap. 3. Vti sicciore, & adultiores sicciore. Quamobrem, etsi sicciore, terrestriusq. magis, sanguis matris a semine, & loco humidior, blandior, & magis aereus, a calore fetus per coctiones reddatur, non propterea blandus, aqueus, & aereus omnino, & sine vlla prorsus terrestris, sicca, acriq. portione efficitur. Quod enim natura tale est, ex toto immutari non potest, vt primo de differentijs febrium. cap. 3. exemplo alij, cepæ, ocymi, vrticæ, & ceterorum huiusmodi Galenus docuit: hæc enim per iteratas coctiones a natura mutata ab insita acredine, ita denudari expurgarive non possunt, quin sanguinem acrem non gignant: etsi omne, quod nutrit qua dulce nutrire aptum est: sed hoc latitudinem quandam habet. Quare licet sanguis matris ab innato fetus calore aquosus, aereusq. & blandus reddatur, cum tamen natura siccus, terrestrisq. existat, non ita acrimoniam exuit, quin in ipso fetu acre, & terrestre indies, & sensim, sed exiguum excrementum generetur. Quod vna cum benigniori sanguine miscetur, & quodammodo ab eo inuoluitur, & obruitur, suaq. acredine naturam nec stimulat, nec lædit, sed intra venas pro fetus alimonia cum bono recipitur, & retinetur. Qui postea nouem, aut vnde-

eim mensum curriculo magnitudinem aliquam acquirit, maiorem tamen, aut minorem pro fetus temperamenti alimenti acrimonia, terrestriq. natura, necnon maiori, minorive loci calore. Præter id, quod in ventre conclusus puer, cum libere perspirare non valeat, multos vapores, & recrementa colligit, quæ per morbillos deinde natura euacuat. Quod Galenus primi de sanit. tuen. cap. 3. confirmavit, quando ex respiratione, & artierarum motu excrementa generari asseruit. Quæ excrementa Rasis sequentibus verbis delineauit. Porro generatur pestilentia cum putruerit, ebullietq. vt recrementa vaporosa, & limosa perspiratu discutiat: Quos autem morbos spiritus procreet late, longeq. lib. de flatibus Hippocrates docuit. Vaporosa itaque recrementa, a conclusa respiratione. Limosa vero, a terrestri sanguine generari ex dictis manifestissimum est. Quibus excrementis naturam assuescere, quia sensim, & paulatim generantur, rursus quia cum eis natura adolefcit, rationi consonum est. Quæ nonnumquam quoque a contracta mora putrescere, quia excrementa sunt, Galeni verba hæc, ex 3. de facult. nat. cap. 12. ostendunt. Siquidem excrementa singula si moram in corpore diutius trahunt, putrescunt, alia spatio breuiori, alia longiori, itaque mordacia, & acria, & his, qui ea continent, infesta redduntur. Quod Auicenna primæ 4. tract. 4. cap. 6. confirmavit inquit: Quare putrescit ab eo illud, quod admiscetur ei, de reliquijs sui nutrimenti menstrualis, quod est in prægnatione. Quod excrementum, quia terrestræ est, etsi natura, & præ aduisione acris, corruptionem non facile suscipit, sed interim aliam sanguinis massam inficit, atque fermentat, a membris tamen principalioribus remotam, & cuti vicinam. Quam sententiam confirmavit Isach libro de febribus. cap. 27. Vnde quia, vt dictum est, cum eo excremento adoleuit, & assuevit natura, ab aliaq. benigniori sanguinis massa, vt a cineribus ignis inuoluitur, ipsum ex se ipso non mouetur. Sed sicut cineres ignis calorem, & splendorem manifestari, & agere absque impulsore, & effectore externo cineres ipsos remouente non sinunt. Ita benignior sanguis acriorem, limosioresq. inuolucens, & fere obruens ipsum mouere, & agere absque effectore, & impulsore externo non permittit. Rursus cum ab acriori dicto sanguine natura stimulat non sit, ipsum a se expellere non tentat. Hinc ad senectam quandoque, etsi raro, motus eius protrahitur: Tum, vel maxime si motor cum quo analogiam habet, sibi non occurrat, nam cum motore analogiam habeat oportet, quæ analogia efficit, vt ab externa causa spuma illa aerea moueatur, & serueat. Efficit etiam, vt per cibos acriora magisq. terrestria excrementa fiant, & morbillorum materiam adaugeant. Quam veritatem Auicennas eodem citato loco demonstrat, inquit: Et de cibis sunt cibi, qui ebullitionem excitare solent, & præcipue si post eos medicinx calefacientes administrantur. His ergo ostenditur medicinas acridinem, & præ aduisione terrestrem naturam in materia inducere,

& dicta cibaria ebullitionem excitare . Quare hic motus ex parte est naturalis , & ex parte præter naturam . Naturalis est sanguinis , a materia acriori ipsum fermentante defecatio , & emundatio . Hinc Princeps citato loco dixit : Et de hoc est causa quasi naturalis sanguinis ebullitionem faciens . Præter naturam vero est ex parte qua humor putrescit . Quare dixit : Quandoque accidit ebullitio in sanguine secundum semitam putredinis . Supra quoque inquit : Quare putrescit ab eo illud , quod admiscetur ei , de reliquijs nutrimenti sui menstrualis . Rasis quoque eandem sententiam illis verbis confirmavit : Porro generatur pestilentia cum sanguis putruerit , & reliqua . Et paulo inferius dixit : Illi igitur eo corripiuntur , qui superfluam in venis humiditatem , aut vitiosam qualitatem , perustamq. vehementer habent . In qua oratione notandum , quod sanguis spumofus , & aereus ebullit , vt fæx terrea , limosa , corruptave expurgetur . Vnde quæ in hac ebullitione ebulliunt duorum generum sunt , alterum est , & hoc plerumque fit , sanguis ille aereus , aqueusve succis pomorum , & vix correspondens . Propterea dixit Auicenna : Sicut est illud quod natura facit in succo vix . Et Rasis dixit : At infantium sanguis , & iuuenum musto correspondet , quod non dum absoluta coctione elaborari , nec ad eam commoueri inciperit . Et paulo inferius : At ipsa pestilentia per se effluenscentiæ , & ebullitioni , quæ in multis cum feruent exoritur , similis apparet . Alterum vero est terrestre , & acre . Ideo dixit : Putruit in eo spuma aërea , & fæx terrea , quare non ebullit aereum per se , nec putret , etsi multam humiditatem possideat , quia humor , & calor ætati conueniunt , qui alias modum superantes , & non consentientes ætati , causæ putredinis potissimum sunt : sed potius hoc fit , vt fæx , & limus terreus tamquam aliquod etherogeneum , & excrementitium ; & propterea corruptum expurgetur , sanguisq. aereus , aqueusve infantili ætati conformis remaneat . Hinc Princeps dixit : Et cibi fæculenti , & mali sunt , ex illis , qui adaugent reliquias nutrimenti sui menstrualis , quod est in prægnatione : Et hoc est illud analogum impellens , & mouens , cui etiam accedit rarificans , vt ait Auicenna , substantiam eius , & faciens eam ebullire donec fiat ei substantia recta sortior prima , & magis apparens . Quia scilicet homogenea etherogeneis puriora sunt , cuius puritatis , & identitatis formæ , vt ita dicam , ratione , cum in se tantam contrarietatem non habeant , & retineant , contrarijs magis , ac fortius opponuntur , & resistunt . Vnde quæ ex his constant , a limosa terrestri , & vaporosa materia expurgata , diutius , & commodius seruari possunt : Sanguinem itaque , quo fetus in vtero nutritur , internam morbillorum causam esse , ex dictis manifestissimum est . Ceterum semel ne tantum , an iterum morbilli inuadant , queri solet . Itaque quemadmodum vinum cuenit , quod postquam ferbuit , & perspicuum factum est , iterum conturbari potest , cum satis fæx terrea expurgata non sit . Similiter , &

sanguini

sanguini quando fæx illa terrea exacte adamussimve expurgata non est; contingere solet: iterum enim ab impulsore ebullitione excitata, morbillos procreat, iuxta dictum Hippocratis 2. aphor. 12. Quæ relinquantur in morbis recidivas facere consueverunt: hinc Princeps dixit: Et multoties variolatur homo duabus vicibus, quando aggregatur materia ad expellendum bis: & hoc repugnat vulgaribus, semel tantum vni, morbum huic aduenire affirmantibus, nec amplius redire: Etsi vt plurimum vnica ebullitione sanguinem a fæce mundare natura solet. Quam defecationem, emundationemve quattuor ex causis perfectam non fieri putandum est, vel ex naturæ imbecillitate, vel materiæ contumacia, aut ex pororum angustia, aut quia tanta causa impellens, quæcumque sit illa, non præcessit, quæ talem, tantamve ebullitionem excitare valeat, qua totum quod sæculentum est expurgetur, quæ, vt Princeps dixit, ab impulsore aggregata iterum ebullitione concitata morbum hunc gignere valet; vnde Rasis 18. continentis cap. 8. fere in fine inquit: Et possibile est, quod accidant bis, vel ter, & proprie cum sanguis est acutus. Sed vt veritas magis elucescat, quæ contra sententiam nostram facere videntur perpendamus.

Excrementum sanguinis, quo fetus in utero nutritur, morbillorum, & variolarum causam esse non posse pluribus rationibus probatur.

Caput X.

MULTA, variaque sententiæ nostræ aduersari tam compertum nobis est, vt dubitatione penitus careat: hoc autem inde prouenire putandum est, quia vt Hippocrati lib. de decenti ornatu, & alibi placuit, opinio facit ignorare, & scientia scire: quare cum variæ circa dictarum causarum cognitionem opiniones existant, quænam illarum scientia dici possit, non modicam dubitationem habet: vt tamen rei veritas magis elucescat, ostendemus e scientia potius, quàm ex opinione manare, quod diximus, potioresque rationes, quæ contrarium probatæ a nobis sententiæ docere videntur, recensere non grauabimur, vt ipsis dissolutis sententiæ nostra magis roboretur. Prima itaque ratio est: Febrile, vel posse febrile, sicut etiam barbescere, vel posse barbescere, est aliquid omnibus hominibus commune, atque necessario inherens: a communi igitur causa fient, & tamen non est necessarium horum communem causam esse, aliquod excrementum vnum idemque numero a principio generationis contractum, vel vnum aliquem humorem eundem numero diutius a prima generatione conseruatum, vt vnique compertum est: Sed horum causa sita est in habilitate, & potentia humorum, & excrementorum, quæ semper alia, & diuersa numero in homine regeneratur: Ergo neque etiam est nec essarium

rium morbillorum morbum, qui, vt Auerroes putat, omnibus est communis, & necessario aliquādo contingens, habere causam aliquā communem, quæ sit aliquod excrementum vnum, idemq. numero existens a principio generationis reseruatum, & a natura relegatum ad venas sub cute existentes, vt asseritur: sed ad ipsum satis erit habitas, & potentia humorum, & excrementorum, quæ indies alia, & diuersa numero in homine regenerantur. Secunda ratio, non videtur verum, vt asseritur, fetum ex sanguine non sibi proportionato nutriri, quia scilicet eiusmodi sanguis sit magis terrestris, quàm fetui conueniat: atque ideo generari excrementum quoddam terrestre. Hoc inquiunt: non videtur verum, nam philosophi, & medici putant materiam, quæ est proportionata generationi alicuius, esse etiam proportionatam nutritioni eiusdem: nam ex quibus constamus etiam nutriri: Sed fetus constat ex sanguine matris, tamquam ex sibi proportionata materia. Ergo ex illo etiam nutritur tamquam ex materia sibi proportionata. Non igitur potest dici, quodd sanguis matris sit terrestris magis quàm fetui conueniat. Quodd vero dicitur non solum concurrere sanguinem matris, sed etiam semen vtriusque, nihil est: nam de medicorum sententia ex semine partes solidiores generantur, spermaticæ dictæ, ex sanguine vero partes carniformes, quæ sunt humidiores: ergo si sanguis mulieris est proportionatum nutrimentum, & ratione partium carniformium, non est nimis siccum, nec terrestre: multo minus poterit dici quodd sit terrestre ratione partium solidarum. Tertia ratio, si fetus in vtero, vt asseritur, nutritur bono sanguine matris, cum interconcoquendum, ab optimo laudabiliq. nutrimento, vt omnes medici asserunt, paucum, & minime noxium excrementum relinquatur: ergo non videtur verisimile in fetu ex concoctione optimi sanguinis posse relinqui excrementum tam prauum, & venenosum, quodd sit fomes morbi huius contagiosi, & veneni vim, & naturam referentis. Quarta ratio, non videtur, verum ex sanguine laudabili tantum, & non menstruo, vt asseritur siue vitioso, fetum generari, & nutriri: nam aiunt medici eandem esse materiam nutrimenti fetus in vtero existentis, & lactis: sed materia lactis non est solus sanguis bonus, & laudabilis, sed etiam menstruus, & vitiat; ergo eadem erit etiam materia fetus, & nutrimenti ipsius. Assumptum vero probatur, quoniam si lac solum e sanguine laudabili, bonoq. generaretur, vtique ratio non posset reddi, quo modo possent femine viuere tot libris sanguinis boni indies extracti: saltem enim agrotare semper deberent, eoq. magis quodd quæ coctione ex alio fiunt, minora semper redduntur, quàm illud e quo fiunt: Itaque vt fiant sex libræ lactis, non sunt satis sex libræ sanguinis, sed octo fortasse requiruntur. Quo modo, igitur viuet femina, cui quotidie extrahuntur octo libræ boni sanguinis, cum viuat extractis sex lactis libris? Hoc igitur argumento est, ipsum lac generari ex sanguine etiam vitiato, cuius consequens est, fetum etiam nutriri ex sanguine vitiato. Quinta ratio si in fetu colligitur necessario, adeo

adeo prauum excrementum, cum natura non deficiat in necessarijs, sicut ad animalis salutem alijs excrementis, quæ ex nutrimento necessitate generantur, propria condidit receptacula. Ita & fortasse multo magis huic prauo excremento fomiti huius morbi debuisset natura condere aliquod receptaculum, ne hominem postea læderet: quod quia factum minime cernimus, argumentum nobis est non esse habendam talis excrementi rationem. Sexta ratio, cum natura semper id faciat, quod melius est: si tale excrementum necessario debebat relinqui ex sanguine bono, quo fetus nutritur, nec ob sui crassitiem per poros cutis transmitti poterat, debebat etiam illud ad intestina depellere, ubi collectum hominem non læderet, vt lædit transmissum ad loca sub cute existentia: quod cum natura non fecerit, signum est non esse necessarium huiusmodi excrementum dari. Septima ratio, si tale excrementum coaceruatur in vtero, spatio nouem mensium: ergo infans saltem prauo colore infectus nasci deberet, scilicet sanguine ad cutim vna cum dicto excremento veniente: quod cum non fiat sequitur non esse necessarium dari hoc excrementum. Octaua ratio, si sub cute infantis tanto temporis interstitio, tam prauum excrementum coaceruatur, quod cum putre sit, aliquam habere adnexam acrimoniam verisimile est: puer igitur illam lassitudinem, quam vlcerosam medici nuncupant, magna ex parte pateretur: nam cum in ambitu totius corporis talia redundant excrementa, dicta lassitudo vlcerosa generatur, quæ tamen cum non fiat signum manifestissimum est sub cute infantis dictum excrementum minime reponi. Nona ratio, infans refertus huiusmodi excremento, semper debilis, & infirmus nasceretur, nec seruetur ob eam causam, quam dicebant, puerum scilicet ab eo non lædi excremento: quoniam illi tot mensibus assueuerat. Nam liceret si militer dicere, hominem adultum ab eodem non lædi, etiam cum alijs excrementis, quæ in dies in ipso generantur coniuncto: nam vt se habet infans ad sua excrementa interna, sic etiam se habet adultus ad sua. Vnde si infans, quia assuetus non læditur a suis, neque etiam adultus a suis lædetur. Decima ratio, cum alia excrementa, quæ in homine generantur quamuis crassa, & adusta sint, nihilominus extra cutim in adultis transmittantur, ex quibus postea pili generantur: cur igitur etiam hoc excrementum extra cutim a natura non transmittitur, quæ alioqui deberet esse magis sollicita de hoc propulsando, tamquam deteriori, quàm de quouis alio, ex quo pili possint generari? Vndecima ratio, mirabile esse videretur, cum ex sententia Galeni euacuentur excrementa per balnea, & nutrices diu ipsos infantes balneis mergant, huiusmodi excrementum interim ex toto non euacuari, & eo maxime sicuti vicinum, vt asseritur, reperitur. Duodecima ratio, si hic fomes tractu tēporis excitat sanguinis feruorem, & putrefactionem quam sequuntur morbilli, quibus a tali excremento se purgat natura: ergo omnem febrem synochā cum putredine, cum in ipsa adsit sanguinis feruor, morbus hic sequi deberet, quod

falsum

falsum est : nam si excrementum illud ob sanguinis ebullitionem morbillos efficit : ergo febris synocha etiam sine illo excremento , cum in ea fiat ebullitio sanguinis , poterit producere eundem morbum : ergo talis fomes nō est causa necessaria huius morbi . Decimaertia ratio , si ab hoc fomite putrescente , putrescit etiā sanguis , cum aliquando humor biliosus , & pituitosus possint esse ad putrescendum aptiores , quā sanguis : ergo dictus fomes tangens humorem pituitosum , ipsum putrefaciet : quamobrem natura insurget ad ipsum expellendum cum humore pituitoso , quem , ut clarum est , non est necessarium per cutem expelli , cum possit expelli per aluum , & per vias vrinæ : non ergo necessario producet hunc morbum a quo fomes ipse per cutem euacuetur , cum possit per alias vias , & per alia morbi genera expurgari . Decimaquarta ratio , si vetus hic fomes , ut asseritur , non producit hunc morbum , nisi ope alterius causa , utpote quia sibi noua addantur excrementa : ergo cum adiutrix causa debeat sibi esse virtute similis , alioqui non adiuuaret , sed impediret , posset ea in tantum augeri , ut per se sola absque fomite hunc eundem morbum produceret : hoc ergo excrementum a principio generationis derelictum , nō est causa necessaria præsens morbi .

*Fit satis rationibus adductis contra auctoris sententiam ;
eaq. confirmatur. Cap. XI.*

HIs tamen rationibus non obstantibus assignatam a nobis morbillorum causam verissimam affirmamus : quæ certior , & verior adhuc apparebit , & magis confirmabitur , si dictas rationes radicitus euellemus , & protinus diluemus . Primæ itaque hunc in modum fit satis : morbillorum nempe morbum utique supponere habilitatem , & potentiam in humoribus , ex quibus pendet , sicut febrile , & posse febrile : si quis enim tollat potentiam , & humorum habilitatem , hos etiam effectus tollat necesse est : sed cum vnus effectus differat ab effectu alio , sicut vna natura differt ab alia : sic etiam rationi consentaneum est , aliquid requiri ad hunc effectum producendum , quod non requiritur ad alium . Hoc autem mirabili exemplo confirmatur : Nam morfi a Tarantula , sono sanari consueuerunt . Verum omnis morsus ab eodem sono non sanatur , sed a speciali sono , prout magis vnus , quā alter cum mordente Tarantula habet analogiam : quapropter non mirum si præter humorum habilitatem , & potentiam in hoc morbo tamquam causa necessaria excrementum illud requiratur vnum idemq. numero a principio generationis conseruatum , a quo tamquam a causa sibi propria hic morbus generatur . Non potest enim hic affectus in aliam magis verisimilem causam referri : nam utique excrementa numero diuersa , quæ in dies in homine generantur , multos pariunt , & diuersos morbos : sed hic noster morbus pendet ab vno , eodemq. numero excremento , cui accedit quod materia morbillorum supponit

ponit patentiam necessariam ad ipsos producendos, alia autem contingentem, & hæc ad primam. Secundæ rationi respondemus: nos non negare sanguinem ex quo fetus in vtero sit, & nutritur, esse proportionatam ipsius fetus materiam, & congruum nutrimentum: sed dicimus hoc simpliciter non esse: nam cum siccior, terrestriusq. magis sit sanguis matris sanguine infantis, vt ex lib. aduersus Lycum, & ex prima aphor. 14. satis longo sermone supra. cap. 7. probauimus, necesse fuit vt ab humidioribus partibus feminis, magisq. aereis, & a loco, vt dictus sanguis materia fetus proportionata, eiusq. congruum nutrimentum efficeretur, & ad aeream, aqueamve naturam per coctiones iteratas reduceretur: hic autem cum natura terrestris siccusq. sit, omnino immutari non potest, vt primi de diff. feb. c. 3. Galenus affirmavit. Sed ex naturæ nutrimenti necessitate terreum aliquod, sicciusve excrementum generatur, quod quia cum bono sanguine immiscetur, & eo quodammodo obruitur, & naturam non stimulat: idcirco intra venas cum bono attrahitur, & recipitur. Hoc autem quia excrementum est, in aliti fetus substantiam conuerti non potest, & aliquando putrescere opus est, interim sanguinis massam inficiens, atque fermentans, & hoc est illud excrementum, quod nos interdum longo tempore pro morbillosum generatione intra venas reservari diximus. Tertiæ sic occurrimus: Vtique a laudabili nutrimento nimis prauum, & noxium excrementum non relinqui, vnde illud excrementum de quo nos locuti fuimus, a principio non est valde prauum, & noxium: sed diutius conseruatum, noxium, & prauum redditur, adiuuante aliqua consimili causa, & ad hunc gradum cum peruenerit modo prædicto variolas, & morbillos producit, & tractu temporis ob putredinem, quam suscipit venenatam quandam acquirit qualitatem ab analogo occurrente semper adauctam, & ad ebulliendum excitatam, quæ putredo quanto validior est, tanto venenosior morbus generatur, hoc vel maxime si dicta putredo in materia acriori fundatur. Quarta dissoluitur: quoniam e sanguine, quo fetus fit & nutritur, lac ipsum etiam generatur, sed non simpliciter, propterea tanta copia sanguinis singulis diebus a corpore mulieris extrahi non potest, quanta lactis extrahitur, eius vita, & incolumitate seruata. Hoc autem ea gratia procedit, quia cum sanguinis sinceri extractione multi vitales spiritus extrahuntur, & resoluuntur, quod in lactis extractione non fit ob eius impuritatem. Mammæ enim quia glandulosæ partes, & magnæ sunt ad lactis productionem, a natura constitutæ, mirum non est, si ex sanguine, & alijs humoribus sanguine permixtis ad ipsas transmissis satis magnam lactis copiam gignere valent. Ex quibus iam clare elicitur sanguinem purum, & bonum esse materiam fetus, eiusq. per se in vtero congruum nutrimentum: in lacte vero alios humores, a sanguine, & quandoq. prauos posse contineri, vt diff. 48. Conciliator dixit. Itaque non requiritur maior copia sanguinis pro lactis generatione, cum non ex solo sanguine generetur. Quo etiam impuro si nutritur in-

fans cum per alui excrementa præter cetera, quoddam per coctiones impurum elaboratumque non est, ab eo educere natura possit, a lacte non læditur. Secus autem esset si tam prauo sanguine, & alijs etiam humoribus, & quandoque deterioribus mixto in vtero ubi fæces non generantur, nec eiiciuntur fetus nutriretur. Excrementa enim ab ipso genita, & in eo retenta, fetum interimerent, quare in hac re cetera paria non sunt, nec valet quoddam posset dici, in tunicis excrementa a natura colligi, talia enim cum crassiora faculentiorave sint in tunicis ob meatuum angustiam recipi non valerent. Præter id, quod tanta esset copia, ut tunicæ ipsam recipere non possent, quæ in fetu uti dictum est retenta spiratione intercepta fetum interimerent. Ex puriori itaque sanguine per se fetus in vtero, ut non ex æque puro lacte extra vterum nutritur, propterea maior lactis quantitas extrahi, & fugi quàm sanguinis commode poterit, cum alij humores, a sanguine cum lacte fugantur, quod fæces, & lactis temperies ostendunt. Quintæ respondemus: necessario tale excrementum coaceruari in fetu, sed huic non oportere sicut alijs, a natura dari proprium receptaculum, quoniam illis tantum excrementis receptacula, a natura tradita sunt, quæ illico, vel breui tempore fetum lædere potuissent. At hoc excrementum nonnisi tractu temporis, & ab analogo adauctum lædit: interim cum bono sanguine mixtum in eo obruitur: verum cum lædit ebullitione concitata ad cutim instar crisis statim detruditur. Sextam ita diluimus: excrementum illud præcipue in venis paruis, quæ sunt in ambitu corporis relinqui ex concoctione sanguinis eo transmissi, idcirco non potuisse naturam commode idem ad intestina tamquam nimis remota transmittere: sed illud reseruasse, donec ab alio excitatum naturam irriteret, quod prius non faciebat. Quamobrem natura ipsa ad illud expellendum in morem crisis commouetur, cum præsertim dum fetus in vtero est, intestina suo munere quodammodo destituta existant. Septima item diluitur: nam a principio hoc excrementum non est tam prauis coloris, ut sanguinem cui miscetur possit inficere, propterea non est necessarium puerum prauo colore infectum nasci, præsertim cum in penitioribus partibus concludatur. Octaua item: nam si a principio hoc excrementum multum esset, & valde acre, utique fortasse infans pareretur vlcerosam illam, ut dicitur, lasitudinem. Sed quoniam a principio neque necessario multum est, nec valde acre, sed tale tempore, & ope alterius euadit: ideo ratio adducta cessat, & eo magis, cum in venis, ut supra dictum est, includatur. Nonz eodem modo occurrimus dicendo, non esse necessarium debilem oriri infantem, quoniam a principio illud excrementum non est multum, neque acre, ita ut possit infantem lædere. Decimæ autem occurrimus, negando quoduis crassum, & terreum excrementum, a quo crassi, & terrei eleuantur vapores, pilorum generationi aptum esse: nostrum enim excrementum, etsi terreum pilis, tamen generandis ineptum est, & ad cutim a natura non transmittitur, nisi ab eodem concitata. Quod tunc solum accidit,

cidit, cum eo deuenerit, vt auxilio accedente, vel intrinseco, vel extrinseco adustum, & putrefactum sit, mordaxq. redditum, quandam præferat venenatam qualitatem. Vndecima soluitur, nam tam crassum est in infantibus hoc excrementum, vt per illorum cutim balneorum vi, quibus vtuntur nutrices, nullo modo educi possit: præcipue cum reliquo sanguini permixtum adeo sit, vt ab eo separari nequeat, & ad cutim detrudi, nisi ope ebullitionis in spumâ aerea concitata, vt excrementum illud terreum adustum excernatur. Duodecimam quoque dissoluimus, negantes sequelam: nam ad hunc morbum procreandum duz necessario causæ requiruntur, nempe hoc excrementum putrescens, & sanguinis feruor, qui ab excremento repurgatur: nec altera harum causarum sine altera hunc valet morbum producere. Quare non mirum si febrem synocham, in qua sanguinis sit ebullitio, non semper sequitur hic morbus: quoniam non semper sanguinis ebullitio sit a putrido, & mordaci hoc excremento, de quo loquuti fuimus: etenim sola sanguinis ebullitio, quæ a putredine huius excrementi ortum ducit, non quævis necessaria morbillorum causa est. Decimæ tertiæ respondemus: illud solum excrementum putrescens habere vim faciendi putredinem, & ebullitionem sanguinis ob analogiam, quam habet cum ipso, non autem cum alijs humoribus: quia cum sanguine mixtum in venis reseruatur, & ideo ipsum tunc solum detruditur a natura ad cutim, cum sanguinis ebullitionem accenderit. Quod autem aliquid vni noceat, & non alteri: consequenterve vnum putrefaciat, & non alterum, qui abditas rerum naturas considerat, facile concedet. Iraque non mirum si hoc nostrum excrementum putrescens efficit, vt sanguis solum putrescat, & ebulliat, non autem alijs humores ab illo diuersi: nam cum sanguine mixtum ipsum fermentat, cum alijs vero humoribus non reseruatur, nec nisi per accidens permiscetur. Decimæ quartæ demum respondemus: vtique excrementa posterius addita, quæ adiuuant veterem illum fomitem morbi, de quo loquimur, ipsi fomiti esse similia: non tamen propterea sequi, sola hæc absque vetere fomite hunc morbum posse producere: quoniam necessario vt diximus ad hunc producendum exigitur excrementum, a principio generationis congenitum, nempe in vtero, vbi prauam huiusmodi qualitatem acquisiuit; quæ suo tempore ab alijs adiuta, hunc potest morbum producere: at excrementa addita, etsi sunt similia, tamen quia praua illa in vtero acquisita qualitate carent, per se morbum hunc gignere non valent. Ex dictis igitur clarissimum est, sanguinem quo fetus in vtero nutritur, causam esse necessariam morbillorum; quæ cum absque causarum extrinsecarum occurso agere non possit, tempestiuum erit de huiusmodi causis in sequentibus differere.

*De causis extrinsecis morbillorum.**Cap. XII.*

RECTE quidem de causis intrinsecis prius locuti sumus, quia tempore extrinsecas præcedunt, cum in utero una cum fetu generentur, & cum eo adoleſcant, uti expoſuimus. Verum enimvero quia per se & absque impulsore moveri, & agere non posse sancitum est, hinc de extrinsecis motum excitantibus, & cum natura ipsam perficientibus in præsentia- rum tractare congruum visum est. De quibus, etsi ex Auicenna, & Razi plura superius 3. & 4. cap. dicta sunt, tamen ad doctrinæ commoditatem, & perspicuitatem hoc loco omnes extrinsecas causas enarrabimus. De his igitur Auicenna primæ quarti tract. 4. c. 6. scriptum ita reliquit: Et de hoc est cuius causa est, res aduenientes extrinsecus, ebullire faciens occulta, quæ permiscet humores cum sanguine. Inter causas igitur exteriores primo aerem ponimus, ut qui ad omnes procreandos morbos, & præcipue communes potissimum concurrat, iuxta dictum Hipp. 3. aphor. 1. Mutationes temporum potissimum pariunt morbos. Quam sententiam melius, & clarius lib. de flatib. stabilivit, quando ad aerem vitæ, & morborum auctorem esse affirmavit, unde calidus, & humidus aer nempe austri- nus ebullitionem excitare maxime potest. Propterea dixit Auicenna: Variolæ multiplicantur in successione austriorum, & dum eorum per- flatio multiplicatur: quare si diu non spirarent, ebullitionem in sanguine inducere non valerent, quam ebullitionem insolatus etiam, & insuetus la- bôr præstare possunt. Cibi insuper calidi, & humidi, ut qui natura facile putrescunt, & ad ebullitionem parati sunt, variolas, & morbillos excita- re solent, præsertim insueti: hinc Auicennas loco citato dixit. Et de ci- bis sunt cibi, qui faciunt cadere in variolas, velociter, & proprie, quan- do non sunt consueti, sicut lac camelorum, & æquarum, præcipue si mul- tum eis repleantur: maxime vero si larga vini potio sequatur, vel calidas sumpserint medicinas. Comestio rursus puliculæ, mellis, rerum pin- guum, carniû suillarum, caprarum: similiter, & vini dulcis larga, & longa potatio idem præstare solent. In omnibus autem ut dictum est, aer concurrir: Ceterum præstare hic morbus pro temperaturâ differentiis, vi- ctu, habitu, ambiente nos acre, & sanguinis, qui in venis continetur qua- litate, & copia: ex quibus fit, ut morbilli, in quibusdam tardius inua- dant. Rursus in alijs plures, & in alijs pauciores, fiant: in alijs item fiant, admodum maligni, in alijs vero benigni existant. Sed & pro materiæ di- versitate maxime variantur, non quod non semper ab acri, terrestriq. materia nascantur, sed quia cum hac alijs humores, ut dominantur in cor- pore, ita cum sanguine intra venas immiscentur, ebulliunt, & putre- scunt: hac de re pro distorum humorum varietate, varij quoque, & ipsi efflorescunt. Quare qui valde prominent, a calidiori, subtiliori q. mate- ria generantur: at qui non extuberant, a crassiori materia ortum ducunt.

Rursus rubri, vti plurimum esse solent, a sanguine fiunt: pallidi a bile, albi a pituita, nigri a melancholia, vel asâ bile initium trahunt. Virides denique a prasina oriuntur: interdum vero milio similes fiunt, & squalidi, & parum eminent, & in vesiculas aliquantulum crescunt, feruentisq. aquæ ampullas, sed humiliores repræsentant, & hi a falsa pituita generantur. Et hæc de causis dicta sint satis: deinceps de signis agendum est.

Signa Variolarum, & Morbillorum ex Auicenna, & Raze.

Caput X I I I.

PRÆSENTIS morbi signa pro temporum ipsius varietate varia apparent: nonnulla enim initio, alia post exitum, alia cum ex toto ad cutim materia detrusa est, apparent, & obseruantur. Quæ signa cum eadem, & eodem modo in omnibus non appareant, & propterea pathognomonica penitus dici non possint, singulisq. temporibus propria, & sua tribui nequeant: sed indiscriminatim tradita sint, quisque singula singulis pro temporis opportunitate reddere poterit. Initij itaque signa sunt febris continua, & eo maior, quo copiosior adaucta magis, & magis putris, & venenosa materia extiterit: vnde tunc, quia mordacitatem insignem possidet, seuiorem morbum pariet. Hinc ob eandem causam totius corporis punctio succedit, cui maior etiam vniuersalis adiungitur, ac si corpus esset lauatum, & male exsiccatum, & abstersum. Hoc autem ideo fit, quia spuma illa aerea ad cutim detruditur, caput dolore pulsatili premitur, & interdum ægri mente alienantur, quibus timores iecægationes, & interdum conuulsiones in somnis fiunt: materia enim tenebrosa est, & horribilis. Interdum etiam epilepsia corripitur: facies primo rubet, succedente vero tempore etiam tumet, & ante quartam iuxta nares maculæ rubræ apparent, quæ interdum delitescunt, interdum redeunt. Sed quarto manifeste exeunt in morem crisis naturam materiam ad cutim demandante. Sed & antea ægri lumen refugiant, oculi illacrymant, lippi fiunt, & aliquando ex toto clauduntur, nares pruriunt, & sternutationes crebræ succedunt, viscida expuunt, & dura comedere interdum non valent. Oscitationes, & pandiculationes sæpessæpius infestant, inaniter tussunt, & pectore premuntur, rauci fiunt, difficulter deglutiunt, & aliquando suffocantur. Euomunt varia, & sitiunt, dolet venter, & dorsum: aluus adstringitur, prout materia ad cutim vniuersaliter ad caput, ad oculos, ad os, ad nares, ad guttur, ad pectus, ad ventriculum, ad ventrem, ad dorsum, a natura magis expellitur. Inter cetera autem signa hoc vnum maximum putato: morbillos nempe publice grassari, de contagioforum enim morborum numero vnus existit. Rursus pulsus varij, vndosi dicti, frequentes, veloces, vrina inconstans, primis diebus non dissimilis naturali, & vsque ad finem sæpius perseuerans: aliquando in dies successiue rubicundior, & crassior efficitur, & interdum ita turbatur, vt musto simili
lis appa-

lis appareat, etsi quandoque sanguinea etiam mingatur. Dictorum autem signorum aliqua ante, & nonnulla post quartum apparent, in cuius initio manifeste morbilli exeunt, successiueq. magis augentur, & in vesiculas euadunt, quæ interdum tres, quattuor, & plures, prout copiosior, & minus copiosa materia existit in vno ventre reperiuntur. Quæ materia quandoque crassior, quandoque subtilior esse consuevit. Crassior difficilius soluitur, dissipatur, & exsiccatur, & interdum tam crassa est, vt coagulata pinguedinis formam repræsentet. Subtilior autem econtra facilius maturefcit, dissoluitur, & exsiccatur. Non tamen adeo subtilis debet esse, vt ichoris naturam sapiat: tunc enim coctionem subterfugit. Verum clarioris doctrinæ gratia dictum morbum duo habere tempora sciendum est: quorum alterum ebullitionem sequitur, alterum vero morbillorum exitum comitatur. Tempus ebullitionis per dies numeratur: quare primus dies erit principium, secundus erit augmentum, tertius status, quartus initium declinationis, quo tempore febris, & accidentia remittere solent. Idem vero quarti initium, quod declinatio ebullitionis est, exitus morbillorum principium esse consuevit: quorum augmentum sensim apparet, & vsque ad septimam producit. Status vero in vndecima die, ab vndecima, ad quartamdecimam declinatio apparet, quo tempore morbilli exsiccantur, etsi interdum ad vigesimam exsiccatio protrahitur, præsertim materia pinguiori existente, & interim vesperi reuifescunt, mane vero exsiccantur: tandem crustæ fiunt, & postea decidunt, & omnino morbus definit, & æger liberatur.

De signis prognosticis.

Cap. X I I I I.

DI X I M V S signa, quibus morbus cognoscitur: iam dicamus quibus indicijis futurus morbi exitus cognosci possit. In primis igitur morbillorum festina eruptio, ferotina est salubrior, vt quæ materiæ obedientiam, & naturæ fortitudinem ostendit. Deinde quanto pauciores tanto meliores dummodo æger leuius habeat. Rubei quoque morbilli, quia sanguinis ebullitionem significant alijs sunt salubriores. Similiter, qui cito, & sine magna ægrotantis angustia maturantur, & suppurant. Quod si in eorum eruptione febris, & accidentia remiserint, salutare magis habentur. Ceterum cum morbus iste sit de genere acutorum, illis communia possidet signa. Quare si bene ægrotantes spirant, & ad ea, quæ offeruntur bene se habent, mente constant, non iactantur, morbum contemnunt, bene dormiunt, & a somno laborem non sentiunt. Rursus si excrementa morbillorum sunt calida, ipsi vero non sunt ampli, sed parui, diuisi, moderati, & citra magnam febrem, ægerq. non angatur, sed post eorum exitum conquiescat; mitioris, & salubrioris morbi signa sunt omnia. Econtra vero, qui tarde apparent, vel modo apparent, & modo declitefcunt, pinguedinisve albioris colorem habent, magni sunt, simul plu-

res iun-

res iunguntur omnes mali: præcipue si in eorum medio nigra peticulæ apparent. Quod si liuescentes sint, & verrucis similes humoris expertes, vel quod in eis reperitur serosum, & virulentum est, & propterea difficulter concoctile, & æger conquaratur exitiosum malum ostendunt. Qui si liuidi, virides, violacci, nigrive fuerint, omnium deterrimi existimantur: caloris enim extinctionem, humoris vstionem, & materiæ venenum demonstrant. Mali præterea sunt, si magnum locum occupant, & in vno ventre plures reperiuntur, qui quanto plures tanto peiores, vt qui ebullientis humoris maiorem copiam significant. Insuper si exanthemata, vel peticulæ cum morbillis simul apparuerint, prauum signum erit: materiæ enim diuersitatem ostendunt, sed erunt etiam deteriores, si deteriori colore extiterint. Quod si febris in eorum exitu nullo pacto remiserit, sed vna cum accidentibus post morbillorum exitum perseverauerit, letale existimatur. His adde quod si sæces erunt æruginosæ, & ab eis æger non alleuietur, pessimum putato. Rursus si post morbillorum exitum æger nauseam passus sit, euomuerit, stomachi dolore correptus fuerit, ad interitum procliuus erit: maxime autem si post morbillorum exitum augeatur, multam enim ostendunt materiam, a natura ipsam regi minime posse. In omnibus animo defici conuellive perniciosissimum, & eo magis, quo sapius animus deficit, & validius conuellitur: materiæ namque venenum, & naturam in certamine succumbere, & cerebrum tentari significat. Quod si venter intumuerit prope mors est: vti si vehemens dolor modo vnâ, malo alteram partem occupauerit: pars vero occupata nigra, vel liuida, aut viridis euadat, & vires imbecilles fuerint, ægerq. angatur, & crucietur, mortis periculum instat. At si vires validæ fuerint, minoris periculi signum erit: fortis enim natura materiam ad ignobiliora propellens, ægrum liberare poterit: maxime vero si liuore apparente accidentia remittentur, et si pars in quam materia decumbit facillime putrescere possit. Rursus si ad intestina materia dilabatur, fluxusve exciteatur, & accidentia a fluxu non remittantur, vti plerumque fieri solet, in maximo discrimine æger versatur. Raucedinem insuper pati, languide loqui, mente alienari, cibum respuere, deglutire non posse, indeficientem pruritus habere, excoriari, & ab excoriata parte virus exire, vltra modum vigilare, se iactari, luctuosa suspiria habere, saporosum permanere, perniciofa signa sunt omnia.

Quo tempore Morbilli magis grassari soleant. Cap. XV.

TEMPVS, quo morbilli magis grassantur, & plurimum vigent, ex Razi decreto cap. 3. est veris initium, & autumnus pars vltima: cum scilicet æstas pluuiâ fuerit, & austri continue alij, alijs succedentes persflauerint, hiemsq. tepida, & aeris tempestas australis extiterit: huiusmodi namque hiems in vere, vti æstas supraddicta in autumnis producere morbillos

morbillos poterit. Quamuis æstas vehementer calida, & sicca, & autumnus calidus, & siccus idem præstare possunt: maxime autem si largæ pluviæ præcesserint: tunc enim perniciosiores morbi contingunt. Id autem ob aeris corruptelam fieri putarem, caliditas enim externa, superfluaque humiditas, putredinem producunt. Propterea dixit Auicenna: Maxime multiplicantur in successione austrinorum. Quodd autem vere morbilli fiant, prouenire inde credimus: quia præter pluuias iam dictas eo tempore humores commouentur, & agitantur: autumnus vero ob esum fructuum qui putredinem valde generant, præter id, quodd tempestatis mutatio non vulgaris contingit: quare, ut temporis mutatio sit, ita etiam humorum fieri necesse est, etsi, ut Hippocr. 3. aphor. 19. dixit: In omnibus temporibus morbi omnes nascuntur. Sed congruum magis tempus est, ver, & autumnus: præsertim si propriam temperiem non seruant, sed nebulosi sunt cum pauca pluuiâ, & debili calore. Princeps tamen dixit: Et euentus eorum in vere plus est, quàm eorum euentus in hieme, & post ver, in fine autumnus: & proprie quando præcessit æstas calida, & sicca, & autumnus fuerit calidus, & siccus. Rasis vero decimooctauo continentis ita scriptum reliquit: Et eueniunt, ut pluries in autumnus, & maxime cum non præualeat septentrionalis ventus: sed est pluuiosus, & cum aer est turbidus, puluerulentus & obscurus, & fiat ventus meridionalis.

Quæ corpora, membra, & ætates variolis, & morbillis magis tententur. Caput XVI.

MORBVM hunc timere magis debet alba corpora, humida, obesa, rubea, præcipue si febribus continuis capiantur, sanguinis profluvio, & affectibus a sanguine concitatis, & victu in capite septimo descripto vtantur. At gracilia corpora, biliosa, calida nempe, & sicca sæuiores morbillos pati consueuerunt. Hæc Rasis. Auicennas vero cap. 6. dixit: Et corpus quidem variolis præparatum est, illud, quod est calidum, & humidum, & conturbatæ humiditatis propriæ, quod parum extrahit de sanguine per phlebotomiam. Et paulo post: Et earum, inquit, euentus in corporibus humidis est, plus quàm in corporibus siccis. Et ego dico sanguinea corpora plures, & deteriores morbillos pati, si bilis secundo loco dominetur: quæ si torrefacta fuerit, deteriorem adhuc morbum pariet: nam ob sanguinem copiosum magna in eo ebullitio excitabitur, & in non paruo numero morbilli fient: a bile vero, & maxime torrefacta sæuioris naturæ producentur. Corpora autem frigida, & sicca, graciliaque morbillis accommoda non sunt, quodd si corripiantur, morbilli erunt languidi, numero pauci, cum febre miti, ac debili. Aetas vero morbillis, & variolis accommoda magis infantia est: infantes enim plurimo vterino humore abundant, qui causis maxime extrinsecis concurrentibus ebullitionem in sanguine solet excitare. Adolescentes minus pueris, & infantibus,

ſibus, & his minime iuuenes, & his minime ſenes, & inter ipſos, vt dictum eſt, qui natura ſunt frigidioreſ dicto morbo tentantur, ideo loco citato Princeps inquit: Et plurimum quidem accidunt variolæ, & morbilli infantibus, deinde iuuenibus, & minoratur eorum euentus in ſenibus, niſi propter cauſas fortes, & in regionibus vehementis caliditatis, & humiditatis: & tunc oportet, vt aer vna cum cibarijs, & medicamentiſ ſanguini aereo ebullienti reſpondeant. Demum morbilli, & variolæ non in cute ſolum, ſed etiam in membris interioribus oriuntur: quam rem Auicennas loco citato ſequentibus verbis demonſtrauit: Non accidunt morbilli in cute ſolum, & in eo quod ſequitur illud, quod apparet, immo accidunt omnibus membris ſimilium partium apparentibus, & occultis, ita quodd velaminibus, & neruis. Hæc ait. Ex quibus verbis datur occaſio dubitandi, excrementum illud in venis cuti proximis, a natura minime reponi. Tunc enim in partibus internis, morbilli prorumpere non poſſent, vt Princeps inquit. Quare dicimus vel moderatam eſſe materiam, vel in quantitate plurimum excedere: ſimiliter virtutem, vel fortem eſſe, vel debilem. Rurſus corpora raros habere poros, vel anguſtos. Vnde ſi materia eſt excedens, vt nedum venas cuti proximas, ſed internas etiam occupet, & natura ita valida non ſit, vt ipſam totam ad cutim detrudere valeat, concurrente præcipue pororum anguſtia, non tantum extremas partes occupabunt morbilli, ſed internas etiam, & tunc in velaminibus, & neruis, & in partibus ſimilaribus naſcentur, vt Auicennas docet. His non concurrentibus contrario modo res ſe habet, præcipue autem in capite, natibus, femoribus, cruribus, brachijs, in volis manuû, & pedum morbilli ſunt: in capite quidem ratione magnæ glandulæ, quæ pluribus ſemper ſcatet excrementis, præſertim in infantibus. At partes extremæ dictis morbillis tentantur, quia natura partes nobiliores tueri omnibus viribus conatur, præter id quod in venis dictarum partium excrementum illud continetur. In alijs vero partibus, quas dixi, quia multæ in eas venæ, & arteriæ terminantur, quare cutis durities non tantum obſtare poteſt, quantum natura per ora illa propellere valet.

Vtrum morbilli arte vitari poſſint, & quomodo. Cap. XVII.

AN quis a morbillis cuſtodiri poſſit, non paruam dubitationem habet: etenim ex neceſſitate quodammodo naturæ ortum habere ſancitum eſt, cum internam cauſam ex nutrimenti neceſſitate habeant. Verum cum dictæ cauſæ moueri, & agere abſque impulſore nullo pacto poſſint. Impellentes vero cauſæ extrinſecæ ſint, per dictarum cauſarum amputationem ipſos, vel amputari, vel retardari poſſe credendum eſt. Sed quoniâ extrinſecæ cauſæ vnus, & eiufdem generis non ſunt, aliæ namque noſtro arbitrio ſubiacent omnino: quamobrem in totum euitari a nobis poſſunt. Hæ autem ſunt ſex res non naturales, aliæ vero, etſi ex toto re-

moueri non possunt, humana tamen cura & diligentia sic alterantur, & remittuntur, vt effectus languidos remissosq. producant: hoc autem aer ambiens existit. Quare, qui pestilentiam arcere cupiunt, primo iuxta dogma Hippocratis ex additis in libro de natura humana numero 19. insipientem, excitantem, & contagium fouentem aerem aufugiant, vnde medicinæ auctor ita scriptum reliquit: Regionum etiam locos, in quibus morbus consistit quantum eius fieri potest permutare oportet. Et subdit: Similiter & corpora attenuare, sic enim minime multo, & denso spiritu mortales opus habuerint. Quòd si aufugere, & locum immutare datum non erit, aerem in quo quis manet pro tempore alterare debet. Quæ alteratio quo modo, & quibus fieri expediat. lib. & cap. 2. satis abunde tractatum est, ad quem locum studiosos delegamus. Ceterum, qui suos ab hoc morbo tueri incolumes volunt, non tantum hæc peragere debent: sed alias etiam ebullitionem excitantes causas remouere, vt sub sole moram, motumq. vehementem rursus cibaria, quæ hoc præstare possunt, in totum arceantur. Hæc autem cuncta dulcia, acriaue esse diximus, & præsertim insueta, quod exemplo lactis equarum, & camelorum Auicennas declarauit. Et vt paucis multa colligam, calida, & humida omnia, similiter & fructus, vt qui ebullitionem, & putredinem in humoribus inducant vitandi erunt. Etsi inter fructus pyra, & pira cotonea, similiter cerasa acida, & dulcia, cucurbita, citruli dicti, cucumeres, corna, sorba, & mespila, moderate tamen sumpta, concedantur: Vti inter carnes, caro castrati, capi, pulli gallinacei, hædi, vituli, auium montanarum, phasiani, perdicis, & similibus commendantur: quorum iura boragine, lupulis, endiuia, sed magis acetosa, pimpinella, vtar vocabulis vulgo notis, cicerbita alterentur: in primis ad temperandum iura, quod sequitur satis mihi probatum est:

Recipe seminum acetosæ.

• Citri.

• Portulacæ.

Plantag.

Coriandorum præparat.

Papaueris albi.

Cornu cerui præparati.

} ana. drag. semis.

Contundantur crasso modo, & linteo panniculo excepta dum coquitur caro, in ollam dimittantur. Ex eo autem iure paretur vel panis intritus, vel perfundatur panis, vel oua soluantur, vel coquatur iusculum vulgo brodetus appellatus, far, oriza, hordeum, & auena, aceto modico admixto. Fercula quoque ex herbis supradiçtis maxime vtilia sunt, oua tremula, & dispersa, vt vocant, concedantur. Vtrum vero elixa magis, vel assa commendentur, dubitabile est, puerorum enim ætas humida expetit, sic docente Hippocrate prima aphorismorum 16. verum si humiditas superet, assa magis, similiter & omnia, quæ superantem humiditatem

ditatem consumere possunt, summopere laudantur, quæ inferius loco magis opportuno dicentur. Potus sit vinum vocatum pauciferum cissolum, vt dicitur, acerbum, quale est quod Romæ asperinum vocatur, aut Arietinum, vel Mazzacanum, in summa quantum fieri potest sit oligophorum, aqua proba dilutum, & hoc est seruandum vbi minime vigent morbilli. In loco autem, in quo morbilli grassantur loco vini, vinum ex malo punico bibant, cum aqua proba, vel hordei dilutum. Sequens autem aqua maxime prodest quæ sic fit:

Recipe puluerum pro alteratione iurium supra descriptorum vnc. semis. quibus adde terræ lemniz. drag. semis. ligentur in panniculo linæo, & vsui pro conficienda aqua cocta existant. Ceterum acida omnia, ex Razi. cap. 5. maximopere laudantur, vti lac acidum, & acetum, item citria, & disti limones: similiter quæ adstringunt, & acida sunt, vti vua acerbæ, rhus obsoniorum, mala, tum cotonea, tum punica, acida, & præter hæc ea, quæ substantia sua crassum reddunt sanguinem summopere commendantur: vt zizipha, lentes, coriandrum, & psylium, & hæc simplicia sunt. Ex compositis probantur syrupus acidus simplex, oxy-sacchara, syrupus de ribes, de agresta de limonibus, sic enim hodie a seplasijs vocantur, de succo acetosæ, de acredine citri, & similes, qui choelari guttatim exhiberi poterunt, maxime tamen sequentis syrupi vsus comprobatur:

Recipe aceti acris, & veteris. lib. iij.

Succi mali punici acidi.	} ana. lib. j.
Acredinis citri.	
Omphacij.	
Ozyacanthæ.	
Succi fructuum mori.	

Bulliant ad consumptionem tertiæ partis, & adde sacchari. lib. iiij. coquito ex arte, & odor addatur, seu, vt vulgo dici solet, aromatizetur, cum spodij. drag. ij. dum coquitur baculo hedereaceo misceatur, & chocheare ad lambendum tribuatur. Quod si grandior puer fuerit, ex aqua pimpinellæ, acetosæ, cicerbitæ, & similibus pro syrupo poterit exhiberi, qui syrupus ex præcepto Rasis non solum pro conseruatione, sed in his etiam, qui morbillis correpti fuerint, & non tantum in his, sed in omnibus morbis a sanguine, & bile ortis salutaris habetur: mitiorem enim morbum, qui assument ipsum, incurrent. Reliquum est, vt de corporum attenuatione loquamur. Attenuabuntur vero si sex rebus non naturalibus parcius vtentur, maxime si parciore victu viuent, vti si sanguine abundabunt, iuxta vires, ætatem, & tempus, vel secta vena, vel cucurbitulis cum scarificatione in scapulis, aut alio opportuniore loco applicitis, similiter & hyrudinum affixione sanguis hauriatur: quod si aliquis humor in corpore, a natura sanguis alienus peccet, ille his, quæ congruenti ætate, tempori, & viribus educatur. Calidiora tamen medicamenta

summopere fugiantur, quæ ebullitionem excitare solent. Valent itaque pruna, tamarindi, mirobalani, rhabarbarum, & alia eiusdem generis, quæ omnia, Deo auxiliante, antequam febre corripiantur, ad pestilentie conseruationem mirifice faciunt, ipsa enim minus noxiam materiam reddunt, ebullitionemq. compefcunt, & tollunt.

An materia ad aliquam partem a natura propulsa, & præcipue in morbillis retrocedere possit. Cap. XV III.

ANTEQVAM vero ulterius progrediar, operæpretium est dubium non vulgare perpendere. Vtrum scilicet materia, quæ ad aliquam partem a natura detruditur, per eandem, per quas propulsa est, vias retrocedere possit. Non desunt enim primarij medicinæ auctores, qui hoc fieri contendunt, quinimmo Hippocrates sibi ipsi repugnare in hac re videtur: quarto namque de rat. vict. in acut. tex. 22. materiam a parte inflammata retrocedere non posse conceptis verbis demonstrauit: Quicumque autem ea, quæ inflammantur statim inter initia medicamento solvere conantur, ij non solum ab intensa inflammataq. parte nihil adimunt, cum non cedat, obsequaturq. quia adhuc cruda est affectio, verum quoque, & quæ morbo resistentia, & sana sunt, absument, colliquantq. ducto ad imbecillitatem corpore morbus superior euadit, qui vbi corpus vicerit remedium non habet. Quibus verbis videtur Hippocrates innuere tantum abesse, vt a parte inflammata sponte sua materia retrocedat, vt nec a medicamento exhibito detrahi ab ea aliquid vlllo modo possit. Quam sententiam sequutus fuit Franciscus Valeriola in re medica omnibus numeris absolutus, libro primo suarum enarrationum enarratione tertia, quo loco contendere videtur ab inflammata parte, nec venæ sectione, nec pharmaco amoueri materiam posse, & eo minus sponte sua, aut alia occasione retrocedere: quoniam cruda est affectio. Contrarium tamen legere est apud eundem Hippocratē primo de rat. vict. in acut. tex. 11. vbi de pleuride loquens, in qua dolor nullo pacto superiora, nec iugulum fatigat, sed ad ima descendit, sic scriptum reliquit: Si vero eas, quæ sub septo transuerso sunt partes dolor infestat, nullumq. ad clauiculam signum fecerit, ventrē, vel nigro veratro, vel peplio mollire oportet. Ac si diceret quo natura vergit, eo ducere per conuenientes regiones, rursusq. agrotanti purgationem prodesse, quoniam ab inflammata parte materia a medicamento ducitur. Propterea subdit: Dolorem ambo sedant, quem sedare profectio nullo modo possent, nisi materiam in parte inflammata existentem doloremq. facientem elliceborū, & peplium educerent. Ex quibus infertur materiam ad aliquem locum a natura detrusam retrocedere posse, cum a medicamento, vt diximus, ab inflammata parte retrahatur. Quæ veritas Hippocr. auctoritate 3. aphor. 65. firmatur, vbi habet: Quibus cum vulceribus tumores perspicui sunt, ij non admodum conuelluntur, aut insaniunt,

infaniunt: quibus vero repente euāuerit, siquidem posteriori parte factum sit, conuulsiones, & tetani accidunt: si autem in anteriori infania, lateris dolor acutus, empyema: si rubicundi fuerint tumores, dysenteria. Ecce quo modo tumores non solum retrocedere, sed a loco, in quo consistunt, repente euāescere possunt: tuncq. neruorum varios morbos producere, vt conuulsionem, & tetanum, si a posteriori parte capitis euāuerint, princepsq. membrum inde occupauerint, nempe cerebrum: vt ab anteriori parte lateris dolor acutus, & reliqua. Firmatur adhuc hæc opinio auctoritate eiusdem Hippocratis 6. aphor. 25. his verbis: Erysipelas foris, intro conuerti malum, intus vero foras, bonum: quæ auctoritas materiam mobilem esse, modoq. intro foras exilire, aliquando autem iter contrarium facere clare probat. Sed Galenum audiamus, qui 3. de nat. facult. cap. 13. postquam docuit attractricem, expultricemq. facultatem in vno quoque membro reperiri, de materia retrocessione sic ait: Non est ergo nec a ratione alienum, nec eiusmodi quod fieri nequeat, si pars ea, quæ ad cutim est insolito item frigore subito stipata, vbi & imbecillior est reddita, & quæ prius citra offensam inspersum habuit humorem, quem vt onus potius quàm præparatum aliquod ad nutritionem sustinet, propterea tollere a se studet, simul autem via, qua foras fieret, si densitudine est interclusa: alienum inquam non est, vt ad eam quæ intus fert conuertatur. Quibus verbis manifestissimum censemus aliquando materiam retrocedere: ceterum ad maiorem adhuc opinionis huius dilucidationem, alium quæso Galeni locum, Hippocratis verba 3. prognost. com. 68. exponentem perpendamus, vbi habet: Si abscessus euāescit screatione nequaquam egrediente, ac febre detinente, difficilis morbus est, periculum enim delirij, mortisq. imminet: inquit ita Galenus: Euāescere quendam tumorem præter naturam dicere, non id, quod desistere, indicat: verbum enim desistere generalius aliquod est: euāescere vero, cito desistere, ac velut de repente significat. Id igitur accidit interdum propter humoris tenuitatem, & partis laxitatem, & rursus circumuenientis nos aeris caliditatem, adhibitiq. medicamenti potestatem, ac virium ægrî firmitatem. Si enim omnia prædicta concurrunt, moles præter naturam cito destruetur, discutieturq. sed magna ex parte talia euāescere accidit, transmeantibus committentibus eo humoribus, aut in eandem sedem, vnde commota sunt, quod proprie nominat Hippocrates retrocedere, aut ad aliquam sedem in profundo corporis positam secedere. Tamquam igitur ex causis maxime contrarijs moles præter naturam, vt euāescat, finem habet, aut citissimam indicans noxiæ materiæ solutionem, aut deterrimam affectionem ea in partes præcipuas remeante. Hæc igitur omnium abscessuum communia censentur, quare subdit: Si abscessus euāescit screatione nequaquam egrediente, febreq. detinente, difficilis morbus est. Constat enim quod secesserit in profundum materia ad sedem præcipuam: si enim discussa esset, non amplius febricitarent, facileq.

cileq. scireant, itaque verisimile est in pulmonem ipsam omnem fecerisse fluxionem. Hæc Galenus: Sciendum tamen est, abscessum tribus modis euanesce, per materiæ dissolutionem, & exhalationem, per eiusdem retrocessionem, postremo per ipsius ad aliquam partem decubitus. Per resolutionem primo finitur, citoq. euanescit, quando supradicta quinque concurrunt, tuncq. tantum abest, ut accidentia augeantur, patientibusq. molestiam afferant, ut si quæ adsunt, facile repenteq. euanescent. Propterea Galenus ait: Si enim discussi essent non insuper febricitarent, fatileq. scireant. Secundo euanescit abscessus per retrocessionem, redeunte nempe materia ad partem, unde primo defluxit, quod docuit Galenus dum ait: Sed maxima ex parte talia euanesce accidit, transmeantibus humoribus in eandem sedem, unde commoti sunt, quod proprie nominat Hippocrates retrocedere. Tertio euanescit materia abscessus, confluyendo nempe ad aliquam principem sedem, in profundo corporis positam. Hinc subdit: Aut commeanantibus humoribus ad aliquam sedem præcipuam in profundo, in qua varios etiam morbos pro locorum diuersitate parere consuevit: nam si anteriorem cerebri partem occupauerit, insaniam: Si vero ad pectus permutationem fecerit, acutum lateris dolorem, empyema, & reliqua enarrata ab Hippocrate 5. aphor. 65. gignere solet: uti si posteriorem partem, conuulsionem, & tetanos, quæ ambæ ultimæ euantitiones abscessuumq. resolutiones, & permutationes maxime difficiles solutu existunt. Hinc Galenus dictam permutationem retrocessionemq. deterrimam affectionem nominauit: in ipsis enim accidentia augentur, sæpeq. ægrotantes perduntur. Remanet modo, habita iam cognitione quo modo abscessus per resolutionem, per retrocessionem, & ipsius ad alias partes, & morbos permutationem euanescat, ut Hippocratis loca conciliemus, quæ pugnare inter se videntur.

Hippocratis loca conciliantur, & quo modo materia ab inflammata parte disentiatur: & quo modo in morbillis retrocedere possit, dilucidatur.

Caput X I X.

DIXIMVS ex 4. de rat. vict. in acut. tex. 22. materiam ab inflammata parte retrocedere nullo modo posse, quinimmo nec a medicamento educi, quoniam cruda est affectio: primo vero de rat. vict. 11. de plurimide Hippocratem loquentem, quæ nec superiora, nec iugulum fatigat, sed ad ima descendit contrarium docuisse. Cum enim elleborum, & peplium exhibeat, ambo dolorem sedare affirmat. Ex quibus inferitur ab inflammata parte medicamento materiam educi posse: similiter, & opere naturæ fortis, alijs etiam concurrentibus conditionibus discuti, penitusq. euanesce. Dicimus ergo quando Hippocrates 4. de rat. vict. ait in initio inflammationis ab inflammata parte non posse aliquid medicamento educi, ponderari debere dictionem illam, inter initia inflammationis,

tionis, & alteram ab inflammata parte. Cum dixit inter initia inflammationis, voluit de initio initij intelligendum non esse, sed tota initij latitudine, propterea dixit plurali numero inter initia, præter id, quòd Hippocrates, & Galenus, quos postea vniuersa schola secuta est, morborum initium appellare consueuerunt, quoad morbi crudi permanent. Hinc subdit Hippocrates: Quia adhuc cruda est effectio: ex his materiam fixam fuisse existimandum est, nulloq. modo in motu perstitisse, & ideo nec medicamento, nec sponte sua amotioni aptam, & consequenter nec euacuationi, resolutioni, retrocessioni, & permutationi idoneam fuisse. Quare subdit: Ab inflammata parte nihil adimunt; quæ verba fixam materiam in inflammatione demonstrant. Itaque vt aliqua abscessuum materia ad resolutionem etiam repentinam habilis sit, quinque a Galeno exposita 3. de natur. facul. cap. 13. requiruntur: materia scilicet, locus, tempus, medicamentum, & virtus. Et primo ratio materiæ habetur, non enim omnis materia subitæ resolutioni idonea censetur, sed subtilis tantum, quæ tamen multa esse non debet: multa enim tam facile discuti non potest: quia firmata loco crassa euadit, & quæ introire facili potuit, exire postea non valer, vt lib. de loc. in homine, num. 43. docuit Hippocrates. Adde etiam quòd raro sincera materia reperitur, propterea quando crassa subtili commiscetur, ita vt subtilis pro congruo, commodoq. crassæ vehiculo esse possit, ad citam profecto resolutionem habilis inueniatur, non tamen ad repentinam: crassities enim resolutionem tam momentaneam impedit. Secundo requiritur locus, qui vel simpliciter, vel vt materiam suscipit consideratur: omnis namque locus, vt materia resoluitur, idoneus non est, sed ille solus, qui laxus, & rarus in corpore nostro reperitur, vt sunt loca omnia emungentia, adnæ vocatæ, genæ, oculis adiacentes regiones, & reliqua. Ex dictis vero insertur duriores carne minus aptos esse, vt in ipsis materia dissoluatur, atque discutiatur: econtra molles carne aptiores inueniri. Rursus pro loco intelligimus etiam partem illam nostri corporis, in qua morbifica materia abscessum, vel inflammationem faciens continetur: vnde materia illa, quæ in abscessu, vel inflammatione adhuc firmata non est, sed ad proximas partes detruditur, magis faciliusq. a medicamento trahetur, aut opera naturæ discutietur, quàm in dictis locis fixa, atque firmata. Tunc enim turgentis materiæ quodam modo rationem habet. Concurrit tertio tempus, quo intelligimus duo: vel enim aeris statum, & qualitates indicamus, vel ipsum, quod morbus decurrit, spatium. Est igitur clarissimum, vt temporis vocabulum ad aerem refertur, in tempore calidiori, maiores fieri resolutiones, dissolutionesq. quàm in frigidiori: & propterea abscessus, & inflammata partis materia facilius in ætate, quàm in hieme euanesceat. Vt vero morbi spatia tempus significat, verendum non est, quin abscessus initio & inflammationis, vt dictum est, dum adhuc in motu, fluxuq. materia reperitur, magis atque facilius eius discussio, & resolutio fiat, quàm postquam

postquam fuerit firmata, & eo magis, si materia fluere desinet: Si enim a nostra fluente materia abscessus, vel inflammatio amplius non fouebitur, facile quidem impendio decursum, non tamen firmatum in ipsis humorem natura discutiet, & euanescere faciet. Quarto medicamentum accedit, quod proculdubio materiam fluentem adhuc, vel proximas inflammationis partes occupantem, vt in abscessu ipso non firmatam trahere, vel extra applicitum discutere, perbelle valebit, & dolorem sedare, & abscessum ad discussionem, resolutionemq. habilem reddere commode poterit. Secus autem erit, si materia in abscessu, aut in inflammatione fixa fuerit. Tunc enim tantum aberit, vt ipsam medicamentum trahat, vt partes sanas, quod 4. acut. docuit Hippocrates, liquatura potius sit, & imbecille corpus redditura: quare & morbus naturam superabit, & æger peribit. Quinto, & ultimo concurrit virtus, quæ si fuerit debilis, discutere materiam non valebit: sed pondere magis grauabitur, præsertim si materia partem principem occupauerit: ipsam enim premet, fatigabit, & ad interitum perducet, præcipue autem si prauis conditionibus fuerit insignita. Contra autem virtus fortis, materia subtiliori existente in tempore calidiori, in morbi initio, ac propterea nullo modo firmata, a laxioribus partibus per se ipsam discutere, resoluerè, aut a medicamento adiuta expellere facile poterit: tuncq. exhibitum medicamentum dolorem sedabit, vt 2. de rat. vict. docuit Hippocrates. Ex dictis autem hucusque quomodo materia euanescat, quomodo retrocedat, rursusq. quomodo ad aliquam sedem præcipuam in profundo positam commeet, variosq. morbos pro loci diuersitate pariat: similiter quomodo materia ab inflammata parte medicamento trahatur, nec non quando naturæ, & medicamento obstat atque repugnet, clarissimum existimamus. Iam remanet vt reddendo singula singulis, videamus, an materia pro morbillorum generatione ad cutim, a natura propulsa retrocedere possit. Quod dubium antequam explicemus, partiri peccantem materiam necessarium erit: in eam scilicet, quæ propulsa est, & in eam quæ propulsioni adeo proxima existit, vt ipsam natura continue exagitet, concoquat pro viribus sensim, successiueq. a bono separet, & tandem expellat. Quapropter materiam iam propulsam diximus totam vnica vice detrudi minime posse, sed successiue, vt a quarto vsque ad septimum: & eo magis, si materia erit contumax, aer frigidus, cutis natura densa, & virtus imbecillis. Erit autem materia contumax, cum vires expellentis naturæ superabit: superabit autem, vel quia multa, vel quia crassa, vel quia venenosa. Hinc fit vt detrusio sit diminuta, & interdum tantum partes subtiliores materiæ peccantis expellantur, morbilliq. pauci fiant. Qui cum a materia, quæ detrudenda erat, ob contumaciam intus remanente, vel ab aere frigidiori intro repercussa amplius non foueantur, non solum non adaugentur, sed potius minuuntur: parte videlicet eorum subtiliori discussa, vel motu proprio motui naturæ contrario, tamen cum crassiori materia interiora petente,

ra petente, tuncq. cum Galeno 3. de nat. facult. cap. 13. dicimus, quando morbillorum materia per venas cuti vicinas euomitur, si ipsam cutim, vel per se, vel a frigore aeris ambientis stipatam inuenerit: similiter ob materiam multitudinem, vel venenum, quibus de causis, vt supra dictum fuit, naturæ redditur contumax, mirum alicui esse non debet, si ad eam, quæ intro fert sedem conuertatur, iuxta Galeni doctrinam. 3. prognos. 68. Et hoc de propellenda materia, quæ membra in profundo posita etiam principalia aggreditur, febres ardentes parit, & alia etiam sæua symptomata producit: Vti cum ad intestina prolapsa ea vlcerano letales efficit fluxus. Hinc morbilli ante congruum tempus exsiccantur, declinareq. videntur. Verum mendosa fraudulentaq. est illa declinatio, vt infra. cap. 38. clarissime apparebit. Diligentissime itaque ægri tractentur, ne ab iniuria aeris lædantur. Similiter materiam prauitas, & venenum, quantum fieri potest superetur, & cum alexipharmacis ad benignum reducatur, vti ipsius copia imminuatur: alleuiata enim natura sarcina, qua premitur, reliquum facilius conficiet, & ad exteriora propellet. Sed quia ambiens nos aer, præter alias enarratas causas morbillorum retrocessionis non vulgaris causa ponitur, propterea quænam aer ipsorum generationi congruus habeatur, inquiremus.

De aere morbillorum tum generationi, tum curationi congruo.

Caput. XX.

MORBILLOS curaturi, quoniam aer in eorum generatione maximam partem habet, eundem rursus in eorumdem curatione non modicum valere putandum est. Ea propter quænam aer ante, & post morbillorum exitum esse debeat, accuratius explicemus. Itaque ab aere frigido post biduum ægros omnino tueri oportet, vt docuit Princeps primæ quarti tract. 4. cap. 10. his verbis: Cum ergo præterierit ægritudo diem secundum, & incipiunt variolæ apparere, tunc fortasse erit intrigidatio causa erroris magni, ex eo quod retinet superfluitatem interius, & desert eam ad membra principalia, & fortasse non erit eis possibile apparere: & accidit inquietudo, & angustia, & fortasse accidit syncope. Et paulo inferius: Oportet vt clogentur ab aere frigido, & proprie in hieme, immo fiat cum eis illud, quod cum sudante fieri solet, qui aerem frigidum omnino vitare debet: nam qui sudant si exterius frigescant, nauseant vt 2. problemat. 19. docuit Arist. Frigus enim, inquit Auicenna, oppilat poros, & retro materias redire facit. Propterea aer vento agitatus vitetur, & potius ad calorem vergat, vnde cooperiri ægros vtilissimum erit. Philonius autem tegumentum ex panno laneo de persico parat, vt visione panni rubei, inquit ipse, sanguis ad exteriora moueatur: cuius rei gratia aer in hieme præsertim igne calefieri debet, iuxta præceptum Rasis 18. continentis ex decreto filij Mesuz. Et in hieme, inquit, semper sit coram eo

Gg ignis

ignis ex lignis tamarisci : & secundum alios, ex lignis quercus , & vitis . Verumtamen ægri nec cooperiri , nec calefieri ita debent, vt inde pothymia , vel sincopis sequatur . Vnde Princeps : Et quando ex coopertura , & calefactione , quasi sincopis , vel sincopis accidit , tunc non est excusatio ab infrigidatione aeris , qui attrahitur proprie , & properatione ad odores bonos , & infrigidentes , vt camphoræ , & sandalorum . Et paulo inferius subdit : Quando incipiunt exire morbilli , & cum exitu non inueniatur alleuiatio , immo inuenitur caliditas inflammata , & lingua ad nigredinem decliuis , tunc caue ne calefacias : feruor enim ab igneo calore excitatus tantus esse potest , vt absumens naturalem calorem cum humore radicali vocato interitus causa , nisi remittatur , existat . Maxime autem feruorem aer remittit , cum sensim attrahitur , qui propterea ad frigidum declinare debet : quibus autem frigeat lib. & c. 2. abunde satis demonstrauimus . Ceterum mutatio a calido ad frigidum , & e contra , si necessaria fuerit , non repentina sed moderata esse debet . Itaque dixit Princeps : Et si non fuerit excusatio , quin detegatur corpus vento , aut aeri frigido , hoc paulatim fiat . Quod antea Hippocrates 2. aphor. sic docuit , dum ait : Semel multum , & repente euacuare , vel replere , calefacere , vel frigefacere , aut alio quouis modo corpus mouere periculosum : omnes siquidem nimium naturæ inimicum , & reliqua . Attamen excessus perniciosior est ad frigidum , poros namque claudendo exitui morbillorum aduersatur : quapropter vnguenta quoque , & cataplasmata , de quibus posterius dicitur , morbillis ægredientibus ab Auicenna damnantur .

De victus ratione .

Cap. X X I .

ET si ad rectam nutriendi rationem alia plura , præter morbi naturā , & virium robur , concurrunt : vt ætas , anni tempus , & consuetudo , vt prima aphorismorum . 17. tex. & com. habetur . Nos tamen in præsentiarum duo principaliter respicientes , morbum scilicet , & virium robur , ex his primario cibi offerendi indicationem sumemus . Quare cum morbus sit acutus , & breui finiatur , tenui victu vti oportet : non adeo tamen tenui , vt delapsis viribus æger succumbat , & ad statum peruenire non queat , vel in statu ampliori victu vti cogatur . Ceterum cum vt sæpius dictum est , duo tempora morbilli habeant , primum , quod bullitionem respicit , alterum vero quod morbillorum exitum , maturationem , & exsiccationem comitatur . In primo , ratione morbi , tenuiori victu vti congruum esset , nisi morbus esset in pueris , quorum corpora cum facile difflentur , plurimo alimento egent : præcipue cum plurimo innato calore abundant . Quamobrem quia plurimæ fiunt resolutiones , & dissolutiones , & calor in eis fortis est , non modicum , & sæpe dare expediet : sæpe , ratione continuæ resolutionis : multum autem , quia calore innato valido abundante . Hoc autem multum , gradus habet , quare prudentis medici erit ipsum

ipsum metiri. Sint tamen cibi acute febricentium, cum hi morbi ad quartam decimam plerumque finiuntur, etsi primum tempus nempe ebullitionis, & feruoris ad quartam terminatur. Quare primo tempore tenuiori victu uti optimum erit, quàm secundo, etsi quia eo tempore appetentia loco nausæ, subuersiones, & vomitiones plurimæ puerulis contingunt, potius ut cibum sumant cogendi sunt, quàm ut eis aliquid subtrahi opus sit. Quæ cibaria in initio facultatem adstringentem, refrigerantem, & inspissantem habere debent. Propterea Princeps loco citato. cap. 10. ita scriptum reliquit: Et oportet ut fiat in eis cibus in primis cum eis, in quibus est confortatio, cum percussione, & extinctione. Vnde paulo inferius hæc docens, dixit: Ut cum eo, quod sit ex dactylis immaturis, & ex lentibus præparatis, & isidebegi, idest, ut placet Herculano, mica panis cum saccharo. Et paulo post: Et similiter oportet, ut cum istis sint tamarindi, & quæ eis conueniunt: initio enim ebullitionis, nedum tamarindos, sed pruna, & mannam cum cibarijs, ut venter lubricus teneatur, immiscet: quæ paulo post a principio poni nullo pacto debent. Etsi non defunt, qui ad septimam immixta commendent, quem modum damnamus, ne materia iutro feratur, & contrarium motum motui naturæ retineat. Fluxus namque in hoc morbo omni tempore est suspensus. Et paulo post frigidiora cibaria Princeps recensens, ait: Et cibus factus ex cucurbita, & melone, arachin, idest, melone Palæstino, ab Arabibus Indo appellato concedatur. Ex quibus manifestum est, inquit Herculanus, quod regimen ciborum debet esse frigidum, ad sedandum ebullitionem, præsertim si superfluit, stipticum ad confortandum membra intrinseca nobilia, ut a se materiam repellant, quod etiam sanguinem spisset, ut eius substantia adæquetur: est enim nimis subtilis, qui in variolis feruet, propter bilis admixtionem. Tempore tamen ebullitionis, ut supra dictum est, diæta debet esse tenuis. Nec plura Princeps, & Herculanus. Guainerius vero differentia 3. cap. 6. ita scriptum reliquit: Pro cibo autem vtatur ptissana hordei non colata, cum modico sacchari, vel hordeato, siue auenato, vel mica panis abluta, cum lacte amygdalarum præparata: & in istis, si placet, potes addere aliquid acetosi, ut vinum granatorum, berberis, agrestam, succum limonum, citrangulorum, & similia vna cum emulsione lactis seminis melonum: & ex herbis potest uti spinacijs, borragine, lactuca, pimpinella, cicerbita, acetosa, cucurbita, addédo eis de succis supradictis ad libitum. Conueniunt insuper summo opere lentes excorticatæ, cum aceto correctæ, vel aliquibus ex succis supradictis, quæ bulliant in duabus aquis ad perfectam coctionem, & corticis separationem, quæ ut supra alterentur. Hæc diæta conuenit vsque ad variolarum exitum. Quod si ad grossiorem diætam deuenire necesse sit, prædicta in brodio pullæ decoquantur, & ut in cibus eorum, qui pestilentiam patiuntur, fieri commonui, similiter & hic facito. Et hæc de cibo. De potu vero vinum dimittatur, vsque ad variolarum exitum

omnino, loco tamen eius aqua hordei in qua lamina aurea pluries sit extincta, magnatibus detur: pauperibus vero simplex. Post ipsorum autem apparitionem, parum vini albi, vel cisioli aqua laudabili bene lymphati concedatur: quod potius, vt medicamentum, quàm vt cibus exhibeatur, quod in pauca quantitate fumatur. Hæc Guainerius, Abenzoar autem lib. 2. tract. 7. cap. 3. ita habet: Et prohibent etiam dare carnes, & alia cibaria his similia, sed præcipiunt in hac passione dare lentes decoctas in aceto tantummodo. Ego vero bene consentio cum his, do etiam lactucas coctas cum aceto, medullas citruli, & angurix, & ad bibendum aquam hordei, & angurix, etiam in cibo do eis cucurbitam valde coctam. Et paulo post subdit: Et numquam volui dare istis syropos aliquos dulces, ne conuertantur in choleſam: Et paulo inferius: Et pauci sunt, qui sciant regere hos patientes, quoniam dant eis dulcia, & mel, & pisces salitos, adico quoddam est mirabile valde, quod non moriantur: quare dulcia, & salsa omnino vitentur. Rasis vero 18. continentis, cap. 8. ex decreto vigilatoris ita scriptum reliquit: Et oportet, vt sint cibi eorum constrictiui, sicut lentes, cum vino granatorum, & aceto. Et paulo post ex decreto filij Mesux: Et non comedat de pullis quousque febris omnino mitigetur, & variolæ desiccantur, & earum cortices cadant, & cibetur in principio cum oleribus mollificatiuis. Et paulo inferius: Et detur in potu ptisana quousque adest febris, & semper cibus eorum sint lentes excorticatæ, cum succo granatorum decoctæ. Idem tract. 10. cap. 18. ait: Pullos præterea non comedat, nisi postquam omnes cortices, quæ sunt super loca variolarum remotæ fuerint, & febris, atque omnis calor præter naturam, a corpore separatus fuerit. Ceterum cum hic morbus, vt dictum est, sit vt plurimum infantinum, & puerorum, condonando aliquid ætati, & consuetudini, non solum panem in iure pullæ intinctum, similiter & intritum, vel vitellos ouorum in iure solutos dare expediet: sed & oua, & hepata pullorum, & deteriora quandoque dare, si salubriora recusant, coacti erimus: sint tamen hæc cum lactuca, cicerbita, acetosa, & similibus alterata. Meliora quoad fieri potest exhibeantur: verum si exhiberi non poterunt, minus noxia dentur, vt aues parux, pulli parui, pisces saxatiles, & eiusdem generis alia. Potus vero sit vinum mali punici, cum aqua infra-

scribenda temperatum.

Recipe s. acetosæ.

Citri.	} ana. drag. ʒ.
Portulacæ.	
Plantaginis.	
Cornu Cerui præparati.	
Coriandrorum præpar.	vnc. ʒ.

Contundantur grosso modo, & ligatis in petia vtaris pro facienda aqua cocta, cum qua vel cum aqua hordei, vel cum aqua aurata, vinum ex malo punico, etsi necesse fuerit, vinum album, vel vocatum cisiolum, pauciferum

pauciferum tamen; diluatur. Verum a vino quantum fieri potest, quoad morbus remisserit, abstinendum censeo, præcipue dulci: sed loco vini, sequens potio propinetur:

Recipe Syr. Acetosi.

vnc. iij.

Aceti:

vnc. j.

Aquæ supradictæ, vel ex

Seminibus confectæ, vel

Aurate

libr. iij.

Bulliant ad consumptionem tertiæ partis, & potui detur, quæ potio si nimis dulcis fuerit, plus aceti addatur: uti si acidior, plus dicti syrupi adijciendum erit. Sed quia lactentibus infantibus, sæpefapius præsens acedidit morbus, nec ipsi, præætatæ, dicta peragere, nec comedere valent, tunc nutrices præscripto regimine vtantur, vt earum lac, quod Hippocrates 6. de morb. vulg. sect. 5. tex. com. 35. & Galenus docuere, medicatum euadat: Tempus autem exhibendi cibum sit, quando infantes, & pueri ipsum sumere voluerint: hora tamen quantum fieri potest quietior eligatur: sic & copia sit, quæ idonea, & congrue nutriat, sed non repleat, aut grauet. Hæc de victus ratione, nam de alijs rebus non naturalibus nihil dicendum videtur: in ijs enim pueri vix vllam moderationem pariuntur, si quam tamen admittere videbuntur, ea ex secundo libro peti potest.

De Materia pharmaco minuenda. Cap. XXI.

ET si humorum diminutio in præsentī morbo bisariam fieri potest, nempe sectione venæ, & pharmaco, & vbi vtroque auxilio opus est, iuxta dogma Gal. 6. de morb. vulg. sect. prima com. 6. a sectione venæ auspicianda curatio est. Nos tamen de pharmaco primum agemus, nam si quod pharimacum competit, illud in principio, vt aiunt, principij competere, ex dicendis manifestum erit. Sectio autem venæ vsque ad quartum producit, & quandoque post quartum etiam salutaris interdum inuenitur. Pharmaci autem ratio diuersa est: quoniam in principio conuenire non videtur. Nam vt prima aphor. 6. docuit Hippocrates, quod natura vergit, eo ducere per competentes regiones: quare cum a natura materia intra venas existens ad cutim demandetur, pharmacum vero econtra a circumferentia ad centrum eandem trahat, & priores partes ipsa cute nobiliores existant, sequitur pharmacum nullo pacto exhibendum esse. Quam opinionem plerique medentium secuti sunt. Auicennas vero, loco allegato visus est in cibarijs ipsis lenientia medicamenta immiscere, dum ait: Et oportet, vt fiat in eis cibatō in primis cum eis, in quibus est confortatio, cum repercussione, & extinctiōe, asque constrictione naturæ, & inspissatione sanguinis, sicut quod fit de iuiubis, cum tamarindis, cassia fistula, & reliquis. Quæ verba exponens Herculanius, inquit:

inquit : Et hoc mihi videtur magis medicina quàm cibus : & subdit , medicamenti lenientis ordinem describens : Vnde si distinctione nõ utemur , facile quidem aberrare possemus . Ea propter si quis inchoante ebullitione aduocatus fuerit , & cum sanguine alium humorem a natura sanguinis alienum associatum comperiet , bonum erit : vt cum dictis ab Auicenna , & non solum cum illis , sed cum rhabbarbo , manna , diapruno non sol. myrabolanis , syrupo rosato , & violato solutius (vt dictum) exuberantem , & cum sanguine mixtum humorem ceteris concorrentibus educat : hoc vno seruato , vt cum lenitiuis astringentia , educentia tamen misceantur . Quod diminuens pharmacum Benedictus cap. 22. suæ practicæ ita scribens imperauit : Poteris lenire ventrem cū medicina non eradicatiua , sed lenitiua . His non concurrentibus purgantia medicamenta suspecta habeantur , & tunc pharmaci loco lenientia clysteria , & placida satis , vt cum brodio , in quo ebullierit cucurbita , vel lactuca , cum saccharo rubeo , & vitello oui fieri poterunt . Animaduertendo , vt nedum cum lenitiuis dictis adstringentia misceantur , sed dicta lenitiua , & adstringentia in pauca , & maxime moderata quantitate exhibeantur , ne natura ab opere distrahatur , vel materia ad intestina præcipitetur . Vnde Herculanius ita scriptum reliquit : Et nota quoddam quauis dictum sit , quoddam regimen tam cibale , quàm medicinale debet esse lenitiuum , vt educantur superfluitates in intestinis contentæ , non tamen debet esse solutiuum eligendo ; immo nec multum lenitiuum , ne forte sequatur fluxus ventris , qui frequenter est mortalis , tam in principio , quàm in processu . Hinc dixit Auicennas : Si non obedit cum tamarindis addatur siracost. idest , manna cum facilitate , & cautela . Et subdit Herculanius : Ego vero vbi venter sit nimis stipticus , clysteribus lenitiuis contentor , quod si affellat semel in die , clysteria etiam omitto . Hæc de pharmaco .

De minuenda per missionem sanguinis materia : & apparentibus morbillis , utrum mittere sanguinem expediat .

Caput X X I I I .

MINUITUR autem tutius & melius per venæ sectionem , quàm per pharmacum materia . Quare sanguine exuberante , quoniam in eo ebullitio excitatur , ipse potissimum hauriri debet . Vnde Auicennas 1.4. tract. 4. cap. 10. ita scriptum reliquit : Oportet , vt in variolis incipiatur , & extrahatur sanguis sufficienter , maxime si morbilli fuerint cum repletionem sanguinis . Rasis quoque cap. 6. venam secari , & ad animi deliquium sanguinem detrahi iubet . Sed antequam a qua parte sanguis hauriendus sit , exponamus , cum infantium puerorumq. proprius morbillorum morbus existat , an his vena tundi , qua parte , quo tempore , quauis quantitate mitti debeat , accurate inquiramus . Galenus enim 2. meth. 14. & præter alia innumera loca 13. meth. 2. & lib. de cur. rat. per sang. miss. cap. 13.

cap. 13. in pueris venę sectionem ante decimumquartum annum prohibet, & interdicat: cuius verba vndecimo Meth. hæc sunt: Quippe synochus bene habiti corporis, & calentis ætatis proprius est: at si in puerum incidat, qui decimumquartum annum hæctenus non attigit, mitti illi sanguis non debet, propterea quòd tantillis cum præsertim calidi, & humidi sint, plurimum corporis substantiæ quotidie defluat, ac digeratur. Itaque quod ex incidenda vena moliendum nobis fuerat, id vltro ex curati corporis natura nobis præstat. Attamen idem Galenus lib. de cur. rat. per san. miss. c. 14. quodam modo contrarium sentire visus est. Ait enim: Nam cum febrilis calor multum sanguinis digerat, atque abstinenter laborans visitat, necessario breui illum nutrimentum ex sanguine destituit, interimq. virtus exsoluitur: absimitur autem ob laborantis quidem temperiem, si calida, humidaq. cuiusmodi est puerorum. Ob ambientis vero temperiem, si regio calida, & tempus æstiuum, proinde minus detrahimus, quàm plehitudo commonet. Et subdit: Quo ad ætatem quidem attinet, in pueris: quoad corporis habitus, in candidis, & quibus mollis, teneraq. est caro, quales Galli sunt, minus detrahendum oportet. In qua oratione non prohibere, sed sanguinis missionem in pueris moderari manifestum est. Quattuor itaque sanguinis missionem moderantia ante oculos Galenus spectanda proponit, ætatem nempe, corporis habitum, anni tempus, & denique regionem. Itaque dixit in candidis, & molli carne præditis: rursus in tempore æstiuo, & regione calida: similiter, & in pueris parcius sanguis mittatur. Hoc autem ea ratione declarauit, quia magnam sanguinis copiam haurire solitus erat, vt in lib. de cur. rat. per sang. miss. cap. 14. videre licet, dum ait: Memini quibusdam ad sex vsque libras sanguinem detractum fuisse, ita vt febris protinus extingueretur, nec vlla sequeretur virium afflictio. Capite vero 17. eiusdem libri in oculi inflammatione tres sanguinis libras primo detraxit, & ad horam quartam, librâ. Sed innumera loca, in quibus præ copia sanguinis missa, aliquando febrem iugulasse, interdum ab ingenti inflammatione oppressos ab orci faucibus liberaisse se iactat, consulto dimittimus: clarumq. putamus huius generis sectionem venę pueris non competere, quam ipse Gal. locis citatis, & alibi ipsis interdicat. Et non solum hanc, sed illam etiam nos interdicimus, quam ipse eodem citato libro cap. 13. pueris imperauit, ad cotylam scilicet, et si vires adhuc vltra fufferre poterunt, ad mediam cotylam. Vnde pueris sanguinis libram, & vnciam vnâ cum dimidia detrahât. Quam copiam nostris temporibus nõ extraheremus. Propterea cum dixit: Nullo modo infra quartumdecimum annum sanguis mittatur; perinde est, ac si dixisset: infra quartumdecimum annum nullo modo sanguis tam copiose mittatur. Nā præter id, quòd ipsam ferre non possent, quod non detrahitur, natura corporis curati id nobis præstat, id enim præstat natura in pueris, quod præstat sanguinis copia in adultis. Ea propter ea quâdo occasio postulat, eisdem parcius sanguinem mittere ne dū prohibet, sed cõmendat Gal. Quâ sententiam

sententiam Celsus suis monumentis firmavit lib. 2. c. 10. his verbis: Sanguinem incisa vena mitti nouum nō est, sed nullum morbum esse, in quo non mittatur nouum est. Item mitti iunioribus, & feminis vterum non gentibus vetus est: in pueris vero idem experiri, & in senioribus, & in grauidis quoque mulieribus vetus non est. Siquidem antiqui primam, vltimamq. aetatem sustinere non posse, hoc auxilij genus iudicabant, persuaferantq. sibi mulierem grauidam, quæ ita curata esset, abortum esse facturam. Postea vero vsus ostendit, nihil ex his esse perpetuum, aliasq. potiores obseruationes adhibendas esse, ad quas dirigi curantis consilium debeat: interest enim non quæ ætas sit, neque quomodo in corpore intus geratur, sed quæ vires sint: Ergo si iuuenis imbecillis est, aut si mulier, quæ grauida non est, parum tamen valet, male sanguis mittitur: emoritur enim vis, si quæ eis supererat, & hoc modo erepta est. At firmus puer, & robustus senex, & grauida mulier valens, tuto sectione venæ curantur: maxime tamen in his medicus imperitus falli potest, quia fere minus roboris illis ætatibus subest. Hæc ibi: Et paulo inferius: Nam quidquid aut intentionem animi, aut prudentiam exigit, protinus faciundum est, cum præcipua in hoc ars sit, quæ non annos numeret, neque conceptionem solam videat, sed vires æstimet, & ex eo colligat, possit nec ne superesse, quod vel puerum, vel senem, vel in vna muliere duo corpora simul sustineat. Quam sententiam lib. 3. cap. 7. conscriptis verbis confirmavit: Non facile pueris sanguinem mittere oportet, non facile ducere aluum, nec cruciari vigilia, non siti, aut nimia fame. Quibus verbis venæ sectionem non prohibet, sed ne incaute, & temere fiat tantum monet. Paulus quoque libro 6. cap. 40. dum quibus ætatibus sectio venæ compereret explicabat, inquit: In ætatibus porro cautio est, ne ad quartum & decimum vsque annum, item post sexagesimum vnquam per venas sanguis detrahatur, nisi irrecusabilis aliqua necessitas huc nos compellat. Ecce quomodo in irrecusabili necessitate sanguinem pueris, & senibus mittere iubet. Irrecusabilem autem dicemus necessitatem, si morbus talis est, vt de medio patientem auferre queat. Auerroes quoque septimo colliget cap. 3. probatæ sententiæ astipulatur. Abenzoarq. filio trium annorum sanguinem minuisse, & a morte liberasse recenset. Relinquo iam recentiores plurimos, qui pueris infra decimum quartum annum sanguinem detrahunt, inter quos Amatus ille Lusitanus centuria tertia, curatione 16. puero septimum annum nato sanguinem demit, quem ad quattuor uncias fluere permisit, a qua parciore sanguinis detractione pueri habitum nedum dissolui, sed magis naturam exonerari, vt validius ad extrema detrudere materiam possit, clare cognouimus. Quare si puerorum laborantium corpora sanguine abundauerint, eaq. crassiora, rubicundiora, fortiorave fuerint, & regio temperata, vernumq. tempus extiterit, & a coinquinato aere, vel exuberante qualitate præditi plurimi eorum interierint, sanguis omnino detrahatur. Hinc Princeps: Et conuenien-

conuenientius quod in hac administratur ægritudine est, sectio venæ. Nec morbum hunc puerorum vt plurimum morbum esse Principi ignotum erat: Sed ipsa etiam ratio mitti pueris sanguinem debere suadet. Medicus enim naturæ minister est, quæ natura sapissimè in puerulis cum ab alijs morbis tum ab hoc potissimum oppressis, modo per nares, modo per aluum, modo per vrinæ viam sanguinem fundit. Quapropter Princeps loco citato: Accidit, inquit, eis fluxus ventris malus, & mictus sanguinis: quare ex his datur medico occasio, vt suo loco, & tempore per competentes regiones sanguinem demat. Sequitur, vt a qua parte sanguis mittendus sit, enodemus. Auicennas enim, etsi ipsam imperet, a qua parte tamen sanguis hauriendus sit, non docet. Quod enim venam nasi secandam dicat, dubitationem habet. Nam a venis narium sanguis primario hauriri non debet. Sed posteaquam basilica, vel media secta fuerit, & humorum copia maxima caput occupet. Quapropter Auicennas loco citato dixit: Sectio venarum nasi a malitia variolarum partes superiores tuetur: Sed clarioris doctrinæ gratia sumendum est, plura esse instrumenta, quibus sanguis detrahatur, scilicet cucurbitas, hirudines, & gladiolum: propterea dicimus pro instrumentorum, & ætatum varietate, varijs ex locis extrahi sanguinem debere. Si igitur gladiolo detrahatur, cum hepar sit venarum principium, ab eo cum Rasi, cap. 6. & cum Lusitano citato loco dixerim, primo sanguinem mittendum: quod si caput doleat, & ægri delirent, a cæphalica deinde mittatur, vti in adultioribus feminis, si retenta essent menstrua: & viris, si hemorrhoides solitæ fluere essent superflua, saphæna dicta secanda est. At si vice sectionis venæ vti cucurbitis voluerimus, hæ primo cruribus figantur: plurimum enim ea in parte affixæ profunt. Morbus enim de quo agimus, non raro pestilens est. Oribasiusq. tantum affixione cucurbitarum in cruribus cum valida scarificatione, a peste se liberatum fuisse affirmat: post hæc in natibus, & in scapulis figere vtilissimum erit. Quæ idcirco etiam quia sectionis venæ vicariæ sunt, & a centro ad circumferentiâ materiam trahunt, naturæ motum adiuuantes summopere laudantur. Hirudines quoque varijs partibus, prout expedire videtur, figi consueuerunt. Quandoque enim brachio, aliquando venis sedis, non raro naribus: sæpe denique venis, quæ sunt post aures, At venis sedis affixæ, quoniam vt 6. aphor. 12. docuit Gal. feculentum sanguinem solet naturam per eam partem excernere, quibus hæ venæ sanguinem fundere solitæ sunt, si clausæ fuerint, his potissimum proderunt. Tempus, quo sanguis mittendus est, ante morbillorum, & variolarum exitum, vt fuit Auicennæ opinio, qui eodem loco inquit: Et spatium illius est usque ad quartum. Et paulo inferius: Et fortasse phlebotomia est mala, quia repellit, & conuertit illud quod procedit, vnde caueatur post duos dies, aut tres. Igitur ante quartum fieri debet. Non tamen propterea fit quin magna in repletionem, quam natura regere non valet, post quartum etiam sanguis detrahi non possit. Etenim Princeps inquit: Sed quando procedunt

variola, & morbilli non oportet tunc, vt administretur phlebotomia, nisi inueniatur vehementia repletionis, & dominium materiei: tunc enim phlebothometur quantitate, quæ exsiccet. Et paulo post: Quando necessaria est phlebotomia, & non phlebothomatur iterum complete, timetur super ipsum corruptio extremitatis. Quare si post morbillorum exitum accidentia non remittentur, cum eorum perseverantia repletionis signum existat, consequitur vt sanguinem mittendum statuamus. Nec est timendum, a sectione venæ intima corporis materiam repetere, sed sperandum magis naturam quasi sublata sarcina, qua premebatur, residuū fortius superare, & ad extima propellere. Verum si id non sequetur materiam non adesse significabit: quod vt diximus accidentium remissio docebit, vt multam esse materiam docent si morbillorum exitum accidentium remissio non sequatur. Accidet itaque bullienti materię, vt igni solet ardenti contingere, qui lignis remotis non solum debilis fit, sed etiam extinguitur. Quantum autem sanguinis mitti debeat, non est vt pluribus disserā, cum differat corpus a corpore, natura a natura, nutrimentum a nutrimento, præter cetera, quæ ad sanguinis missionem concurrunt. Relinquendum hoc est arbitrio medici prudentis. Vnum animaduertendum, quod in sanguine ebullitio fit, & quod putrescit cum sanguine mixtum a primordiis generationis reperiri. Et rursus Razem ad lypothymiam usque detrahare. Principem quoque, vt abunde extrahatur imperare, & dicere, quantitate quæ exsiccet, hauriri debere. Reliquum vero est, vt moneamus sanguinem, a vena non vna vice totum, sed pluribus mittendum esse, vt scilicet portio mane extrahatur, & vesperi, & vt dici solet, vena euentetur. Quod si iterari sectionem non patientur, venis narium hyruidines, vel retro aures, aut cucurbitæ scapulis affigi debebunt. Qui vero septimum annum non attingunt, his cucurbitis, & hyrudinibus tutius mittetur. Lactentium tamen, quibus morbilli contingunt alia est ratio: nam quæ illis medicamenta conuenirent, omnia nutricibus sunt exhibenda, scilicet opportune victus instituendus, sanguis hauriendus, & medicamenta exhibenda, ita enim infantibus prodesse possumus. De qua re Galenus 6. de morb. vulg. sect. 5. com. 35. inquit: Non elaterio dumtaxat, qui cucumeris siluestris succus est, quemadmodum neque ipso cucumere solum vescentes, lac puerorum lactentium purgatorium gignunt: verum etiam si quod aliud medicamentum subduetorium, quod vocant, assumpserint. Et paulo post: Conducit autem hæc oratio, & ad medicorum usum, & ad naturale decretum: infantulos enim purgare volentes, aut matri infantulum lactenti, aut capræ huiusmodi aliquid escui dantes, sic eos purgabimus, & cetera. Ego autem, si lactenti infantulo, qui plurimo sanguine abundaret, hirudo venis sedis affigeretur, vel duæ vocatæ corniculæ scapulis applicarentur, proficuum putarem. Quam sententiam Rasis. cap. 4. sequentibus verbis confirmavit: Porro infantibus recens natis, & lactentibus, qui quintum mensem exceßerint, si corpulenti fuerint, colore

colore albi, & rubei, cucurbitulæ applicandæ sunt. De sanguinis missione hætenus.

Quæ ebullitionem compescunt, & frenant, & quo tempore frigida competant. Cap. XXIIII.

IAM duo tempora morbillos habere supra statutum est: alterum, quod ebullitionem insequitur, alterum, quod eorum exitum parat. Priori quomodo succurrendum sit, primo dicamus. Ebullitio namque talem causam externam habere potest, ut ipsam adeo excellere faciat, ut perniciem ægrotantibus afferat. Hac de re præter venæ sectionem, ea exhibere expedit, quæ ebullitionem frenare, & compescere solent. Propterea Razes in tractatu proprio. cap. 6. ita scriptum reliquit: Atque ita ei, quæ febrem extinguunt admoueto, nempe frigida, ut aquam niue refrigeratam, quam ubi æger euomuerit, rursus alteram dato. Postquam ea, quæ restringunt, febrem sedare conspexeris, & corporis tactus ad naturalem statum reuertitur: huiusmodi curandi rationem seruato: quippe hinc perturbationem omnino pestilentiæ & accessiorem repellas. At quæ generose calorem extinguit, refrigeratq. aqua in niue refrigerata existit, si vna vice, & copiose exhibeatur vsque dum æger frigiditatis sensum in ventre perceperit. Quod si etiam postea febricitauerit, & calor reuertatur, iterum trium librarum instar, vel etiam amplius exhibeto, hæc autem in hora dimidia dentur. At si calor redierit, venterq. plenus aqua fuerit, æger priorem euomat, ac aliam rursus potui dato, etsi quidem videris aquam corpus penetrasse, & sudorem, vrinamq. ægro mouisse, euident tibi indicium elto, in propinquo sanitatem esse. Sin autem non penetrauerit, & calor modo delitescat, rursusq. reuertatur, & augeatur, aquam frigidam dimittito, & ad medicamenta, quæ calorem extinguunt, & sedant, declinato, quæ etiam superius capite de præcautione a morbillis, indicaui. Recipitq. aceti acris veteris, succi mali punici acidi, acetositate citri, & c. quæ sunt ibi, præter quæ puluis quoque eodem loco conscriptus summopere commendatur. Sint autem in vniuersum frigida, & sicca, & quæ putredini obistere valent. Quod si his ebullitio non cesserit, morbillos grauiter ægrum oppressuros putato. Hæc Razes. Principem vero varium inuenio, & nisi recte intelligatur, maximi erroris causa esse poterit. Inter cetera enim, quæ in exitu morbillorum ipse damnavit, de frigidiorum administratione loquens, ita scriptum reliquit: Et multitudo potus aquæ frigidæ cum niue, & introitus in domo venti mala sunt valde. Et paulo post subdit: Medicinæ autem ingrossantes sanguinem, & infrigidantes eum, & prohibentes eum ab ebullitione, quæ in initio præcipiuntur, sunt sicut Rob de Ribes, de agresta, & aqua fructuum frigidorum, & syrupus de alcori, idest, de dactylis, & syrupus de rumar, idest, de sorbis, etsi alij dicant esse germen palmæ siluestris, & in

eundem finem syrupum ex frigidis, & siccis, & ex his, quæ ebullitioni aduersantur describit, quæ breuitati indulgentes consulto dimittimus. Ex quibus clarum est, frigida aliquando intus, & extra, ab ipso damnari. Propterea dixit: Et multitudo potus aquæ frigida cum niue, & introitus in domo venti mala sunt valde. Paulo vero inferius: Ex succis frigidis, & siccis, vt ebullitio frenetur, & extingatur, syruos conficit. Itaque sciendum ducimus, in varijs istius morbi temporibus, varia etiam competere. In principio enim, vt dicunt, principij, & potus aquæ frigida niue refrigerata, vt placuit Razi, & stiptica posita ab Auicenna, maximopere conueniunt: quæ tamen omnia in exitu morbillorum interdiciuntur, & damnantur: Eo enim tempore materiam intus retinerent, & æger summo pere læderetur. Hinc Princeps dixit: Medicinæ autem ingrossantes sanguinem cumve infigidantes, & ab ebullitione prohibentes, quæ in initio præcipiuntur, sunt sicut Rob de ribes, & c. Vt in exitu morbillorum antea dixerat: Et multitudo potus aquæ frigida cum niue, & introitus in domo venti mala sunt valde & fortasse phlebothomia. Et reddens causam dicti, ait: Propterea quòd repellit, & conuertit illud, quod procedit: quare caueatur post duos dies, vel tres. Et hæc de tempore ebullitionis. Quare frigida valde, similiter & stiptica initio initij, quo tempore ebullitio in sanguine fit, quando valida valde apparet, commendantur. Vt e contra, in exitu morbillorum, vt supra dictum est, & post tres dies ad summum, eximie damnantur. Eo enim tempore essent causa retentionis & conuersionis materiæ ad interna. Hinc dixit Auicennas loco allegato: Cum ergo pertransierit ægritudo diem secundum, tum fortasse infigidatio erit causa erroris magni, ex eo quòd retinet superfluitates interius, & eorum delationem super membra principalia, & c. & hæc de freno ebullitionis. Sed vnum est animaduertendum, quòd si aeris status esset venenosus, quòd tunc ab initio, & procedendo quæ veneno obsistere possunt egregie commendantur: quorum maximam siluam 2. & 3. libris, studiosi inuenire poterunt. Vti aquæ niue refrigerata pro ætatum diuersitate moderari quantitatem, operæpretium erit. Exhibet enim ad tres libras, quæ quantitas in aliquibus ætatibus superflua esset: similiter & vomitus, infantes enim & pueri ad hæc peragenda inepti existunt.

Vtrum fotibus, & alijs topicis vocatis præsidijs in exitu morbillorum uti expediat.

Cap. XXV.

CVM autem morbus, quem tractamus infantium, puerorumq. potissimum sit, quibus sanguinis ebullitio, & putredo ante variolarum, & morbillorum eruptionem, similiter & febris superuenit, vt princeps prima 4. tract. 4. cap. 10. Isach, Constantinus Africanus, Alsfaharaius, & cum his quamplurimi viri celebres proprijs locis confirmarunt. Quia dictæ ætates vermibus maximopere obnoxie sunt, quamprimum his di-

cta contin-

et contingunt, de præfidijs, quæ vermes enecant, excogitare medici con-
 fuerunt. Hinc inter cetera auxilia, linimenta varia, epithemataq. di-
 uersa applicanda imperant. Quare optimum fore putavi diligenter exa-
 minare, an huiusmodi remediorum genus conueniat: & eo magis, quod
 non desunt, qui epithemata vocata cordialia, linimenta q. consimilia ad-
 ministrant: hoc potissimum freti, quod cor pugnando laborat, cum ægro-
 ti febriant. Et Rasis lib. diuisionum. cap. vltimo volas manuum, & pe-
 dum in balneo ponendas esse docet, vt a puncturis, quæ ibi sentiuntur, æger
 liberetur. Alfarahuius etiam lib. suæ præcticæ. tract. 31. cap. 10. parti-
 cula prima, vt morbillorum exitus acceleretur, his verbis totus commen-
 dat: Ponantur supra patientes duæ ollæ seruenti aqua plenæ, ex parte an-
 teriori vna, ex posteriori altera, vel madesiant in ea panni, & super pa-
 tientem ponantur, ingenieturq. vt vapor aquæ per totum perueniat cor-
 pus, facie tantum seruata, quam cooperire oportet, & a vapore cauere,
 prohibeaturq. vapor ascendere, post pannorum toti corpori applicatione,
 & hoc sufficiat pro acceleratione humoris ad extra. Hæc Alfarahuius:
 Contra autem non expedit emplastris vt, & sotibus, & inunctionibus,
 & epithematibus, ex dicendis manifestum erit: Et in primis olei nul-
 lum genus conuenire docet Auicennas prima. 4. tract. 4. cap. 10. his ver-
 bis: Et oportet, vt in hac hora non approximetur oleum aliquod omni-
 no, hoc autem quia cutis poros oppilando morbillorum exitum prohibet.
 Hæc inquit. Et postea paucis interiectis verbis emplastra detestans,
 ait: Et oportet vt tu alienes ab habentibus variolas, & morbillos empla-
 strationem omnem ventris: in hac enim est timor constrictionis anhel-
 itus subito, & quod accidat ægro fluxus ventris malus, & mictus sanguinis.
 Hæc ille. Quæ fieri idcirco putandum est, quoniam cohibita intus mate-
 ria, & non expurgata, si ad spiritualia tendat, repentinam suffocationem
 pariet: vti si ad intestina, fluxum ventris malum: & ad vescicam, mictum
 sanguinis. Epithemata insuper fugienda esse Constantinus Africanus lib.
 7. cap. 8. sequenti sermone demonstrauit. Epithemata omnimode viten-
 tur, ne forte intro vulnera reuertantur, & ægri cadentes in cardiacam mo-
 riantur. Quo loco notandum esse censemus, Constantinum variolas vul-
 nera appellasse, hoc autem, quia effectum loco cause vsurpauit. Vnde
 dicemus intus vulnera retineri, quando materia vulnera faciens, intus re-
 tinetur. Appellauit autem variolas vulnera, lata quadam denominatione,
 quia ab ipsis cutis disrumpitur, etsi congrue magis vlcera appellasset: sæpe
 enim contingit, vt non solum vlcera, sed illa etiam depascentia fiant: si
 acrior scilicet materia in illorum generatione dominetur: Quare etsi ma-
 teria eo tempore foras non eruperit, vulneraq. non generauerit, quia ta-
 men pro eorum generatione, a natura constituta est, dixit vulnera intus
 retineri, quando scilicet prædicta materia vulnera faciens, foras effloresce-
 re prohibetur. Hinc vulnera quæ foris essent gignenda, ne intus retinean-
 tur, cauendum monet. Quid itaque in tam magno discrimine dicendum
 erit?

erit? Nisi quòd balnea, vtriculos, vel ollas aqua feruenti plenas, similiter & pannos in eadem aqua infusos, corporiq. admotos, tantorum viro-
rum pace, nullo modo competunt. Et ne hæc a nobis gratis dicta videan-
tur, Galenum audiamus: qui 3. acut. com. vltimo, asserit balneum his,
qui repurgati non sunt, plurimum obesse: hoc autem, quia affectis mem-
bris fluxionem parit, idq. lib. 11. Meth. cap. 15. confirmauit Galenus,
vulgares appellans medicos, qui non purgato corpore ad localia properat
medicamenta: liquata namque a febre materia, magis atque commodius
interiora læsa, quàm exteriora non læsa petere poterit. Nam grauata na-
tura ob non purgatum corpus, noxiam materiam moderari minime vale-
bit. Sed quod potissimum animum nostrum mouet, vt firmiter decerna-
mus balnea, fots, vtriculos aqua feruenti plenos: similiter & pannos ea-
dem aqua madefactos, corporiq. applicitos nullo modo competere, illud
est, quia Princeps de variolis, & morbillis accuratissime pertractans, de
balneo, alijsq. supradictis, vel minimam fecit mentionem. Rationi enim
consonum videtur, supradicta omnia nullo pacto fuisse prætermisurum, si
salutaria existimasset: maxime quia auxilia etiam minus proficua nõ præ-
termisit. Dictis adde, variolas, & morbillos infantium puerorumq. po-
tissimum morbum esse, qui rationalem facultatem actu integre non pos-
sident, actu intelligas, quantum ad opus vt primo phys. docuit Arist. cum
dixit: Omnes viros patres, & feminas matres ab illis appellari. Qua de
re si balnea pueris administrantur, ob continuas iactationes plurimū aeris
susipientes, materia ad interna, vt potius recurrat, quàm ad externa
prorumpat, efficient. Præcipue cum internæ partes primum læserint,
& eo magis, si aer frigidior extiterit, a cuius reuocatione ad interna re-
currente materia ad aliquod membrum Princeps, vt docet Rafis 18. con-
tinentis. cap. 8. tuta mors ægrotanti succedet. Est præterea non modica
consideratione dignum, balnea xuo illo frequenti vsui mortalibus extitisse:
seus autem temporibus nostris. Quare etsi antiquitas balneorum vsu
allecta, non modice ipsa commendauerit: tamen nos, quia illorum vsus
est exoletus, ne dicam deperditus, iure merito vitare balnea possumus.
Dimittantur igitur cum ægrotantium interitum potius, quàm salutem tū
balnea, tum alia supradicta localia afferre valeant. Ceterum cum dictis
remedijs materix ad cutim proruptio accelerari non possit, alijs remedijs
hoc assequi conabimur, de quibus mox dicemus.

*Quæ morbillorum materiam pro eorum generatione ad cutim
detrudant.*

Cap. XXVI.

CVM enim superius de ratione disputatum sit, quibus materia mor-
billorum feruens frenari, & compesci potest. Iure sequitur, vt qui-
bus eadem præsidij ad cutim expellatur inquiramus. Aliquando namque
aut ob contumaciam materix, aut ob virtutis imbecillitatem, vel ob via-
rum, &

rum, & pororum angustiam materia per cutim digeri non potest. Quare tunc auxilio natura opus habet, & his quæ vim dictis superius contrariam possident: hæc enim ebullitionem excitant, & obstructions tollunt. Itaque Princeps. cap. 10. dixit: Immo oportet, vt iuuentur superfluitates in huius dispositione, cum eis, quæ faciunt ebullire, & oppillationes aperiant: sicut feniculum, & apium, cum saccharo, & succus eorum, aut decoctio radicum, & seminum, & forsân odoratur aliquid ex croco: & aqua ficuum est bona valde. Ficus enim sunt vehementis expulsionis ad exteriora, & illud est, vna de causis euasionis, a nocumento earum. Et paulo post: Et de illis quæ conferunt valde in huiusmodi hora, est vt sumatur:

Recipe laccæ ablutæ. drag. 5.

Lentium excorticatarum. drag. 7.

Dragaganthi. drag. 3.

Coquantur in libris quinque aquæ, quoad remaneat quarta pars libræ vnus, & detur in potu. Inquit Herculanus in commento: Et certe male poterit bibi nisi misceatur cum aliquo liquore. Quare crediderim ego quòd si vna libra, vel vna cum dimidia, vel duæ ab ebullitione remanerent, quòd melius esset: tu tuo genio decoctum para. Dictis addidit Auicennas: Et de illis, quæ sunt vehementis iuuamenti ad faciendum appare-re variolas, est vt sumatur:

Recipe ficuum siccarum citrinarum. drag. 7.

Lentium excorticatarum. } ana. drag. 3.

Laccæ.

Dragaganthi. } ana. drag. 2.

S. fœniculi.

Decoquantur in lib. 5. aquæ, quoad remaneat tertia, coletur, & detur in potu: expellit enim, inquit ipse, caliditatem a partibus cordis, & prohibet pulsum ipsius. Razes vero cap. 7. ea, quæ per cutim excrementa exigunt, ita parat:

Recipe caricarum pallidarum. num. 30.

Vuarum passarum acinis exemptis. vnc. 2.

In aquæ lib. tribus immittito, bulliant leniter ad tertiæ consumptione, & ægro libras duas propinato: quibus adhuc non contentus, alia & validiora ad eundem finem hac forma commendat:

Recipe s. Apij. } ana. vnc. 2.

Fœniculi.

Bulliant in s. q. aquæ ad eius ruborem, percolato, & ad tres vncias ægro exhibeto. Et addidit compositionem, in qua per sextulas loquitur, quæ dosis mihi incognita est, & ideo ad consueta pondera reducendo, & nonnulla moderando, quæ interpretis culpa vitiata censeo, hunc in modum illam conficerem:

Recipe ros. tritarum. drag. 3.

Lenticulæ

Lenticulæ purgatæ.

vnc. 4.

Caricarum pinguium.

num. 10.

Vuarum passarum albarum, & mundatarum.

vnc. 2.

Feniculi.

} ana. drag. j. semis.

Apij.

Croc.

scrop. 1.

Lacæ purgatæ, & lotæ.

drag. 2. semis.

Decoquantur id tribus libris aquæ secundum artem ad consumptionem tertiæ partis, de qua detur libra media pro vice in aurora, & bis, terve pro opportunitate iteretur. Serapio vero tract. 6. cap. 12. sequenti oratione eandem sententiam confirmavit: Et demus eis in potu, vt appareant vlcera velociter absque constrictione pectoris, & sine angustia, & absque syncope, & sine nausea, hoc quod sequitur:

Recipe lacæ.

drag. 5.

Lentium non excorticatarum, neque ablutarum.

vnc. 1.

Dragaganthi.

drag. 3.

Decoquantur in libra vna aquæ, donec tertia remaneat, coletur, & vt supra detur in potu. Constantinus quoque Africanus. lib. 7. cap. 8. his verbis eidem opinioni astipulatur: Medicandum est ergo in initio cum calidis, & humidis, quæ materiam dissolunt, & extrinsecus expellunt: caueatur a frigida medicina, quæ claudit poros, & congelat humores. Quæ verba intelligenda sunt de initio exitus morbillorum, & non de initio ebullitionis, vt capite superiori dictum est. Deinde subdit: Medicina vero cito ejiciens variolas, & sine molestia est, succus marathri, apij, cum oxyzaccara. Accipiant etiam de hac medicina, a nobis probata:

Recipe ficuum siccarum. num. 5.

Lentium mundatarum.

drag. 10.

Lacæ.

} ana. drag. semis.

Dragaganthi.

Marathri.

Omnia coquantur in lib. 1. s. aquæ vsque ad tertiam, coletur, & in ea scrop. 1. croci ponatur, & da bibere ante cibum, & hora dormitionis; donec tota apparuerit, & deinde abstineat. Quod tempus, ab initio quarti vsque ad septimum esse consuevit. Rasis quoque 18. continentis non tantum propriam, sed aliorum etiam recensens opiniones: medicamenta, quibus morbillorum materia pro eorum generatione ad cutim detrudatur, enarrat, quas breuitatis gratia sciens omitto. Vnum tamen est, & illud præcipuum, & ab eo summopere laudatum, cuius initium est: Medicina diuina multæ experientiæ, & bonitatis, & cet. Ipse quare locū. Ceterum in materia crassiori, vt in peticulis, eczimatibus, & variolis, præter ea quæ a proprietate agunt, calidiora requiruntur. Secus tamen est in calidiori, subtiliorive materia, in qua mitiora calida commendantur. At in his occurrit dubitatio, quo modo scilicet astringentia medicamenta,

vt lacca,

vt lacca, lentes, & cetera, morbillorum materiam ad cutim detrudere possint, cum ipsam potius crassefaciant, in intima impingant, & ad motum inhabilem reddant. Cui dubitationi sic satisfactum volumus, draganthum nempe, laccam, & lentes membra intrinseca principalia præsertim corroborare, quorum robur per se satis est, vt ad cutim materiam expellat, ad quod peragendum ficus inter cetera non modice profunt, dicente Principe citato capite: Et aqua ficuum est bona valde. Ficus enim sunt vehementis expulsiōis ad exteriora. Et paulo inferius: Expellit enim decoctum istud caliditatem a partibus cordis, & prohibet pulsum ipsius. Quamobrem maius auxilium præstant hæc peragendo, ebullitionemq. frenando, pulmonem, cor, & hepar, cum ceteris membris intrinsecis corroborando, quàm materiam incrassando obesse possint. Illa enim corroborata nec materiam internam repetere, nec ad intestina prolabi permittunt. Sed quia noxia a natura, & a medicamento detrusa necessario extima petit, & ad cutim deferretur, Adde quod enarrata medicamenta ineffabili quadam facultate cum varijs prædita sint viribus, varia etiam præstare possunt. Quapropter alia facultate ab internis partibus ad extimas materię motum procurant: alia vero ebullitionem frenant, & membra interna, præcipue nobilia, vt dictum est, roborant, atque firmant.

Ante morbillorum apparitionem, quæ potissimum partes defendi debent, & quibus symptomatibus succurrendum.

Cap. X X V I I .

QUONIAM quorundam membrorum præcipua cura est habenda, vt morbillorum injuriam euadant, & quia periculum a nonnullis symptomatibus imminet, de vtroque negocio dicturi, hæc quæ sunt primum, deinde singula quid requirant, exponemus. Symptomata sunt conuulsiones, quas vulgus ictigationes appellat, & epilepsia. Membra autem, quæ a morbillorum noxa custodiri desiderant Auicennas cap. 2. his verbis exposuit: Membra, quæ oportet tueri a nocumento variorum, sunt guttur, oculus, partes internæ narium, pulmo, & intestina: hæc enim membra sunt, quæ vlcérantur. Fortasse enim oculus destruitur, & forte in eo accidit albugo. In gutture vero aliquando accidit præfocatio, & forsân accidunt vlcera, quæ prohibent deglutitionem in meri, & interdum perueniunt ad hoc, vt illic sit corrosio perniciofa. In internis autem partibus narium, aliquando accidunt vlcera, quæ stringunt meatus odoratus. In pulmone rursus ex bothor variolarum, & morbillorum, aliquando accidit restrictio anhelitus vehemens, & forsân faciunt cadere in phthisim cum vlcérantur. In intestinis tandem fortasse accidit excoariatio, cui succurrere est difficile. Hæc Princeps. Præter quæ; Razes cap. 8. suæ pestilentie, pedum quoque & aurium curam habet.

Quomodo conuulsionibus, & epilepsia occurrendum sit.
Cap. XXXVIII.

CONVULSIONES igitur, & epilepsia variolas, & morbillos comitari consueverunt, quia, vt cap. II. dictum fuit, a materia gignuntur tenebrosa & horribili. Tenebrosa quia terrestris, & limosa, vt docet Razes. cap. I. dum de pestilentia pertractat: ab ea namque tetri, & tenebrosi spiritus attolluntur, qui animæ rationali occurrentes timorem, horroremq. incutiunt. Horribilis autem, quia præter id, quod est limosa, vt dictum est, plurimum etiam continet veneni. Quamobrem non raro cerebrum ita fatigat, vt non solum animæ rationali horribile, & timendum aliquid representet: sed etiam epilepsiam, conuulsionesq. non raro pariat. Ne igitur conuulsiones succedant, sanguinis copia erit minuenda, ipseque sanguis purificandus, spiritusque illustrandi. Extracto igitur sanguine, vt par medico videbitur, purificabitur syrupis de borragine, de pomis, de lupulis, de acore citri, de succo acetosæ acido s. & similibus additis etiam margaritis, cornu cerui, & coralijs præparatis, quæ tum sanguinem a limo expurgant, tum putredini, & veneno plurimum aduersantur. Fiat igitur hoc modo, quod vocant electuarium:

Recipe syrupi de borragine.	} ana. vnc. j.
De acore citri.	
Acidi. s.	
Margaritarum.	
Corallorum.	
Granatarum.	} omnium præpar. ana. drag. semis.

Miscæ, & ad libitum paulatim sumatur: quod electuarium maxime proficuum existimamus, cum præter sanguinis purificationem, spirituq. illustrationem, quam præstat putredini, venenoque. vt dictum est, plurimum aduersetur: nec caret suauitate. Valet insuper peoniæ recentis radix in orbiculos redacta, filoque traiecta, & collo suspensa. Ceterum si iam dictis conuulsiones manus non dederint, sed frequenter admodum ægros exercuerint, diu perdurauerint, & infantes ipsi timidi, & exandescentes expergefacti vociferauerint, imminētis epilepsie signum certissimū erit. Quare non expectato morbo occiput in futuræ lambdoidis angulo, candenti ferro inurito, quo auxilio cum materia ad eūtim successiue ducatur: a tam sæuo symptomate pueri custodiuntur, atque si iam superuenisset liberantur. Illud interea monentes, non leui ratione adductos cauterium in lambdoidē nos magis probasse: etenim dicti loci inustio citius ad cerebrum pertingit, eiusque intemperiem quamcumque simplicem, vel compositam facilius corrigit, & materiam, si qua esset adiuncta discutit, atque consumit: secus autem, si occiput inuratur contingit: a loco enim vltionis caluariæ foramen non modicum distat, & propterea nec tam cito, neque tam libere vis eius ad cerebrum, vt per futuram lambdoidem peruenire

peruenire potest: Vt vero est in celeritate auxilium aliquod, sic mora periculo non vacat.

De oculis custodiendis. Cap. XXIX.

PRINCEPS de oculorum præcautione verba faciens inquit: Conseruatio autem oculi melior est, vt fiat alchool, cum almuri, & aqua coriandri, cum aqua rosata, in qua posita sint sumach, & camphora, & proprie in primo die. Abenzoar autem lib. 2. tract. 7. cap. 3. sic habet: Et scias quod variolæ frequenter accidunt in oculis, & sunt causa perditionis visus: quare a principio studere debes projicere in oculis eorum aquam rosatam, in cuius duabus vncijs sint infusæ sumachiorum drachmæ duæ, de qua pluries in die distillabis, & præseruabuntur oculi cum adiutorio Dei. Hæc autem in mediocri pestilentia competere crediderim: secus autem in validiori putandum est, in qua Razes, cap. 8. pro oculi præcautione ita scriptum reliquit: Tunc autem adhibere conuenit, quæ oculum insigniter cortoborant, vbi per initia accessionem vehementem, magnūq. palpebrarum pruritus in oculis, & in alijs quibusdam locis rubedinem conspexeris, quæ in particulis rubentibus ex tuberculo necessario enascitur. Corroborat itaque strenue stillaticius rosarum liquor, & rhus syriacus in eo maceratus, quod si amplius roborare velis, gallas cum stillaticio rosarum liquore infricato. Quibus quandoque addit cortices mali punici acidi, interdum glaucium, aloem, acaciam, & crocum, vti in vehementia pestilentia, in qua coniunctiua rubore tentatur: qui rubor, etsi ab applicatione medicamentorum minuitur, reuerti tamen postea solet. Quæ propter his dimissis, garum ex pane confectum instillat. Ceterum summo opere cauendum est, ne totus oculus lædatur: læsiones enim quæ sunt in cornea, ceratoide, ab ipso appellata, & in vuuea, rhagoyde dicta, illis, quæ in coniunctiua sunt, magis verendæ, vt quæ visionem impendant: in quibus casibus, a præscripto antea collyrio crocum adimit, & eius loco hæmatitem iniungit. Razes vero 18. continentis. c. 8. ex decreto filij Mesue cum aqua rosata, in qua madefactum sit sumach, sed prius decocti sint in ea coriandri fricatam antimonium, & imposita camphora, oculos muniat. Quod medicamentum poterit ita parari:

Recipe aquæ rosatæ. lib. j.

Coriandrorum. vnc. j.

Bulliant coriandri confracti ad consumptionem tertiæ partis, coletur: colato adde:

Antimonij. drag. iij.

Redigaturq. in puluerem & in linteolo raro ligetur, & in dicta aqua infundatur, & pluries digitis emulceatur, proiectoq. linteolo ipsi aquæ rosatæ adiunge:

Camphoræ. drag. ʒ.

☿ Mifce, & ex ea ſæpius in die gutta intra oculos inſtilletur, & circum circa oculi etiam liniantur.

Ego vero collyrium huiusmodi conficerem :

Recipe aquæ roſatæ. vnc. iij.

Sumach. drag. ij.

Camphoræ. ſcrop. j.

Croci. ſcrop. ʒ.

Ligentur in linteolo raro, redigantur in pollinem, quod infundatur in li quore, & oculi circumquaque ex eo ſæpe ſæpius extra, vt dictū eſt, liniantur.

Valet, & hoc, quod ſequitur.

Recipe aquæ roſ. vnc. iij.

Gallarum.

Sumach.

Balaustiorem. } ana. drag. j.

Croci.

ſcrop. ʒ.

Conterantur craſſo modo, vt ſupra, inſundantur ad uſum, vt dictum eſt, æſtate frigide, hyeme tepide, quibus auri folia nonnulli adiſciunt, quia aqua, in qua extinctum ſit aurum ſi oculis circumquaque tangantur, plurimum valet: tu pro rei opportunitate efficitur. Scito tamen frigida, & ſicca omnia abſque mordacitate adſtringentia ad dictum finem conſequendum eſſe accommodata. Ceterum non deſunt, qui vt facies a morbillorum iniuria vindicetur, aqua frigida ipſam aſpergant, quorum ſententiam nō laudo: materiam enim ad membrum principale recurrere dubitare in; vt ad cerebrum, & gulam, cum præſertim hæc pars a morbillis ſæpiſſime ſoleat derineri: ſed quia tanta eſt quandoque morbi ſæuitia, vt dictis medicamentis non cedat, ſed oculos occupet, tunc pro puſtularum maturatione, & doloris leuamine, vti muccilagine ſeminis citoniorum, vel ſeminis lini, vel ſenugræci optimum erit: quo tempore vocatum ſyeph de thure cum lacte vel cum decocto maturante, vt ſeminis citoniorum, ſeminis lini, ſenugræci quod ex aqua roſata, vt cornea ex eo comprimatur corroboretur, ne a puſtula diſrupta oculus exeat confici debet, diſrupta puſtula mundanda eſt, quod melle roſato, aut aqua ſacchari, aut ſaccharo candido appellato, aut ſyeph de plumbo, & eſt ceteris præſtantius, aqua hordei emollitis perſicitur, huic ſuccederet carnis reſectio, quæ a natura ipſa, cum vt plurimum cutanea vlcera ſint, perſicitur, quæ ſi eſſent corrodentia, ſyeph, elyſir curantur: in quo caſu, ne oculus exeat, pila in aqua roſata, vel conſimili intincta comprimi debet. Hoc notando, ne oculo hærentia valde imponantur, ne cum remouentur dolor excitetur, quibus præſidijs, & bona victus ratione, & vniuerſalioribus peractis dicta vlcera ad cicatricem perducuntur. At quoniam dictis cicatricibus veſtigia albugines dictæ ſuccedere ſolent, quibus remoueri poſſint, cum de remouendis veſtigijs non tantum ab oculo, ſed ab vniuerſo corpore agemus, clariffime innotefcet.

*De gula confodienda.**Cap. XXX.*

NE tubercula, & pustulæ in gutture, & ore nascantur, maximopere verendum est: inde enim inspiratio impeditur, & strangulatio exoritur. Qua oborta, vt loco allegato inquit Razes, neque salutis spes, neque curatio expectanda erit. Quare quamprimum ebullitio, & febris morbillorum apparuerit, ex dicendis, vocata gargarismata paranda erunt.

Recipe aquæ plantag. lib. j.
 Aquæ rosatæ. vnc. iiij.
 Vini granatorum. vnc. j. semis.
 Diamaronis. vnc. iij.

Misce pro gargarismatibus, quæ frigida fiant, & sæpius iterentur: Vallet etiam hoc.

Recipe myrtillorum. } ana. pug. semis.
 Ros. rub.

Mali granati muzi, vt vocatur, in quattuor partes diuisi num. j. Bulliant in lib. 2. & semis aquæ, ad consumptionem tertiæ partis, vel quoad remaneat aquæ colatæ. lib. 1. semis. cui adde:

Diamoronis. } ana. vnc. 1. semis.
 Rob. nucum.

Aceti ros. vnc. 1.

Misce, fiat vt supra. Ceterum quia vt plurimum morbus pueris nascitur, qui gargarismata non admittunt: propterea diamorone, rob nucum, & vino granatorum sequenti forma vti poterunt:

Recipe Diamoronis. vnc. 2.

Rob. nucum. } ana. vnc. 1.
 Vini granatorum.

Misce, & ligno linteolo inuoluto, & dicto liquore intincto sæpius fauces, & palatum liniantur, vel vt Auicennas imperat, lambendo sumatur, Razes quoque quod sequitur commendat:

Recipe mucillag. psyllij. } ana. vnc. 1.
 Ol. amygdal. dulc. rec.

Sacchari. vnc. 1. semis.

Misce, & lambendo sæpius capiatur. Ego libentius saccharum candidum loco communis imponerem: Quod si hæc non suffecerint, & deglutendi difficultas adierit, ex præcepto Razis cephalica secetur: si adultus, vel e naribus setis suillis: vel si paruulus, hirudinibus sanguis detrahatur.

*De naribus, & auribus defendendis.**Cap. XXXI.*

NARES quoque adeo a morbillis obfesse interdum obturantur, vt respirationem impediunt, qua impedita os maxime exsiccat, vt exinde æger non modicum lædatur. Erit igitur auxilio frequens aceti olfactus,

factus. Quapropter dixit Princeps. Et odorare acetum est vehemens iuuamenti, etsi ante scriptum reliquisset: Sed interiores partes narium cum epithematione, ex memithe, & sandaliis, & rob agrestē, & aceto maxime tuentur: Guainerius vero cap. 6. medicamentum parat huiusmodi.

Recipe aque ros. vnc. iij.

Aceti ros. vnc. j.

Camphorę. scrop. j.

Sandalorum citrin. scrop. ij.

Omnia in ampulla ponantur, & ab egro sepius odorentur. Potes etiā de sententia ipsius dicta aqua nares intus aspergere, sed & alia ab eodem describuntur, quę e citato loco studiosi accipiant. Quod si a morbillis nares adeo defendi non possent, quin vi morbi ulcerarentur, vnguentum eis valde proderit, quod capit:

Recipe olei violati. vnc. j.

Muccilaginis dragaganthi in aq. ros. nutriti. vnc. semis. Cerę albę papum, misce; fiat vnguentum, & naribus applicetur. Modo auribus subueniatur. Auribus autem medicamento, ex Raze subuenitur, quod recipit.

Marmoris leuigati. vnc. semis.

Glaucij. drag. j.

Croci. scrop. semis.

Aceti. vnc. j. semis.

Misce, & gutta in aurem sepius die instilletur.

De pulmonis tutela.

Cap. XXXII.

LAESO, & ulcerato pulmone anhelitus, constrictio, & fortasse phthisis oboritur: idcirco pro viribus pulmo seruandus est, quod vocato loch de lentibus perficitur. Itaque Auicennas loco allegato dixit: In conseruatione pulmonis non est aliquod ita conueniens, sicut loch ex lentibus cum semine papaueris albi. Huius autem loch conficiendi modum docet Guainerius. cap. 6. inquit: Pro defensione pulmonis ne ulceretur, & ne anhelitus constrictio, vt nonnumquam contingit, sequatur, Auicennas loch de lentibus præscribit, quod ita paratur:

Recipe lentium excorticatarum subtiliter tritarum. vnc. iij.

S. papaueris albi. vnc. semis.

Conseruę rosarum. ana. q. s.

Iuleb. ros.

Fiat loch, sepe capiendum. Ego vero syrupum iuiubinum, myrtinum, violatum, loch de farsara, præcipue tamen de papauere non modicum prodesse crediderim. Ceterum quia interdum adeo infestus est catarrus, non tantum quia pectoris partes ob morbillorum præsentiam patiuntur, sed

sed etiam quia a capite ob excrementa, quæ in eo continentur, & sensim etiam generantur continua fluxione tentantur: præter enarrata auxilia candenti ferro si infantes, quia tenerum os habent verticis, ad occiput, si adulescentes ad coronalem futuram erunt inurendi.

De articularum, et plantarum pedum tutela. Cap. XXXIII.

ARTICVLORVM quoque ratio summopere habenda est, ne immodica, atroxq. in eis pestilentia erumpat, ossa, tendines, ligamenta-ve ita offendant, vt inde membri mutilatio oriatur: quare sandalis, glaucio, bolo armena, rosis, terra lemnia, sanguine draconis, aceto, & stillicidio rosarum liquore, non multum tamen longe ab eis articulos illinito. Ita dicit Razes in libro suo pestilentie. cap. 8. vbi quoque docet, quibus facilis in plantis pedum eruptio fiat, inquiens: At si in plantis pedum eruptio contingat, has ex oleo tepido, & aqua calida foueto. Quod si dolor cum his non conquieuerit, nec pestilentia facile expellatur, sesamo purgato, & contuso, & lacte macerato ipsas inungito, & linteo per totam noctem illigato, deinde his ademptis iterum ex aqua calida foueto, & iterum inungito: sin autem voles palmas contusas, & butyro mixtas illinito, ac sesami seminis limo: quoniam hæc similiave cutim emolliunt, & facilem pestilentie exitum præstant, & dolorem sedant. Nec plura de membrorum cautione.

De morbillorum maturatione adiuuanda. Cap. XXXIII.

IAM remanet exponendum quibus præsidij cito morbilli concoquantur, disrumpantur, & exsiccantur ab ipsa maturatione initio ducto. Quare Razes in tract. suo de pestilentia. cap. 9. hoc ait: Dicamus igitur quæ pestilentiam cito concoquant, vbi hanc post eruptionem pustularum tarde concoqui, rursus ægri statum bonum, inspirationemq. & pulsum esse mediocrem, nec non ægrum facile morbum tolerare conspexeris, tunc naturæ succurrendum est, vt celeriter concoquat, e contra vero si pestilentiam duram videris, quales sunt verrucæ, & porri, & malus sit ægri status, morbusq. augeatur, & increascit, coctionem adiuuare non tentes, quoniam fieri non potest, immo eorum eruptio est letalis. Ceterum si benigna sit pestilentia, aqua calida in qua decoctum sit chamemelum, melilotum, althea, violæ, tritici furfures, in vespicalis & vtreolis posita, & corpori admota mirifice commendatur. Hæc Razes. ex quibus tamen coctionem iuuandam non esse videretur dicendum: cum in benigniori tantum pestilentia fomenta commendat, in feuiori autem ab ea absterneat, innuente præcipue Hippocrate, quæ iudicantur, & iudicata sunt integre, neque mouere, neque innouare aliquid oportere, sed sine re. Quare si potest natura per se absque alio adminiculo mitiorem pestilentiam

lentiam expellere, & concoquere eius coctionem fomentis iuuare superfluum videretur: tum vel maxime, quia de maturatione ne verbum quidem Princeps fecerit, quam si necessariam putasset, nullo modo dimisisset. Verum cum sit pestilentia quædam media inter perniciosissimam, atque facillimam, Razem in mediocri fomenta parasse putandum est. In pessima vero, & benigniori prohibuisse, benignamque eam dixisse, in qua fomenta adhibenda sunt, non simpliciter, sed respectu pessimæ, in qua concoctio fieri non potest. Alioquin ea, quæ facili impendio, a natura vincitur, fomenta, vt superflua recusat, quæ tamen ab alijs, quoque, & a Raze 18. continentis ex multorum decreto laudantur: etsi nostris temporibus, nec in benigniori, nec in pessima, nec in media, quemadmodum & tempore Auicennæ nullatenus fomenta admittantur.

Qua morbillorum prurigini aduersantur. Cap. XXXV.

QUONIAM vero in morbillorum maturatione, prurigne ægri tentantur, aliquando mitiori, interdum vero validiori, & molesta: Pruriginosus autem dolor, inquit, Galenus 2. de loc. affect. c. 7. ad solam superficiem spectat: non tamen primario, pro ipsius propria ratione, sed per accidens, eo quod densior subiectis sibi partibus cutis existat. Hæc ait. Quibus videtur significare cum non possit humor acris, & modice calidus ob cutis densitatem efflari, & resolui: reliquum esse, vt pruriginem excitet: Et addit fieri ob acres quosdam humores, quod infinite dictum quasi particulari humori prurigo addicta non sit, monet omnem moderatum, sed acrem humorem pruriginem excitare posse: nam lib. de multitudine. cap. 8. dixit: Quæ modice mordent pruriginem faciunt: quæ moderate, calida etiam esse debent, quod 6. de morb. vulg. sect. 2. cap. 29. conceptis verbis demonstrauit: Moderate tantum calida pruritum excitant. Et subdit: Vehementius enim calefacientia statim mordent, atque contristant, quod symptoma vt ex libro de sympt. diff. cap. 3. clare habetur, est tristis sensatio sensus tactus: quomodo autem tristis sensatio dici possit, cum non paruam delectationem afferat, non modicam dubitationem haberet, si tantum id inspiceretur, quod ab eo, qui se scalpit, sentitur: at sicut ante ita & post quam scalpit tristis sensatio semper succedit, etsi dum scalpit non parum delectatur. Prurigo igitur non nisi maturis morbillis aduenire consuevit, tunc enim materia modice acris efficitur, & moderate calida per maturationem euadit: Cui prurigini vt succurratur, absynthio mulieres solent ipsos percutere, nec iniuria: quinto enim de simpl. med. cap. 12. postquam Galenus de emplasticis medicamentis habuit sermonem, sic subdit: Quæ vero poros etiam expurgant, ea subtiliorum partium his sunt, & emplasticis contraria, proinde pororum hecphractica, & heccathartica quasi expurgantia, & sacra liberantia dicas: sunt autem hæc tum nitrosa, tum amara quo loco, etsi videatur

videatur dicere Galenus, quæ amara sunt, & adstringunt, vt absynthium, intus repurgare posse, foris non ita: & hoc quia poros ratione altric- tionis infarciunt, magis quàm vt amarore purgare valeant: in absynthio tamé dicto modo administrato locum non habet: nam quia emplastico modo eo non vitmur, infarcire meatus, & obstruere non potest: amarore tamen præcipue per iteratas percussiones meatus detergere, & materiam resolu- tioni, dissolutioniq. parare, optime valet. Balneis equidem eo tempore non vterer: nam multis de causis sunt suspecta, & eo maxime, quia ægri commode tractari non possunt, sed eorum loco abrotano, marrubiove morbillos percuterem: nam hæc quoque amarore infarctos meatus deter- gent, & astrictione, quam non habent nocere non valebunt. Vt vero pue- ri nullo modo se scalpant, curandum est: vnguibus enim dilaniant loca, foueas faciunt, & cicatrices in scalpitis locis, & interdum scordiora efficiunt.

Quo tempore morbillorum diruptionem moliri expediat.

Caput. X X X V I.

DIRUPTIO morbillorum maturatione completa, præcepto Prin- cipis. cap. 10. sequentibus verbis præcipitur: Et quando egrediun- tur variolæ cum complemento, & pertransit septimus, & apparet in eis maturatio, tunc necesse est vt rumpantur. Quod vt recte perficiatur, quattuor spectanda erunt: tempus primo, qui nam sint aperiendi secun- do, tertio instrumentum, quarto modus rumpendi: Rumpendi tempus, vt docuit Princeps est, post morbillorum maturationem: maturatio au- tem post septimam succedit. Ego vero dico circa vndecimam, & inter- dum postea fieri debere, ab initio enim quarti vsque ad septimam, vt plu- rimum complete exeunt: a septima ad vndecimam, & non antea perfe- cte maturantur: etsi aliqui, qui primo exierunt, primo etiam potuere ma- turari. Quare quod ait Auicennas: post septimam, hoc circa vndecimam, vel post intelligi debet. Illi autem incidendi erunt morbilli, qui plures in vno ventre continebuntur, vel per se magni admodum erunt, vel acer- uatim corpus occupauerint. Rursus qui in seipsis eiusmodi aliquid, quod naturam dense pinguedinis præferet, continebunt: hi enim qui multa, & valde crassa materia referti sunt: cito exsiccati non possunt. Quare di- cto tempore omnino, vt aperiuntur oportet: maxime si ægri angantur, & moleste morbillos ferant.

De instrumento, & modo, quo morbilli rumpendi sunt.

Caput. X X X V I I.

INSTRUMENTVM, quo aperiendi sunt morbilli, docet Princeps ci- tato loco dum ait. Necesse est, vt rumpantur cum acubus de auro, & hoc propter excellentiam metalli, ex eo enim inflicta vulnera tantum do-

Kk lozem

lorum uti, à ceteris metallis non retinent, & dum sanantur cleatrices non admittunt. Nec in hoc sunt audiendæ mulieres, eiq. nullo pacto assentiendum, cum absque ratione vestigia, & foueas ex incisione pertimescant; quod ex recta incisione timendum non est, recte autem & commode succedet, si is modus adhibitus fuerit, & hoc est quantum; quod ante proponebatur, ut qui incisi sunt amplius coalescere non possint; a coalituraq. nim. vlcera redduntur, corrumpuntur, & locus ab acri materia excava- tur. Non coalescent autem, si acus non solum perforabit, sed vna incidet, & ex toto morbillos aperiet: etsi Galenus sect. 3. ad lib. Hippocratis de fracturis, com. 3. diuersimode agere visus sit, ait enim: Huic simile est id, quod in pustulis fit, quæ multis de causis exoriri consueuerunt in tu- moremque exurgere, magnumque dolorem interdum asferre, eos eodem modo curo acuta acu, pustulam pungo, expressoq. inde sensim humore, cutem adiacentem relinquo: & cum euenit, ut rursus foramine occluso repleatur, iterum eodem modo pungitur, expressoq. humore cutis carni applicatur, ac deprimitur, serueturque ita, quoad, quod sub ipsa carne vlceratum est, consolidetur. Hac tamen Galeni auctoritate non obsta- te, ut dictum est, pustulas ita aperiendas curarem, ut coalescere amplius non valerent, ne ab iterata collectione acrior humor euadat, & foueas in- de succedant, quod minime fiet, si ex toto incidentur, & aperientur, co- toneq. vel bombace, humiditas illorum abstergetur, & exsiccabitur.

De morbillorum exsiccatione.

Cap. XXXVIII.

AD morbillorum autem exsiccationem, Razes cap. 9. ex corticibus amygdalarum myrti folijs, rosis, & sandalis; suffitum parat: etsi magis laudat rosam æstate, ut pulegium hyeme, non desunt, qui ex ro- sis, folijs oliuæ, tamarisci, cupressi, & thure suffumigia conficiunt: thus vero, & oliuæ folia, ut iuxta ritum Christianorum benedicta sumantur, consulimus: ob eandem causam Razis 18. continentis ex lignis tamarisci, quercus, & vitis, in hyeme ignem accendit: quod confirmat tract. 10. cap. 18. Valet etiam & hoc, quod sequitur:

Recipe thuris.

Mirrha.

Aloes.

Terræ lemnis.

} ana. drag. j.

Omnia in puluerem subtilissimum redigantur, quo incisi morbilli asper- gantur: sequens quoque puluis in eundem finem commendatur.

Recipe mirrhæ.

Aloes.

Ireos.

Sang. dracon.

} ana. drag. j.

M. fiat puluis.

Razis

Razis verò 18. Continentis de mente filij Mesuz, vt morbilli exsiccentur, ita scriptum reliquit: Dico mulieres vtuntur folijs lilij, ad desiccandum variolas, & vidi quòd ipsos desiccant, finali desiccatione, & aqua salis valet magis ipsis, nisi quia facit multam punctionem. Itaque dixit etiam Auicennas: Cum volueris salire, elonga salitionem ab eis, quas erupisti de magnis, & dolorosis ex propinquo: illud enim facit dolorem: quo loco non recusat salitionem immo admittit, & vna, modum, quomodo, & quando fieri debeat ostendit. Ego salitura dimissa, ceteris supradictis contentus essem: Qui salire voluerint: Auicennam, & Razem imitari poterunt. Vt verò morbilli celerius absque incisione exsiccentur, Razes loco citato reclinat egros super farinas orizæ, panici, fabarum, & hordei: quod, & Princeps efficit, additq. ex farinis dictis, culcitram posse impleri, vt super eam eger reclinetur, vel farinas supra culcitram aspergi, supra farinas autem subtile, & rarum linteamen accommodari, & supra ipsum egrum reclinari. Constantinus vero cap. 8. farinis milij, & orizæ crocum addidit: Quo tempore oleaginosæ omnia, vt quæ exsiccationem impediunt, arceantur. Quamobrem dixit Princeps: Et oleum in hac hora malum est; quoniam exsiccationem impedit. Razis quoque 18. Continentis de mente filij Mesuz inquit: Nullo itaque tempore ante exsiccationem morbillorum oleum conuenit. In principio enim exitum morbillorum impedit, in fine verò vlcera corrupta reddit, & locum concanum efficit. Hæc ille. Non igitur conuenit oleum nisi in morbillorum declinatione, quo tempore, an ægri purgandi sint iure queritur.

An in declinatione morbillorum ægri sint expurgandi.

Caput. X X X I X.

INTEREA vero dum morbus declinat, nam hæc de quibus proxime differuimus, in morbi declinatione locum habent: non iniuria dubitatur, vtrum egros medicamentis purgari expediat. Quoniam boni medicinæ crisibus imperfectis scilicet, in morborum declinatione contingentibus, vt purgationibus consueuerunt. Ne, vt 2. aphor. 12. monet Hippocrates, ob reliquias materiæ in morbis relictas, recidiuæ succedant, præsertim quia non desunt, qui non solum inclinant morbo: sed dum adhuc morbilli exeunt, rhabarbarum in panniculo lineo ligatum, & aquis stillatum graminis & acetosæ infusum probent, & exhibeant. Videlicet ea contempta ratione, quòd in omni tempore, præterquam morbillis statim inchoantibus, id est in ebullitione materiæ, ab exoluentibus medicamentis abstinendum omnino est: prorumpentibus enim morbillis, a centro ad circumferentiam natura materiam detrudit, secus autem, assumptò pharmaco: nam scilicet, econtra pharmacum a circumferentia ad centrum materiam trahit: idq. tam lenientia, quàm exoluentia, vel, vt dicant, electiue educentia efficiunt. Itaque nobis persuasum est in mor-

billorum exitu nullo pacto pharmacum purgans competere. Ceterum in ipforum declinatione quid faciendum sit, iustam habet dubitationem. Et enim id tentare medicamentis non debemus: quod si sponte fiat, in malam partem accipitur. Eo namque tempore ob reliquias materiz non expurgatz, sed adhuc fatigantis interiora, non raro ventris fluxum ob materiz acumen natura concitare solet, quod non boni consulit Auicennas. Propterea prima 4. tract. 4. cap. 11. dixit: Et cum in fine ægritudinis incipit, solutio ventris curetur, & c. Inquit, curetur, vt intelligamus fluxum ventris in fine huius ægritudinis esse, vt dici solet, symptomaticum: nam si bonum, & salutarem existimasset, non curandum, sed permittendum, vel etiam si diminutus esset prouocandum, iuuandumq. dixisset. Quam sententiam, 6. Breuiarij. cap. 12. his verbis Serapio confirmauit: Post diem septimam oportet vt caueat sibi a solutione ventris: huius namque ægritudinis mos est, vt in fine eius accidat solutio ventris: hoc autem, quia de eius consuetudine est, vt materia intus remaneat, forasq. non egrediatur, quare facit accidere diarrheam, aut intestinorum excoriationem, propter acuitatem suam. Constantinus Africanus similiter. lib. 7. cap. 8. in fine, post septimam medicinas damnat, dum ait: Post septimam oportet custodia dari a medicina, vel diætâ solutiua, quia proprium istius passionis est, vt solutioni ventris maxime sit obnoxia, quæ si contigerit eam sustinere oportet, cum medicina, in diarrheâ dictâ, vel in alijs locis istius operis. Igitur purgatio in declinatione huius morbi minime competit. Sed firmitus etiam argumentum est, quod in decimo tertio capite admonui, si vllum purgans medicamentum competit debilius, vel fortius, illud ante morbillorum exitum, & inchoante morbo exhibendum esse: hoc autem non nisi maxima cum præmeditatione faciendum, & ijs rebus, quæ internas partes corroboratas relinquunt, ne materiam contra quam opus sit in interiora remeare cogamus, & ad vlcera intestina præceps ferri, quam obrem æger demum interimatur. Dicimus tamen non esse perpetuo obseruandum, & perpetuo a purgatione cauendum, interdum namque inclinantibus etiam variolis, nonnullis tamen concurrentibus conditionibus, pharmacum exhibere cogimur. Vtpote si decima quarta, vel decima septima transacta febris, cum prius delituerit, postea redeat, ægrumq. inuadat. Tunc putandum profecto est, aut reliquias materiz morbum facientis relictas esse, quæ in profundo latentes febrem conseruant, & fouent. Quare manifestum est dictas reliquias educendas esse ne æger moriatur, educi autem debent his, quæ attrictionis notas in visceribus relinquunt, ne forte fluxus subsequatur, qui perniciem ægro afferat. Adde quod dictis transactis diebus post variolarum, & morbillorum febrem, si alia febris successerit, tunc diuersam ab ea, quæ morbillorum est materiâ peccare dicemus: dictis namque diebus, quod longissimum est, morbilli finiri solent. Quare fieri potest, vt quouis alio prauo succo a materia morbillorum diuerso corpus refertum sit, qui cum eodem tempore ob analogi

analogi discrimen, a quo materia morbillorum putruit, putredine tentari aptus non fuerit, consumatis morbillis putrescat, febremq. accendat, vt corpus inde euacuatione indigeat. Rursus adde, quòd si morbillis detenti ob inordinatum victus regimen præcipue cibi, & potus, quoniam morbillorum solutione famelici fiunt, & quia pueri, vt plurimum sunt, plurimum ingurgitant, copiam excrementorum congerunt, breuiq. leui admodum occasione in se ipsis concipere putredinem possunt, febremq. accendere. Ob hanc causam similiter erunt ægri purgandi, sed maxima cum animaduersione, vt supra dictum est. Ceterum notandum interea est, in morbi progressu nullo modo pharmacum exhibendum esse, sed si corpus excrementa non reddat, suppositorijs eo tempore vtendum erit, & ad summum clysteribus lauantibus, ex iure, saccharo rubeo, & vitellis ouorum, vel ex iure in quo acetosa, pimpinella, & ipsorum vel consimilium semina sint incocta: exempli gratia.

Recipe s. acetosæ.

Citri.

Portulacæ.

Plantag.

Foliorum plantag.

Acetosæ.

Portulacæ.

Bulliant in s. q. aquæ, vel iuris pullæ, secundum artem contundendo contundenda.

Recipe prædicti decocti. lib. j.

Plus minus pro ætatis ratione.

Sacchari rub. vnc. j.

Vitellos ouorum. num. j. vel ij.

Misce pro clystere.

Quomodo fluxus ventris morbillos comitans curari debeat.

Caput.

X L.

SED non raro ventris fluor, vel sit diarrhæa, vel dysenteria morbillos comitari solet, qui si vniquam alibi non modicam in hoc morbo suspicionem affert: signum est enim materiam, quæ extra a natura detrudi deberet, interna petere, contra quam fieri expedit, quamobrem non solum ægrum non releuat, sed etiam vires dissoluit, imbecillioresq. reddit, venenata namque materia intestina sæpe erodit, & ægrum deducit ad interitum. Quare fluxus erit omnino his cohibendus, quæ docet Razes cap. 8. de pestilentia his verbis: Quòd si venter deiecerit, gummi arabicum, semen cucurbitæ, quod tetraguron dicitur, & citoniorum succum admisceto. Auicenna similiter cap. ij. eandem sententiam his verbis confirmavit: Intestina autem plurimum quidem oportet vt conseruentur,

K k 3 post

post incceptionem cum stipticis, & cum incipit solutio ventris in fine agri-
tudinis curatur cum trochiscis de spodio, de ribes, & de semine acetosæ,
denturq; cum aqua plantaginis. Serapio vero tract. 5. cap. 12. sic scriptū
reliquit: Et fumantur troci de spodio, denturq; ex aqua pirorum recen-
tium. Subditq; Etsi indigent clystere curamus eos cum vno clysteriorum
prædictorum incuratione excoriationis. Comendantq; milium excoriatū,
coctum cum hordeo emollito, aut cum sauch hordei, quam ex hordēs
adusto magis commendarem: sauch autem hordei eius polenta est. Quo
loco trochiscos reliquias febris sanguinis extirpantes, & propterea in hoc
morbo maxime congruentes recenset. Guainerius autem hunc clysterem
descripsit.

Recipe ros. rub. m. i. femis.

Oryzi } ana. m. j.
Panici }

Decoquantur in aqua pluuiali secundum art. vel in aqua extinctionis
chalybis, aut in aqua plantaginis ad bonam coctionem.

Recipe prædicti decocti. lib. j.

Sacchari ros. antiqui.

Ol. ros. onfancini. } ana. vnc. 2.

Misce, pro clystere. Rasis autem de mente Georgij, ne venter fluat,
rob mirtilorum, Citoniorum, corneolorum, sorbarum, cum troc. de
spodio, cum semine acetosæ plurimum commendat: quibus si adderetur
terra sigillata, lemniaq; fortius medicamentum esset.

In morbillorum declinatione utrum agros mori contingat.

Caput. X^o L I.

QUONIAM autem in vniuersali morborum declinatione agros mo-
ri minime contingit, hac de re quomodo dictum Principis. 2. 4.
tract. 1. cap. 98. intelligendum sit; videndum erit, vbi habet: Et
multoties moritur aliquis in declinatione in variolis: Cui sententiæ asti-
pulari Rasis 18. continentis cap. 8. his verbis: Dico quòd quidam pas-
sus fuit variolas satis malignas, fuitq; flebotomatus priusquam eius guttur
stringeretur, & non remansit aliqua medicina extinctiūs, aliaq; conue-
niens, quæ ei administrata non esset, & melioratus est, & elargatum eius
guttur, & variolæ similiter. Itaque de eo habuimus bonam spem, & po-
stea venit ei dolor in tibia, & denigrata est; erat autem intentionis meæ
cauterizare locum, sed eadem hora habuit casum virtutis, & tunc de eo
disperaui omnino, & deuenit ad talem statum, quòd sanguis emanabat;
ab eius poris, & eadem die mortuus est; propter dolorem. Et vidi plures
patientes variolas magnas, & vltimo habuerunt dolorem in tibijs. Hæc
Rasis, & Auicennas: Quorum verba non modicam continent dubitatio-
nem. Vniuersalis enim declinatio, vti extrema, ita est tutissima pars totius
tius mor-

tius morbi, in qua materia morbifica concocta, morboque debellato tranquillitate, & pace natura potitur, vt 2. de crisi- bus cap. 5. docuit Galenus, & Hippocrates antea his verbis docuerat: Circa principia, & fines, omnia imbecilliora. Itaque si vniuersalis declinatio est imbecillior pars, omnibus morbi temporibus ægros eo tempore minime perire posse putandum est; qui in augmento, & statu potius perire debuissent: Dicimus, itaque quattuor de causis ægrotates in declinatione periclitare. Ab erratis primo; etenim non raro videmus ab ingenti etiam morbo aliquem euasisse, sed propter errata tamen in morbum recidisse, diemque suum obiisse. Secundo a superueniente symptomate, nam in acutis febribus, sæpe remissa febre, at superueniente sopore, vel lethargo ægros interire conspiciamus. Tertio, a morbi permutatione, quando scilicet, gratia exempli, angina in peripneumoniam, aut in empyema mutatur. Quare angina delitescens, ab empyemate, aut peripneumonia æger moritur. Quarto, & vltimo, æger in declinatione moritur, ob imperfectam crisin, sæpe enim varias crises natura molitur, sed non perficit, quapropter ægri perierunt. Impediuntur autem crises duobus modis. Primo, quia materia in varijs locis reperitur. Secundo, quia diuersorum generum est. Si varijs in locis materia continetur, non raro videmus consumpta, aut expulsa materia vnius partis naturam subleuari, concitari vero putredinem in altera parte, deteriorem, & venenatæ naturæ, quæ hominem interficit. Impe- ditur similiter si materia diuersorum generum est, cum vna quæque focum propriam retineat, licet a medicamento, aut a natura vnum genus consumptum sit. Alterum nihilominus, vel quia potest membrum nobile petere, vel quia est perniciosæ naturæ ægotantem iugulabit. Hinc tantam in morbis varietatem, & inconstantiam quotidie conspiciamus, vt monstra in arte contingere iure merito dicere valeamus. Non secus igitur in morbillis etiam declinante morbo ægri de medio tolli possunt, & inter errata præcipuum est, aeris noxam negligere, & dulcibus, & pingui- bus vti. Symptoma vero superueniens, a quo ægri perire solent, ventris est fluxus, in quo sunt etiam alia, quibus in declinatione ægri decedere consueuerunt: videlicet morbi permutatio, & imperfecta crisis: Est enim symptoma, quia morbum sequitur, cui superuenire non raro consuevit. Potest deinde dici morbi permutatio, quia illa materia, quæ pro morbillorum generatione ad cutim a natura detrudi debebat, intus retenta, & ad intestina prolapsa, ibi sæpius vlcera excitauit, a quibus fluxus oritur: quæ causa est, vt morbilli exsiccantur, declinareque videantur. Imperfectam etiam crisin appellabimus: quoniam tota illa morbillorum materia ad cutim detrudi debuisset, quod si euenisset, æger liberari potuisset. Verum quia ob eius contumaciam detrudi tota non potuit, sed conuersa ad intestina fluxum excitauit, propterea in declinatione huius morbi æger quædamque moritur. Sed quæso dicenda perpendamus: dictis enim non modicam claritatem afferent. Profecto manifestissimum est morbillorum cau-
sas accu-

fas accurate legentibus, quod adaucta prius materia & analogo occurrente, vt limus ille terreus expurgetur, in spuma aerea natura ebullitionem concitat, febremq. accendit: hinc per modum crisis in quarta dictæ materia: expulsiōem molitur. Ceterum sæpe contingit, vt materia, quæ detrudi debebat, tota non detrudatur, vel quia multa, vel quia crassa, & vires expellentis naturæ superet: vel quia maligna, & venenata, vt cum ea pugnam aggredi natura non audeat: hac de re ipsam non expellat. Adde quod aliquando pori sunt clausi, vel per se, vel per externas causas, & ob id expulsio impeditur. Quare cum materia mouetur, tota autem non expurgatur, ad fauces conuersa suffocationem parit, ad pulmones vero tussim, & quandoque ipsorum inflammationem, vti ad intestina præcipitata, vlcerales ipsorum, & interitum. Qui motus, quia motui morbillorum omnino contrarius est, isti namque a centro ad circumferentiam, ille vero, e contra a circumferentia ad centrum iter habet, tantum abest, vt limus ille terreus expurgetur, quin immo interiora petens aliqualemq. moram ibi contrahens, perniciosiorem, venenosioresq. per vltiorem putredinem qualitatem acquirens, validiorem quoque febrem accendit. Hinc materia, quæ pro morbillorum generatione, eorundemq. adauctione referuata erat, ad exteriora non expulsa, sed intus retenta morbillos in minori numero generat, quimet sine pabuli administratione, vt ignis sine lignis extinguitur, ita ipsi exsiccantur, & propterea declinare videntur. Ceterum nec bona, nec vera est eorum declinatio, propterea patientes moriuntur. Quam sententiam confirmauit Nicolus sen. 2. distinct. 6. tract. 5. cap. 52. sed tempus postulat, vt modum crustas tollendi, & squamas, exponamus,

De crustis, & squamis amouendis. Cap. XLII.

POSTREMO reliquæ sunt crustæ, & squamæ morbillorum tollendæ, vestigia, & cicatrices earundem abolendæ, pilique restaurandi, de quibus singulis dicendum est. Igitur de crustarum casu idem dicemus, quod Princeps, dum ait: Et administratio alicuius olei post exsiccationem, vt crustæ decident est bona: Vnde si oleo rosato, vel vnguento rosato vngantur, crustæ decident omnino. Ceterum quia remotis crustis interdum vlcera remanere solent, tunc vnguento albo camphorato, & rasura caninarum, vel salicis, aut piri aqua rosacea mixtis, vel vnguento ex lithargyro, Principem imitantes, vlcera curabimus.

De cicatricibus oculorum tollendis. Cap. XLIII.

DIXIT autem Razes, cicatrices, vel fieri in oculis, vel in ceteris partibus corporis; itaque oculos taligine, & albuginibus tentari, totum autem corpus cicatrices retinere, cum tenera, & tenui cute præditum

ditum est, qua etiam de causa cicatrices difficulter sanantur. Primo de oculis agemus. Albedo igitur, quæ oculis contingit, est vestigium post vlcera curationem remanens, quando consolidantur. Quæ cum in oculis puerorum reperitur, ad curandum facilius est, quàm cum accedit an-
nolis. Ceterum vt curatio commode succedat, duplex scopus habendus e-
rit: primus cicatricem emollire: secundus abstergere, subtiliare, & ero-
dere. Primum assequimur, vel vniuersali totius corporis lotione, vel aquæ
dulcis fotu, inclinata facie super aqua, ex qua coctæ sint rapæ, aut palea
hordei, aut auenæ, aut feniculum, verbena, ruta, & chelidonia, subti-
liataq. cicatrice. Alterum scopum aggredi oportet: videlicet adhibendum
aliquid, quod abstergat, & subtiliet, semper a leuioribus inchoando, vn-
de saccharum candidum, oleum fistulicorum, ex præcepto Rasis 18. conti-
nentis cap. 7. sub rubrica variolarum, quod non solum oculorum, sed to-
tius corporis cicatrices delet, aqua destillationis mellis simplex, & compo-
sita: similiter puluis ex saccharo candido, sarcocolla, spuma maris, osse se-
piæ commendantur. Valet & vrina pueri in furno in vase acneo coagulata.
In aqua si sterces hyrundinis ponetur, erit satis fortis. Auicennas succum
centauræ minoris, cum succo papaueris ruffi mixtum cum paucis melle
mirifice laudat: succus linguæ passeris est proprius. Non dimittam secre-
tum Gherardi, & est aqua roris marini, quæ modo sequenti paratur:

Recipe flores roris marini, quantum vis, impleatur ex eis phiala, &
fortiter obturetur, quæ in diebus magni æstus sub terra ponatur, & per
quadraginta dies dimittatur: aqua vero, quæ in dicta phiala inuenietur,
in oculo ponatur. Circa quæ, tria notanda erunt. Primum quod a leui-
oribus inchoetur, & gradatim ad fortiora ascendatur. Secundum, vt me-
dicinæ fortes maxima cum cautela administrentur. Tertium, vt si in
oculo inflammatio aliqua orietur, ipsa antea remoueatur, postea ad di-
ctas medicinas reditus fiat.

Cicatrices a toto demoliuntur.

Cap. XLIIII.

DE totius autem corporis cicatricibus delendis, Princeps cap. 12.
hoc scriptum reliquit: Et de eis, quæ eradicant vestigia variolarum,
sunt radices arundinis, sarcocolla, semen melonis, & cortices eius exsic-
cati, rizi ablutum aqua hordei, albumen oui, lutum rarum, lithargy-
rum, saccharum candidum, amygdum, amygdalæ dulces, & amaræ, & de
oleis, oleum de lilio, oleum de fisticis, adeps asini cum oleo rosato, &
aqua, quæ exit ex ungula cameli est vltima. Et de illis, quæ sunt fortia, est
spuma maris, lapis piperis, idest spongia, vel turturis costus, & armo-
niacum, thus, sapo, ossa vetusta, adusta, semen raphani, puluis ipsius,
aristolochia, lupini, & paulo inferius compositum, & illud non vulgare
medicamentum docet. Rasis vero 18. cont. loco allegato ex decreto filij
Mefusæ ad eundem finem sequens medicamentum parat:

12

Recipe

Recipe ossa vetusta combusta. } ana. drag. xv.
 Testas ouorum. }
 Radicis sicca cannarum. } ana. drag. xx.
 Tegularum nouarum. }

Amyli.

Lupinorum }
 S. melonis. } ana. drag. x.
 Risi abluti. }
 Cicerum rub. }
 Granorum ben. }
 Costi. } ana. drag. v.
 Arist. longæ. }

Terantur omnia subtilissime, & cum aqua hordei, & melonis fiat linimentum, & ex eo totum corpus liniatur, sicq. per diem, & noctem permanere permittatur: postea aqua decoctionis hordei, & violarum abluitur. Cui succedunt duo consimilia medicamenta, quæ breuitati indulgens scilicet omitto: & non tantum hæc, sed alia multa, quæ ex variorum opinione tamquam valentia satis, ab eo summo opere commendantur. Ceterum inter medicamenta, quæ in remouendis vestigijs principatum obtinent, hoc singulare existimatur, quod:

Recipe olei de vitellis ouorum.

De camphora. }
 De frumento. } ana. vnc. 5.
 Olei de tartaro. }

Misce, & ex eo cicatriçes liniantur. Balsamum quoque non mediocre existit. Vnum mirabile non dimittam, quod ex pinguedine asini, & oleo rosato conficitur. videlicet:

Recipe pinguedinis asini. vnc. ij.
 Ol. rosati. vnc. j. semis.

In balneo mariæ misceantur. similiter oleum ficus, inferni appellatū, non vulgare medicamentum est, quod & lintigines euellit. Haly etiam 4. practicæ cap. 5. ad delendas maculas, a morbillis derelictas varia medicamenta recenset. Similiter & Razes cap. 12. sui tractatus de pestilentia, quæ studiosi legere poterunt: pulcra enim est doctrina de deletionē vestigiorum, & macularum, non solum morbillorum, sed cuiuscumque generis sint, propterea multa ad hanc prouinciam explendam in medium attuli. Ceterum quia solet ægros vigilia, & sitis male habere, de somni conciliatione, similiter & de siti sedanda dicendum esset. Verum quia lib. 3. tum de his, tum de alijs etiam symptomatibus, quæ sunt acutis febribus communia, accurate satis peregrimus, ad ea loca studiosi recurrerent. vbi omnium vberiore doctrinam habebunt.

Quibus ortus pilorum acceleratur.

Cap. XLV.

D E M V M a morbi huius immahitate non raro etiam pilorum radices corroduuntur, quapropter ipsi decidunt pili. Propterea de ortus illorum acceleratione aliquid dicere ne dum congruum, sed necessarium valde existimamus: ad ornamentum enim hominis pili dati sunt. Quæ autem hæc præstare possint, multa cum sint, ne dicam infinita, nos sequentia uti experimento comprobata, optima putamus, eisq. non vulgaris fides habenda erit.

Recipe olei ex frictione diuturna plumbi, vel in mortario plumbeo diu agitati. vnc. ij.

Ex eo loco prius foto prout inferius patebit, calide inungatur. Ad eandem intentionem valet pinguedo, vel adeps anseris, & vrsi. Valet similiter ungula asinina vsta, vel cornu aliquod vstum, cum oleo sambucino, ut placuit Rasi 25. continentis. cap. 10. vide quia particulariter & proprie valent hæc, ut pili in supercilijs, & palpebris renascantur. Valent ad eandem intentionem:

Recipe ol. musilini. vnc. ij.

Ouorum formicarum. vnc. 5.

Optime insimul misceantur, & depilis locus ex eo prius bene fricato sæpius inungatur. Valet miro modo hoc, quod sequitur:

Recipe cineris radicum cannarum. lib. xx.

Cineris hederæ.

Stipitum caulium. } ana lib. xv.

Sarmentorum.

Fiat ex eis liscium. s. art. &:

Recipe prædicti lixiuij q. s. in quo bulliant:

Capillorum veneris.

Abrotani. } ana. m. j.

Verbenz.

Coletur, & eo quod colatum erit caput lauetur, vel pars quæcumque remanserit depilis, quæ lotio alternis diebus fiat: a lotionem vero sequenti linimento locus liniatur, quod est:

Recipe pulueris apum vstarum.

Pulueris capillorum veneris.

Pul. capitum murium vstarum. } ana. drag. ij.

Pul. ranarum vstarum.

Laudani. } drag. j. semis.

Mirrhe.

Ping. vrsi. } vnc. ij.

Ping. viperæ.

Ol. de vitellis ouorum.

De tartaro.

Aq. mellis.

} vnc. j. semis.

Misce, & locus depilis factis prius lotionibus, vt dictum est, calide linatur, quod certe magnum medicamentum est, & apprime salutare: Quod si ex omnibus, quæ narrantur confici non posset, ex pluribus tamen confectum valebit, si eo bis die depiles loci liniantur. His autem de peste, & morbillis explicatis reliquum est mihi lectores præcari, vt quibus satis non fecisse videbor, ij pro sua humanitate mihi ignoscant. Quibus vero satis factum existimabitur, ij Deo Optimo Maximo gratias mecum agant, quod mentis oculum ad veritatem inueniendam collimandamq. exhaustit, & illustrauit, bonamq. valitudinem interim custodiuit, eidemq. preces fundam; vt huic monumento quatenus Reipublicæ vsui esse potest, vitæ perennitatem ipse elargiatur, qui Trinus, & vnus viuit, & regnat, eidemq. sit gloria, & honor vna cum Deipara Matre, & cælorum Ciuibus, in sæcula sæculorum. Amen.

F I N I S.

RERVM NOTABILIVM QVAE TOTO HOC OPERE CONTINENTVR, INDEX LOCVPLETISSIMVS.



A.

ABSCESSVS tribus mo-
dis solvuntur. 230
Abscessus repentina solu-
tio quinque requirit, ne
perniciosa sit. 231
Absinthium morbillorum pruritus
commode mulcet. 257
Aerium in pestilenti constitutione op-
timum praesidium. 73
Aerium quale parari debeat tempore
pestis. 73
Aerium & eius usus quibus naturis
sit magis nocuus. 73
Aerium naribus appositum eas defen-
dit a variolis & morbillis. 254
Aetaria qualia parari debeant in pe-
ste. 65
Acida omnia pesti resistunt. 65
Aeria praeter allium & cepam pestie
detentis nocua. 68
Adurēdi terminus in carbunculo quis
sit. 185
Aegri moriuntur declinante morbo ex
quattuor causis. 263
Aer omnium morborum causa existit.
sol. 220
Aer quibus alterandus est ne morbil-
lis aduersetur. 234
Aer ab aqua, solo, & cadaveribus
prompte inquinatur. 39

Aer a supernis corporibus vitatur,
& ab his morbidam excretionem
contrahit. 39
Aer calidus, & humidus extranea hu-
miditate pestiferam luem infert. 38
Aere nutrimur intus, & extra. 58
Aer putrescit sponte & prohibita tran-
spiratione. 39
Aer quomodo putrescat, cum simplex
sit corpus: putredo vero mixtorum
sit passio. 37
Aer pestem producit frequentissime. 37
Aer specus Agnani agri cur ultra me-
dium venenatus sit, citra vero incor-
ruptus existat. 39
Aer frigidus variolis & morbillis ma-
xime aduersatur. 233
Aer non modo secundum qualitatem al-
teratur, verum secundum propriam
substantiam corrumpitur. 37
Aeris repentina mutatio morbillis val-
de nocua. 234
Aesculapij signum ab Epidaurō Romā
transuectum ad pestem propellen-
dam. 30
Allium quibus viribus polleat aduer-
sus pestem. 69
Allium Alexipharmacum valentissi-
mum, unde rusticorum theriaca di-
citur. 69
Allium & capra non conveniunt in pe-
ste nisi ut medicamenta. 69

Ll

Alexi-

I N D E X

<i>Alexipharmatum per spirituales qualitates, non autem per materiales operatur contra venenum.</i>	<u>147</u>	<i>conueniet.</i>	<u>244</u>
<i>Altare in Vrbe erectum Diuo Sebastiano pro peste curanda.</i>	<u>32</u>	<i>Aqua potus sudorem inducens morbum soluit.</i>	<u>243</u>
<i>Alui fluor colliquans in peste symptoma peremne & proprium.</i>	<u>49</u>	<i>Aquarum multiplex differentia.</i>	<u>71</u>
<i>Aluus soluta plerumque peste laborantes susulul.</i>	<u>139</u>	<i>Aquarum quę optima sit pro potu eligenda.</i>	<u>74</u>
<i>Aluus irritanda cum sponte non deijcit.</i>	<u>87</u>	<i>Arsenicum & risagallum quomodo contra pestem paranda.</i>	<u>114</u>
<i>Andronis pastilli ad carbunculos tollendos.</i>	<u>185</u>	<i>Articuli maxime leguntur potionibus niue refrigeratis.</i>	<u>76</u>
<i>Anhelitus immutatio exercitationis terminus.</i>	<u>87</u>	<i>Assa, vel elixa vtra magis conueniant in peste.</i>	<u>162. 62</u>
<i>Angelus in Mole Hadriani Gregorio Magno apparuit in peste.</i>	<u>32</u>	<i>Astrologi causas omnes pestis in corpora caelestia referunt.</i>	<u>32</u>
<i>Angelus bonus interdum, non raro malus, peste detentis apparuit.</i>	<u>32</u>	<i>Astrologi an mentiantur de causis pestis differentes.</i>	<u>35</u>
<i>Anima sensibilis non est temperies sed ab ea pendet.</i>	<u>27</u>	<i>Astrologorum opinio non temere damanda.</i>	<u>33</u>
<i>Animalia domestica necanda sunt in pestilenti statu ne pestis fomitem aliunde inuehant.</i>	<u>124</u>	<i>Austrini status plerumque contagium inuehunt.</i>	<u>57</u>
<i>Animi perturbationes morborum causa.</i>	<u>78</u>	<i>Authoris disputatio aduersus Fracastorium de pestis essentia.</i>	<u>7</u>
<i>Anni tempora quę propriam constitutionem non seruant, pestem pronunciant.</i>	<u>47</u>	<i>Authoris disputatio aduersus eos qui negant cor putrescere.</i>	<u>16</u>
<i>Annonę grauitas saepe pestem producit.</i>	<u>57</u>	<i>Authoris disputatio aduersus Trincauellium de heclica putrida.</i>	<u>18</u>
<i>Antidotorum multiplex descriptio.</i>	<u>94</u>	<i>Authoris disputatio aduersus Alebimorum, & eos qui putant omnem pestem ab aere pendere.</i>	<u>44</u>
<i>Appetentia deiecta familiare symptoma pestilentium febrium.</i>	<u>174</u>	<i>Authoris disputatio aduersus eos, qui negant cor putrescere & alia morbi genera posse pati.</i>	<u>17</u>
<i>Appetentia prostrata quomodo excitanda.</i>	<u>174</u>	<i>Authoris disputatio aduersus negantes ephemeram pestilentem.</i>	<u>14</u>
<i>Aqua carnis est stillaticius liquor arte Chimica extractus.</i>	<u>163</u>	<i>Authoris disputatio aduersus eos, qui dicunt venena posse nutrire.</i>	<u>150</u>
<i>Aqua qualis paranda pro potu in morbillis, & variolis.</i>	<u>227</u>	<i>Authoris demonstratio pestem Dei vetricis ira in mortales sequi.</i>	<u>31</u>
<i>Aqua pro potu his, qui peste detinentur.</i>	<u>164</u>	<i>Auri prestantia in morbillis frangendis.</i>	<u>257</u>
<i>Aqua niue refrigerata morbillis num</i>		<i>Aures ne legantur a morbillis quomodo defendi debent.</i>	<u>254</u>
		<i>Autumni inequalis constitutio exitium</i>	

INDEX.

lium morborum *causa*. 52
Autumno plerumque pestis initium
fit. 51
Autumnus morborum & pestis ferax
cur sit, si frigidus & siccus natura
exiſtit. 52

B

BAlneum in morbillis noxium. 147
Bezaar non perimit affumentes,
etiam ſanos, neque ledit. 145
Bezaar ad grana decem exhibēda. 145
Bezaardica vnde dicta. 145
Bezaardica duobus modis operantur.
ſol. 146
Bilis quibus medicamentis educatur.
ſol. 84
Bubones peſtilentēs theriaca curantur.
ſol. 189
Bubones curantur veng ſectiōne. 189
Bubones repellentibus non ſunt curan-
di. 189
Bubones in peſtilentī febre pernicioſi.
ſol. 188
Bubones qui tumores ſint & quo modo
ſiant. 187

C

CAdauera non cremata peſtis cau-
ſa ſape exiſtunt. 39
Cadauera peſte extincta ocius human-
da, & quo modo. 125
Ceſteſtia corpora an peſtem producere
poſſint. 33
Celum ſi non per ſe ſaltem per acci-
dens morborum & corruptionis eſt
cauſa. 35
Celum totum conſtagraſſe aliquando in
ſeua peſte viſum eſt. 36
Celum agit triplici inſtrumento in hec
inferiora. 35

Cepa non inutile cataplaſma morſui ca-
nis rabidi. 68
Calor quoruplex ex Ariſtotele. 20
Calor in animalibus contentus non eſt
ignis neque ab igne originem ducit.
ſol. 20
Calor etherēus non eſt anima ſed intel-
ligentia cūni orbe apud Hippocra-
tem. 22
Calor qui in ſiniſtro cordis ventriculo
continetur ignis dicitur ab Hippo-
crate. 22
Calor mitis extra & intus exurens
malignam febrem arguit. 48
Calor innatus cordis eſt influentis cau-
ſa in toto corpore. 24
Calor qui eſt in animalibus quo modo
ab aſtris illuſtretur. 16
Calores omnes ſunt eiſdem ſpeciei. 26
Calidi commoda, & incommoda. 22
Calidum innatum frigido alitur. 22
Calidum innatum in ſanguine ſangu-
ineſq; viſceribus locatur. 22
Canones in cibo ſumendo, & potu ſer-
uandi. 74
Carbunculus an ſine febre. 183
Carbunculi notæ, & origo. 182
Carbunculi quo modo curantur in peſti-
lenti ſtatu. 185
Caro quę optima ſit & quę ſeligenda
ab animalibus & eorum partibus.
ſol. 62
Cauſa peſtis non modo a celo, ſed ab his
quę ſiunt in aere oriuntur. 36
Cauſę peſtis interna ab externis pen-
dent. 56
Cauſas peſtis præſcindere optimus præ-
cauendi modus. 56
Cauſe morbillorum, & variolarum.
ſol. 203
Cauſę externa morbillorum. 210
Cauterium quibus conueniat. 91
Cauterium inutile his, qui tantum cali-
da &

INDEX

da & sicca intemperie laborant. 92
 Cauterium ignito auro tutius inuritur.
 fol. 92
 Cauterium per funiculum traiectum in
 scroto a peste preseruat. 92
 Cauterium quocumque tempore inuri
 potest. 92
 Cauterium commodius fit igne quam
 medicamento. 92
 Cauterium in lambdoide in epilepsia.
 fol. 250
 Cauterium in sincipite vel occipitio ex
 citat agrum a somno. 161
 Cauterium infantulis in occipitio inu-
 rendum, ne ex distillatione erodatur
 pulmo. 255
 Cibaria qualia eligenda. 74
 Cibo assumpto non statim dormiendum
 sed hora transacta. 76
 Ciborum varietate excitanda fames in
 egris peste detentis. 162
 Cibis offerendus parum, & saepe in pe-
 ste. 161
 Cicatrices quomodo tollenda. 265
 Conciliator per omne morbi genus pe-
 stem vagari putat eiusq. opinio re-
 fellitur. 7
 Condita contra pestem multa descri-
 buntur. 112
 Contagium quid sit. 8
 Contagium absque putredine non da-
 tur in ea sola tamen non consistit. 8
 Contagium triplex. 9
 Contagium per contactum. 9
 Contagium per fomitem. 9
 Contagium ad distans. 10
 Contagium omne in peste reperitur.
 fol. 10
 Contagium relicto fomite afficit vapo-
 re a re putrescente eleuato. 9
 Contagii seminaria frequenter sunt
 aeris inquinamenta. 8
 Cor secundum propriam substantiam

vulneratum non statim mortem in-
 ducit, modo sinus fuerint illasi. 18
 Cor omne genus morbi patitur & qui
 sint morbi. 17
 Cor raro afficitur propter robur par-
 tis. 17
 Cor papulis inquinatum vidit Author.
 fol. 19
 Corde illaso computruit pericardium
 & enasit egrotus. 17
 Corde affecto tabescit animal. 17
 Corpora sanguinea magis parata mor-
 billis. 224
 Corpora ad pestem parata sunt humi-
 da a natura & preter naturam. 53
 Corpora sicciora que minus scatent
 excrementis tutius degunt in peste.
 fol. 54
 Crises in peste plerumque ad perni-
 ciem. 50
 Cucurbitule, commode sanguinem
 detrahunt. 83
 Cucurbitule cruribus affixae pestem &
 morbillos curare possunt. 241
 Cupatosa pestis antidotus. 112

D

Decubitus in dorsum deterrimus
 est. 72
 Decubitus resupinus, nisi ex consuetudi-
 ne mitior fiat, nocuus est. 76
 Dispositio passii non satis ad pestem
 propagandam. 52
 Domi se continere in constitutione pe-
 stilentis praesidium optimum. 61
 Domus qualis esse debeat in constitutio-
 ne pestilenti. 60
 Drachones pestis causa sunt, ut inter-
 dum Romae. 40
 Dulcia & salsa inimica variolis. 236

Ebullitio

I N D E X.

E

E Bullitio sanguinis compefcitur a-
que potu. 243
Eclipsis magnorum luminarium fape
fit in peste. 33
Epilepfia a morbillis producta quo mo-
do tollenda. 250
Epilepfia: figna ex pauore, & conuul-
fione, feu ieflegatione. 250
Epithemata in peste tepida cordi admo-
uenda non autem frigida. 165
Epithemata non conueniunt in morbil-
lis. 245
Exanthemata perniciofa peftem pra-
fagiunt. 47
Excrementum nutrimento fetus admix-
tum morbillorum caufa non eft.
fol.. 213
Exercitatio non femper in pefte conue-
nit. 77
Exercitatio quo tempore ineunda. 78
Exercitationis vicaria frictiones. 78
Experimento foli acquiefcere imperiti
eft medici. 114

F

Facies Hippocratica in pefte deten-
tis frequentiffime apparet. 50
Facies ne ladatur a morbillis quo modo
praferuanda. 253
Facies aqua frigida perfundi non debet
ad variolarum ortum tollendum.
fol. 253
Fator anhelitus malignam arguit fe-
brem. 49
Febris diaria an peftilens efle poffit.
fol. 14
Febris diaria peftilens neceffario eft
putrida. 14
Febris diaria peftilens penes quid dif-
ferat a fimplici, & quo modo cum il-
la conueniat. 15
Febris diaria peftilens apud Britannos

fapius vagata eft. 14
Febris peftilens diaria dicitur tum pro-
pter durationem vnus diei, tum pro-
pter fubieclum in quo accenditur.
fol. 15
Febris epidemica, & exitialis vera eft
peftilis. 4
Febris epidemica nifi perniciem habue-
rit adiunctam, nomen peftis non me-
retur. 4
Febris peftilens non femper heftica vt
ex curatione deprehenditur. 16
Febris peftilens omnis femper putri-
da a fumaq. putredine pendens.
fol. 11
Febris heftica peftilens quo modo diffe-
rat a non peftilenti. 15
Febris peftilens differt a non peftilen-
ti tribus modis. 11
Febris marafmodes quo modo differat a
maligna colliquante. 177
Febris quæ recidit in declinatione mor-
billorum plerumque a noua crudita-
te ex voracitate contracta ortum du-
cit. 160
Febris numquam deficiens in variolis
& morbillis, fed increfcens pernicio-
fa eft. 223
Februm duplex genus. 4
Februm fymptomata. 177
Fercula varia, & qualia parari debeat
in pefte. 66
Fercula quibus aromatibus condiri de-
beant vt fapida & falubria fiant.
fol. 66
Fetus quo modo nutritur in vtero. 206
Fetus ex puriore parte fanguinis non
autem ex menftruo alitur in vtero.
fol. 205
Fluxus ventris colliquans a calida in-
temperie hepatis interdum fit, fem-
per vero malignarum februm fym-
ptoma eft. 177

FLUXUS

Fluxus ventris in morbillis cohibendus
est, ne agrum tollat. 261
Fluxus ventris peste laborantes ple-
rumque perimit. 139
Fouca pro cadaveribus humandis qua
peste extincta sunt, qualis esse de-
beat. 123
Frigida anni constitutio ex accideuti
pestem producit. 38
Frigus continuum extremarum partiū
ex qua causa fiat. 180
Frigus extremarum partium quo modo
tollatur. 182
Fructus qui tuto sumi possunt humidi
ne sint. 70
Fructuum vberimus vsus ad putredi-
nem & pestem corpora velociter
præparat. 51
Fructuum inopia atque insuauitas an-
num pestilentem portendit. 47

G

Galenus sententia elucidatur in 9.
de simpl. med. dum de bolo ar-
mena loquitur. 2
Galenus theriacam, & terram Lem-
niam tum ad præseruationem, tum
ad curationem exhibebat. 7
Galenus sententia exponitur in 3. de
præfag. ex puls. quo modo euaderent
pestem hi, quibus humores putresce-
bant in sinibus cordis. 27
Gaudium insolens & profusum repenti-
ne mortis author aliquando extitit.
fol. 78
Gaudium solum inter animi perturba-
tiones ad sanitatem conducit. 78
Gemmarum vis admiranda in morbis
curandis. 101
Gemmarum occulta virtus ab elemen-
tis non pendet. 102
Gemmæ quales eligendæ. 105

Genita ex putri materia si copiose in-
solecant futuram pestem pronun-
ciant. 47
Glandularum tumores in emunctorijs
variā sedem affectam ostendunt. 49

H

Hepar in peste focus putredinis
non est, afficitur tamen per consen-
sum. 10
Helleborum ad magnum pondus sum-
ptum aluum aliquando non subdu-
cere, & quare. 151
Hippocrates calorem quadruplicem po-
suit. 21
Hippocrates endimios morbos libro de
acre, aquis, & locis exacte expli-
cuit. 3
Hippocrates in libris Epidemiorum
non modo pestis meminit, verum &
omnium morborum qui populariter
vagabantur. 5
Hippocrates quid per atherem calo-
rem intelligat. 21
Hippocratis sententia in 3. epidem. elu-
cidatur: ubi asserit ignem sacrum ali-
quando cum febre, aliquando sine
vagari. 7
Hippocrates calorem qui in sinistro ven-
triculo cordis continetur, ignem ap-
pellat. 21
Hippocrates pestem sustulit igne, &
aromatibus. 56
Homines veneno nutriri minime pos-
sunt. 161
Humores ex intensa corruptela vim ve-
neni acquirunt. 44
Humoribus putrescentibus in sinibus
cordis non necessario infertur mors.
fol. 28
Humorū intensa corruptela pestis cau-
sa potissima. 43

Ieiunium

L

Ieiunum ventriculū ledet vini potus, vel aquę. 76

Ignis dicitur non modo febris, verum & spiritus vitalis. 21

Ignis sęuam pestem aliquando sustulit. 36

Ignis ex rebus odoratis non solum hieme verum & estate pręseruat a peste. 57

Ignis solus inter corruptibilia non putrescit. 15

Igne cauterium inustum magis salubre quā caustico medicamento paratum. 22

Immaginatio aliquid confert in curatione morborum. 10

Inappetentia summa pestem comitatur. 42

Incantatio quid sit: quidue pręstare possit in morbo tollendo. 31

Imedia ledit peste affectos, ac sane degentes in constitutione pestilenti. fol. 122

Infectantes cur morbillis magis parati. fol. 224

Infantulis plethoricis & obesis post quintum mensem cucurbitulę affigendę sunt in morbillis. 143

Influentia quid sit & quomodo operetur in hac inferiora. 35

Innundatio sępe pestem pronunciat aut producit. 38

Iouis sancta irradiatio sęuam Saturni influentiam refrangit. 32

Inscula ex pullo, contemperandi vim habent. 162

L

Lac acetosum in mensa sumptum minus nocuum. 63

Lac in maiori copia extrahi potest quā sanguis. 217

Lac non conuenit in constitutione pestilenti propter celerem putredinem quam acquirit. 63

Lacca morbillis proficua quamquam incrassandi vi polleat. 249

Lactentibus medicamenta purgantia propinare valde periculosum. 242

Lactentes per nutrices purgari debent. fol. 242

Lactentibus sanguis detrahatur per bibrudines vel corneas cucurbitulas. fol. 242

Lapides pretiosi ad quos morbos potissimum valeant. 105

Legumina fere omnia in peste interduntur. 65

Legumina quomodo condiri debeant. fol. 65

Lentium vsus in variolis commodus est. 136

Lingua sępe cibi colore inficitur. 174

Lingue scabrities quomodo tollatur. fol. 133

Lingue decolores vnde fiant. 173

Liquor Chimica arte extractus contra pestem ab Authore descriptus. 107

Locus Aristotelis in 2. de gener. anim. vbi habet: In animalibus calor contentus non est ignis, neque oritur ex igne, exponitur. 20

Locus Hippocratis in 4. de morb. vbi habet, cor non dolere, explicatur. fol. 17

Locus Hippocr. enodatur vbi habet: Calor æthereus omnia intelligit. 21

Loci mutatio in peste qualis esse debeat. 39

Loca montosa commoda ad præcauendam pestem si ab infernis partibus inficitur aer. 61

Loca qualia eligenda in constitutione pesti-

pestilenti. 124
Loca tria eligi debent in constitutione
pestilenti. 124

M

Maligna febris a summa putre-
dine in partibus a corde remo-
tis pendet. 12
Malignitas morbi unde sumenda. 28
Materia lactis est sanguis menstruus.
fol. 214
Materia retrocedens in morbillis non to-
ta expellitur, sed membra principa-
lia petens plerumque mortem infert.
fol. 264
Materia qua decubuit, num possit re-
trocedere. 229
Medicata potiones idonea in constitu-
tione pestilenti. 76
Medicamenta contra pestem. 93
Medicamenta purgantia utilia in pe-
ste. 135
Medicamenta purgantia cuius naturae
eligi debent in peste. 138
Medicamentum purgans an conveniat
in morbillis. 237
Medicamenta purgantia an in declina-
tione morbillorum conveniant. 259
Medicamenta purgantia, ut helleborus
in magna dosi cur non subducunt.
fol. 151
Medicamenta purgantia cum adstrin-
gentibus in morbillis admiscenda
sunt. 238
Medicamenta quae sanguinem crassio-
rem faciunt, ebullitionem tollunt.
fol. 244
Medela nulla ad putredinem cordis pa-
rari potest. 18
Medendi ratio non modo ad aegros cu-
randos, verum etiam ad sanos prae-
servandos dirigitur. 55

Melancolici minus peste tentantur quia
terream naturam sapiunt. 35
Mithridatium valentius quam theria-
ca, & quid praestet in morbis.
fol. 143
Mitis calor extra, intus vero exurens
pestilentem febrem arguit. 48
Morbi omnes pestilentes fieri possunt
non tamen pestis praeter febrem.
fol. 144
Morbi epidemici quo modo dividendi.
fol. 31
Morbi epidemici, non sunt perpetui.
fol. 46
Morbi endemij uni regioni proprii atque
perennes. 46
Morbi endemij a solo aqua & semine
fiunt. 3
Morbi communes communem causam
habent, ut sporadici a diversis causis
fiunt. 2
Morbi sporadici sepe transeunt in epi-
demicos & contagiosos. 3
Morbi sporadici dissimiles inter se. 3
Morborum nomina unde desumpta.
fol. 192
Morbilli non solum cuti sed etiam in-
ternis partibus adnascuntur. 225
Morbilli quo modo praecavandi. 226
Morbilli qui valde prominent a qua
causa fiant. 220
Morbilli duo tempora habent, alterum
ebullitionis, alterum exitus. 222
Morbillis quae magis in parata corpo-
ra. 224
Morbilli quando salubriores. 222
Morbilli bestimata dicuntur. 193
Morbilli aliquando herpes sunt di-
sti. 193
Morbilli Galeno & antiquioribus me-
dicis fuere noti. 194
Morbilli sub diversis generibus mor-
borum continentur. 195

Morbillorum

I N D E X

Morbilloꝝ definitio. 194
Morbilli an sine febre vagentur. 195
Morbilli ſemper cum putrida ſinocho.
ſol. 197
Morbilli non ſiunt per integram cri-
ſim. 201
Morbilli a quibus cauſis producantur.
ſol. 104
Morbilli durioreſ qualeſ verrucae medi-
camento emollire non debent perni-
cioſi enim ſunt. 255
Morbilli an omneſ neceſſario corripiaꝝ.
ſol. 205
Morbilli qui maturandi ſunt. 255
Morbilloꝝ exituſ partim naturalis,
partim contra naturam. 212
Morbilli interdum repetunt ex Anie.
& que ſit cauſa huiuſ. 213
Morbilli an habeant cauſam commu-
nem. 216
Morbilli abſynthij coma percutiendi.
ſol. 257
Morbilli quando acu perforandi ſint.
ſol. 257
Morbilli ſuppurati audacter rumpen-
di. 257
Morbillis declinantibuſ moriuntur egri.
ſol. 262
Morbilli quo modo exſiccandi poſt ſup-
puracionem. 258
Morbilli diuerſiſ temporibuſ diuerſimo
de curandi. 244
Morbilli vt citiuſ erumpant quid exhi-
bendum ſit. 246
Morbilloꝝ varia ſymptomata. 249

N

Nares ne ledantur a morbillis
 quo modo precauende. 254
Nervi leduntur a niue. 76
Nimiſ ferre ſamem ſeu inediaꝝ pati
non conuenit hiſ qui in peſtilenti

conſtitutione degunt. 87
Nine refrigerata potio quibuſ conue-
niet, & quo tempore. 75
Niuſ uſuſ articuloſ, neruoſ & viſce-
ra offendi. 76
Nix ledit eoſ qui otioſam vitam de-
gunt. 75
Nomen peſtilenſ ad multoſ morboſ ſe
extendit. 2
Nullam peſtem. abſque febre vagari.
ſol. 3
Nutrimetum ſetuſ excrementiſ vte-
ri admiſceatur. 211
Nutrimetum ſetuſ morbillorum cau-
ſa non eſt. 209

O

Oculi quo modo præſernandi ne a
 varioliſ inſiciantur. 251
Olea quibuſ lenitur corpꝝ ad peſtem
precauendam. 118
Oleum quodcumque morbilliſ nocuum
eſt. 258
Oleum contra peſtem quo modo opere-
tur. 119
Oleum ſulphuriſ contra peſtem, &
contra venena. 112
Oua in peſte an conueniant. 63
Qui albumen frigidum & ſiccum, vi-
telluſ vero ad calidum declinat.
ſol. 63
Oxirodiuum capiti dolenti applican-
dum vt materia repellatur quacum-
que ſit. 167
Oxirodiuum non applicandum in ca-
tarrho. 169

P

Panſ qualis eligendus & quamdiu
 ſeruandꝝ. 62
Parteſ vere ſolidæ ex ſemine ſunt vt
mi m carnoſe

I N D E X.

carnose ex sanguine.	214	Pillule contra pestem multis modis descriptæ.	108
Persica quatenus commendantur in mensa.	70	Pillule contra pestem qua ratione exhibenda.	109
Pestis quid sit.	7	Pillule manibus gestandæ in constitutione pestilenti.	117
Pestis num sine febre.	3	Pisces omnes frigidi, & humidi inter quos meliores maritimi.	64
Pestis proprie in febre consistit, & non est alius morbus.	4	Pituita multitudine molesta medicamento phlegmagogo ducenda est.	85
Pestis non fit illeſo eorde.	4	Plantæ pedum ex oleo tepido, & aqua calida ſonendæ si eructio morbillorum in his fiat.	155
Pestilens potest dici quicumque morbus non autem pestis.	4	Pororum obſtructionis morborum causa, & putredinis.	53
Pestis causæ multæ.	29.32.53	Potiones medicatæ vino proferendæ: sol.	74
Pestis non semper fit ab aere.	44	Potiones febrientibus commodæ.	227.173
Pestis Dei flagellum.	29	Potus quando conveniat.	74
Pestis differentia multiplices.	48	Potus febrientibus frigidus convenit actu & potentia.	173
Pestis quæ corpora magis parata sol.	54.52	Potus pro expellenda materia ad cutim.	247
Pestem tollimus Deum implorantes.	30	Potus aquæ frigidæ a principio morbillorum non inutilis.	244
Pestem præcauendi modus.	52	Potiones morbillis detentis accommodatæ.	236
Pestis nullo determinato morbi genere continetur.	7	Potiones quo tempore agri sunt incommodæ.	172.
Pestis aliquando a solo contagio, & non ab aere corrupto.	6	Prurigo quo modo fiat in variolis, & quo modo tollatur.	156
Pestis inter Romanos, & Laurentios populos exorta Deorum ira.	30	Pulvis contra pestem.	144
Pestis apud Romanos Deorum sacrificij expiata.	30	Pulvis pro sacculis cordialibus.	103
Pestis curatio non versatur circa causas externas tantum.	46	Pulveres contra pestem multiplices.	110
Pestis quo tempore magis timenda.	50	Pulmo ne lædatur a variolis.	254
Pesti præcauendæ conducit theriaca.	127	Pulsus in peste parvi frequentes, & noctu vehementiores.	49
Pestis bestica curationem non admittit.	128	Pulsus similes sanis bestica pestilentis signum & cur.	50
Pestis symptomata.	48	Purgatio totalis seu eradicatoria con-	flama-
Pili quomodo renascantur post casum a variolis.	276		
Pili cur non generentur in pueris si excrementis abundant in cuti.	218		
Pilorum ortus quo modo accelerandus.	268		

Ha materia fienda. 81
 Purgatio variatur pro temporum va-
 rietate. 83
 Purgatio a principio fienda si humo-
 res corrupti sint. 136
 Purgatio in quot casibus fieri expediat
 materia existente cruda. 137
 Pusillus in ore pestilentis febris indi-
 cium. 49
 Putredo contagij causa. 11
 Putredinis definitio. 9
 Putredo pestilens quas condiciones ha-
 bet. 11
 Putredo pestilens spiritus humores, &
 corpus inficit. 12
 Putredo pestilens semper in corde. 12
 Putredo quantumvis intensa nisi sit in
 corde aut in eo quod circumdat ip-
 sum pestem non parit. 12

Q

Quia ratione vana Deorum religio
 pestis fugari poterit. 30
 Qua ratione astra potius
 vnum quam alium locum immu-
 tent. 36
 Qua ratione magis bruta quam homi-
 nes, vel vice versa pestis offendant.
 fol. 36
 Qualitates occulte aliquid operantur
 contra manifestas qualitates. 69
 Qualitatum alia occulte alia mani-
 feste. 42
 Quando bruta magis peste corripian-
 tur. 36
 Quantitas sanguinis mittendi prae-
 scribi non potest sed a multis conditio-
 nibus determinatur. 82
 Quae spectanda in medicamento exhi-
 bendo. 136
 Quo modo se custodire debent qui cum
 peste affectis versantur. 127

R

Rationes quibus probatur sangui-
 nem menstruum non esse ean-
 sam morbillorum. 215
 Rationes ex Platone, approbandum ca-
 lestia corpora nec pestis nec vllius
 mali causam esse. 33
 Rationes ex Aristotile ad idem confir-
 mandum. 34
 Rationes quibus probatur aer non pos-
 se putrescere. 41
 Rationes quibus negatur venae sectio in
 peste. 133
 Religio gentilium quo modo pestem fu-
 garet. 30
 Resilitudo villorum semper seruanda
 dum venas secamus. 82
 Rectores Ciuitatum quid agere oporteat
 ad pestem praecauendam. 57
 Rigor quid sit. 198
 Rigor fit a causa calida, & frigida.
 fol. 199
 Rigor in tertiana a causa calida. 199
 Rigor cur non fiat in variolis. 200
 Robur agentis ad pestem producenda
 plurimam pollet. 52

S

Sacculi ex venenata materia contra
 pestem quo modo valeant. 114
 Sacculos ex venenata materia gestan-
 tes a laboriosa vita caueant. 117
 Sanguinis missio in morbillis tutior est
 quam purgatio. 228
 Sanguis an pueris tuto detrahi possit
 ante decimum quartum annum.
 fol. 239
 Sanguis cur non eadem mensura detra-
 hi possit qua detrahatur lac. 213
 Sanguis puerorum musto proportionem
 respondet. 204

<i>Sanguis menstruus non nutrit fetum:</i> fol. 205	<i>uities?</i> 30
<i>Sanguis quo nutritur fetus in utero sensim stillat, & attrahitur a fetu.</i> fol. 206	<i>Sincope quo modo curanda.</i> 165
<i>Sanguinis magna copia detrahebatur tempore Galeni ex vena secta.</i> 239	<i>Sinopsis inaccessione curatur dolorificis vinculis in summis artibus.</i> 165
<i>Sanguinis detractio repetita utilior.</i> fol. 83	<i>Singultus quid sit.</i> 180
<i>Sanguinis missio multiplex in cura pe- stis.</i> 133	<i>Singultus aqua calida placide digluti- ta curatur.</i> 180
<i>Sanguinis detractio per cucurbitulas ex cruribus salutare praesidium.</i> fol. 135	<i>Singula corporis partes quo modo mu- niende.</i> 120
<i>Sanguis mittendus ante quartam diem in variolis & copiose extrahendus.</i> fol. 242	<i>Sirupus contra pestem.</i> 106
<i>Senes peste minime leduntur.</i> 54	<i>Sitis in agris duobus modis curatur.</i> fol. 172
<i>Senibus theriaca utilis: pueris vero no- centissima.</i> 144	<i>Soles plures apparuerunt in peste.</i> 36
<i>Sectio vena tollit inflammationem cor- dis eiusque putredinem.</i> 133	<i>Somnus quo modo conciliandus.</i> 169
<i>Siccitas sterilitatem facit ac pestem producit.</i> 38	<i>Somnus profundior quo modo excitan- dus.</i> 169
<i>Signa pestis imminantis.</i> 46	<i>Somnus quo modo fiet, & quid prestet in nutrimento.</i> 76
<i>Signa pestis sumuntur ab his quae fiunt in sublimi.</i> 46	<i>Somni mensura septem horarum est.</i> fol. 76
<i>Signa pestis sunt si animalia amphibia aquam deferant, vel ab ea semoti pi- sces statim moriuntur & putrescant.</i> fol. 47	<i>Somnus quos morbos inducat.</i> 76
<i>Signa quae pestem pronunciant non illi- co sed plerumque post sextum men- sem illam indicant.</i> 47	<i>Somnus pomeridianus nocentior ce- teris.</i> 77
<i>Signa pestis praesentis sumuntur ab ei- us essentia quae est plurimos perde- re.</i> 48	<i>Sortitum est carnis succus praelo ab assa carne expressus.</i> 162
<i>Signa erumpentium morbillorum.</i> 201	<i>Spiritus vitales putrescunt in peste si ephemera est febris.</i> 12
<i>Signa in febre pestilenti hectica diffe- runt a ceteris.</i> 50	<i>Spiritus est primum animae instrumen- tum.</i> 27
<i>Signa patognomonica pestis sunt con- tagionum perniciēs, adenarum inflam- matio & symptomatum summa se-</i>	<i>Stellae comatae saepe apparent in peste.</i> fol. 36
	<i>Stellae comatae & cetera phenomena pe- stem quo modo producant.</i> 37
	<i>Stercus gallinae plurimum valet con- tra pestem.</i> 111. 145
	<i>Stillaticius liquor ex carne quo modo paretur.</i> 163
	<i>Sudor quibus prouocandus.</i> 139
	<i>Sudores diaphoretici circa cervicem fri- gidi perniciosi.</i> 49
	<i>Suffusus non temere parandus in pesti- lenti constitutione.</i> 60
	<i>Symptomata pestis quo modo curan- da?</i>

da. 42
Symptomata cur varia in peste. 49

T

Theriaca quid praestet contra venenum, & morbos. 142
Theriaca quo modo cognoscatur num vera aut adulterina, vel exoleta sit. fol. 142
Theriaca qua dosi exhibenda. 143
Theriace maior quantitas in curatione quam in praeservatione. 143
Terra Lemnia contra pestem exhibetur cum vino & aqua. 7
Tremotus a sideribus producuntur. fol. 35
Tremotus pestis *causa* non raro videntur. 40
Tremotus multi varijs temporibus fieri a quibus Ciuitates, & aedificia obruta. 40
Tempora anni quaecumque sint modo inconstantia, nec suam seruauerint constitutionem pestem produciunt. fol. 7
Tempus austrinum, vel a ventis intotum silens maxime pestem producit. 51
Tempus ad pestem producendum magis accommodatum est autumnus. fol. 50
Trochisci ad sitim tollendam. 162
Tumor v̄etris in morbillis perniciosus est signum. 223
Tumor in emunctorijs sedem affectam ostendit. 49

V

Vena secunda repetitis vicibus. fol. 243
Vena secta clyster injectus non inutilis.

fol. 83
Venę sectio praeservata peste, & morbis ubi multitudo molesta sit. 82
Vena mediana peritiam Chirurgi requirit in sectione. 82
Venę sectio posita a Marsilio copiosa apud Hispanos medicos. 134
Venę sectio in pestilenti putrida a quibus prohibetur. 130
Vena sectio non semper retrahit ab extra ad intra, sed aliquando expellit alieniata natura. 142
Venena erodentia etiam in parua quantitate perimunt. 147
Venena a tota substantia perniciose a cibis interdum refranguntur. 152
Veneno nemo nutriri potest. 130
Venenu veneno medela quo modo fiat. fol. 149
Venenum pestis quibus tollitur. 130
Venenum in peste a putredine pendet non a caeca causa. 50
Venenum intra corpus generatur ex corruptela humorum. 44
Venenata animalia duplici constans parte quarum altera legunt, sanant altera. 115
Venenata animalia non raro pestis initium dedere. 39
Vermes ex pulvere orti pestis initium. fol. 89
Vestes eorum qui peste tentantur comburendę sunt. 125
Vestes sericeę prestantiores, in peste deterrime pelliceę. 127
Vestes & suppellectilia quo modo expurganda. 125
Vexicatorium quale parandum sit. fol. 171
Victus ratio omnibus praesidijs ante ferenda. 171
Vinum vetus quot annorum sit. 73
Vinum quo modo diluendum. 73

Vinum

I N D E X

<i>Sanguis menstruus non nutrit fetum:</i>	<i>uities.</i>	30
fol. 205	<i>Sincope quo modo curanda.</i>	165
<i>Sanguis quo nutritur fetus in utero</i>	<i>Sinopsis inaccessione curatur dolorificis</i>	
<i>sensim stillat, & attrahitur a fetu.</i>	<i>vinculis in suminis artibus.</i>	169
fol. 206	<i>Singultus quid sit.</i>	180
<i>Sanguinis magna copia detrabebatur</i>	<i>Singultus aqua calida placide digluti-</i>	
<i>tempore Galeni ex vena seſſa.</i>	<i>ta curatur.</i>	180
239	<i>Singula corporis partes quo modo mu-</i>	
<i>Sanguinis detractio repetita vtilior.</i>	<i>nienda.</i>	120
fol. 83	<i>Sirupus contra pestem.</i>	106
<i>Sanguinis missio multiplex in cura pe-</i>	<i>Sitis in agris duobus modis curatur.</i>	
<i>stis.</i>	fol. 172	
133	<i>Soles plures apparuerunt in peste.</i>	36
<i>Sanguinis detractio per cucurbitulas</i>	<i>Somnus quo modo conciliandus.</i>	169
<i>ex cruribus salutare praesidium.</i>	<i>Somnus profundior quomodo excitan-</i>	
fol. 135	<i>du.</i>	169
<i>Sanguis mittendus ante quartam diem</i>	<i>Somnus quo modo fiet, & quid praeslet</i>	
<i>in variolis & copiose extrahendus.</i>	<i>in nutrimento.</i>	76
fol. 142	<i>Somni mensura septem horarum est.</i>	
<i>Senes peste minime laeduntur.</i>	fol. 76	
74	<i>Somnus quos morbos inducat.</i>	76
<i>Senibus theriaca vtilis: pueris vero no-</i>	<i>Somnus pomeridianus nocentior ce-</i>	
<i>centissima.</i>	<i>teris.</i>	77
144	<i>Sortitum est carnis succus praelo ab</i>	
<i>Seſſio venae tollit inflammationem cor-</i>	<i>assa carne expressus.</i>	162
<i>dis eiusque putredinem.</i>	<i>Spiritus vitales putrescunt in peste si</i>	
133	<i>ephemera est febris.</i>	12
<i>Siccitas sterilitatem facit ac pestem</i>	<i>Spiritus est primum animae instrumen-</i>	
<i>producit.</i>	<i>tum.</i>	27
38	<i>Stellae cometae saepe apparent in peste.</i>	
<i>Signa pestis imminantis.</i>	fol. 36	
46	<i>Stellae cometae & cetera phenomena pe-</i>	
<i>Signa pestis sumuntur ab his quae fiunt</i>	<i>stem quo modo producant.</i>	37
<i>in sublimi.</i>	<i>Stercus gallina plurimum valet con-</i>	
46	<i>tra pestem.</i>	111. 145
<i>Signa pestis sunt si animalia amphibia</i>	<i>Stillaticius liquor ex carne quo modo</i>	
<i>aquam deferant, vel ab ea semoti pi-</i>	<i>paretur.</i>	163
<i>ſces statim moriuntur & putrescant.</i>	<i>Sudor quibus prouocandus.</i>	132
fol. 47	<i>Sudores diaphoretici circa cernicem fri-</i>	
<i>Signa quae pestem pronunciant non illi-</i>	<i>gidi perniciosi.</i>	49
<i>co sed plerumque post sextum men-</i>	<i>Suffitus non temere parandus in pesti-</i>	
<i>sem illam indicant.</i>	<i>lenti constitutione.</i>	60
47	<i>Symptomata pestis quo modo curan-</i>	
<i>Signa pestis praesentis sumuntur ab e-</i>		da
<i>ius essentia quae est plurimos perde-</i>		
<i>re.</i>		
48		
<i>Signa erumpentium morbillorum.</i>		
201		
<i>Signa in febre pestilenti beſſica diſſe-</i>		
<i>runt a ceteris.</i>		
50		
<i>Signa patognomonica pestis sunt con-</i>		
<i>tagionum perniciēs, adenarum inflam-</i>		
<i>matio & symptomatum summa se-</i>		

da. 49
Symptomata cur varia in peste. 49

T

Theriaca quid praestet contra venenum, & morbos. 142
Theriaca quo modo cognoscatur num vera aut adulterina, vel exoleta sit. fol. 142
Theriaca qua dosi exhibenda. 143
Theriaceq; maior quantitas in curatione quam in praeservatione. 143
Terra Lemnia contra pestem exhibetur cum vino & aqua. 7
Tremotus a sideribus producuntur. fol. 35
Tremotus pestis causa non raro videntur. 40
Tremotus multi varijs temporibus fieri a quibus Ciuitates, & adificia obruta. 40
Tempora anni quaecumque sint modo inconstantia, nec suam seruauerint constitutionem pestem producunt. fol. 7
Tempus austrinum, vel a ventis intotum silens maxime pestem producit. 51
Tempus ad pestem producendum magis accommodatum est autumnus. fol. 50
Trochisci ad sitim tollendam. 162
Tumor vetricis in morbillis perniciosus est signum. 223
Tumor in emunctorijs sedem affectam ostendit. 49

V

Vena secunda repetitis vicibus. fol. 243
Vena secta clyster injectus non inutilis.

fol. 83
Venę sectio praeseruat a peste, & morbis ubi multitudo molesta sit. 82
Vena mediana peritiam Chirurgi requirit in sectione. 82
Venę sectio posita a Marsilio copiosa apud Hispanos medicos. 134
Venę sectio in pestilenti putrida a quibus prohibetur. 130
Vena sectio non semper retrahit ab extra ad intra, sed aliquando expellit alieniata natura. 142
Venena erodentia etiam in parua quantitate perimunt. 147
Venena a tota substantia perniciose a cibis interdum refranguntur. 152
Veneno nemo nutriri potest. 130
Venenu veneno medela quo modo fiat. fol. 149
Venenum pestis quibus tollitur. 130
Venenum in peste a putredine pendet non a caeca causa. 50
Venenum intra corpus generatur ex corruptela humorum. 44
Venenata animalia duplici constant parte quarum altera legunt, sanant altera. 115
Venenata animalia non raro pestis initium dedere. 39
Vermes ex puluere orti pestis initium. fol. 89
Vestes eorum qui peste tentantur comburendę sunt. 125
Vestes sericeę prestantiores, in peste deterrime pelliceę. 127
Vestes & suppellectilia quo modo expurganda. 125
Vexicatorium quale parandum sit. fol. 173
Victus ratio omnibus praesidijs ante ferenda. 171
Vinum vetus quot annorum sit. 73
Vinum quo modo diluendum. 73
Vinum

INDEX.

<i>Vinum in pestilenti constitutione an conueniat.</i>	70	<i>dis pestem comitantur.</i>	42
<i>Vinum in variolis omittendum.</i>	236	<i>Vomitus cucurbitula inbibetur si sto- macho affigatur.</i>	176
<i>Vinum peste laborantibus aliquando propinandum.</i>	164	<i>Vomitus non statim cohibendus.</i>	176
<i>Vipera quę momordit valentior antido- tus ad suum morsum ceterę vero nō inutiles.</i>	116	<i>Vrina in bectica pestilenti similis vri- nis sanorum.</i>	50
<i>Viscum quercinum promocat sudorem & ephemeram pestilentem tollit.</i>	132	<i>Vring inequales, & varię in peste. fol.</i>	49
<i>Vitam sedentariam degentes velociter peste corripuntur.</i>	55	<i>Vtero gerentes peste corripuntur ob crudorum humorum copiam non pro- pter retenta menstrua.</i>	54
<i>Vitiati fructus, & alimenta in mensa non admittenda.</i>	70	<i>Vtrum loca montosa, vel humilia ma- gis salubria sint.</i>	61
<i>Voluuli maligni cum egestionibus sati-</i>		<i>Vtrum acria sumenda in pestilenti constitutione.</i>	62
		<i>Vtrum conueniat exercitatio.</i>	77













